

玉皇本行集經序

文昌帝君曰天人不外一理古今祇此一心若理之所不順卽心之所不安雖帝典王謨不妨修飾之潤色之期於理順心安而止

玉皇本行集經由洞玄而變爲高上累經筆削率土善信俱奉爲作聖之階梯成真之津筏矣然大文不無傳習之訛註疏亦多謬解之弊以致辭意矛盾章節混淆有心斯道者斷不容不稍爲參酌者也是刻謹照 九天秘書玉函正文共訂政一百十八字詞取其顯意取其明分章分節脈絡貫通計亦就經解經不落玄杳虛無陋習學者試取世本同觀而共玩焉孰得孰道藏輯要

本行集經序

箕集

失不待言而自明倘仍執一成之見謂經不當改而改經者之

適足以取罪則是天人有異理古今有異心矣斷乎不然

玉皇本行集經序

孚佑帝君曰經以載道有經而道始顯註以闡經有註而經始明道固賴有經也而經尤賴有註欲道顯而經明舍註無由也玉皇本行集經所言者盡人合天之功成已成物之理其意深其旨遠苟非有註以表章之則後學之人何所緣而入聖真之路乎然行遠者必先自邇登高者必先自卑置其卑者邇者而圖其高者遠者玄門中無躡等之學也蓋作經者有文中之意有意中之文以在天之

玉皇譬在人之玉皇心之有主者卽爲帝座身之從令者便是諸真此文中之意高且遠者也

道藏輯要

本行集經序

二

箕集一

天尊憑几而錫命清眾侍側而請業放十七大光明聖凡解脫成三十種功德人鬼超昇此意中之文邇且卑者也卑邇者人之所可知高遠者人之所不可知發明其所可知俾讀者了然於心目之間而其所不可知者俟讀者靜會於言之外層累而升由漸而入則道於此顯經於此明成眞作聖於此而得路若夫侈陳虛無高談渺冥叢雜蕪穢使誦習之士煩悶厭倦拵卷而不欲竟其觀殊非覺源諸子付梓之心亦非予傳註之心也刻成行世願清淨身心虔誠諷誦仰叨上帝鑒觀福有攸歸矣

重刊道藏輯要

高上玉皇本行集經

文昌帝君

合注

李佑帝君

持誦儀式

凡誦經者必先齋沐盥漱嚴整衣冠至心誠意絕念忘情於
淨室中思真如對或北面長跪或東向端坐然後朗誦

淨心神咒

太上台星 應變無停 驅邪縛魅 保命護身 智慧明淨

心神安甯 三魂永久 魄無喪傾

道藏輯要

本行集經

一

真集一

淨口神咒

丹朱口神 吐穢除氛 舌神正倫 通命養神 羅千齒神
卻邪衛真 喉神虎賁 氣神引津 心神丹元 令我通真
思神鍊液 道炁常存

淨身神咒

靈寶天尊 安慰身形 法子魂魄 五臟玄冥 青龍白虎
隊仗紛紜 朱雀玄武 侍衛我真

安土地神咒

元始安鎮 普告萬神 嶽瀆真官 土地祇靈 左社右稷
不得妄驚 同向正道 內外澄清 各安方位 備守壇庭

太上有命 搜捕邪精 護法神王 保衛誦經 皈依大道
元亨利貞

淨天地神咒

天地自然 穢氣分散 洞中玄虛 晃朗太元 八方威神
使我自然 靈寶符命 普告九天 乾羅怛那 洞罡太玄
斬妖縛邪 度人萬千 中山神咒 元始玉文 持誦一遍
卻病延年 按行五嶽 八海知聞 魔王束首 侍衛我軒
凶穢消散 道炁常存

金光神咒

天地玄宗 萬炁本根 廣修億劫 證吾神通 三界內外

道藏輯要

本行集經

二

箕集一

惟道獨尊 體有金光 覆映吾身 視之不見 聽之不聞
包羅天地 養育羣生 誦持萬遍 身有光明 三界侍衛
五帝司迎 萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五炁騰騰 金光速現
覆護真人

祝香神咒

道由心治 心假香傳 香熱玉爐 心存帝前 眞靈下盼
仙旆臨軒 令臣關告 徑達三天

集靈神咒

琳琅振響 世界肅清 河海靜默 山嶽吞雲 五靈合炁

三辰吐芬 昊天勅命 召集羣真 十方大帝 兵馬紛紜
率領部眾 環列壇庭 神王侍衛 威將隨臨 鬼精滅爽
邪魔摧傾 天無雜穢 地鮮妖氛 空明洞慧 上達玉京
開經偈

寂寂至無踪

虛峙劫仞阿

豁落洞玄文

誰測此幽遐

一入大乘路

孰計年劫多

不生亦不滅

欲生因蓮花

超凌三界途

慈心解世羅

真人無上德

世世爲仙家

道藏輯要

本行集經

三

冥集一

玉光普照天尊

三稱

長跪禮奉

仰啟三清境

無上三寶尊

仰啟大羅天

無上玄穹主

仰啟三清界

侍宸諸真眾

妙道難思議

造入資玄門

妙經扶玄蘊

導引塵迷趣

臣今淨三業

口誦及心持

惟願大慈悲

開受臣所請

慈光燭卑賤

聰聽聆旨聲

願臣諷誦時

響徹十方界

成就一切願

如經所稱述

從此漸進修

成道事諸聖

仰啟上告也三清境玉清聖境上清真境太清仙境三寶尊
元始爲天寶尊道君爲靈寶尊老君爲神寶尊無上無可加
也大羅天至大之天玄穹主諸天之主稱玉帝也帝居曰
宸玉帝爲萬天之尊則所居曰宸宜也諸真眾天真大聖
神王靈童玉女皆是挾者決也如決水之流放乎四海也此
言玉帝之至妙大道不可思議皆由真知力行造入玄妙
之門也妙經謂此經也玄蘊云者挾出玄奧之蘊導引塵俗
道藏輯要

本行集經

四

箕集一

川上支

迷人脫其業趣也臣誦經者自稱也三業身口心之業也口
中諷誦心中受持惟願玉帝垂大慈悲受其所請慈光照
及卑賤神聰聆其音聲且願諷經之法音響徹十方諸界成
就一切善願如經中所稱述而從此漸次進修得成大道以
奉事三清玉帝諸真眾也

至心皈命禮

至心乃誠恪不二之
意世本作志心者非

玉清聖境清微天宮鬱羅蕭臺之中森羅淨靈之上現有爲之
梵相具無極之神通敷演真玄破無有色空之礙拯提趣類絕
智愚高下之分妙用難窺靈機罔測大悲大願大聖大慈無量
度人元始天尊

玉清如玉之清 元始所處之境也清者纖塵不染微者微渺無際 元始所居之宮也芳鬱疎羅蕭然真清 元始所坐之臺也但見萬象森然羅列於下而其境其宮其臺淨靄幽深而處乎其上焉現有作爲之妙相具無窮極之神通敷宣演說至真玄理點破世間一切障礙拯提世間一切品類有與色指現在言無與空指未來言四者皆心之累智愚以姿質言高下以地位言拯提絕無分別也其妙用無方難以窺視其靈機活潑難以測度大悲憐世心切也大願志願無窮也大聖聖中之極也大慈撫育羣生也無量度人接引無限量也元大也始初也天尊諸天所共尊也

道藏輯要

本行集經

五

箕集一

至心皈命禮

上清真境禹餘天宮紫微瓊臺之中玄都玉京之上接元始虛皇之統系超西那玉國之根苗入黍米珠盡挹真玄之精粹在香林苑屢談秘要之筌蹄妙德難思神通莫擬大悲大願大聖大慈無量度人靈寶天尊

處上清至真之妙境居禹餘元白之天宮萬寶莊嚴高而莫並體元行化接 元始虛皇之統系也西那玉國爲 玉帝降生處卽光嚴妙樂國也 靈寶天尊抱送 玉帝是玉國根苗由 靈寶天尊而起也黍米成珠盡挹真玄而得其精粹香林作苑屢談秘要而發其筌蹄妙德難以思維神通莫

可比擬大悲大願大聖大慈無量度人是爲靈寶天尊謂靈運道寶也

至心皈命禮

太清仙境大赤天宮巍巍金闕之高渺渺瓊霄之上降生於無量數劫說法於萬二千天五千秘言融三才之妙道八十餘度接六趣之眾生聖德崇高玄功廣博大悲大願大聖大慈無量度人降生天尊

太清仙境玄光之顯著也大赤天宮彩霞之徧覆也巍巍乎金闕之高而無倫渺渺乎瓊霄之上而莫並化身無量數劫降生何其神也談道萬二千天說法何其廣也五千秘言融貫乎天地人三才之妙道八十一化接引乎天人魔鬼獄畜六等之眾生聖德崇高玄功廣博大悲大願大聖大慈無量度人是爲降生天尊謂生生不息也

至心皈命禮

妙有真境彌羅上宮曩示現國王之身卽根本帝尊之質始相湛寂實至玄至妙以難言嗣位繼傳妙無等無倫而相踵聖父之慈悲父至尊之最上尊稱讚難窮皈依莫盡大悲大願大聖大慈光嚴妙樂國王聖父天尊

妙有一字承上三清境來謂三清境尙屬虛無至此始有象可憑而所有仍介虛無故曰妙有彌無所不到羅無所不包

現示國王之身植根 玉帝之質得道化之始具聖神之相
湛然常清寂然常靜玄遠神妙難以言形嗣位繼傳德莫與
並誠聖父之慈悲父至尊之最上尊也此聖父至尊對 玉
帝而言下聖父天尊方稱妙樂國王

至心皈命禮

妙有真境彌羅內宮慈顏烜春日之和懿範凜秋霜之肅純全
梵炁先天地以素存化現妙身歷后妃而示應具一炁胚胎之
始寓帝身生化之殊萬化祖根眾生慈母大悲大願大聖大慈
寶月光皇后聖母元君

天地以素爲質聖母純全真炁先天地而存其素也胚胎氣

道藏輯要

本行集經

七

箕集一

初立也胎形氣稍全也具一炁胚胎之始者具坤元真炁胚
胎 帝身之始也寓 帝身生化之殊著 玉帝道身生化
寓於聖母而顯其殊異也蓋 玉帝分萬化統眾生皆由聖
母誕生謂非萬化祖根眾生慈母乎

至心皈命禮

紫金金闕白玉玉京住妙有之境中處玄真之天上功成道備
故妙相卓冠於諸天心廣體胖故慈光徧燭於三界位尊而上
極無上道妙而玄之又玄真聖宗師天人依仗大悲大願大聖
大慈穹蒼聖主玉皇大天尊

紫金白玉謂 玉帝京闕神光寶色與金玉無二非真金玉

也普度功成至真道備故妙相莊嚴卓然冠乎諸天廣寬平也胖安舒也光燭三界事見後文上極無上位尊無比之稱立之又立道高難窮之謂穹蒼諸天總名此讚 玉帝體統之尊

至心皈命禮

光嚴國內妙樂土中聖母凝神夢於虛無道君授玉質於恍惚慈愛和遜弗貪萬乘之尊榮忍辱仁柔不憚億劫之修累功高無比德重難踰大悲大願大聖大慈現無量功德之身玉皇大天尊

聖母感異夢而生 玉帝本屬玄妙故云虛無道君以金嬰

道藏輯要

本行集經

八

箕集一

而昇聖母本屬杳冥故云恍惚慈愛和遜不貪君位之尊崇榮貴忍辱仁柔不憚億劫之修德累功無量功德卽蕩蕩無能名之謂宜乎果證玉帝也此讚功德之大

至心皈命禮

尊居帝位高處天宮徧遊於一切白玉京中普現於十方黃金闕內定而能應去來自在以無拘合而可分變化圓通而莫測演清淨解脫之道濟沉迷憂苦之徒自然而然非識可識大悲大願大聖大慈現清淨自然之身玉皇大天尊

定不動也能應隨事順應也以心言卽大學定靜安慮之意來去自在無有拘束以身言卽中庸無入不自得之意合則

爲一分則爲萬變化圓通莫可測度卽孟子左右逢原之意
演清淨解脫之道濟沉迷憂苦之徒皆出自然不假勉強非
尋常所可測識清淨自然卽不思不勉從容中道之謂此讚
聖德之純

至心皈命禮

昔爲王嗣苦建玄功三千餘劫之修行有如一曰億萬生靈之
拯度廣及十方雖法身由胎臟之胚暉諒聖體本道原之變化
不壞不滅杳亡杳存大悲大願大聖大慈現神明堅固不壞眞
空無上法身玉皇大天尊

昔爲光嚴之嗣苦積無量之功三千餘劫之修行有如一曰

道藏輯要

本行集經

九

箕集一

×〇〇〇

而不改億萬生靈之拯度廣及十方而無遺雖法身根諸聖
母出於胎臟之胚暉而聖體從來未有實本道原之變化終
不壞永不滅杳無而實有杳存而若無惟神明斯以存亡莫
測大而化也惟堅固所由永無壞滅金剛身也非聖體之眞
空何能如是無上法身卽無等無倫之謂此讚聖果之久

長跪懺悔

臣等自從無始劫 無明煩惱覆眞心 常行殺盜與邪淫
兩舌妄言並綺語 誹謗大乘眞正教 鬪亂親朋離間人
貪嗔癡暗縱三心 喜怒愛惡增七慢 慝劫罪根難記憶
多生業垢莫能量 皈依上聖大慈悲 發露眞心伸懺悔

萬劫千生諸罪垢 願從懺悔盡消除 將此身心奉上真
惟願罪根悉原宥

無始劫無始以來之劫數也無明心昏昧也煩惱煩亂懊惱
也覆如物之蒙覆也心有所覆故或行殺盜或行邪淫或兩
舌而搬說是非或綺語而巧言亂聽或造言誹謗儒釋道大
乘之正教或鬪亂親朋之情分或離間人家之骨肉或貪求
無厭或嗔恨不休或癡迷不悟暗縱其三心或遂意而喜或
拂心而怒或愛有所偏或惡有所僻連上三心共成七慢歷
劫罪根難以記憶多生業垢莫能稱量今既皈依上聖發露
改過之真心願所作罪垢從此消除將此現具身心永奉上
真而原宥已往之罪根焉

道藏輯要

本行集經

十

箕集一

至心發願

願眼常覩玉毫相 願耳常聞說法聲 願鼻常嗅眾妙香
願舌常讚無上道 願身不染邪淫穢 願意常存正信心
發願上報四重恩 發願下濟三塗苦 廣運慈悲憐一切
廣行方便度眾生 仰惟玉帝大慈悲 加護願心悉成就
玉毫相玉毫光中之妙相說法聲真聖說法之妙音眾妙香
眾聖身中自然之香無上道至極無可復加之道不染邪淫
別心正矣常存正信則意誠矣四恩天地日月皇王父母也
二塗色塗愛塗貪塗也苦心神形三重之苦也願廣運此本

然之慈悲大行方便普度眾生倘非玉帝加意保護則此願何能成就乎

至心朝禮

太上無極大道

三十六部尊經

玄中大法宗師

玄蘊咒

大哉元始 無量度人 演清淨教 登引天真 玄座說法

寂然無聲 玉帝放光 喜慶難言 是爲心傳 赤曰天根

大圓滿咒 瑤章洞文 集以成書 敷落神真

道藏輯要

本行集經

上

箕集一

大哉 元始天尊其度人之心殆不可限量也演清淨之教

登進接引乎天真玄座說法寂然無聲言 天尊說法之妙

聞者皆莫能讚一詞也當 玉帝放光諸天喜慶之時 天

尊乘機應會演此妙經旣爲歷聖之心傳亦卽造化之根柢

大圓滿咒舉集中最要者而言瑤章洞文瓊瑤之章大洞之

文也集以成書者集 玉帝之功行暨諸真之請問以成一

書也敷落神真者敷布落成登引神真垂至教於無窮也

臣 今東向誦 願與天齊并 存亡俱證果 永度愛河津

東爲甲木萬類之生方也於時爲春於卦爲震皆發榮揚厲之候故誦宜東向也東向坐誦願化身如天之久遠而存者

亡者悉成道果永出愛河之迷津則注想稱揚豈容已乎

注想 金容稱揚 寶誥

至心皈命禮

太上彌羅無上天妙有玄真境渺渺紫金闕太微玉清宮無極
無上聖廓落發光明寂寂浩無宗玄範總十方湛寂真常道恢
漠大神通玉皇大天尊玄穹高上帝

太上太虛也彌羅無上天無極至上之天也玄真境玄象變
化之真城也渺渺無際之意太微玉清宮 玉帝所居之宮
太上玄微絕無塵染也無極以道言無上以位言廓落崇閑
光明顯著又寂寂然不可測識浩浩然無有根柢也玄範總

道藏輯要

本行集經

三

箕集一

川又川

十方道範爲十方之主也湛寂真常道湛清寂靜真常不可
移易之道也恢漠大神通恢恢無量漠漠無朕最大之神通
也 玉帝爲萬天之尊故曰高

每誥句貫聖號計十拜或諷全誥畢禮聖號九拜北向跪諷
東向坐諷皆可

開經讚

大極分高厚 輕清上屬天 人能修至道 身迺作神仙
行滿三千數 時丁四萬年 丹臺開寶笈 金口永流傳
大聖玉皇赦罪大天尊 三稱三拜

重刊道藏輯要

箕集一

高上玉皇本行集經卷上

清微天宮神通品第一

爾時

元始天尊在清微天中玉京金闕七寶玄苑 玉皇宮殿陞光明座與無鞅數眾宣說靈寶清淨真一不二法門

爾時此經將演之時也清微天中乃 元始天尊所居之處而曰 玉皇宮殿者 玉皇之行宮寄在清微天也白玉爲京黃金爲闕七寶爲苑是時 元始天尊居 玉皇宮殿陞大光明寶座與無量真眾宣說玄靈妙寶清淨不染至真玄

道藏輯要

本行集經

三

箕集一

一無間無雜不二之法門七寶者碧土瑤階丹陛琉璃宮虬文壁白玉城金光色是也或謂金闕玉京惟 玉帝有之似於清微天無涉殊不知 元始寶號原稱金闕上帝則金闕玉京原在清微天內矣而 玉帝誥內亦稱太微玉清宮則夫玉清聖境 玉帝獨無行殿乎第玉清境妙於虛彌羅天妙於有也下文夜光玉女節亦有三清境界金闕玉京則可知統同而不得專屬矣只味一虛字有字便自豁然

是時

玉皇尊帝與諸天眞飛天大聖無極神王靈童玉女九千萬人清齋建節侍在側焉

天真天仙真人也飛天大聖飛昇於天之大聖也無極神王
三千大千無窮極之神王也靈童玉女得少陽少陰之真炁
者也九千萬人言其眾也凡此皆持清齋建寶節相率而侍
光明座之側焉侍側統 玉帝在內蓋 元始爲造化之祖
玉帝雖尊亦在弟子之列故侍側

於是 玉帝知時欲至卽於會前舉六通力放大光明徧照諸
天無極梵剎一切境界皆大震動十方無極一切世界俱同瑠
璃玻瓈無有隔礙

玉帝知傳經之時已至卽於 元始會前彰舉視通聽通神
觸通神會通夙神通豫照通六等之法力放至大之光明徧

道藏輯要

本行集經

西

箕集一
X118

照諸天之玄梵宮剎一切神真之境界皆震驚聳動極十方
一切仙佛之世界俱同瑠璃玻瓈之光明瑩徹而無一毫之
隔礙焉

十方聖眾並乘五色瓊輪琅輿碧輦九色玄龍十絕羽蓋麟舞
鳳唱嘯歌雖靈妃散花金童揚烟讚詠洞章浮空而來

於斯時也十方聖眾並乘五色瓊玉之輪琅玕之輿蒼碧之
輦駕九色玄化之神龍建十絕所無之羽蓋十絕謂上下八
方之盡處麒麟鳳凰舞唱前導嘯聲和雅如歌音之婉轉隨
侍之靈妃金童或散布奇花或揚拂爐烟讚詠大洞寶章同
護仙駕浮空而來集帝京焉蓋爲帝光之所被者如此此指

眾仙言

是時梵天一切金仙大乘菩薩四眾八部承斯光照皆乘金碧飛雲玉輿九霞流景慶霄四會三辰吐芳飛香八湊旋繞道前雨眾妙花如雲而下徧覆會前

不但此也又見梵天一切大覺之金仙了悟大乘之菩薩天神魔鬼之四眾天龍之八部承 帝光之照皆駕金碧飛雲之寶輿披九霞之彩服霞有九色流散妙景如綵服之絢爛也慶霄四會乘吉慶之良霄四方來會也霄與霄同三辰日月星也吐芳飛香蓋三辰得陰陽之真炁有自然之芳香也八湊八方眾聖一時環湊也雨落奇花如雲垂下此眾聖各

道藏輯要

本行集經

卷

箕集一

八ノリ

顯神通也蓋爲 帝光之所被者又如此此指諸佛言

是時 帝光徧照諸天下燭十方無極世界同玄都境凡彼人間上近九天通接交連至親至邇凡彼下方無極世界山陵坡坂溝澗谿谷緬平如掌六合至邇三境非遼天寶臺殿星羅人間瓊瑤瑰玉朗耀雲衢七寶欄檻以界道路玉樹仙花精燦珠實景秀丹田芝草綿覆

是時 玉帝之光既上照乎諸天而無不徧自下燭乎世界而無不周上天下地晶瑩澄徹同於玄都之境 玉帝所居人所難到故曰玄都人間地處至卑承斯光照與九天通明相接交互連合極其親近如地中高大之山陵崎嶇之坡坂

汗下之溝澗谿谷一經 帝光緬然平正如掌六合之大至
邇也三清之境非遙也諸天珍寶之臺殿如星辰之羅布於
人間臺殿中瓊瑤瑰玉燦然朗耀於雲衢七寶之欄楯橫豎
分界乎道路瓊枝之玉樹奇瑞之仙花莫不呈妙景吐異秀
丹田中之靈芝瑤草如綿之徧覆而下界無不見焉此節極
形 帝光下照之妙徧照諸天句承上說下是過脉語不重
時彼下方皆見諸天鈞天妙樂隨光旋轉自然振響又復皆見
鸞嘯鳳唱飛鳴應節龍戲麟盤翔舞天端諸天寶花零亂散落
徧滿道路是時凡聖駭異幽暗開光天人悅慶踴躍歡欣凡夫
學士盡得飛昇仰觀劫仞寶臺俯眄紫雲彌羅是諸世界一切
道藏輯要 本行集經 去 箕集一

人民咸臻道炁白首皺面皆得化度紺髮朱顏少壯幼稚轉增
形容光澤美好苦惱痊平普蒙解脫安樂快然天下歌謠欣國
太平

上節言天人通接交連下方之人既見臺殿瓊瑰等類已又
見諸天所奏之樂隨 帝光旋轉自然聲振音響天上之樂
不調自勻故曰鈞天祥鸞靈鳳飛鳴悉應乎節奏神龍瑞麟
翺翔戲舞乎天端諸天所散之寶花絡繹繽紛充塞乎道路
此時凡夫聖人無不駭異幽陰之所黑暗之處無不開光天
上人間無不喜樂無知之凡夫學道之士人無不飛昇仰焉
觀劫仞高隆之臺八尺曰仞累劫不壞故曰劫仞俯焉眄紫

雲彌羅之境是諸世界一切人民不已同臻道域乎但見白
首皺面之老得 帝光化度變爲紺髮朱顏少壯幼稚之人
轉增形容而光澤美好眾苦諸惱痊泰安平盡皆解脫天下
熙熙皞皞而享太平之福焉此節極形 帝光度人之妙
當邇之時神風遐著萬炁揚津天震地裂枯骨更生沈尸飛魄
皆得復形鄆都鐵圍長夜九幽卽時破壞地獄苦魂化生諸天
三惡道苦一時解脫時諸罪眾以斯光力得生十方諸大天宮
當斯時也 帝之神風遐邇皆著太和洋溢萬炁皆發揚津
潤天震而風雨節寒暑時焉地裂而五穀成百貨出焉已枯
之骨更得回生沉滯之尸飛散之魄皆復原形鄆都大鐵圍
山大鐵圍城冥冥長夜黑暗九幽卽時破壞地獄受苦之魂
化生諸天而在地獄餓鬼畜生三惡苦道中者莫不解脫是
時受罪等眾仰仗 帝光得生諸大天宮此一節極形 帝
光度鬼之妙

道藏輯要

本行集經

老

箕集一

爾時 玉帝卽分其身徧於十方諸大天宮令諸天宮自然化
現白玉爲京黃金爲闕七寶玄苑大光明殿具光明座幢節旛
蓋異寶奇花徧布是處爾時 玉帝卽以所分之身徧於是處
白玉京中黃金闕內七寶玄苑大光明殿光明座上普爲十方
演說清淨解脫之道

人鬼胥度之後 玉帝更分化法身徧及於諸大天宮令諸

大天宮自然現出白玉京城黃金闕庭七寶玄苑大光明殿
大光明座法幢旌節龍旛華蓋珍異之寶奇麗之花徧布是
處且以所分之身徧在諸大天宮玉京金闕玄苑之中御大
光明殿陞大光明座普爲十方罪眾演說眞清眞淨悟解超
脫之道

時化 玉帝各以無量天真大聖妙行眞人靈妃玉女侍列左
右是諸玉女顏容姝妙端麗奇特天珍異寶莊嚴身相言音清
徹眾所樂聞是諸玉女其身復出微妙解脫自然之香是香芬
馥周遍諸天極妙樂土及諸大地一切福處

妙行功行已臻神妙故稱眞人姝妙姣好也奇特出眾也自

道藏輯要

本行集經

六

箕集一

天川文

然之香身所自具非尋常蘭麝也福處聚福之處也此節略
言天真大聖而獨詳玉女者以天真大聖人所習聞玉女之
神通則未之知也故詳言之且其身胡爲而有香胡爲而出
微妙解脫自然之香是皆 玉帝沉浸濃郁本大神通而醞
釀於玉女之身玉女又能修諸妙行有以承受而發越之故
其香於以周遍而廣覆也

六道一切眾生聞是香者普蒙開度所謂天道人道魔道地獄
道餓鬼道畜生道若諸天道一切天人或有能聞是此香者五
衰四相永得消除轉增天福若諸人道王臣兆庶或有能聞是
此香者卽得人天長壽之樂身或滅度乃得脫殼尸解之道若

諸魔道一切諸魔或有能聞是此香者安處天宮鬪戰之苦各得休息若諸地獄道一切罪魂或有能聞是此香者離地獄苦得淨土樂若諸餓鬼道一切餓鬼或有能聞是此香者卽得飽滿無饑渴惱若諸畜生道一切畜生或有能聞是此香者脫畜生苦得智慧樂

六道猶六路也天道有六等卽佛典所謂界也一曰色界二曰欲界三曰無色界四曰無欲界五曰清靜界六曰香馥界凡生前作善淺深沒後生天卽視其淺深而各置一路香馥界乃最上之一路也天人非天仙真人乃止知修善不明大道故雖生天而未能免劫者天福享盡卽入輪迴五衰耳聾

道藏輯要

本行集經

九

箕集一

目瞶腰痠手卷腳軟四相羸瘦困憊鬚髮白面顏龍鍾天福增則無是患矣人天長壽之樂者在人爲地行之仙在天爲不壞之身也滅死也度超脫也蓋人之有身猶物之有殼聞玉女自然之香卽得超脫猶物之脫殼而羽化也諸魔如修羅夜叉等類北陰山六洞天宮魔王所居之處常好鬪戰聞香則休兵息戰清閒自在安處天宮也酆都鐵圍拘囚罪魂之所聞玉女身香卽時破壞故得離地獄餓鬼之喉如針口常出火涓滴不下聞玉女身香則喉開食進腹內清涼故得飽滿畜生之性最蠢聞玉女身香脫其毛皮復其靈明故得智慧香之所及拯救四生六道如此異哉其香乎大哉其香

乎至哉其香乎

爾時諸生天罪眾既得生是勝天宮已緣承慈光攝受之故便得覺悟各各明了罪福因緣與諸眷屬作天伎樂來詣 帝前是諸眾等各各含悲俱發聲言臣等前後經千劫萬劫不見三光常處黑暗三惡道中多受苦惱伏蒙 上帝方便放光愍救我等皆生天上是諸惡業悉皆滅盡無諸繫滯皆得往生仰朝上帝各到道前是諸生天一切罪眾說是語已稽首復位爾時諸罪眾得生無上天宮雖因聞香解脫實緣承受 玉帝大慈光明接引之故方得覺悟各得通明了徹受罪之惡因獲福之善緣於是率其諸親眷屬奏天上技藝妙樂來至

道藏輯要

本行集經

二十

箕集一

帝前感激流涕異口同聲俱曰臣等前前後後共經歷過千劫萬劫不見日月星三光常處九幽長夜墮於獄鬼畜三惡道中受諸苦惱自分無有出期伏蒙 上帝普行方便大放光明救拔我等得生天上凡諸宿業往愆全歸消滅朝拜光明寶座瞻仰 元始天尊道會之前真是萬劫難逢之事說是語畢各各再拜稽首而復其侍立之位焉此一節結上文玉帝放光度脫之意以起下文妙音之端

爾時 玉帝出大妙音普告十方諸天聖眾汝等諦聽此諸罪眾曠劫以來縱無明性造十惡業六塵徧染三業縈纏肆意任心曾無覺悟陰罪陽過日積月深背道違真順邪棄正舉心運

念動結愆尤遂使命過之後身落三塗不得解脫若非今日遇是法會何由出離

爾時各處化身 玉帝同時俱發清妙之音普告十方諸天聖眾曰汝等敬聽朕言此等罪眾乃自歷劫以來縱昏昧不明之性造殺生偷盜邪淫兩舌惡口綺語妄言及貪欲嗔憾癡迷之十惡縱無明性故口耳鼻舌身意之六塵徧染而不能滌除造十惡業故身口心之三業縈纏而不能解脫肆放其意任縱其心曾無覺悟之期人所不見之陰罪人所共聞之陽過日日而積月月而深背畔大道違逆真教順從邪途棄舍正路存心動念種種俱結愆尤以致身死之後或落地獄或落餓鬼或落畜生沉淪三惡道中永無出脫之期殊堪憫惻若非今日遇此法會妙筵何由出離苦業哉

道藏輯要

本行集經

三

真集一

スリニ

爾時諸天化身 玉帝卽以神通不動其所移接天人皆令得至清微天宮玉清聖境 元始會下是諸眾等不覺不知是時天尊及會眾等見是十方 玉帝化身普皆來集 天尊會前如無邊明鏡照諸影像互相容入時諸大眾稽首瞻仰

玉帝化身聖中最尊增長清信益加志樂心無退轉起大堅固當妙音開度之後諸天化身 玉帝各具最大神通巍然不動似未見其離卻方所而凡屬慈光接引之天人皆隨駕而

齊集道會之前此諸天人有知而若無知也有覺而若無覺也渾渾穆穆焉而已是時 天尊及會眾等見 帝身如無邊之明鏡光亮瑩徹將各天宮所分化之法身形像互相含容納入以萬歸千以千納百以百併十以十合一大眾等不覺稽首瞻仰極口稱讚增長其清淨誠信之心益加志樂而向道不同消除其退諉轉避之思起大堅固而拳拳服膺焉自首節至此總讚 玉帝神通之大所以後列十七光首則曰大神通者蓋神通已不可測更加以大則巍巍蕩蕩非言思擬議之所能及矣故光末以無能勝殿之大矣至矣

時諸天人邇得生天忽覩 天尊勝會道場清淨第一無爲功

道藏輯要

本行集經

三

箕集一

XXXL

德之所莊嚴踴躍歡喜一時作禮歎未曾有爾時十方諸化

玉帝俱復一體坐法座中法筵清眾俱願欲聞

玉帝本行修證未敢議問

時諸天人獲承 玉帝慈光得至清微天上忽覩 元始天

尊勝會道場至清至淨妙極無加然雖幽深玄遠渾穆無爲

而功德之所卻又自然莊嚴不覺五體投地歎爲希有諸化

身 玉帝見天人踴躍歡喜如此亦收攝神通復爲一體坐

光明法座之中或去或來倏分倏合玄妙莫測法筵大眾俱

欲願聞 玉帝本行修證之由而未敢擬議請問焉此一節

爲 元始天尊宣說 玉帝化身之張本故將勝會道場帶

讚數句

於是 天尊普告四眾言往昔有國名號光嚴妙樂其國王者名曰淨德時王有后名寶月光其王無嗣嘗因一日作是思維我今將老而無太子身或崩歿社稷宗廟委付何人作是念已卽便勅下詔諸道眾於諸宮殿依諸科教懸諸旛蓋清淨嚴潔廣陳供養六時行道徧禱真聖已經半載不退初心

妙樂國在西海外慧靈山作是思維想念是事思慮圖維也王無太子慮社稷宗廟無人承受作此念已竟傳下勅旨詔諸道門清眾於各宮殿之中依諸科儀教典懸諸彩旛寶蓋齋明以清淨其內盛服以嚴潔其外廣陳品物以作供養於

道藏輯要

本行集經

三

箕集一

白日六時中行香演道禱祝真聖半載不退初心其尊崇大道虔誠永久可知

忽從一夜寶月光皇后夢 太上道君與諸至真金姿玉質清淨之儔駕五色龍輿擁耀景旌蔭明霞蓋是時太上道君安坐龍輿抱一金嬰身諸毫孔放百億光照諸宮殿作百寶色幢節前導浮空而來是時皇后心生歡喜恭敬禮接長跪道前白道君言今王無嗣願乞此子爲社稷主伏願慈悲哀憫聽許爾時 道君答皇后言願特賜汝是時皇后禮謝 道君而乃收之皇后收已便從夢歸覺而有娠懷胎一年於丙午歲正月九日午時誕於王宮

忽從一夜寶月光皇后夢 太上道君與諸至聖真人皆金
姿玉質清淨不染之輩乘五色之龍車擁簇光耀妙景之旌
節蔭罩明輝霞光之寶蓋安坐龍車之中抱一金嬰其嬰身
諸毫孔內放出無數祥光照映王之宮殿皆成百寶華彩之
色法幢旌節在前引導凌空而來是時皇后恭敬禮拜求此
嬰爲王之太子 道君遂准其請答言願特賜汝皇后覺而
有娠懷胎一年得四時之全氣丙午正月九日午時皆陽數
也 玉帝初生之異如此

當生之時身寶光燄充滿王國色相妙好觀者無厭幼而敏慧
長而慈仁於其國中所有庫藏一切財寶盡將散施窮乏困苦
道藏輯要
本行集經
書
箕集一
又川文
鰥寡孤獨無所依怙饑饉癯殘一切眾生仁愛和遜歌謠有道
化及遐方天下仰從歸仁太子父王加慶

玉帝降生之時身放百寶光燄充滿於光嚴國內色相奇妙
美好觀者永無厭心幼則聰敏智慧長則慈悲仁愛將國中
所有庫藏財寶盡散施一切無告之眾生深仁至愛出於自
然溫和謙遜並非勉強一切眾生被其澤感其恩咸謳歌頌
謠稱爲有道仁人當是時也恩周境外生及遠方天下景仰
率從莫不歸仁於太子光嚴國王生 帝之時固已歡悅至
此心中益加慶幸焉

當爾之後王忽告崩太子治政俯念浮生告勅大臣嗣位有道

遂舍其國於普明香巖山中修道功成超度

俯念浮生下視已身而思念也人生在世如天上浮雲水上浮萍難以常在故曰浮生 帝旣念此因告勅大臣將位傳於有道之人遂棄舍其國入普明香巖山中修習大道行滿功成超凡出世度生天上普明香巖山在西海外蟠桃山左帝超劫後改名金詔山

過是劫已歷八百劫常舍其國爲羣生故割愛學道於此後又經八百劫行藥治病拯救眾生令其安樂此劫盡已又經八百劫廣行方便啟諸道藏演說靈章恢宏正化敷揚神功助國救人自幽及顯過此已後再歷八百劫亡身殞命行忍辱故舍已

道藏輯要

本行集經

五

箕集一

卷八

血肉如是修行三千二百劫始證金仙號曰清淨自然覺王如來教諸菩薩頓悟大乘正宗漸入虛無妙道如是修行又經億劫始證 玉帝說是語已法筵清眾異口同聲歎未曾有

劫有大小六十年爲微塵劫五百年爲羨數劫三千年爲閏置劫一萬八千年爲小劫十二萬九千六百年爲轉輪劫劫劫相延積至萬數乃爲大劫八百劫不必拘大小 玉帝功成超度之後歷八百劫屢爲國王常舍其國爲超度羣生之故割斷六親恩愛學修大道又經八百劫施藥療病令眾生安樂又經八百劫多行方便之事啟諸道典演說玄靈寶章恢宏正大之化敷揚神聖之功輔助國家救濟人民自幽冥

以及陽世無不被澤又經八百劫亡歿其身不敢愛惜捐殞其命不暇瞻顧惟含忍恥辱不惜一己之血肉濟物利人如是修行已經三千二百劫方得位證金仙成不壞之正果號曰清淨自然覺王如來教導諸菩薩了悟大乘正法真宗漸次入於玄虛真無至妙大道如是修行又經十萬劫方證玉帝之位 元始天尊說是語畢法筵清眾俱異口同聲稱歎自來未曾見此妙行也

爾時眾中有一玉女名曰夜光從座而起嚴整衣冠從容雅步長跪道前白 天尊言臣宿昔何幸仰侍御前親奉供養已經億劫三清境界金闕玉京寂淡逍遙快樂自在嬉遊聖域餐聽道藏輯要

本行集經

三

箕集一

又四

法音未曾見此希有之事

雅步緩步也臣夜光自稱也言夙命昔劫幸得瞻仰侍列於玉帝御前親自承奉供養已歷劫十萬之久凡玉清上清太清三等境界與夫黃金闕白玉京寂然清淡無事逍遙至快至樂得大自在嬉遊聖真之境餐聽法會之音皆目所親見曾未覩 玉帝分身變化之妙如今日者此一節乃夜光欲得 玉帝化身之由

不審向來光內所現十方諸天變現聖境皆有 玉帝應化法身天真大聖妙行真人靈妃玉女以爲侍衛是諸玉女相貌端嚴形體姝妙出眾妙香無與等者復蒙 玉帝神通移接今皆

普集在清微天未審今此玉女以何因緣得證如是無上色身
恩惟聖慈示以未悟

夜光又言未知向來大光明內所現十方諸天變化現顯之
聖境皆有 玉帝法身又有天真等眾以爲侍衛其隨侍之
玉女不但相貌形體迥出尋常而身出異香芬芳馥郁普度
六道世間一切之香無與等者今蒙 玉帝接引齊集在清
微天中未審此諸玉女有何因何緣得成如是最上之色身
乎伏望慈悲示以未悟之義焉此一節乃夜光欲得諸玉女
身香度脫之由

爾時 天尊謂夜光玉女言汝固初入聖流雖有智慧未能明
道藏輯要 本行集經 三 箕集一

了此諸玉女乃自往昔無量劫中修諸妙行具解脫門同清淨
信同清淨解同清淨念同清淨行同清淨身同清淨心同清淨
意同清淨果同清淨報同大慈心同大悲心覆護眾生如母撫
念愛於赤子奉戒專一冥心大道清齋宏誓千萬劫中尊奉

玉帝

天尊言曰爾夜光初入聖流雖具聰明聞見未廣是以未能
明白了悟今此諸玉女乃自往昔無量劫數之中苦修功行
已得大解脫法門其用功獲效之處節節與 玉帝相同而
累劫不染焉如勿二勿三 玉帝夙修常清淨信矣此諸玉
女亦同此清淨信焉見理不惑 玉帝夙修常清淨解矣此

諸玉女亦同此清淨解焉萬緣胥盡 玉帝夙修常清淨念
矣此諸玉女亦同此清淨念焉清齋學道 玉帝夙修常清
淨行矣此諸玉女亦同此清淨行焉不染邪穢 玉帝夙修
常清淨身矣此諸玉女亦同此清淨身焉心卽道道卽心
玉帝夙修常清淨心矣此諸玉女亦同此清淨心焉無將迎
無期必 玉帝夙修常清淨意矣此諸玉女亦同此清淨意
焉位冠諸天 玉帝得清淨果矣此諸玉女亦同此清淨果
焉尊爲上聖 玉帝得清淨報矣此諸玉女亦同此清淨報
焉仁育億彙 玉帝具大慈心矣此諸玉女亦同此大慈心
焉恩孚沙界 玉帝具大悲心矣此諸玉女亦同此大悲心
哉

道藏輯要

本行集經

元

箕集一

玉女慈悲之心豈沾沾以爲恩哉就如慈母之於赤子一
般且其奉持玄戒精專誠一冥心於大道而不搖於外物清
淨齋虔具洪大之誓願而不流於狹小千劫萬劫之中皆尊
奉 玉帝以故身出異香超凡度世夫豈淺見所能窺測者
此諸玉女非實是女皆天至真爲度羣生現玉女身是故身色
神通智慧隱顯變化與 帝同焉爾時夜光聞是說已心得開
悟稽首歡喜默然復位
且此諸玉女爾謂具全陰之質爲眞女子哉乃天真至人憫
衆生愚昧以剛道化之則不信以柔道化之則易從故幻出

玉女之身覺迷度世所以其身其色其神通其智慧或隱或現種種變化皆與 帝同其妙焉既與 帝同其妙又何疑於身香之故哉爾時夜光心開意解稽首而復其侍立之位焉

爾時高虛清明天主與諸天眷屬馭八景鸞輿蔭九光寶蓋奏玄歌妙樂詠無量洞章散天寶花噴天真香飛步遊空來詣道前承 天尊 玉帝威神之力是諸寶花卽於空中化一寶蓋蔭覆大眾無不周徧

當夜光復位之後又有高虛清明天主率其本天諸眷屬各駕八寶妙景之鸞輿蔭九霞光耀之寶蓋奏太玄雅歌之妙

道藏輯要

本行集經

元

箕集一
又川文

樂詠無量三洞之寶章徧散天花異香芬馥飛步凌虛遊空而來敬至道會之前但見 天尊與 玉帝神通威力至奇至妙將所散諸花結一寶蓋蔭覆法筵諸眾而無不周徧焉是時高虛清明天主見此希有稽首長跪白 天尊 玉帝言賤臣懈怠後會法筵今日吉慶值遇法橋幽顯聖凡普霑聖澤放大光明現希有相上照諸天四梵六慾一切樂土諸真聖眾覩此光明悉皆雲集下照下方無極世界同玄都境近接九天靈風奏樂宮商相和激朗雲庭皆成洞章一切眾生咸臻道化酆都鐵圍長夜九幽一切地獄受苦眾生盡承光力皆生諸天得受快樂今日所散天寶奇花旋結成蓋徧覆法筵大會諸眾

盡承斯光威神之力臣等千劫良因九天運會皇道蕩蕩止法
興隆今日大吉咸仰玄功

結蓋覆眾洵爲希有之事此時高虛清明天主不覺驚喜踴
躍長跪言曰賤臣懈怠後會法筵今日良辰幸值 玉帝普
駕法橋濟迷度溺幽顯聖凡皆得仰沾聖澤伏見 玉帝所
放大光明上照乎諸天天有三十六等謂之諸天凡四梵六
慾等處一切至快至樂之真聖天人無不咸集焉梵天有四
種謂之梵妙上天一切真聖居之慾天有六種卽前天道之
六界也初入道者居之六慾云者言其尙未脫乎口耳鼻舌
身意之六慾也下照乎諸地凡一切世界俱清淨同於玄都

道藏輯要

本行集經

三

箕集一

澄徹接乎九天且光中之靈風觸物成聲如奏太和雅樂宮
商相和激揚朗震於雲庭所奏之聲皆成三洞寶章之音俾
一切民人無不咸臻道域焉幽照乎地獄凡酆都鐵圍長夜
九幽一切受苦罪眾無不解脫而往生焉今日臣等所散諸
花荷蒙威神之力結蓋蔭眾誠千劫良因九天嘉會將見皇
天至道從茲蕩蕩妙應玄功自此興隆矣

是時高虛清明天主以偈讚 玉帝曰

| | | | |
|-------|-------|-------|-------|
| 金闕玄穹主 | 高上玉皇尊 | 妙相冠諸天 | 慈光燭三界 |
| 真聖妙道師 | 天人依仗師 | 大乘垂法語 | 眞一指迷途 |
| 功德若虛空 | 讚揚無窮盡 | | |

玉帝立功聖眾羣仰而未能明言其妙於是高虛清明天主
再拜稽首而作偈曰大矣哉金闕玄穹之主至矣哉高上
玉皇之尊言乎妙相則冠乎諸天而莫及言乎慈光則燭乎
三界而靡遺誠羣真萬聖之章程天上人間之教主垂大乘
之法語至真至一爲羣生指點迷途俾六道同歸解脫此種
功德無量無邊譬若虛空無有止極豈讚揚之所能盡乎

是穹蒼主浩劫之尊妙見妙知無等無倫湛寂真淨杳亡杳存
上聖上靈大神通光明藏大丈夫開化人天教導無窮大慈大
悲流煥法輪爲度羣生是號 玉皇穹蒼真老妙圓清淨智慧
辯才至道至尊開度眾生故放是光爾時高虛清明天主說偈
道藏輯要 本行集經 三 箕集一
讚已靜默而坐

功德讚揚難窮信乎 玉帝爲穹蒼之聖主浩劫之至尊其
見之所臻知之所及無有與之同等而相倫類者外誘不蔽
而湛然內念不興而寂然不二不雜其道至真無染無淪其
德至淨杳亡杳存不可測度上聖上靈莫與媲美分身成化
大神通也普照一切光明藏也成已成物大丈夫也開化人
天教導無窮大慈大悲之心也闡明玄奧俾法輪流轉而煥
明以超拔乎六道之眾生是以號稱 玉皇爲穹蒼之真老
神妙圓通真清真淨大智大慧大辯大才吁道至此弗可尙
已尊至此蔑以加已此節乃清明天主因上偈讚未足以盡

玉帝之妙故又推廣而咏歎之

於是 天尊復告四眾云是 帝身卽道身也非常體也是無量功德之身是清淨自然之身是神明堅固不壞真空無上法身威靈恢廓名聲周徧無幽不燭神妙巍巍不可得而名焉

清明天主偈讚 玉帝已復位默坐於是 元始天尊復告

法會四眾曰爾等見 王帝分之成萬合之爲一是妙化之身不知卽大道之身非尋常形體也是無量無盡大功德之身是真清眞淨自然不拘之身是神化靈明堅確貞固如太空之厯劫不毀最上無比之法身其威德靈光恢然至宏廓然至大故聲名洋溢乎十方而無一之或遺慈光徧照乎三

道藏輯要

本行集經

三

箕集一

界而無幽之不燭神通圓妙巍巍乎不可得而名焉連指點數身字見非虛無杳冥惟實有是身乃能大顯神通罔有窮極更找足應前誥中數身字

是 帝非有爲功德之所熏修而 帝昔雖下生人間多劫行化示大神通而身清淨未嘗不在金闕分身變化應現隨方利濟羣生超昇道岸普垂教法開悟後人依教奉行登眞成道以斯功德之所莊嚴是故光明常徧諸大神智妙達莫可度量巍巍無得而名則是 玉帝功德豈勉然有所作爲如物之熏染修治而成哉蓋 帝之往昔雖常降生人間厯劫廣行教化顯示至大之神通而法身清淨未嘗不在金闕之內其

分身變化或應或現各隨方所俾六道羣生莫不蒙其利濟
超昇道岸其玉音開度普垂教導使後之人有所遵循有所
率由莫不位證上真成全大道 帝之功德如是故法身莊
嚴雖寂然止其所而不動而有諸內者自形諸外是以身之
光明常徧滿於十方諸大天宮大神大智靈妙通達不可測
度而計量焉

是身光明皆具妙號所謂大神通光大慈悲光大喜舍光大忍
辱光大平等光大柔和光大自在光大利益光大如意光大智
慧光大吉祥光大解脫光大歸依光大功德光大圓滿光大無
礙光無能勝光

道藏輯要

本行集經

三

集一

喜舍忍辱如施財濟人橫逆不報之類平等物我無間也柔
和柔順和藹也白在無入而不自得也利益者普度羣生之
謂如意者從心所欲之謂善神擁護惡曜不侵故曰吉祥至
心向道永無退轉故曰歸依功成道備謂之圓滿變化莫測
謂之無礙凡此皆至極而無能勝者也通節以神通光爲綱
領以下十五光皆其中之分見者故以無能勝光結之

是故汝等欲見是 帝而不可得者緣以汝等尙於身口不捨
結習煩惱行業由是障故不能得覩是 帝慈顏吾今爲汝法
會眾等宣示斷障之法汝等大眾宜各奉行時諸大眾不勝喜
躍各於 至尊几前稽首作禮俱欲願聞

汝等指天神魔鬼四眾言天卽生天之人神乃享受血食者
魔卽天之修羅鬼乃未脫冥趣者此四種皆未能斷障於是
天尊復告之曰十七光明徧照諸天宜乎 玉帝法身爾等
皆得見之矣乃猶有欲見而不可得者其故何哉蓋緣爾等
之身與口或爲氣稟所拘固結而不解或爲物欲所累習焉
而不察或惹煩惱或積愆行或植業緣種種障蔽本體之明
有時而昏由是之故不得仰觀慈顏我今大發慈悲爲爾法
會眾等宣示斷除障蔽之法爾等宜各祇奉遵行焉

天尊言曰斷障之法當生大慧母起疑惑母起貪瞋母起姪
母起嫉妬母起殺害母起凡情母起凡思母起昏垢母起聲色
道藏輯要

本行集經

雷

箕集一

卷之三

母起是非母起憎愛母起分別母起高慢母起執著

法筵清眾俱願欲聞斷障之法於是 天尊言曰斷除障蔽
其道無他惟生大慧之心而已蓋大慧本心之自具一有所
蔽則慧者漸至於不慧必也勿二勿三母起疑惑不伎不求
母起貪瞋保精毓元母起姪慈克寬克仁母起嫉妬愛惜生
命母起殺害萬緣俱淨母起凡情萬念悉捐母起凡思心貴
於明母起昏垢心貴於正母起聲色心貴於清母起是非心
貴於公母起憎愛心貴於平母起分別母高已而慢人則物
我之見去母執著而不化則適莫之念消如此則大慧庶幾
可生矣母者禁止之辭蓋是十四者皆身口之累勇往而決

去之則本體之明復全於我欲淨理純呼吸之頃可通 帝座又何患 玉帝法身之不可見哉

凝神澄慮萬神調伏心若太虛內外貞白無所不容無所不納無令外邪亂其至道牽失真宗敗其靈根盜其至寶致爾萬劫永墮凡流透入俗網萬魔來攻百千萬劫不聞妙法鬼神執誅從生入死是故汝等應當至心善護真宗無令喪失如前所說如是諸障汝等各各當除斷之身得清淨超度諸難是名修道寶筏持法棟梁

諸障既除則吾之神由是凝而不散吾之慮由是澄而不雜萬神卽萬念也由是調和潛伏不相動擾此心空空洞洞若

道藏輯要

本行集經

三

箕集一

× 811

太虛之内外清貞潔白俾羣生萬有無不含容無不包納功夫至此漸進純熟然猶時時防閑刻刻省察無令外面邪回亂我至正大道牽引喪失我之真正玄宗敗我之至妙靈根盜我之元陽至寶致使沉淪累劫永作凡庸之流墮入俗網之内萬種陰魔相率來攻百千萬劫不聞妙道鬼神乘機得以執法誅戮從生途而入於死路可勝歎哉是故汝等法會四眾當發至誠心善白護持本來真宗無令喪失如吾前所說十四障最爲人所易犯爾等各各當除斷之自然身得真清真淨度脫諸般厄難可見斷障之法乃修道之寶筏持法之棟梁也爾等敬聽之哉真宗卽性中之仁義禮智也靈根

神氣也至寶精髓也敗與盜不必專指女色凡一切聲色貨利皆是

更當修奉是此經典如近是 帝生尊重心注想尊容稱揚尊號然後汝等得覩慈顏咸蒙護度普聞妙法親奉供養永無輪轉是時四眾聞是說已歡喜踴躍歎未曾有

斷障之法爾等既獲聞矣更當於 玉帝之經文典章修持崇奉如對 玉帝一般刻刻尊重無敢褻越尊重云何心則注想尊容口則稱揚聖號歷久不懈然後得見慈顏咸蒙護持拔度普聞無上妙法親自承奉供養庶幾哉永脫塵網不受輪迴轉生之苦矣是時法會四眾聞 天尊之說已俱歡喜踴躍歎是 帝是經爲歷劫以來所未嘗有也世之獲遇斯經者宜何如尊奉也乎

道藏輯要

本行集經

三

箕集一

高上玉皇本行集經卷上全

收讚

穹蒼聖主 具大神通 分身說法徧天宮 妙道覺羣蒙

功德虛空 賡頌莫能窮

大聖玉皇滿願大天尊

三稱
三拜

道藏輯要

本行集經

三

箕集一

卷十三

高上玉皇本行集經卷中

開經讚

太梵三天主 虛皇五老尊 尚難窺竅妙 豈復入名言

寶座臨金殿 霞光照玉軒 萬神朝帝所 飛鳥躡雲端

大聖玉皇赦罪大天尊

三稱三拜

道藏輯要

本行集經讚

其集二

七十三

重刻道藏輯要

箕集二

高上玉皇本行集經卷中

太上天光明圓滿大神咒品第二

爾時天地始祖五老帝君稽首長跪白 天尊言伏聞

高上玉皇慈念蒼生普放神光照燭法界六凡四聖普叨道陰
竊以凡夫短景劫運將終正道宜行以濟兆民使修真之士有
期輕舉末代烝民俱獲壽考

當 天尊宣說神通品之後法筵清眾中又有天地開始之
祖五方五老帝君長跪道前言曰伏聞 玉帝慈悲憫念蒼
生普放至大神光燭徹一切法界俾天人魔等之六凡仙佛

道藏輯要

本行集經

一 箕集二

神真之四聖悉承大道庇蔭固已各得解脫矣竊念凡夫之
景最爲短促世界劫運將次告終 玉帝真經之正道急宜
見諸施行以濟兆民庶修真之士有了悟之期得以輕身冲
舉末代烝民無夭札之傷俱獲同登壽考焉

自昔元始洞玄靈寶赤書玉篇真文生於元始之先空洞之中
天地未根日月未光幽幽冥冥無祖無宗無氣無象無色無名
無形無緒無音無聲混沌太無靈文晦靄乍存乍亡靈圖開化
立象推遷結氣浮空乘機應會玉帝真誥靈寶秘篆無上大不
可思議神咒於是存焉

玉帝真經衍諸今日者固宜及時傳行而 玉帝之真誥藏

諸太始者尤望俯賜敷宣因思昔日元始洞玄靈寶赤書玉篇眞文生於一元方兆之始太空洞虛之中此時天地未立根基日月未有光明幽幽冥冥焉而已萬象未生無爲之祖無爲之宗也無氣可嗅無象可呈也無色可見無名可稱也無形可指無緒可尋也無音可聽無聲可聞也當此混沌太無而赤書玉篇眞文晦然雖不明見靄然卻著端倪乍存乍亡非有也亦非無也迨太極兆而靈圖開化兩儀奠而玄象推遷玉帝眞誥靈寶秘密天篆無上功德至大而不可思議之神呪結氣浮空乘機應會於是顯著而妙道存焉原註靈寶赤書指下五老之誥此解亦未盡合所謂靈寶赤書

道藏輯要

本行集經

三

箕集二

玉篇眞文乃指玉帝眞誥卽彌羅誥也空洞之氣結成而五老之誥亦同結於空洞之中爾時混沌初分此靈寶赤書藏於玉清境內故五老以請若專指五老之誥是自爲請矣二元始字指元會之始而言不可認作天尊天地未根等句極言眞文妙處爲天地之根柢非先有赤書後有天地也故天地得之而分判二景得之而發光靈文鬱秀洞映上清發乎始青之天而色無定方文勢曲折難可尋詳天尊煉之於洞陽之館治之於流火之庭鮮其正文瑩發光芒洞陽氣赤故號赤書靈圖既煥五方朝眞飛空步虛旋行上宮燒香散花口詠靈章是時天啟十二玄瑞地發二十四應上慶九天之靈輿讚

三天之寶章神風旣鼓皇道咸暢 天尊登命太真按筆玉妃
拂筵鑄金爲簡刻玉爲書五老掌錄秘於九天靈都之館玉女
典香太華執巾金童侍衛玉陛朝軒九天玉書非鬼神所聞

玉帝真誥生於一元方兆之始顯於兩儀旣奠之後實靈氣
之所鍾也夫靈氣乃造化之根柢故天地得之而分判日月
星三景得之而發光真誥爲靈氣所鍾故其文鬱茂深秀洞
洞乎映照於上清之境發越於始青之天其文之色則璀璨
燦燦而不拘定方所其文之勢則曲曲折折而難以尋究推
詳在 天尊當日曾煉習之於洞陽重玄之館鎔冶之於流
火大梵之庭鮮耀其正文瑩然騰發光芒洞陽之館赤氣瀾

道藏輯要

本行集經

三

箕集二
八百一

淪故號赤書由是上天下地煥然光明臣等職列五方瞻仰
赤光相率而朝真境飛步虛空旋繞上宮燒清淨之香散奇
異之花口詠靈文寶章以誌一時之盛實是時也天不愛道
而啟十二月之玄瑞焉地不愛寶而發二十四氣之徵應焉
雖曰無心成化一似慶幸九天之靈奧而贊助三天之寶章
也者神風鼓盪無窮大道普利一切 天尊乘機應會登寶
座而錫命太真爲之秉筆玉妃爲之拂筵鑄黃金以爲簡刻
碧玉以爲書臣等五老職掌謄錄但見靈都之館玉女典香
太華執巾金童侍衛白玉之陛朝真之軒藏貯九天秘書雖
鬼神亦有不得而聞者 經言五老掌錄之句亦要圓通看

去所云掌錄者特記其事猶登號簿之意若已經掌錄其文
五帝胡爲向 天尊而復請之哉

故天寶之以致清地秘之以致甯五方掌之以得靈三光乘之
以高明上聖奉之以致神高靈尊之以致真五嶽從之以得鎮
天子得之以致治國祚賴之以致平實靈寶之妙德乃天地之
立根威靈恢廓普加無窮蕩蕩大化爲神明之宗其量莫測巍
巍乎大空是時元始革運立象開圖靈文鬱秀神表五方分判
天地開化萬彙此立宗之寶可得暫披其靈韞乎

玉帝眞誥尊重若此故天寶之以致常清地秘之以致常甯
臣等五方掌之而得靈日月星三光乘之而高明上聖奉之

道藏輯要

本行經集

四

箕集二
メリシ

則聖不可知而爲神高靈尊之則靈極無加而成真五嶽從
之則永不崩壞天子得之則常享太平國祚賴之則奕葉不
替誠靈寶之妙德乃天地之立根論其威靈恢然莫量廓然
無際塵沙法界普受利益蕩蕩乎化之大而無外洵神明之
宗主夫孰得而測量之乎惟見巍巍於太空之中而已蓋元
始之運方革立象之圖乍開而靈文已鬱茂光秀神足以表
正於五方分判乎天地開化乎萬彙誠哉爲立門之至寶臣
等雖職掌之而未仰窺其妙不識可暫時披閱其秘奧乎
今皇道敷暢澤被十方仰觀劫運眞風宜行臣心實欲使靈蔭
八遐風灑蘭林寒條仰希華陽之繁朽骸蒙受靈奧之津明眞

有格今當以行仰對元慈下伸丹懇惟願哀憫俯念蒼生不審靈寶玉篇真文可得見授下教於未聞者乎

况今 玉帝慈光上照諸天下徹世界皇道已是敷布暢達恩澤徧於十方矣仰觀劫數氣運正是真風宜行之會臣等之心實欲使靈寶之法蔭覆乎下方八極之遠大道之風灑蕩乎天上蘭林之內蘭林卽寶香玄苑也使邪魔外道如枯槁無生意之寒條俱沾華陽甘露之繁滋異類傍門如已經朽壞之骸骨普受靈文奧典之津潤昔者所藏真誥乃明真度世之金格今正當播行世間臣等仰對玄元之慈下伸丹悃之懇惟願 天尊哀憫俯念蒼生不審玉篇真文可得見

道藏輯要

本行集經

五

箕集二
スリ

授臣等而下教於人世之未聞者乎

於是 元始天尊撫几高抗凝真遐想觀時已至普爲時會一切真聖論定陰陽推數劫會移校河源檢錄天度選擇種人指拈太無嘯朗九立念無開聽於陳辭有若閉礙求真之路是時五老帝君啟問不已良久

元始天尊乃垂盼眄之容慨爾歎曰微乎深哉子今所叩豈不善乎此元始靈寶之玄根空洞自然之真文生天立地開化神明鎮奠五嶽安國康民靈寶玄妙爲萬物之尊天啟玄瑞靈應自然

於是 天尊撫几高抗高抗者其容直也凝神遠觀見真誥

傳行之時已至普爲當時會上一切真聖論定陰陽之往復
推數劫會之大小移校河源之水帝檢錄天度之星官內中
揀選種善之人爲之指拈真立太無嘯詠朗吟九品立章念
五老所陳之辭若不開聽則求真之路未免閉礙又見五老
帝君請問不已良久乃垂盼眄之容慨然歎曰微妙乎淵深
哉子之所叩不亦善乎 玉帝真誥乃一元之始立靈妙寶
之根柢太空洞虛之真文上而生天足以開化乎上界一切
之神明下而立地足以鎮奠乎下界五方之山嶽歷代之國
由是而安天下之民由是而康靈寶立妙之章爲萬物所共
尊天啟十二月之立瑞地發二十四氣之靈應皆出於自然
乎上方矣二句包上下一切而言不專指兩項

道藏輯要

本行集經

六

箕集二

而非可強致者也移校水帝則盡乎下界矣檢錄星官則盡
今三天盤運六天道行雜法開化當有三萬六千種道以惑來
者之心此法運訖三龍之後庚子之年雜氣普消諸天慶會吾
眞道乃行今且可相付當錄於上館未得行於下世立科有禁
不得妄傳子可詣靈都紫微上宮聽天音於金格視俯仰於神
王然後當使得受天文以統御元始之天也

盤至也猶云天運至於此也今何時哉運固啟於三清之境
道雖行於六六諸天而雜法曲說各自立教競爲開化總而
計之有三萬六千種旁門外道煽惑後來學者之心此法運

化已訖只待三龍之後庚子之年雜氣消盡諸天慶會之時
吾之真道乃行玉篇真文今雖相付惜乎雜說正盛爾等但
當錄於天館未可行於下世立門科律有禁不得妄傳科律
載在金格現藏靈都紫微上宮爾等敬往觀之親聽天音於
金格之中更視俯受仰承之儀於守宮之神吏天王方可得
受真文而統御元始以來之天矣 龍陽也三龍三陽也三
陽至則泰運開矣庚金也子水也金水相生則生生不息此
會皆可以傳道此正內宮龍虎交洽之義原注云三龍之後
陽德衰而天地否豈道待否運而始傳乎且云必待天運重
開於子而正道方行更欠理會當元始時正是方開於子若
再待劫盡重開子運並此時此後道終無傳矣將等到何時
而始傳乎

道藏輯要

本行集經

七

箕集二

於是五老帝君與諸真聖清香執戒徘徊雲路宣命十方上詣
上清太玄玉都寒靈丹殿紫微上宮受俯仰之格乃知天真貴
重難可卽聞還乃更詣 元始道前諮以禁戒之儀遜謝不逮
於是五老帝君與法會上一切真聖燒清淨之香依立門之
戒徘徊雲路宣 天尊之命於十方敬詣上清之天太玄玉
都寒靈丹殿紫微上宮受俯仰之儀於神王然後知真文貴
重難以卽聞相率復至 天尊道前諮詢禁戒之儀而遜謝
已之智力不逮焉

是時 天尊慈顏愍諭靈關廓開登命五老帝君開洞陽玉館
啟九光八色之匱披雲錦之囊出元始靈寶赤書玉篇真文金
書玉篆微妙秘密運御乾坤大光明圓滿大神咒玉章宣付五
老帝君是時五老帝君拜受已及諸天聖眾稽首禮謝 天尊
玉帝仰奉道旨按法以傳

是時 天尊慈顏愍諭聖衷廓開進五老帝君於座前爲之
開洞陽之館啟九霞光八景色之匱披雲霞錦繡之囊取出
玉篇真文彌羅光明圓滿聖誥五老帝君稽首拜受後於是
元始天尊更出五老真誥以付 玉帝 玉帝仰奉 天尊
道旨按立門正法而授諸五帝焉

道藏輯要

本行集經

八

箕集二

東方安寶華林青靈始老蒼帝所受神咒誥命

東方言其向也安寶華林言其處也青靈始老東方屬木其
色青言其具靈妙之德而爲老中之首也蒼帝言其爵也

東方九炁 始皇青天 碧霞鬱壘 中有老人 總較圖錄
攝氣舉仙

東方九炁號曰青天主斯天者謂之始皇碧霞鬱壘之中有
老人焉總校上天下地之圖錄調攝九炁而飛舉成仙也
右度人錄仙青帝秘文二十四字書於九天元臺主召九天
上帝校神仙圖錄

歲星輔肝 角亢鎮眞 氏房心尾 四景迴旋 箕主七辰

正斗明輪 承炁捕非 掃除灾羣

歲星居木宮所以生人之肝者也角亢氏房心尾箕東方分野之宿也言七宿而東方諸宿皆在其中矣角亢則坐鎮而稱眞氏房心尾箕呈妙景而迴旋有常箕主風而統七宿蒼帝赤符到處無有不正斗明輪承炁捕非掃除灾殃者

右制星秘文三十二字書於紫微宮東華殿主召星官正天分度

東山神咒 攝召九天 赤書符命 制會酆山 東魔送鬼 所誅無蠲 悉詣木宮 敢有稽延

東山神咒上而攝召諸天之眞聖赤書符命下而制服酆都

道藏輯要

本行集經

九

箕集二

之鐵圍山東縛妖魔驅逐鬼魅一概誅除莫能赦免有敢違木宮之指麾而稽延者乎

右制魔秘文三十二字書於東華玄靈之館主攝鬼魔正九天炁

下制東河 溟海水神 大劫洪灾 蛟龍負身 水府開道 通逕百千 上帝赤文 風火無間

東海謂之溟海其中水神惟神咒能制之故一遇大劫洪灾蒼帝則蛟龍負其身水官爲之開道瞬息可達千百里之遠雖風火不能如其速也

右制水秘文三十二字書於九天東北玉闕丹臺主攝東海

水帝大劫洪灾召蛟龍及水神事

東方九炁靈寶赤書玉篇真文合一百二十字皆太上無上大光明圓滿大神咒空洞自然之書一名生神寶真洞玄章一名東山神咒一名青帝八威策文

右 玉皇誥命以錫東方安寶華林青靈始老蒼帝九炁天君令統御東方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

此總承上文而推廣言之言此蒼帝神咒不但度人錄仙制星制魔制水已也凡屬東方上下一切等眾皆如誥所行而莫敢有違焉

道藏輯要

本行集經

十

簞集二

南方梵寶昌陽丹靈真老赤帝所受神咒誥命

梵寶昌陽赤光顯著之意離宮之象也丹靈真老南方屬火其色丹言其具靈妙之德而爲真聖中之老也

南方丹天 赤帝玉堂 中有大神 號曰赤皇 上炎流烟 三炁勃光 神仙受命 應會太陽

南方謂之丹天白玉堂中有至大之神號曰赤皇職司火令故炎上而流烟三炁勃然生光諸神眾仙無不奉命而與太陽相應會焉

右度人錄仙赤帝秘文三十二字書於九天洞陽之館主召九天神仙圖錄金名

熒惑輔心 井鬼守房 柳星張翼 統御四鄉 軫總七宿

回轉天常 召運促會 正道驛行

熒惑房火宮所以生人之心者也井鬼柳星張翼軫南方分野之宿也言七宿而凡屬南方之宿皆在其中矣井鬼守其度而不紊柳星張翼統御所屬之四鄉軫爲管轄之總宿其隨天回轉各依常度召運促會悉由赤道正路如驛遞之挨行焉

右制星秘文三十二字書於三炁丹臺主召星官明度數正天分

赤文命靈 北攝酆山 東送魔宗 斬邪滅根 符教所討

道藏輯要

本行集經

十一

箕集二

明列罪原 南山神咒 威伏八方 羣妖滅爽 萬試摧亡

赤文命靈者赤文到處萬靈應命也酆都山有六天宮洞羣魔所居之處魔宗魔王之主也斬邪滅根不留餘孽也滅爽者滅其精爽也萬試摧亡者萬試無有不驗而羣妖摧亡也赤帝爲南方之神而能北攝酆山者蓋魔者鬼也鬼居北方火爲正陽之炁陰邪見之自應伏藏故統攝之

右制魔秘文四十字書於西南陽正玉闕主制北酆正鬼炁南河水帝 太伯龍王 神咒流行 普掃不祥 洪水飛災 止蛟召龍 開除水逕 千道萬通 敢有干試 攝送火宮 赤書所告 莫有不從

水帝龍王聞赤符之命爲之掃除不祥若查勘洪水飛災則蛟龍開道而路無不通有相干者則攝送火宮治罪豈尙有頑梗而不受命者乎水神皆謂之伯龍王爲水神之長故曰太伯 論五行生剋水能剋火而此云太伯水神俱聽命者三炁先天之火所謂朱陵是也卽所謂丹臺紫府也豈水所能剋哉

右制水秘文四十八字書於西南陽正玉闕主攝南河水帝大運交期洪水四出召蛟龍及水神事南方三炁靈寶赤書玉篇真文合一百五十二字皆太上無上大光明圓滿大神呪空洞自然之書一名南雲通天寶經一名九天無上之上

道藏輯要

本行集經

三

箕集二

咒一名赤帝八威策文

右 玉皇誥命以錫南方梵寶昌陽丹靈真老赤帝三炁天君令統御南方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

此亦總承上文而推廣言之言赤帝真誥不但度人錄仙制星制魔制水已也凡屬南方上下一切等眾俱如誥奉行而不敢有違焉

中央保劫洞清玉寶元靈元老黃帝所受神咒誥命

保持劫運洞然清徹如玉之有寶光皆贊美之詞元者大也中央屬土其色黃故曰黃帝

中央總靈 黃上天元 始生五老 中黃高尊 攝炁監真
總領羣仙 典錄立圖 宿簡玉文 催運上炁 普告萬神
黃上天元黃帝位居最上而為天之元老也中黃高尊中央
黃帝高而且尊也攝炁攝中宮之黃炁也監真監察諸天之
真以總領乎羣仙也典錄立圖即典守立綱之謂宿簡玉文
所謂簡在帝心催運上炁催促運會使真炁流行也
右度人錄仙黃帝秘文四十字書於太立玉寶立臺主召神
仙玉簡宿命總仙炁

鎮星輔脾 迴度北元 魁魍主非 截邪斬根 魍魎魍魎
掃穢除氛 魍正立斗 明度天關 九天符命 金馬驛傳

道藏輯要

本行集經

三

箕集二

鎮星居土宮所以生人之脾者也魁魍魎魍魎魍魎中央七
星之名言七星而凡屬中央之宿皆在其中矣鎮星居中央
在北辰之前有迴顧之象故曰迴度北元斗柄之星為魍有
宰正之義斗口無星之處為辰乃天之樞紐譬如關焉四時
隨天旋轉悉依程遞若驛馬之傳命焉

右制星秘文四十字書於立都玉臺主攝星官正天分數

中黃總炁 統攝無窮 鎮星吐輝 流鍊神宮 勅攝北帝
遏塞鬼門 剪除不祥 莫有當前

流鍊神宮流化鍊氣於神宮也勅攝北帝遏塞鬼門幽冥居
北方惟北極大帝專制之黃帝之勅可以統攝北帝遏塞鬼

門蓋土與水有阻制之義也

右制魔秘文三十二字書於立都玉臺主攝北帝正天氣檢
鬼精

中山神咒 召龍上雲 制會黃河 九水河源 不得怠縱
善惡悉分 千妖萬奸 上對帝君 莫有干試 太陽激熾
赤書玉字 宣告普聞

千妖萬奸上對帝君言誅除妖奸克對 上帝也太陽激熾
者言其威令之行如日光之熾射也

右制水秘文四十八字書於立都玉臺四壁以攝中海水帝
四泉之水洪災湧溢之數主召水神止蛟龍

道藏輯要

本行集經

古

箕集二

中央一炁靈寶赤書玉篇真文合一百六十字皆太上無上
大光明圓滿大神咒空洞自然之書一名保劫洞清九天靈
書一名黃天神咒一名黃帝八威策文

右 玉皇誥命以錫中央保劫洞清玉寶元靈元老黃帝一炁
天君令統御中央皇天后土日月星宿名山靈洞水府泉宮上
聖高尊真仙聖眾一切威靈符命所臨如誥奉行

此亦總承上文而推廣言之言黃帝真誥不但度人錄仙制
星制魔制水已也凡屬中央上下一切等眾俱如誥奉行而
不敢有違焉

西方七寶金門皓靈皇老白帝所受神咒誥命

七寶金門白帝所居之處皓者白也言其具靈妙之德而爲五皇中之眞老也西方屬金其色白故曰白帝

西方素天 白帝七門 金靈皓映 太華流氛 白石戔戔
七氣細縕 上有始生 皇老大神 總領肺氣 主校九天
檢定圖錄 制召上仙

七門七寶之門也金靈皓映金光靈炁皓然輝映也太華金氣也七氣七寶之氣也細縕元炁交密之狀總領肺氣主校九天言總領羣生之肺氣而主校九天之玄錄也

右度人錄仙白帝秘文四十八字書於九天素靈宮北軒之上主召仙炁舉仙道

道藏輯要

本行集經

圭

箕集二

太白檢肺 奎裏守魂 胃昂畢觜 主制七關 參總斗魁
受符北元

太白星居金宮所以生人之肺者也奎裏胃昂畢觜參西方分野之宿也言七宿而凡屬西方之宿皆在其中矣守魂守其神而不動也天有七關象肺形也惟四星主之參星管轄列宿故總斗魁也受符北元 玉帝所居爲北關言白帝赤符受於北關而爲天之元老也

右制星秘文二十四字書於金闕玄牕主攝白帝星官正明天數

赤書玉字 九天正炁 攝召萬炁 普歸帝君

普歸帝君萬氣總歸於帝君也此帝君指白帝而言與上帝君不同

右制魔秘文一十六字書於九天金闕三圖之篇以攝六天鬼炁

西山神咒 八威七傳 符水上龍 召山送雲 在所校錄
同到帝門 輔衛上真 斬滅邪源 若有不祥 截以金關
赤書符命 風火驛傳

八威七傳八方仰其威七門傳其令也符水上龍符行於水則蛟龍上升而聽令也召山送雲召送山之玄靈真炁也帝門 上帝之門也倘有不祥則有金關以截之而不容其爲患也

道藏輯要

本行集經

六

真集二

明上元

右制水秘文四十八字書於九天金闕三圖之館主攝西海水帝及水中萬怪惡毒之精召雲龍以防水旱之災
西方七炁靈寶赤書玉篇真文合一百三十六字皆太上無上大光明圓滿大神咒空洞自然之書一名金真寶明洞微篇一名西山神咒一名白帝八威策文

右 玉皇誥命以錫西方七寶金門皓靈皇老白帝七炁天君令統御西方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

此亦總承上文而推廣言之言白帝真誥不但度人錄仙制

星制魔制水已也凡屬西方上下一切等眾俱如誥奉行而不敢有違焉

北方洞陰朔單鬱絕五靈立老黑帝所受神咒誥命

洞陰朔單極北之處鬱絕鬱然復絕而爲五靈中之立老也

北方屬水其色黑故以黑帝名

北方立天 五炁徘徊 中有黑帝 雙皇太微 總領符命

仙鍊八威 青裙羽褐 龍文鳳衣 上帝所舉 制到玉階

徘徊迴環之貌雙爲陰數皇指黑帝而言太微居太微垣也
領符命而陶鍊仙真顯八方之威光也青裙羽褐龍文鳳衣
言其服飾之盛 上帝所舉制到玉階言其受命之由

道藏輯要

本行集經

七

箕集二
川上三

右度人錄仙黑帝秘文四十字書於鬱單無量立元紫微臺
北軒之內主召諸真人神仙圖錄

北辰輔腎 斗牛衛屏 女虛危室 豁落四開 璧總七星
執凶糾非 卻灾掃穢 明道動輝

北辰星居水宮所以生人之賢者也斗牛女虛危室璧北方
分野之宿也言七宿而凡屬北方之宿皆在其中矣斗牛兩
宿對峙如扉爲北天之衛四開四面開張也璧星統領水氣
故總七辰明道動輝明正道動有光輝也

右制星秘文三十二字書於天心北元立斗中主攝北方星
官正天炁

北山神咒 激陽起雷 流鈴煥落 獲天振威 北豐所部
萬妖滅摧

激陽起雷陰極而陽生之義流鈴雷神之名獲擒獲也擒獲
天魔大振威風也

右制魔秘文二十四字書於北方洞陰朔單鬱絕立臺主攝
天魔北帝制伏惡神萬鬼事

九河傾訖 烏母羣飛 蛟龍通道 水陌洞開 赤文玉書
驛龍風馳

烏母水怪也黃河傾則水怪飛騰而爲害惟黑帝能制之

右制水秘文二十四字書於洞陰朔單鬱絕元臺主攝北海

道藏輯要

本行集經

六

箕集二

川上

水帝制水中萬精主召蛟龍興雲致雨事

北方五炁靈寶赤書玉篇真文合一百二十字皆太上無上
大光明圓滿大神咒空洞自然之書一名紫微元神本命生
真寶明文一名北山神咒一名黑帝八威策文

右 玉皇誥命以錫北方洞陰朔單鬱絕五靈立老黑帝五炁
天君令統御北方諸天諸地日月星宿名山靈洞水府泉宮上
聖高尊真仙聖眾一切威靈符命所臨如誥奉行

此亦總承上文而推廣言之言黑帝真誥不但度人錄仙制
星制魔制水已也凡屬北方上下一切等眾俱如誥奉行而
不敢有違焉

道言是大神咒者 元始之妙言

玉皇之真誥上清自然之靈書九天始生之玄札空洞之靈章
上聖之秘語玉宸之尊典成天立地開張萬化安神鎮靈生成
兆民匡御運度保天長存上制天機中檢五靈下策地祇宣命
河源運役陰陽召神使仙此至真之妙文神應自然致天高澄
令地固安保鎮五嶽萬品存焉

道言道會上清眾之言也言此神咒雖爲 元始天尊之妙
言而頒自 玉皇則爲 玉皇之真誥靈書不假手筆而成
玄札玄妙不可測識空洞太虛之謂上聖至人之稱 玉帝
宮闕謂之玉宸匡御運度匡扶統御運會化度無窮也由成
道藏輯要

本行集經

充 箕集二

天立地至召神使仙極言真文之妙出於自然而然末六句
咏嘆上文之意

玉帝昔授五老帝君是時五帝跪捧其章秘題靈都之館天真
皇人敬書其文掌之於上清真境太玄玉都寒靈丹殿紫微上
宮累經劫運而其文保固天根無有毀淪與運推遷是大神咒
混之不濁穢之愈清毀之不滅滅之益明大有之文天真所尊
自光真名帝圖刻簡昭示來生斯文隱秘不得窺聞有得之子
保萬烝長存勤行修奉克至神仙朝禮 帝君

天真皇人敬書其文言至此方得書之於冊則前此掌錄非
卽書誥愈明矣天根無有毀淪天然妙化之根無毀壞淪沒

也雜說混之而不濁俗議穢之而益清謗語毀之而不滅凶
暴滅之而益明誠屬至妙大有之爻自光真名者自煥天光
標其真名也帝圖刻簡者運應帝圖刻之金簡也帝君謂
上帝也

總註皇經三卷上半言天道下半言人道此則舉天人之理而
合之爲五品之樞紐蓋人稟五行之氣而生倘或惡星災之
邪魔擾之則五臟受病而死期至矣數者各有所制在身之
五帝朝我眞元上天下地明顯幽冥一切萬靈豈不可以統
馭而召攝之乎誥中句句皆喫緊爲人處有志於內功者可
豁然解矣

道藏輯要

本行集經

三

箕集二
四三六

玉皇功總品第三

爾時玉虛帝君白 天尊言惟願慈悲普爲四眾帝釋等及四
梵天王一切諸天一切諸仙及未來一切眾生持是經人說功
德事是時

天尊謂玉虛帝君言快哉斯問不亦善乎汝以慈悲憫念眾生
故請問於我汝當復坐吾爲宣說

爾時 玉帝頒誥之時四眾天神魔鬼也帝釋諸天帝主釋
教諸佛菩薩也四梵天王四大梵天之王也諸天謂三十六
天天主諸仙天仙神仙地仙也此章詳言功德下章方言利
益 上帝十七光明首重神通次重功德再次重利益餘光

俱包括於三光之內而無能勝乃總括之光也故三品卽言功德以天經如是尊重誦持者豈有不獲功德之理故極言之觀下各條註內引証益知是經功德無量而 天尊所言爲不虛矣

天尊告曰若有無量國土或兵戈並起疫氣流行水旱蟲蝗凶災饑饉其國王大臣發慈憫心爲其黎庶徧勅國內州縣鎮宰令諸道流清淨嚴潔於其觀內設大齋醮六時行道爲轉此經當得國土清平五穀豐熟黎庶安泰

穀不熟曰饑菜不熟曰饉官之尊者爲鎮卑者爲宰清淨肅其內嚴潔肅其外也六時白日六時也轉諷誦也言國土當

道藏輯要

本行集經

三

真集二
卷四

外患迭興內變四起之際惟此經可以轉禍而爲福 引証

唐朔方節度使張齊邱恭宗大道每日更衣於三清殿前誦玉皇經一部數年不懈一日有偏將謀叛率數百人入衙欲害齊邱忽舉頭張口投刃於地瘖不能言遂被擒詢之俱云適見廳上有甲士四人各長丈餘提刀呵叱電光爍人某等皆如中惡昏暈倒地齊邱知是神人保護將謀叛者正法後朔方大旱一載不雨齊邱禱雨虔誦是經甘霖立沛

若復有人入諸山林遇毒惡獸但能存想一念真經山神衛護猛獸自退終不害已

操存默想一其志慮念此真經則心與道俱山神衛護故獸

不爲害 引證唐李惟玉常誦 玉皇經值安祿山亂伏荒
草中虎狼不害及賊將至思得着履以走俄有物落其背視
之乃新履一雙也因得免難

若入江海採寶求珍值遇惡風如法持念是此真經風浪頓止
安穩達岸

如法持念如經中受持之法而虔誦之或北面跪誦或東向
坐誦則風恬浪靜安穩可達岸也 引証會稽人陳璟信道
甚篤一日過錢塘江陡值暴風波濤洄湧舟中之人無不驚
駭股慄環但至誠默念 玉皇經俄見急流中有一赤龍橫
出扶舟方得泊岸

道藏輯要

本行集經

三

箕集二

XOK

若在軍陣戈戟既接兩刃相交存心默念是此真經是諸惡賊
悉自退散

存心至心也對敵非朗誦之時故宜默念蓋持經之人天神
衛護軍威自振所以惡賊退散 引証雲中太守甯勉篤信
大道常持誦 玉皇經一日有賊兵犯境勉欲空邑以走恐
得罪於天子欲堅壁以守又恐一邑生靈爲賊所屠憂危無
計忽探者報云賊且潰矣有遺粟甲械在城下願往取之勉
登垣望時見賊兵顛踣若有勁兵擊其後者勉大喜開門逐
之生擒數十人問之皆曰向見城上有巨人百餘身長數丈
猙獰可懼某等盡驚駭汗流甯有關心乎勉悟巨人卽經中

所謂飛天神王類也

若在牢獄枷鎖之中淨心定慮存念是經冤枉自伸卽得解脫
修善誦經謹守法度豈遭牢獄枷鎖然或因他人拖累或爲
國帑未完致令監禁者亦常有之所謂无妄之災非自作之
孽也淨心內念不生定慮外緣不擾祇知誠意念經無懼禍
希福之見也冤枉自伸積誠久而感應通或逢皇恩赦免或
遇清官開釋不待辯白而自伸也 引証宋崔節度使軍法
嚴峻有校宋懿衛參失時崔命按軍法斬轅門外是夕三鼓
懿復還家妻子大駭疑爲鬼矣懿曰我初戮時一如醉睡無
諸痛苦至今方醒因以歸家遲明入謝崔驚懼曰汝有何妖
術能致不死懿曰惟自幼持 玉皇經日誦一部昨因誦經
是以徭參過期崔令取經至肩鎖如故開匣視之經分兩段
崔深自悔責卽捐資命工寫金字 玉皇經百部永充供養
若爲邪精鬼賊眾苦所加如法持念是此真經厭邪遠避自然
安穩

道藏輯要

本行集經

三

真集二

邪中之精鬼中之賊人被其害最苦畢集焉能誦誦如法持
念者乃延請端人法士代爲誦誦耳 引証進士于季同篤
信 皇經日誦一部春日詣村大醉夜深不及回家投宿旅
店閑步月下見一婦人顏色甚異因與言語遂被誘去行十
餘里至一村舍又有五六女子笑語相迎季同因思村舍安

得有此疑是妖魅乃朗誦 帝詰口吐金光羣女驚走惟聞腥臊之氣蓋狐狸穴也正徬徨間俄有白鹿在前引導遂得還

若人爲求嗣息如法尊重持念此經帝勅天曹明檢丹籍九品之內四果仙人運應數合降謫下生爲其作子才辯明慧人中尊貴

丹籍丹書仙籍九品上乘三品中乘三品下乘三品四果須陀洹果斯陀含果陀那含果阿羅漢果運應輪轉數合臨凡者 帝命爲持經人作子才辯者才不可羈也明慧者明無不照也德位兼隆人中尊貴 引証宋胡汝賢五十無子每

道藏輯要

本行集經

函

箕集二

且誦禮 皇經虔誠祈禱妻歐陽氏夢道士抱嬰兒付之覺而有孕生一子聰明穎異少年登第

若婦人臨難之月如法持念是此真經卽得母子平安生福德男女人所愛敬

臨難生產也婦人不能誦經丈夫如法代誦或延羽士禮誦解厄祈福不但母子平安且所生之男女有福有德爲人親愛敬重 引証進士沈球妻陳氏受孕年餘不生發願刊施皇經百部祈保平安刊者捧板至門妻卽分娩母子無恙若爲求官進職爵祿亨達貴遇人君如法持念是此真經卽得職務遷轉子孫榮貴世世不絕

無位者欲求得官有位者欲求進職使爵祿亨達貴遇人啓
如法持念此經不但宦途如意且子孫相繼簪纓不絕 引
証安陸衛千戶黃琛久不遷官發願刊印 皇經一百二十
部以施善信裝釘甫成卽陞正指揮使

若人欲求資財殷富如法奉持是此真經卽得財寶充溢衣食
自然慶流子孫傳之後代

充溢盈滿也自然不待營求也言持經之人不但身享饒裕
且能使美利傳之無窮也 引証吳興林榮本貿易人篤信
至道傾家資刊刻 皇經印施一日鋤地得金一窖遂成巨
富子孫世守

道藏輯要

本行集經

三

箕集二
川文入

若人被諸惡星之所照臨困苦牀枕如法持念是此真經是諸
惡星返降吉祥

惡星如計都羅喉之類困苦牀枕睡牀不安伏枕不甯也如
心胸煩躁肢體腫痛皆是返降吉祥疾病退而身安營謀遂
而心樂也 引証梓州陳文達最敬 玉皇經誦及萬卷屢
獲吉祥凡鄰里親戚有危惡疾患文達躬往誦經無不立愈
人見文達皆生欽敬

若人命過應入地獄注名惡籍父母師長夫妻男女爲亡人持
念是經或安置道場旛花供養卽得亡者鬼籍盡除神生淨土
同苦罪眾咸蒙濟度承斯勝利皆生天上

亡者戚屬能爲持念是經固獲利益如或不能則安置道場
設旛花陳供養延道流誦經超度則亡者除鬼籍而神歸淨
土卽同苦罪眾亦沾餘波而往生天上 引証相州范輝爲
亡妻梁氏持誦 玉皇寶誥極其精勤一日夢中覺身輕舉
飛昇上天見彩霞滿佈異香馥郁瓊林寶樹森然羅列傍有
一宮額曰梁氏淨室一繡衣童子出范問之曰梁氏何由至
范其人安在答曰梁氏得此乃因君持誦 帝誥之力也

此經所在之處常有十天至真大聖無極飛天神王侍衛供
養持是經人當得自稱爲正一真人是人在處自得十方至真
聖金剛力士潛護其人如護己身若出入遊行之處百邪

道藏輯要

本行集經

素

集卷二

避路魔鬼殄除精靈伏藏一切灾殃不能侵近是持經人命欲
終時更不見諸地獄惡相卽見天宮玉女持幢下迎而生天上
如天福盡下生人間卽得千生萬生中常爲國王大臣聖賢慶
會國土清平人民樂業常得夙性通明遵奉大道展轉修持誕
登道岸持是經人護福如是

十天十方諸天也飛天神王飛行於天之神王也正一真人
至正無私誠一無二之人也金剛力士釋道兩教之護法也
潛護暗中保護也不正者爲邪畔道者爲魔山妖木魅皆具
精靈能爲人害避路殄除伏藏此灾殃之所以不能侵近也
幢旛屬千生萬生猶言千世萬世聖賢慶會明良相遇之時

也清平樂業持經之利及於國土人民也宿性通明靈根不
昧也展轉修持歷劫不懈也登岸卽佛典到彼岸之意 如
是種種功德皆誦天經之效而獲夙性通明則尤爲難得蓋
人身歷輪迴此一世心奉大道精進修持到那一世或耽溺
塵緣迷失前生本性昏昏碌碌無復向來通明此修道所以
要不失本來種子能得夙性通明則世世生生不違真性矣
證道成真舍此其誰故此一端爲功德中之尤者 引証唐
寶夫人常持誦 玉皇經一日誦未終卷而故疾舉發夫人
自念倘病不起不能終經矣強起令婢燃燈婢云無火正歎
恨間俄三清堂中有燭炬出漸次升堂直入卧內一室明明
道藏輯要

本行集經

七

箕集二
八八

夫人驚喜取經誦之頓失所苦後享壽九十有五將卒異香
馥郁仙樂競奏鄰人皆見金童玉女手持幢幡寶蓋引夫人
上昇云
又若有持是經人若雨下時起大悲心如法向空念此經三卷
一遍其雨所霑面所向方一切眾生五逆十惡一切重罪悉皆
消滅一切重病自得痊愈是諸眾生命終之後不墮地獄神生
淨土蓮花化生何況受持是此經者

面所向方持經之人其面所向處也五逆不忠不孝不悌不
仁不義十惡心三業貪嗔癡身三業殺盜淫口四業兩舌惡
口綺語妄言共成十惡蓮花化生西方極樂世界人無女流

不假精血成胎魂托蓮花而生 或云五逆十惡王法在所
不赦而經之功德亦以被之似可不必不知此等重罪眾生
前生夙世種種罪根徧歷三塗業滿轉生爲人所以真性全
迷孽芽復發不得此大法寶徧灑甘霖何由洗除業根脫離
惡報故度大惡人專賴是經 引証通事舍人張承福受持
玉皇經一日被冥司所追承福至誠默誦是經見所追鬼卒
及一切受罪諸鬼皆昇空而去承福後享長年
又若有持是經人或行於道路值大風起吹是持經之人觸身
之塵是塵所霑一切眾生一切惡業悉皆消滅更不墮於三惡
道當生天上故知持經功德不可思議

道藏輯要

本行集經

三

箕集二
八

不可思議不可思量擬議也此連上節並下八節極言持經
利及人物之功德愈推愈微總發明不可思議之意

是持經人若涉江河淮海沐浴其身是身所需之水其中眾生
魚鱉鼃黿一切水族是諸惡業悉皆除滅盡此一報之身命過
之後不復更受胎卵濕化一切等身

罪業深重方墮水族今沾持經人功德水則惡業除滅盡此
一報而已不復更受四生輪轉 或云水族沾持經人之四
德水便不更化水族何以鱗介生生不息此說恐未必然不
知此節乃指一處而言如在一池沐浴則此池水族盡化往
生非在一池而遍及乎四海也且此一時沐浴則此一時水

族獲佑過此而後濕者又生作惡者又投於此則水中安得絕無鱗介固不得執此見以議大功德也 引証唐乾符中有羽士失其名曰持 玉皇經未嘗暫廢一日舟泊白帝城夜深寂靜持念之際忽聞腥穢之氣見水面有一人逼近船來驚問之答曰我非人也姓許名道坤爲夔州牧以貪殘暴虐死受業報爲鱸瀕灘毒鱗之子已二十餘年聞師持課得受利益往生人道故來相謝

是持經人口出一切言語音響一切邪魔外道聞者皆是清淨
法音

持經之人口中常出金光故言語音響一切邪魔外道聞之

道藏輯要

本行集經

卷

箕集二

俱是清淨解脫之法音

是持經人若遇諸神廟能爲其神誦咏是經是諸鬼神得聞是經卽脫鬼趣登證仙道恭敬是人如奉是 帝

爲神誦經神卽脫離鬼趣者道也蓋神雖具威靈彰報應尚未離乎鬼道聞此真經則五蘊皆空而上證真仙矣故恭敬持經之人如奉說經之 帝也 引証唐開元中有王少府者欽崇大道曾誦 玉皇經萬遍一日見二鬼使來追隨行十數里至一大樹下二使坐憩少府忽憶 玉皇經閉目誦之纔一部顧二使並失須臾四人至跪告曰仁者修行有此利益向來追君二使已生天矣少府曰吾但誦 玉皇經

耳四人叩頭曰惟此功德故也請爲弟子誦之少府誦之部
半開目又不見四人所在但聞空中曳甲聲有一紫衣神侍
衛甚雄跪言曰吾是五道冥官任重且貴但未離鬼道願求
生天請同至弟子處誦之冀福蔭之餘也少府相隨至一陂
澤乃拷掠訊鞫之所神因疊石爲座與諸部眾長跪座下合
掌聽之少府誦之三卷誦畢四顧並無一人惟有斷繩破杻
敝鎖空枷而已驚悚罔知所適忽有四童子來云王請公速
回亂我冥府文簿釋我獄中罪囚因導少府至一空谷中遂
生

若人在世不孝父母不敬三寶殺生偷盜邪淫妄語作種種極

道藏輯要

本行集經

三

箕集二
X X 上

重罪業將命終時若有道心正信善男善女於亡者未氣終時
起大悲心於其頭邊念 玉帝尊號七遍或二七遍三七遍四
七遍乃至百遍千遍是其亡者生前所造諸不善業悉得消滅
更不墮諸惡趣神昇九天何況受持是此經者

道心正信具向道之心正而不偏信而不二也着眼全在此
句故爲亡者持念尊號必須善男善女 引証唐開元中盧
重誨書寢夢二青衣持帖來追隨行數里見一門牆甚高峻
問此何地青衣曰此御史大夫李某宅也盧驚喜曰吾表兄
也因入見之李問云君壽已盡未審平日有何善功答曰在
生常誦 玉皇經李云此經乃聖神之骨髓功德最大盧同

顧庭院左右鐵網中有衣冠之士數十輩頂禮哀告盧問此何等人李曰此皆不孝父母不敬三寶殺生偷盜邪淫妄語作種種不善者死後陷鐵網中無有解脫君經功甚大可爲持誦令脫苦趣亦君之福利也遂設金牀令盧持誦盧念至神呪品見網中罪囚已有出頭者經終全身俱出拜謝而去盧亦還生再延福壽

又若復有人自從往劫乃至今生輪轉人天漂沉世域積千愆萬過在於己身若遇是持經之人形影暫映其身如爲帝光之所攝受或與同語或聞其聲如奉上帝道語之所慰諭彼人罪障永得除滅

道藏輯要

本行集經

卷

集二

輪轉如車輪之旋轉人天享人間福如居天上也指富貴者而言此等人積千愆萬過若遇持經人形影暫時映照如爲帝光之所接引一般或與持經人共語或聞持經人聲音如奉上帝道言法語之所撫慰溫諭而罪障悉消焉

又若持是經人造作長旛書帝名號於其旛上懸諸長竿或在觀宇或在家庭是旛被諸風吹所指方面一切眾生皆霑勝利一切惡業悉皆除滅

此節言書寫帝號形影所及普利無窮

又若有持是經人書帝名號在一切有聲物上或鐘或磬鈴鐺鐃鈸一切道具法事之屬或作道場或因試擊或被風觸是

聲出時或遠或近一切眾生聞是聲已所有罪業悉得清淨

此節言書寫 帝號聲音所及普利無窮道具法事道家之具法會之事也

又若有持是經人了悟生死深入山林修真學道或時登臨上山顧望目所及處山林溪谷含生品彙有形無形胎卵濕化蠢動飛潛種種物類所有罪業皆得除滅身心清淨命終生天何況受持是此經者當知是人卽是道藏功德身也

了悟生死明徹生死根源也修真學道修煉真性學習大道也山林溪谷間含生之品類若有形若無形若胎卵濕化若蠢動飛潛種種物類所有罪業持經之人目所及處俱得解

道藏輯要

本行集經

三

箕集二

脫則知是人乃大道之藏無盡量功德之身也由此經所在以下至此極言真經能消一切罪業而不可思議功德仍屬持經之人玩各節俱以何況受持是此經者作結可見 以上歷言功德種種如是而或疑其過涉張皇亦竊見有誦經者未曾見此功德嗚呼此管蠡之見也所謂持經者非一暴十寒之謂非口誦心違之謂非貌誠志怠之謂乃心如其口口如其心念念不懈時時不忘卽不誦時而閉目凝神將這部經參前倚衡這方叫做能持是經果能如是功德其本分事耳何庸漫疑而妄議耶

爾時 天尊謂玉虛帝君言今我略說未盡其妙若廣說之凡

流邪見疑惑不信是經功德窮劫難言

持經功德不過宣其大略尚未盡其微妙若廣說之則凡庸之流偏邪之見反疑惑不信矣況是經功德窮劫難言雖廣說之亦不能盡者

於是玉虛帝君聞是說已心生歡喜不勝踴躍瞻仰慈顏稽首讚歎而作頌曰

九天之上 謂之大羅 玉京金闕 雲層幾幾 中有天帝
仁慈惠和 至道無敵 降伏眾魔 天寶靈符 玉律金科
神仙億萬 幢幡眾多 聞者罪滅 永出愛河 是號玉皇
穹蒼真老 妙圓清淨 智慧辯才 至道至尊 三界師

道藏輯要

本行集經

三

箕集二

混元祖 無能勝主 四生慈父 高天上聖 大慈仁者
十號圓滿 萬德周身 無量度人 拔生死苦

慈顏謂 玉帝大羅京闕祥雲層覆巍巍然高峻也中有萬
天帝主仁慈惠和至道無與相敵而降伏眾魔也天寶靈符
五帝真誥也玉律金科天津金格也神仙億萬幢幡眾多侍
宸真聖持旌節而護衛之間者罪滅永出愛河法音所及皆
解脫而登彼岸也是以號稱 玉皇為穹蒼之真老妙圓清
淨微妙圓通真清真淨也智慧辯才大智大慧妙辯宏才也
至道道高無極至尊位尊無對化行宇宙無物或遺誠三界
之明師無始之先帝真已具乃混元之宗祖神真仙佛莫與

嬌美故曰無能勝主胎卵濕化俱沐生成故曰四生慈父居
彌羅之天高而無上謂之高天上聖具慈悲之心仁育萬類
謂之大慈仁者由穹蒼真老至此是爲十號無所不全是爲
圓滿萬德周於一身度人不可限量此所以能拔生死苦也
爾時玉虛帝君說是頌及十號已諸天聖眾異口同音歎未曾
有

歎未曾有言 玉帝聖號歷劫以來未之有也謂總承功德
者非

收讚

光明咒品 拔濟無邊 玉皇功德妙難宣 錫福更消愆

普度人天 修奉結良緣

大聖玉皇滿願大天尊

三稱
三拜

道藏輯要

本行集經

卷

箕集二
十八

太上玉皇本行集經卷下

開經讚

大道洞玄虛 有念無不契 煉質入仙真 遂成金剛體

超度三界難 地獄五苦解 悉皈高上經 虔誠稽首禮

大聖玉皇赦罪大天尊

三稱三拜

道藏輯要

本行集經讚

箕集三

十一

重刊道藏輯要

箕集二

高上玉皇本行集經卷下

天眞護持品第四

爾時昊天大帝聞說經法從座而起長跪 帝前白言惟願聖
慈普爲大眾及諸天人持是經人說利益事於是 玉皇上帝
興方便意開利益門宣玉匱科傳靈寶法告於昊天大帝曰汝
等諦聽當爲汝說受持功德扶危拔苦利益存亡神妙之事眾
眞稽首俱發聲言臣等今日幸聞湛然常住之法莫不上福諸
天徧周三界三塗五苦咸得消滅惟願慈悲憫臣等故演斯妙
義

道藏輯要

本行集經

箕集三

諸天人者一切天下人間之人也興方便意二句言 玉帝興起方便之意爲昊天大帝開陳利益之門玉匱科玉匱中之科條也靈寶法各靈妙寶之法也湛然清淨不染之意常住念無生滅也三塗色塗愛塗貪塗也五苦心神形精魂是也 前功德品亦 元始天尊承上二品而極言天經功德之大雖說重持經之人而實緣經之大寶有以普利一切是經何經乃 玉皇之尊經也故昊天大帝聞 天尊說後而轉請於 玉帝懇 帝言利益是猶歸重王人之意 玉帝大慈大悲有不因請而暢言利益者乎觀下文諸條可見 玉帝告曰若有眾生孝養父母恭敬三寶竭忠於君不殺不盜

不淫不妒不嗔不慢不驕不詐奉戒持齋冥心大道生尊重心
持誦是經我卽勅下周流法界徧傳十方無極世界勅命東方
東華帝君青騎神仙兵馬無鞅數眾悉令下降覆護受持是此
經者勅命東南扶桑大帝與其部眾神仙兵馬無鞅數眾悉令
下降覆護受持是此經者勅命南方朱陵大帝赤騎神仙兵馬
無鞅數眾悉令下降覆護受持是此經者勅命西南太華元老
與其部眾神仙兵馬無鞅數眾悉令下降覆護受持是此經者
勅命西方皓靈皇老白騎神仙兵馬無鞅數眾悉令下降覆護
受持是此經者勅命西北皇天大帝與其部眾神仙兵馬無鞅
數眾悉令下降覆護受持是此經者勅命北方紫微帝君黑騎
神仙兵馬無鞅數眾悉令下降覆護受持是此經者勅命東北
沖虛天君與其部眾神仙兵馬無鞅數眾悉令下降覆護受持
是此經者勅命上方天皇大帝崑崙蒼老黃騎神仙兵馬無鞅
數眾悉令下降覆護受持是此經者勅命下方太極和天君名山
大洞神仙兵馬無鞅數眾悉令下降覆護受持是此經者

奉戒持齋奉杓戒持齋素也冥心向道不同之意周流法界

三句乃下諸節總綱言十方聖眾皆奉 帝勅各率其所屬
覆庇護佑持經之人則持經功德不亦大乎此一節指十方
一切神之尊者而言○東華帝君卽王公非嶽帝也扶桑大
帝位東南東南巽方介木火之交所謂已火是也故有丹陵

之號若正南午向則朱陵矣原是兩帝總皆火府之尊十方大帝東主生發之柄南主長養之柄西主厲肅之柄北主斂藏之柄是爲四正其東南西南西北東北是爲四隅則各主生發長養厲肅斂藏之事在東者太乙宮隸之在南者離明宮隸之在西者太華宮隸之在北者含真宮隸之而東南則居清宮西南則居青靈宮東北則居廣漠宮西北則居廣利宮上方則主上界之事下方則主下界之事宮無定所勅命十方一切金仙四眾八部及諸眷屬悉令下降覆護受持是此經者勅命十方天眞大聖飛天神王三官四聖二曜九星北斗南斗東斗西斗中斗二十八宿周天眾星金剛力士神王

道藏輯要

本行集經

三

箕集三
X七上

等眾各與部眾悉令下降覆護受持是此經者

金仙諸佛菩薩也三官天官地官水官也四聖天蓬天猷翊聖佑聖也二曜日月也九星金木水火土及月孛紫炁羅喉計都也五斗及二十八宿皆周天之眾星金剛力士神王乃釋道二教之護法此一節指上界一切眾聖而言

勅命降魔力士四門王五嶽四瀆及諸名山四海九江十二河源山林川澤一切主者悉與眷屬覆護受持是此經者諸險惡處令得安穩勅命所在一切土地靈官並溝渠等神及一切諸大力鬼王皆令覆護受持是此經者令諸魔外道悉皆攝伏潛形遁跡高飛海外遠避他方

降魔力士降伏諸魔有力之士也四天門王管理天上四門之王也五嶽東泰山西華山南衡山北恒山中嵩山也四瀆江河淮濟也十二河源卽大禹所疏之九河及汝漢淮泗是也無水曰溝有水曰渠大力鬼王鎮守幽冥之將帥諸魔如天魔地魔魔鬼魔女等類外道挾持異說以惑人者也攝伏恐懼收斂之貌此一節指上下一切神之卑者而言如是山林社稷祠廟血食之屬一切鬼神當自消滅五方行病瘟疫鬼帥諸惡鬼神並風王水怪孽龍妖神土精木魅盡自消滅五虛六耗夢寐乖常野道咒詛蠱毒之類皆自消滅是持經人心欲願者一切如意皆得滿足

道藏輯要

本行集經

四

箕集三
XX8

如是持經之人非特邪魔外道畏避已也凡屬山林社稷祠廟血食一切鬼神皆安然無事消滅其偏好偏惡之心而不敢擅作威福五方行瘟之鬼帥諸作惡之鬼神行風之王水中之怪造孽之龍爲妖之神穴居之土精山居之本魅天哭破敗喪門弔客等之五虛六耗以及夢寐之乖常邪教之詛咒蠱毒一切等類盡皆消滅且百福臻而千祥集心所願者一切圓滿充足而無不如意焉

或有未能遵依科教修崇齋醮但能清淨持戒專一信受尊重敬慕是此經典並同修齋護持淨戒者是人功德坦然無礙自在逍遙號人中聖德慧長新同諸真人

玉經之效如此能依科建醮受持讀誦功德固云無量或有
未能遵依咨科教典設大齋醮但能清淨無染持戒無二專
一信受而不敢忽尊重敬慕而不敢褻將見諸神敬仰護持
淨戒之人無異於護持修齋之人可見淨戒持經即不必修
齋而其功德坦大寬平毫無繫滯阻礙逍遙自在名爲人中
之聖至德大慧畢世長新同於諸天真人焉

爾時昊天大帝聞是說已卽於帝前稽首歌曰

大哉至道 無形無名 渺渺億劫 黃道開清 神風朗耀

九炁吐精 玉虛澄輝 太霞高明 玉皇開化 溥度天人

三元道備 二象攝生 朽樹故根 已枯使榮 蠢動蛭息

道藏輯要

本行集經

五
X
L
箕集三

長生化形 懷胎含孕 俱得生成 亡者命故 魂歸三清

魄受鍊度 南宮飛昇 今日大吉 皆得光明 五帝鑒照

普告萬靈 天神地祇 及諸河源 五嶽四瀆 及諸名山

洞玄洞淵 洞空洞仙 無極大聖 至真尊神 無窮無極

溥鑒度生 惡根斷絕 咨都記名 眾真班列 咸聽帝言

經是帝勅 保誦持人 至度道岸 無使災侵 我奉帝命

一切咸聽

大哉至道無形無名而不可聞見渺渺億劫而無窮修累當
此黃道吉辰天道開清神風朗耀之時九炁九天之梵炁也
吐精而異彩顯露玉虛玉清之虛無也澄輝而神光昭著太

吞霞光高明而不可幾及 玉帝乘此時逢此運而普度一切天人也三元二句言 玉帝尊經備乎三才之道而包乎二象之精統攝生人生物之理也朽樹十句極言經功之大今日指說經之時而言皆得光明言人物咸濟幽暗開光也五帝至度生句指當時會上一切監臨之真聖也未數句反覆詠歎之意

於是昊天大帝說是歌已告大眾言此 玉皇妙法語諸聖祕密言路絕道斷微妙難思巍巍大範爲神明之宗保鎮國土拔度生死爾時昊天大帝說是語已法筵清眾咸仰道言普得開悟

道藏輯要

本行集經

六 纂集三
川文川

秘密寶重而不敢輕洩之意路絕道斷盡境也言此經乃成真修仙之盡境大範範圍一切之意

於是 天尊重宣此意而說偈曰

| | | | |
|-------|-------|-------|-------|
| 玉帝功德大 | 玄理極幽深 | 生於浩劫前 | 運化於古今 |
| 我今說妙經 | 憫念諸有情 | 此誠極妙法 | 功德中功德 |
| 名號最上乘 | 無比爲第一 | 大光明王尊 | 威德世希有 |
| 能破暴惡魔 | 皆令心降伏 | 能滅極重罪 | 皆令得清淨 |
| 若人聞是經 | 或聞帝妙號 | 稽首生恭敬 | 一切罪消滅 |
| 十惡四重罪 | 五逆於父母 | 信心一稱名 | 隨聲盡消滅 |
| 保護人天眾 | 四相與五衰 | 三塗極重苦 | 人間凡厄難 |

凶年饑饉喪 毒藥及厲魅 刑獄與冤家 軍陣鬪戰苦

山林惡道中 虎豹豺狼眾 江海毒龍類 迅雷風雨雹

水火及盜賊 蠱毒中心腹 失志發狂亂 蛇蠍毒惡蟲

邪魔凶怪神 伺求人便者 由持是真經 普皆自散滅

惡病久纏綿 夢寐亦不安 非理欲殘命 殄滅不爲殃

緣遇是經故 安穩得自在 所有希求願 財寶及富貴

以此經功德 如意皆稱遂 神威自在仙 諸天十一曜

三十二天主 二十八宿星 靈妃玉女等 天神及地祇

三界虛空神 江海諸龍王 水火及風神 宮殿與宅舍

山林樹木眾 溝渠井泉神 由持是經故 一切皆擁護

道藏輯要

本行集經

七

箕集三

衣食常自然 子孫臻富貴 出言人希聞 所至皆推敬

若爲求男女 持誦此真經 帝詔下天曹 落籍天仙人

降謫生其家 爲其作男女 顯貴人崇重 七祖得超昇

光大慶門戶 延及父母親 吉祥常熾盛 灾障不能侵

是故我今說 大眾宜諦聽 慈悲度一切 皆令達上清

偈中所載皆功德品中所已見者也 玉帝既准吳帝之請

廣陳利益 天尊聞之愈加慶慰故重宣此偈非復詞也蓋

初學之人下品之士善根未固不言功德之大則其向善之

心不堅故不憚反覆叮囑 天尊示人之心至深切矣

於是 天尊誓告四眾凡人持念此經受誦 帝號皆道根深

重宿有善緣此經尊妙普度天人但精心恭奉家國安甯保命
度灾掃除不祥天子王侯得奉之者致國太平凶寇自夷邊域
不爭兆民歌唱普天興隆運推數周正道當行有得之者天真
敬重寶之秘之

此承上文未盡之意而極言之運推數周二句卽三龍之後
庚子之年眞道乃行之意蓋玉經旣演諸天人無不遵受而
奉行之則雜法邪說之人皆廢然自返而不敢逞其無所忌
憚之詞如天久陰晦一旦豁然開明浮翳消散所謂經正則
庶民興斯無邪慝矣

✓ 報應神驗品第五

道藏輯要

本行集經

八 箕集三
XO 文

爾時慈悲度厄眞人尋聲救苦眞人濟生度死眞人萬福護身
眞人俱從座起越班而出俱白 天尊言若諸末世凡夫雖宿
有善緣得遇是經被諸邪障所隔本末疑惑不信是經功德如
是之人見在未來於諸地獄得何罪報惟願聖慈說其報應惡
趣之苦

夙有善緣得遇是經復爲邪障所隔反致疑惑不信故獲罪
甚大隔閉礙也本末猶言始終見在未來指今生後世而言
也 玉經尊重而有受持之人卽有疑謗之人受持者旣積
功德大利益則疑謗者自應受種種報應前二品欲歆動學
道之心此一品乃垂戒凡流之意不有諸眞請問無由以暢

其旨故 天尊因問動念反覆叮囑告誡可謂切矣

是時 天尊告四真人云若諸世間剛強暴惡不善眾生終日
竟夜對諸道像無恭敬心出誹謗語是罪當墮五無間獄若遇
是持經人設諸方便誘引開導如是之人能滅惡心信向是經
彼人罪業淨盡無餘

剛強暴惡性狠行兇之貌道像道教諸神聖之像誹議之也
謗毀之也冥中五獄刀山劍樹犁泥鼎鑊寒冰也無間無盡
之意設諸方便者設出諸般方便之法或善言以誘引之或
婉詞以開導之也 引証市民王傅稟性頑劣誹謗大道一
日忽雙目失明有道士登門化齋教以持誦 玉皇經傅辭

道藏輯要

本行集經

九
X
三
竹集三

曰愚人瞽廢不能從命道士曰但請人書寫亦可傅從之造
完一部延師口授虔誦不輟忽夢前道士來持刀抉其目傅
遂驚覺兩目復明此卽經中所稱滅惡信經之驗也

又若有邪見愚執惡人相持是經生諸惡逆偏眼邪視乃至起
一惡心發一惡言妄生謗讟持經之人其罪深重命終之後墮
大地獄永無出期

偏眼邪視傲慢不恭之貌謗誹議也讟詈毀也 引證潞陽
趙修復曾於觀中見道士持誦 玉皇經極口詆毀一日晝
寢夢一綠衣一紫袍者乘馬叩門厲聲責之曰汝狂肆輕慢
誹謗 玉經我等奉勅追汝修復心甚悚懼哀告二公曰某

愚昧無知追悔莫及惟願哀憫寬宥指示二公曰汝能造

玉帝尊像朝夕持誦

玉皇經當罪滅福生修復唯唯聽命

二公引至一城但見騰騰業火燒空重重鋒鋷遍布受罪之人或在鑊湯之中或在爐火之內或受確搗或被鋸解男抱銅柱女臥鐵牀鑄銅灌口鐵犁耕舌悲號萬狀慘不忍聞二公曰此皆不信大道沉淪受苦者爾若非悔改心切一墮此中永無出期矣言訖命使送回修復遂甦

至若在世男女得遇是經不生敬仰穢手污觸暈口讀誦牀榻不淨便將安置或誦是經講習俗語共相戲笑以爲常典如是之人命過之後墮無間獄永無出期殃延宗祖受拷鄧都累及

道藏輯要

本行集經

十

X
上
リ
箕集三

子孫害遺後代是人於地獄中歷無量劫受大苦惱縱遇聖教累承救拔罪惡小減又遇上聖殊恩得離地獄生餓鬼中歷千萬劫不聞漿水之名鬼報得盡生畜生中畜生報已若生人中復生邊夷外域而復女身貧寒困苦癯殘百病受無量苦人所惜棄求生不生求死不死輕斯經故獲罪如是

此言慢經之人不但己身永墮地獄且殃延宗祖害遺子孫歷無量劫而其罪不減甚矣 玉經當尊敬而不可輕褻也 餓鬼道畜生道及托生邊夷外域不定是輕慢褻侮 玉經之人而輕慢褻侮 玉經者必墮此數道大道無欺誑 天尊豈漫爲是說以恐懼無良者哉 引証相州劉滿開暈飯

館爲業一日病急有青衣吏持東嶽牌來追滿哀告吏欲求少寬與家屬訣別吏不許遂驅之行走曠野中日色慘淡如深秋向晚時約行數十里遇一戴花人從東而來見滿揖之乃鄰家子也握手而泣問曰我家人安否汝今已死在生積何善事滿曰醮謝北極未嘗缺也戴花人曰此亦善事也吾先往爲汝圖之疾馳去青衣吏推滿復行過一土山見宮闕威嚴守禦者皆鬼狀吏坐滿於門等候須臾戴花人出告滿曰吾爲汝問吏言汝所殺物命索償其詞甚冤奈何但汝能皈依玉皇大天尊玄穹高上帝庶幾有濟門開滿隨眾入見猪羊鵝鴨皆怒曰作人言曰還我命來滿懼連誦聖號數遍口中紅光噴出猪羊鵝鴨之類盡從光中升空而去王謂滿曰冤對生天汝當還矣滿方拜謝欲出有吏告王曰劉滿旣至此宜令見生平造業之物王許之吏卽付一卒押送過廊廡數間北面一殿有官正坐座後有門卒推滿入見一池食物無所不有皆臭穢不可近卒曰皆汝所作之業令食盡方去滿復念聖號口吐紅光將穢物燒盡獄卒俱合掌讚歎滿出王仍命青衣吏帶滿從舊路歸見相州城下濠水清淺青衣推滿入水中遂得復甦旣安捨宅爲觀罄家資造玉皇聖像終身虔誦玉皇經不輟吁劉滿一念聖號罪業立便消除則慢經之罪不問可知矣

又復有人初雖信受後復慢易善惡童子上奏三官黑簿書名青編減算身歿之後拘閉幽牢往復三塗無由解脫或於見世受種種病疥癩癰疽以爲果報憂悲苦惱日夜相煎或身被橫惡所加或牢獄繫鎖或非命自害毒藥所殘或被虎狼毒蛇之所噉食或爲冤債之所牽引或行山林值遇惡人被屠割推落崖岸或被邪精魍魎之所殘害或爲水火之所漂焚或被刀兵之所橫誅輕斯經故橫喪天年獲如是果獲如是報可不悲與可不痛與

初爲信受之人後存慢易之心其罪更大故不但幽閉酆都而陽報種種尤極慘毒黑簿所以記過青編所以錄功皆三

道藏輯要

本行集經

三 寶集三

官所掌十二年爲紀六年爲算過陷於不知者猶輕知而故違者罪重初信受而後慢易不獨有初鮮終而昧却本良忍心背叛較前數條爲甚有不受種種果報者乎 引証道士沈復初狂慢疎忽 皇經破壞不加修整扯碎拭桌一日醉臥夢天將以火燒之苦不堪忍徧體皆裂舌長尺餘號咷數日而死此卽慢經之報也

是宜殷勤依此奉行勿生邪念若諸念不生萬緣頓息塵沙惡業隨心消散一切災魔自然殄滅此經功德不可思議是誠無比最上妙法諸經之王有大利益非人勿示

殷勤拳拳奉持之貌諸念一切妄念也萬緣一切情緣也塵

沙難以算數言惡業之多也諸經之王猶言諸經首領尊無二上也非人勿示非遇尊經重道之人不可輕傳也 引証元黃德甫敬奉道法捐資刊 玉皇經發願印施千部一夕燃燭誦至未卷未竟忽烈風大作一人從空而下竦立於傍身長丈餘手秉巨筆毫芒光燦口眼火焰燦人竊視之乃雷霆本部督也德甫恐懼伏地神厲聲曰汝所印之經不可妄施與人須令當面誦讀一遍字句不差方可相授敬之慎之言訖不見自是德甫如教方施經中所謂非人勿示者其斯之謂與

若諸天人五衰四相輪迴侵逼能除妄想受持是經坐招自然

道藏輯要

本行集經

三

箕集三
XX

天福益固身度三界與道長存

天人欲界下天之人也五衰四相見神通品侵逼不能脫離之意坐招自然不待思求自然坐獲也大道歷劫不壞持經之人心與道俱故其身與道長存 引証太平州人孫壽獵於海濱縱火延燎草木蕩盡惟一叢草甚茂火到便熄並不焦萎壽疑其中有伏獸近前窺視見一磚塚經久雨傾陷露出木棺石碑銘云大漢延平二年念 玉皇經李氏女墓野火不及蓋由此也壽念棺中必以經附葬焉遂命僕棄鷹在地掘開磚塚啟棺視之女體尙溫顏色不變頭邊有木匣一箇經果在內經祇雖朽而經如故焉壽取以歸爲易新棺製

衣衾重葬之此經所謂身度三界與道長存之驗也

是此經典無與等無能勝是大威德大神咒能令一切枯槁便生枝葉花果茂盛龍除眾生極重苦惱能令短命眾生而得長壽此經功德不可思議歎莫能盡

無與等一切經典莫與比也無能勝一切經典莫能及也大威德者威以德顯邪魔恐怖而鬼神欽敬也大神咒即前大光明圓滿神咒也枯槁之物尙沾經功而茂盛況人爲萬物之靈果能信心奉持豈有不獲善報者乎 引証士人嚴訥訪友外出妻李氏在家一旦無病暴卒是日訥過蒼湖見其妻履水而至訥驚問之妻泣曰我已死矣此間北雁村有嚴

道藏輯要

本行集經

函

箕集三
XX三

先生抱奇術若往求之我庶得生遂不見訥至村訪問果有嚴先生課蒙爲業訥造門求救嚴初怒拒哀懇久之方曰殺夫人者王將軍也葬在君宅堂西柱下急爲建醮持誦 玉皇經則尊夫人可活矣訥急回請道士建醮誦經纔半部其妻已開目經完便坐起曰王將軍致語承君功德不敢有忘遺骸葬此堂西柱下懷中一劍請留以酬君惠掘之果然遂擇地厚葬之此經所謂能除眾生極重苦惱能令短命而得長壽之驗也

若不宿植道本廣種福田乃至經名尙不得聞何況得見是經宿預也植栽也本根也積善獲福報謂之種福田如種田之

獲稻梁也言人非宿植道本廣種福田則善緣淺薄經名尙不得耳聞何能得目見是經乎 宿植道本卽獲宿命通之謂從來今生向道專篤者未有不自前生植其基也所以前因不昧是爲最難非種本深者鮮有不失者矣

蓋是經依三洞真格八萬劫一傳此清都至真上聖所寶秘於玉京金闕甚爲微妙難可得遇如宿有仙骨當爲九天真仙之人得遇斯文承斯緣故後當齎金寶從師告盟受之方當乘機應運乃可付焉不得輕洩敬之愼之

洞真洞玄洞神謂之三洞金科玉律謂之真格八萬劫者人生於寅盡於酉八運共八萬年也清都上清玄都也言此經

道藏輯要

本行集經

五

箕集三
X813

微妙必須宿有仙骨當爲九天真仙之人方可得遇又必齎持金寶從學於師告天立誓乘機應運而後可以授受也引証奉天縣尉馬敬持誦 玉皇經十五年不倦忽於一夜見披甲神人狀貌甚異謂敬曰爾旣專心向道何不詣延康宮訪女冠李霞卿彼人姓名已登仙籍秘藏 皇經真本能持誦之功尤倍常敬驚駭受命至旦詣延康宮試爲尋訪果有李霞卿者修眉玉顏飄飄若仙旣接坐道及神人所言之事霞卿曰小道秘藏此經無人得知今蒙神諭焉敢隱匿命女童連匣取至敬跪而受之持歸校舊日誦本方知語句脫略乃依本改正此經所謂宿有仙骨當爲九天真仙之人得

遇斯文之驗也

於是、天尊珍重讚歎而說偈曰

設使江河水 波浪能生蓮 慈烏毛能白 如經故難遇

設使龜生毛 堪採爲衣服 夜月能消冰 如經故難遇

設使蚊蠓足 堪構爲橋梁 能載一切重 如經故難遇

設使黃口雀 能銜諸大山 擲之他方界 如經故難遇

設使一葉舟 力能載崑崙 浮度於大海 如經故難遇

設使諸水蛭 口能生巨齒 其大如象牙 如經故難遇

設使蓬蒿葉 能覆無鞅界 蔭庇崑崙山 如經故難遇

設使烏梟類 同樹一巢棲 銜食共反哺 如經故難遇

道藏輯要

本行集經

去
X
二
X
箕集三

設使兔生角 堪用爲梯磴 上窮有頂天 如經故難遇

設使鼯鼠等 緣於兔角梯 至天能食月 如經故難遇

設使驢顏唇 色如蘋婆果 復能作歌舞 如經故難遇

設使蠅蟲等 能飲鍾石酒 迷荒而沉醉 如經故難遇

珍重讚歎者珍重 玉經之寶貴而讚歎其難可輕遇也設

使云者萬一或然之詞偈中所載皆事之所必無理之所未

有者歷歷言之以形容經之難遇夫大道人所同具尊經自

在天壤何以難遇若此蓋以傳之者未必如 元始之眞受

之者未能契 玉皇之秘扞格難通故雖遇如未遇也

爾時、天尊宣說偈已普告四眾世間若有持是經人名功德

身一切有情被其蔭故

有利於眾曰功有恩於眾曰德有情者世間一切含生之類蔭覆冒也 引証宋李惟一開雜貨鋪每日於鋪櫃上誦玉皇經一遍櫃下有一母雞抱二十四卵兩月不生一夕夢一羣人羅拜其前曰我輩今脫禽類得爲人身皆沐超度之恩李覺而怪之旦視所抱雞卵皆成空殼矣

持是經人名神通身一切吉祥咸臻集故

神之所到觸處皆通故曰神通吉吉慶之事祥祥瑞之徵咸臻集者諸福畢至也 引証司馬喬卿丁母憂發願刺血寫

玉皇經以報劬勞寫未一卷庭前生靈芝二本長一尺八寸

道藏輯要

本行集經

七

箕集三

紫蓋綠蒂日漉汁一升取飲之味甘如蜜喬卿服闋後召爲揚州刺史終身享泰

持是經人名清淨身一切惡業不能侵故

惡業災殃也侵逼害也 引証唐陸康成任京兆法曹一日

坐堂見亡吏抱案牘約數十種陸問之吏對曰來年兵亂此皆劫中之名姓陸曰得無有我乎吏曰有陸大驚曰君乃舊吏何不用情吏曰以此故來報知惟誦 玉皇經可免言訖不見陸求得經日誦不輟明年朱泚反迫爲御史陸叱曰賊臣敢亂唐室而污國土耶泚大怒令數十人圍而射之陸閉目誦經一無所傷泚曰儒者以忠信爲甲冑信矣命釋之

持是經人名威德身天魔異道不能攝故

威德德著爲威不假怒而自威也天魔諸天之魔也異道山精木魅也懾悚攝驚怖之意 引証譚周敬慕道法常誦

玉皇經一日攜僕訪友抵暮未至投宿旅店比寢忽門戶開闐震響殊甚若有寇入之狀周大驚朗誦 帝誥時燈已滅恍惚見一官人襴幘端簡拱立牀側響聲遂寂達旦欲詢店主而不果倉惶出門途中僕告曰昨晚假館之榻有婦人縊死夜間常出爲祟周方悟所見官人乃里社正神暗來護衛魔鬼不能攝也

持是經人名無等身 上帝遙唱萬神敬啟

道藏輯要

本行集經

六

卷二 集三

無等無與等也遙唱 帝喜樂道之人天音贊揚如相唱和也 引証隋慕容文遠病中見鬼使來拘卽隨行入城進一王府見殿上坐一王者文遠下拜王問曰汝在生有何功德文遠曰惟旦夕持誦 玉皇經王驚起合掌稱善曰若然當願聞令登金牀坐誦纔一卷忽然遺忘有一玉女頂翠鳳冠披五彩服手捧文遠所誦經跪布其前文遠對經誦畢黃雲滿庭有繡衣童子自空而下謂王曰 上帝有旨慕容文遠持經功大宜速放還王還旨命原使送回病遂愈持是經人名堅固身惡劫大難不能損故

向道專一心無退轉 其身堅強貞固雖遇劫難不能損壞

引証士人劉天澤持誦 玉皇經始終不懈端平丙申賊兵犯蜀家人先遁劉負經出門正遇賊兵叩頭求免且默誦玉皇寶誥賊兵連砍數刀如有障隔羣驚爲神釋之得免持是經人名道藏身口出語言鬼神仰故

藏府庫也持經之人妙法神功無不周備是大道之府庫也語言發爲德音故令鬼神欽仰 引証唐呂文展持誦 玉皇經至萬餘部年既衰老口牙俱落向經懇求牙生如故郡中雨暘不時太守委令祈禱無不立應一日夜坐誦經見諸王者冠冕龍衮手執玉圭長跪禮拜文展大驚下坐叩頭曰某下界凡夫安敢當此恭敬諸王者曰我等上界天主適見道藏輯要

本行集經

克

箕集三

又川人

此間有光燭天謂是 上帝化身在此故相率前來供奉爾珍重讚歎而去

持是經人名慈悲身六道眾生賴其善故

賴其善者六道眾生賴持經人之善力除罪增福脫苦生天也 引証唐李邱一好畋獵一日見鬼使來追自云姓焦名策相隨至陰府見王王曰汝好殺物命今須償還須臾見諸禽獸相向索命邱一怖甚告王曰某曾誦 玉皇經百部可準得否王驚起曰此經能滅一切罪惡遂命檢邱一功德簿還白如言王曰 玉皇經最上功德汝能持誦利益不小乃召所殺諸物令邱一誦經超度念纔三張回顧庭中禽獸皆

不見誦畢王命焦策送邱一還策出曰子歸何以報我邱一許錢三百千辭不受許造經五部策曰可也及甦如約造經復夢策來謝云承君功德已生天矣

持是經人名大道身出入所在無怖畏故

大道坦蕩寬平持經之人念念是道故無畏怖 引証衡邑

老儒忘其名一夕過江喚渡操舟人皆酣臥不應遂靜坐誦

玉帝誥隔岸一漁翁獨釣江畔遙見二人自波中來私相謂曰岸上老儒喚渡已久汝急去取之一人答云彼正念經未可近也良久其人又曰可矣恐過此時又待三年答云彼念經不輟衛護甚嚴奈何時交五更二人入水而沒漁翁知其

道藏輯要

本行集經

三

箕集三
X三川

爲鬼移舟至岸告老儒曰向者呼渡見二鬼伺間欲來相取聞云念經不敢相近不識所念何經老儒曰吾平日持誦玉帝寶誥雖暮夜獨行永不敢廢漁翁遂載以渡

持是經人名良醫身善行妙法安樂人故

善行開度之妙法救災弭患人皆安樂故持經之人不異良醫之治病也 引証譚應乾閉戶誦 玉皇經數十年不倦時兵革之後疫氣大盛譚往誦經無不立愈比兵來往皆驚歎曰此老異人戒勿驚擾各以錢米等物與之而去

持是經人名光明身常爲帝光所攝受故

上帝威光無所不照昏昧者如有所隔惟持經之人性天明

朗心通 帝座故常爲帝光之所照臨 引証隋趙居易常持誦 玉皇經一日暴卒至冥府見玉王曰諸罪中殺生最重爾以猪羊充庖應當受報命以五長釘釘居易舌及手足釘時金光罩體遂不復釘又有一長安人姓高名淳王曰汝曾誹謗親長令左右拔舌舌上有光高二丈餘亦無所傷王問掌善吏曰此人有善在福簿否吏曰有此人曾在黃童觀看 玉皇經一卷大有至誠王命鬼吏送二人回居易既生遂訪高淳其家人曰近日還魂已入道矣居易自此持齋修道永不茹暈

持是經人名自在身天宮妙境神能遊故持經功德說不可盡

道藏輯要

本行集經

三 箕集三

持經之人五蘊皆空四相俱泯得大自在天宮妙境如三清玄都玉京金闕等處是也末二句總承上文 引証嘉定任自信常持誦 玉皇經一日過洞庭湖見龍王廟甚爲壯麗欲入賞玩居民止之曰此神躁暴無得輕犯君毋入焉自信笑曰吾受三天淨戒持始青妙典以信待神神果有靈不我害也言訖遂入四處遊覽出經於殿之西楹誦之約三更聞牕外絲竹嘹唳車馬喧闐有赭袍金冠者乘輿而來揖自信曰先生崇修大道功德無量幸降敝居稍伸敬仰遂邀自信同行不三五里抵一城見瑤池玉闕寶樹琪花眞蓬島也王下輿拱自信入宮設碧玉几施錦地衣率眷屬侍立座前聽

自信誦經自信誦至三卷開目見王與諸眷屬長跪座下自信大驚遜謝王復出金銀珠寶羅列殿前自信堅辭不受請行王命駕輿送重原處越半月抵家家人曰十日前有數人荷担而來皆奇珍異寶云是爾送來自信具述其事後隱入青城山莫知所終

又若道士志人能結法壇著新淨衣於夜半後闌寂之時獨處清淨室叩齒九通東向端坐誦誅是經於是時也天真御几玉妃拂筵萬神班列諸天臨軒三界侍衛五帝司迎

道士志人修道之士有志之人也闌寂萬籟俱靜也此言如法誦經則諸神敬仰彼褻慢者其罪當何如耶 引証唐李

道藏輯要

本行集經

三
X
三
X
箕集三

修丁父憂刺血寫 玉皇經纔一部筆頭現五色神光寫至十部筆毫一無所損院中嘗聞異香案前時落奇花每當夜靜持誦彷彿見無數神將合掌恭敬

又能閉目靜思存想是經不覺身處五色雲氣之中俄見其身光明赫奕上昇天宮眾真下迎心有所請一切應奉仙丹妙寶隨意自得宜當依科冥心奉行

不但結壇誦誦者獲大利益卽閉目靜思存想是經則其心已與帝座相通而諸神敬仰所願俱得矣 引証饒州銀山老人持誦 玉皇經數十年不懈一日鄰火不戒延燒千餘戶惟老人一家居中而火越過其居一無所燬人見有無數

神將圍繞保護年九十餘仙人與以金丹服之飛昇
此經乃自三世金仙十方大聖皆從此經依科修奉故得超證
無上妙道是茲 玉帝諸天之師眾聖之王

存想是經獲無窮利益故三世金仙十方大聖皆依玄門科
儀修持而遵奉之超拔擢也證成就也化及萬方故曰諸天
之師浩劫欽崇故曰眾聖之王 引証安陸仇端持誦 玉
皇經甚虔一日鄰火延燒一切諸佛典籍俱成灰燼惟此經
與 帝像毫無損壞經所云諸天之師眾聖之王觀此益信
是故凡夫值遇是經精一修奉乃至五帝輔翼召使羣仙御役
神官運導陰陽千靈敬仰萬神攝伏百邪避路羣魔束形命過
道藏輯要

本行集經

三 箕集三
八八二

之後即得南宮受煉飛步上清逍遙自在與道常存

不特金仙大聖從此超證即凡夫值遇是經精誠專一修持
崇奉則五老輔翼其進修羣仙咸受其召使神官皆爲所御
役運導幹旋也南宮朱陵府度魂煉魄之宮也 引証道士
周契玄常持誦 玉皇經發願虔寫百部未就而卒七年後
忽於空中喚諸弟子云吾是汝師周契玄初死見冥王王問
在世修何福業吾以持經事答王曰師既有此莫大功德當
往生上清不復留此矣今已七年吾所許 皇經百卷尙未
寫完汝等可爲吾續成之以滿善願諸弟子問師何不現身
曰吾自生天身軀長大若出現恐驚壞汝等也

又復世間眾生得聞是經心生渴仰能於家庭擇清淨處畫
帝尊像日夜虔虔晨昏濟濟香花燈果尊重供養稱讚聖號瞻
禮誦經是人當得三十種上妙功德

虔虔誠敬不二也以心言濟濟威儀中式也以身言 引証
唐王法進幼而好道供 玉帝像勤奉香火誦經不輟一日
有青衣童子自天而下謂法進曰 上帝以汝皈依誠敬勅
命召汝不覺騰身空中徑達 帝前法進叩首 帝命起立
賜玉杯霞漿併授靈寶清齋告謝天地儀文使傳於世帝復
命曰龍虎之年復當召汝後法進以壬辰年昇天

一者諸仙讚重 二者先亡生天

道藏輯要

本行集經

三

箕集三
門又八

三者宿殃解脫 四者所往通達

五者無盜賊事 六者所求遂心

七者除水火厄 八者橫事潛消

九者夜夢吉祥 十者疾病不侵

十一者智慧聰明 十二者人見歡喜

十三者衣食豐盛 十四者子孫榮貴

十五者六親見喜 十六者門族和睦

十七者除三惡報 十八者轉女成男

十九者形容端嚴 二十者爲國大臣

二十一者生爲帝子 二十二者鬼神欽仰

二十三者得宿命通 二十四者諸神護念

二十五者九族受蔭 二十六者處世長年

二十七者有情賴善 二十八者魔王保迎

二十九者決超三界 三十者白日上昇

讚重者讚歎而尊重之也所往通達隨其所往毫無阻礙也
宿命通者宿世命運記憶通徹也護念者保護稱念也九族
高曾祖父已身子孫曾玄也有情賴善謂六道四生賴善力
而濟度也保迎保舉迎接也決超決然超昇也

爾時、天尊復告四眾曰此經功德能碎鐵圍諸山竭苦海水
破大地獄拔諸罪苦降暴惡魔護諸國土能滅一切惡鬼能除

道藏輯要

本行集經

卷之三 箕集三

一切重病能解一切惡毒能離一切惡人能伏一切毒獸能摧
一切邪道一切諸天皆自尊敬其餘功德說不可盡

造業之人生前沉淪苦海死後墮落牢山倘能得聞是經則
鐵圍山碎苦海水竭大地獄破而超登道岸矣惡毒如蠱毒
魘魅之類邪道如妖術符咒昏人神志也摧破壞也此總敘
皇經之功德自度鬼拔罪降魔護國外如滅惡鬼除重病解
惡毒離惡人伏毒獸摧邪道威光所照無惡不消法力所通
無殃不解誠哉爲諸天師眾聖王也天上地下萬靈眞宰有
不奉爲法寶而尊之敬之者哉 引証豫州張政尊奉大道
持誦 玉皇經一日得重病有四人來追同行入城見在世

傳經道士從署中出裝束奇異如道像中真人政遂迎拜道士罵鬼使曰如何妄追平人鬼使惶懼道士引政見王王下堦相迎上殿對坐道士曰張政是吾弟子持誦 皇經多年妄被追來可速放還王曰略俟勘對此人壽算及祿簿道士忿然作色王急索帖判放去字仍命王重責鬼使王乃枷追者四人於廊下道士領政辭出徧看地獄見大鑊行列燃火煮人痛苦哀號更有鐵牀炭火燒炙人皆焦枯又有蓬頭婦女三人黑中伫立向政叩頭云不得食者不知幾時矣政朗念 玉皇經見牛頭馬面及夜叉諸惡鬼皆合掌跪聽受罪眾魂悉升空而去道士以杖擊政遂復活病亦瘥

道藏輯要

本行集經

卷三 箕集三

爾時道場大眾金仙菩薩真聖眷屬聞是說已歡喜踴躍稽首敬禮而作頌曰

| | | | | |
|------|------|------|------|------|
| 大哉至道 | 無宗上真 | 上度諸天 | 下濟幽魂 | 上無師祖 |
| 惟道爲身 | 丹臺紫府 | 金闕玉京 | 秘此妙法 | 溥福含靈 |
| 滅我萬罪 | 增我遐齡 | 萬神朝禮 | 魔王保迎 | 功德昌盛 |
| 黃籙書名 | 渺渺億劫 | 使我長存 | | |

至道謂 玉經也無宗上真言無本無始而具最上至真之妙法是以上度乎諸天而無不周下濟乎幽魂而無不徧也身體也言此經無師無祖惟以道爲體也藏於丹臺紫府貯於金闕玉京溥福乎一切含靈之類誦之者滅萬罪增遐齡

萬神瞻仰魔王欽敬功德極其昌盛黃籙書其姓名縱歷億劫而此身不壞也玄都仙籍鑄金爲簡故曰黃籙於是會眾說是頌畢稽首皈依奉辭而退

道藏輯要

本行集經

卷十

箕集三

玉皇心印妙經

上藥三品 神與氣精 恍恍惚惚 杳杳冥冥 存無守有
頃刻而成 迴風混合 百日功靈 默朝上帝 一紀飛昇
知者易悟 昧者難行 履踐天光 呼吸育清 出玄入牝
若亡若存 綿綿不絕 固蒂深根 人各有精 精合其神
神合其氣 氣合體真 不得其真 皆是強名 神能入石
神能飛形 入水不溺 入火不焚 神依形生 精依氣盈
不竭不殘 松柏青青 三品一理 妙不可聽 其聚則有
其散則零 七竅相通 竅竅光明 聖日聖月 照耀金庭
一得永得 自然身輕 太和充溢 骨散寒瓊 得丹則靈

道藏輯要

本行集經

三

箕集三
川石川一

不得則傾 丹在身中 非白非青 誦持萬遍 妙理自明

玉皇心印妙經終

誦經後念十遍再誦

補闕文

至心皈命禮

金闕玄穹主高上玉皇尊諸佛聖師萬天帝主演三卷五品之
妙法周十號萬德之洪名放十七大光明示三十種功德拔度
生死運化古今一萬二千三十六字洞玄靈寶高上

玉皇本行集經

收金光咒

太上無極大道

三十六部尊經眞文寶符

三清三境虛無三寶天尊

玉皇赦罪大天尊玄穹高上帝

十方眾聖玄中大法師

玉經中無鞅數眾神仙覃恩不可思議功德

收讚

誦經功德 神妙難思 幢旛接引拜彤墀 玉液酌金卮

佛果仙姿 超證樂春熙

大聖玉皇滿願大天尊三稱三拜

道藏輯要

本行集經

三 箕集三

皈依三寶

自皈依道當願眾生形神俱妙與道合真 一拜

自皈依經當願眾生精持妙典獲大神通 一拜

自皈依師當願眾生功圓行滿應詔飛昇 一拜

太上元始天尊說玉皇本願尊經

爾時

元始天尊在鬱羅蕭臺玉山上京與五老上帝三元大帝十極高真無鞅仙眾說無上至真妙道開悟天人忽見祥光萬道充滿虛空旋結成篆絡繹可紀時有慈悲度厄真人尋聲救苦真人濟生度死真人萬福護身真人卽從座起越班而出稽首作禮上白 天尊曰未審今此玄苑以何因緣特現金光妙篆天尊凝神良久言曰光嚴國內妙樂土中嗣位儲君以清淨心發宏誓願緣放神光成斯妙篆四真再拜稽首白

天尊曰光由願起篆借光成所發何願請言其實於是

道藏輯要

本行集經

三

寶集三

天尊卽命上元捧硯五老執筆仰睇雲篆而述其願

一願萬二千天不相背害

二願九萬億光琉璃燦爛

三願歷劫種親早登道果

四願所有眷緣福慧增添

五願東山碩儒賢聖文物

六願西域袈裟立地參禪

七願在在處處身住妙樂

八願世世生生無有淪毀

九願生吾國者不復女身

十願侍吾前者與吾同尊

十一願聞吾香者承恩受度

十二願稱吾名者五逆不干

十三願常觀慈顏不視邪色

十四願耳聞妙法諦聽真詮

十五願鼻觀寂靜常嗅妙香

十六願舌無雜味恬淡太玄

十七願身無困憊久視常樂

十八願意不散亂守我三元

十九願自修自證普度羣品

道藏輯要

本行集經

二十願人過人惡皆屬已愆

二十一願怨我仇我時下消釋

二十二願親我德我聽其自然

二十三願卑者就下非汙非湧

二十四願高者聳峙不驚不崩

二十五願水陸禽蟲爲麟爲鳳

二十六願山川草木成桂成蘭

二十七願因親及親同赴帝京

二十八願從劫至劫不墮凡流

二十九願忍辱仁柔堅固道體

三十願度人無量永證金身

三十一願玄座說法天人悅慶

三十二願讚詠洞章金仙雲從

三十三願山林坡坂無復高下

三十四願四維八極至邇非遐

三十五願所有宮殿金玉成飾

三十六願所經雲衢寶網交加

三十七願鈞天妙樂隨光旋轉

三十八願祥雲紫霧常護玉軒

三十九願玉樹仙花珠寶蒨燦

道藏輯要

本行集經

三

卷二 簞集三

四十願芝草綿覆景秀丹田

四十一願火棗交梨密綴林樹

四十二願仙丹妙寶羅列後前

四十三願陰陽和合非寒非暖

四十四願華池頻浴何盈何淺

四十五願所服裳衣無損無縫

四十六願所食雲饌無欠無餘

四十七願飛鳴應節皆中玄韻

四十八願龍戲麟盤翔舞天端

四十九願慈光徧燭有求皆應

五十願威德無極莫敢不從

五十一願初證仙品各思踰舍

五十二願未登道岸勇往直前

五十三願割愛學道爲吾弟子

五十四願行藥治病亦列仙班

五十五願敷揚神功恢宏正化

五十六願舍己血肉永斷慳貪

五十七願我願人願人願我願

五十八願願亦非願非願亦願

天尊卽說偈曰

道藏輯要

本行集經

三
卷
三
箕集三

玉帝功德大 宏誓深如海 廣修無量劫 應證無上尊

十方悉皈依 仙佛神聖師 金童收雲錦 玉女納寶函

天龍常擁護 諸眞不得聞 我爲汝畧說 大眾宜諦聽

是時五老上帝三元大帝四大真人及諸仙眾聞是偈已各各

歡喜踴躍稽首頂禮天尊奉辭而退


太上元始天尊說玉皇本願尊經 全

東方第一真文神咒

東方九炁 始青天中 青靈始老 九炁天君 真人按筆

下注臣身 木德秀炁 會道合真

金 章 靈 符



此符治肝經受病黃紙硃書化服立愈

南方第二真文神咒

南方三炁 赤靈丹天 丹靈真老 三炁天君 司命司祿

道藏輯要


本行集經

三 箕集三

絳闕尊神

火德明秀 會道合真

金 章 靈 符




此符治心經受病黃紙硃書化服立愈

中央第三真文神咒

總監眾靈 十二支天 黃靈元老 十二天君 都錄交籍

主鎮脾神 土德鍾秀 會道合真

金章靈符



此符治脾經受病黃紙硃書化服立愈

西方第四真文神咒

西方七炁 太白之天 皓靈皇老 七炁天君 記名安魄


主鎮肺神 金德監秀 會道合真

道藏輯要

本行集經

三三三 寶集三

金章靈符




此符治肺經受病黃紙硃書化服立愈

北方第五真文神咒

北方五炁 玄中之天 五靈玄老 五炁天君 追生落死

主鎮腎神 水德華秀 會道合真

金章靈符



此符治腎經受病黃紙硃書化服立愈

道藏輯要

本行集經

三

箕集三

皇經持誦儀制

玉律曰持是經人不拘道俗男女俱宜齋虔精專不二凡設
皇壇務要北房正面向南無論觀廟家庭只在潔淨嚴肅發願
諷經者月前齋戒香湯沐浴更換新淨衣服潔清鋪蓋獨處靜
室戒定身心焚香熏壇灑水淨穢先期具表奏

聞當夜子時分持經人等俱執笏稱臣於回向中宣意先擊報
鐘三下白

聖曰本行集經開度眾生金鐘一響殄滅邪精金鐘二響掃蕩
凶星金鐘三響地獄皆空羣生聞者百福來臻吾奉

玉皇上帝律令勅拜一入壇上香拜五懸幡咒曰赫赫陽陽幡挂中

道藏輯要

本行集經

三 箕集三

央萬神列隊護衛經堂千妖滅爽萬穢消亡寶幡所指興利除
殃稍有違誤玉律施張急急如

玉皇上帝勅令拜一回壇拜一擊鼓三通頭次敲小鐘一下二次三下北面

長跪擊木魚念七神咒起立至經達三天向上一拜焚接駕表拜三上香拜五念

集靈咒拜一念開經偈拜一請笏禮奉拜一跪諷各誥每號三拜懺悔發願

各一拜朝禮三寶拜三諷玄蘊咒拜一諷彌羅誥頂禮九拜敲打鐘鼓唱開

經讚三稱聖號三拜上香拜五叩齒九通拜一開諷

上卷北面跪諷東向坐諷皆可凡遇天尊玉帝等字俱擊磬經畢起立唱收

讚諷鐘擊鼓三拜少歇剪燭上香拜五唱開經讚敲打如前開諷

中卷經畢起立一拜收讚敲稱拜少歇剪燭上香拜五唱開經讚敲打如前三稱

三開諷

下卷經畢起立一拜念心印妙經九遍念補闕文十遍收金光咒一拜上

香五拜執笏跪宣回向懺悔文如奏對狀每遇聖號一拜收讚如前唱皈依三

寶三拜經完起立五拜落幡咒曰幡懸寶號普利無邊諸神衛護滅罪

消愆經完幡落雲旆回天各遵法旨不得稽延急急如

玉皇上帝勅令

每逢朔望申奏諷過經數及布施人等姓名如朔望逢戊停
經勿諷篇內所載科儀不可簡省缺略致干譴責若有善信
不能自諷延請禮誦功德相同

玉皇本行集經跋

玉皇本行集經乃以上天帝座譬人心之帝座中有主則百體從令如玉闕之尊統馭萬靈然天不言而歲功成日月星辰風雨露雷以及寒暑往來晝夜推遷主宰綱維不愆不忒實天爲之也人之一身屈伸俯仰呼吸運動各得而弗違實心爲之也故人之有心卽一身之帝座遵而奉之合乎天行之自然含無守有卽得主而常住矣此篇經

大丞相及

文帝詮註已無遺蘊故仍卽訓言紬繹使讀是經者知從事於治心之法卽仰合乎

道藏輯要

本行集經

罕

リメ、
箕集三

玉皇之本行而深副乎

玉皇之本願矣乙丑夏南水盛漲本壇諸子矢愿廣布此經以濟劫運於未然故爲敬識數語於後宏教司柳守元謹跋

重刊道藏輯要

箕集四

高上玉皇本行集經

天樞上相臣張良校正

三清勅門下湛寂常道信擬議之至難恢漠神通豈形容之可盡凡寓讚揚之語庸昭誘導之門諒一時聞聽之差殊致諸仙流傳之外異矧經世歷年之甚久故誦言作字之弗真曷嫌魚魯之成曾奚怪烏焉之爲馬不有提證寧免乖訛肆申命於文臣俾稽詳於聖典天樞上相張良宿專儒業今領樞司既命壇演化於南洲已出書度人於下界宜職討論之任倍隆參校之功副人世之誦持示天書之蘊奧悉令誤戾咸至完全於戲道

道藏輯要

本行集經

一 箕集四

本心傳妙悟實由於言外義因言顯進修當自於經中可倍加審訂之思使無愧編修之寄并述參求之路誕彰造入之階庶真徒卽此以求玄俾善士由茲而得道反其澆薄還此清淳俟畢奏陳當憑頒下故茲詔諭切可遵承

臣良上言昨恭準

睿旨委臣良參詳審訂

玉皇尊經者臣良恭聞道妙難言豈在言語敷宣之悉經昭垂教要先教彰演述之詳是理孔明在人皆喻第念格言之當理無得而踰矧夫凡世之素承久則難變儻妄有一言之更革則不免萬姓之持疑宜不易於舊章庶弗生於他議且恨庸才之

辱暗難於聖典以參詳敢干鼎鑊之誅上布肝腸之懇臣良誠

惶誠恐稽首頓首重念臣良塵區微類濁世賤臣幸憑師匠之

陶鎔獲遂仙曹之升擢謬以疎愚之質輒司樞要之權夙夜以

思情誠交懼惟欲勉效於驚鈍求以苟逃於罪辜豈意睿慈特

頒明詔綸言溫穆煥如春日之和立旨雍容豈類秋霜之凜挈

校經之重任俾效拙於祕詮顧此昏庸孰堪任使況聖語曲盡

於至理而真經久漬於凡心時若卒更民焉盡信深懼無知之

愚俗反萌不信之凡心或侮祕文將貽巨譴非但賤質有失職

之誚弗免寶文爲覆瓿之羞論至於斯事有可議臣愚欲望天

光燭暗睿鑒知潛體察下誠特蠲重任或乞更命英哲掄擇巨

道藏輯要 本行集經 二 篋集四

能畀之討論庶無擬議臣良祇膺玉旨敢布狂言實非上拂於

眷隆率以悉傾於意願罪當萬死恩望三清切勾斷自宸衷播

告中外誓當勉揚臣職仰答寵光臣良干冒天威下情無任悚

慄戰懼之至稽首頓首謹具表奏聞伏候敕旨謹奏

三清再詔所奏備悉卿學貫百家道班列聖已領度人之職久

專出書之權眷彼南洲之民素佩名理之誨顧本行集經適有

於舛雜視下方黎庶各抱於迷疑肆議選掄特俾詳校宜祇膺

於前詔再恭奉於茲言毋忽謙辭仰副責任故再詔諭切可欽

承

臣良上言琅函積阜無非妙義之存寶蘊儲沙莫匪玄機之寓

皆上聖憂人之切故祕言垂世之多雖千編萬軸不勝其繁然
隻字片言卽蘊厥要苟解提綱而振領自然掘土而得金如或
見味粗精識迷微妙不啻隔紗而視日奚殊認鹿以爲牛直饒
辛苦百年勤勞一世竟未達穹玄之要妙豈能知混浩之機關
要須心外攝心眼中著眼咀味至真之實付惟太妙之根用能
勘破玄中之玄卓領寂中之寂是謂嚼得龍肝鳳髓脫茲俗質
凡軀自然昇入無形頓超有漏神飛金闕優游彌羅之天體合
玉京左右穹蒼之主恭惟

玉皇本行經者至真真體上聖聖機寓真一之妙於紀述之餘
示解脫之門於讚揚之際辭意互攝理事交參言中包蓄於真

道藏輯要

本行集經

三

箕集四
×××××

玄更無隱奧語內鋪舒於微妙蔑有緘藏味之者神洽太和誦
之者心離諸漏神功妙用廣博難量冲義靈機包羅無外第以
眾生障重凡類識迷言上求言不負爲言之脈絡字間究字不
參訂字之根苗徒求本行之始終豈悟至言之紀極遂至謾貪
果報祇求立效之爲神獨畏憲章昧謂鮮殃之得徵聖典固彰
於異迹玄言本寓於真機曷容卽粗以捨精宜勿著塵而離妙
然後昭合天尊之本旨默符玉帝之宸衷進趣修行頓遠濁惡
之世昇騰超證高陪清淨之傳斯可造清微天登光明殿不勞
玉帝妙音之再出獲詣天尊法門而泛游具六神通得大自在
斯乃始名於信愛斯乃真號於誦持苟或萬徧誹謗不究真一

之旨六根泛泛不投解脫之機是皆未可以仰酬天尊說經之
勞未可以仰獲玉帝護經之績更諮敬信之士倍加持奉之功
口誦心存如處玉光之內神交意晤如遊寶苑之中諦觀分身
合身之神通靜想應化應物之妙用湛然無累卓爾有憑卽乃
平步天宮列名聖籍臣良仰膺睿詔將讚寶經敬先敷露於鄙
言于以宣告於當世至如護持功德之說報應神驗之詳已具
成經不勞贅語若夫鋪張至理訂證誤文雖非謬才之可能幸
以溫詔之所畀已嘗遜避弗許謙辭卽當剗剔此心審正于下
先作斯語肇闢于經庶昇來觀之人首認紀述之意臣良稽首
頓首拜手謹書

高上玉皇本行集經卷上

清微天宮神通品第一

道言

元始天尊昔在清微天中玉京金闕七寶玄苑玉皇宮殿昇光明座與無鞅數眾宣說靈寶清淨真一不二法門

右應運說法章並已詳校略無舛誤臣謹言曰大道之妙始於無始窮於無窮器形不可囿也見聞不可卽也三界有形欲造斯道將奚所自耶臣恭惟

元始天尊知大道之高玄憫生靈之冥晦撫機應運大闡法門而示之俾三界生靈由是門求道庶乎茫然蠢動俱可以

道藏輯要

本行集經

五

真集四

卽夫清淨真一之門而復至於虛無自然之域也結經眾真將欲紀述天尊宣說法門之迹故述是章爲首雖然是經始終純紀玉帝神變化之實而結經之真乃直指爲宣說靈寶清淨真一不二法門非靈機洞悟心印相符者疇克爾哉敬重宣化義以告來者伏乞上聖垂鑒云臣良謹言

是時

玉皇尊帝與諸真聖

真聖一本云天真

飛天大聖無極神王靈童玉女

九千萬人清齋建節侍在側焉

右乘機與會章並已詳校略無舛誤臣

謹言曰上聖之心一

而不一上聖之迹同而不殊故天尊方卽七寶玄苑登光明

座爲欲說經未始出一立言而有所詔召也乃蒙玉帝心默契遇與諸大聖會於不約豈非心一而不一迹同而不殊者哉深恐下方眾生未達斯理敢以是告伏乞上聖垂鑒臣良謹言

於是

玉帝知時欲至卽於會前舉六通力放大光明徧照諸天無極梵剎一切境界皆大震動十方無極一切世界俱同琉璃玻瓈無有隔礙

右知時放光章並已詳校略無舛誤臣謹言曰崇卑奠位遐邇殊方位奠方殊體勢斯異非有統一其應豈同恭惟

道藏輯要

本行集經

六

箕集四

玉帝張主萬天總御諸地故於斯日特放光明照燭諸方震動一切俾夫含識俱起覺知乘際妙緣濡沐道貺然而神光妙義世舉未知敢泄玄機普施無量夫光明者卽道性也蠢動含生無一不具特以上聖則修鍊融混全乎至精蠢動含生則流蕩沈迷失其至寶故上聖至精之全則光色明耀含生至寶之失則沈墜暗冥上聖一以同有之道性運神變以燭之則彼同有道性之含生莫不警聳而動悟是以神光一發充滿法界而法界萬有莫不震動而警悟也以性合性妙用如斯學者以是求之伏乞上聖垂鑒臣良謹言

十方聖眾並乘五色瓊輪琅與碧輦九色玄龍十絕羽蓋麟舞

鳳唱嘯歌噫噫靈妃散花金童揚煙讚謠洞章浮空而來

右十方來集章並已詳校略無舛誤臣謹言曰以勢而論十方固殊以形而言萬聖亦異然而物我同體賢聖豈殊遠邇等觀方隅笑限天尊說經玉帝放光而十方之眾普皆來集理勢然也萬有生靈宜各知之臣良謹言

是時梵天一切金仙大乘菩薩四眾八部承斯光照皆乘碧霞九靈流景飛雲玉輿慶霄四會三辰吐芳飛香八湊旋繞道前雨眾妙花如雲而下徧覆會前

右金仙普至章並已參校略無舛誤臣謹言曰道出于一教或有異出于一耆宗也或有異者派也自派求宗異乃合一

道藏輯要

本行集經

七

箕集四

又奚可差別哉今人世以道釋為殊途不啻朱墨豈知道釋同乎一宗初無少異故天尊說經玉帝放光而金仙之眾並獲與會此蓋聖真同心道釋同宗也人世其知之臣良謹言是時帝光徧照諸天下燭下方無極世界同玄都境凡彼人間上近九天通接交連至親至邇時彼下方無極世界山陵坡坂溝澗谿谷緬平如掌六合至邇三境非遼天寶臺殿星羅人間瓊瑰羅列朗耀雲衢七寶欄楯以界道路玉樹仙花蓓瓊珠寶景秀丹田芝草覆綿時彼下方皆見諸天鈞天妙樂隨光旋轉自然振響又復皆見鸞嘯鳳唱飛鳴應節龍戲麟盤翔舞天端詣天寶花零亂散落徧滿道路

右光照下方章臣竊謂自天上而視人間則天上此也人間彼也今凡本云令此人間上近九天是彼此不辨又神光所燭自然上下貫通混融無際今凡本以令爲言者是強使之然非自然也謹更令此爲凡彼又時此下方亦謹更爲時彼至如凡本云又復令見鸞鳳唱其間令字亦是強然今更令字爲皆字臣竊謂經乃天文非世所有緣天尊降世口授下方諸仙彼下方諸仙憶而筆之下仙自人世而言故多言此字或其間雜有不安之語是亦無足怪也臣今更之欲俾文義大正恐人世未知故詳述於此誦持之士毋或他疑臣謹言曰以鏡燭物有形者皆現以灰覆物不潔者皆鮮況以

道藏輯要

本行集經

八

箕集四

上帝無礙平等神通之光照燭一切宜乎俯仰一如無彼此遠近之間也含生能體玉帝放光之事混物我一親疎等善惡幾夷險俾此心光如玉帝無礙平等之光則心光之發殆昭符於帝光也事上求理初無誑誣有生其知之臣良謹言是時凡聖駭異幽暗開光天人悅慶踊躍歡忻凡夫學士盡得飛昇仰觀劫仞寶臺俯眄紫雲彌羅是諸世界一切人民咸臻道氣白首面皺皆得化度紺髮朱顏少壯幼穉轉得形容光澤美好苦惱痊平普蒙解脫安樂快然天下歌謠欣國太平

右神通感效章臣竊見光照下方之後當即觀效異之著今凡本中略有舛異致意義弗貫謹移是時二字於凡聖駭異

之上又人民既至於安樂快然則天下斯至大治矣謹移天下歌謠欣國太平八字於安樂快然之下其餘神風遐著等語乃神化玄功著見於幽冥之際非特明及人間也故移置下章臣謹言曰幽顯殊理致不異以人間帝王德音之下則死者生罪者釋黜者復降者升尊者益榮顯者愈貴是特帝王恩澤之所加也況上帝神光之降是謂非常之恩則彼學者昇仙老者反壯少者皆強病者獲痊亦當然之理也含生宜勉奉聖真勤希道學佇玉帝之覃恩焉道不負人聖有明訓其謹信之臣良謹言

當爾之時神風遐著萬氣揚津天震地裂枯骨更生沈尸飛魄

道藏輯要

本行集經

九

箕集四

皆起復形鄴都鐵圍長夜九幽即時破壞地獄衆生化生諸天三惡道苦一切解脫時諸罪輩以斯光力得生十方諸大天宮有枯朽化生章臣竊謂神化道用及物雖均然亦不無遠近先後之叙故神光照世之效先及夫明明之人間然後及夫冥冥之諸類此自然之叙也舊凡本中所紀頗有不次臣今輒移當爾之時字冠於神風遐著之上次以鄴都鐵圍等語接於皆起復形之下俾先後之叙不紊而旨意脈絡貫通庶乎不失曩日說經之時目見之實迹也又舊經中有生諸天已之語今亦削之臣謹言曰枯骨當朽沈尸當壞惡趣當囚此常理也然帝恩非常不可以常理論含生不可謂有惡有

過當有原宥生天之日而或萌僥倖之心倖心一生則反受
幽囚也事有可畏故首爲言之然當復明枯起囚出之義夫
罪趣之沈非本沈也蓋以含生積惡過重罪集故地獄之報
有不容脫一受真恩自宜超化矧逢玉帝放光之事恩宥非
常則過惡盡釋如湯沃冰以其元始一靈乘陽光而上九天
決非難事也若夫枯骨沈尸之生起則當假喻以明之夫鯽
骨腐於泥得水而再活并萍燥於地得水亦復萌水特一物
魚萍得之猶且若是矧上帝非常之恩乎且尸者人之化者
也骨者尸之削者也骨乃尸尸乃人人受天地陰陽之氣而
生焉可以骨而況物哉蓋骨者精之所化也今學人能鍊精
則精化爲金玉之丹而留形住世長生神仙彼骨乃精之化
宜其有異於凡物也是以萬物得土則暮年而腐惟人之骨
殖入入土而不化焉此由精之所化而然也故上聖慈悲有
太陰鍊形之術吁不能度之於既生而猶欲活之於已死其
慈悲行願若此其至也哉今茲上帝放光俾囚脫尸起以至
於枯骨更生則上聖好生之德將奚以報之也苟有少負羅
酆鐵圍其可逃哉含生宜知之 上良謹言

爾時

玉皇卽分其身徧於十方諸大天宮令諸天宮自然化現白玉
爲京黃金爲闕七寶玄苑大光明殿具光明座幢節幡蓋異寶

道藏輯要

本行集經

十

箕集四
XXI

奇花徧布是處

右分身化現章並已詳校略無舛誤臣謹言曰道體猶虛空
空無所不有豈容限以一隅哉夫月現于空凡有水處影無
不沈也雷震于天凡可聞處聲無不徹也玉帝妙道真身譬
之虛空無所不在豈雷與月之可比哉又豈待分之而後徧
現諸天地哉然衆生眼根依物乃轉故玉帝揭示身相之分
俾一切有情隨相瞻視攝念歸依佇聽妙法是以徧於諸天
各現一相諸天之衆各爲景慕然後隨方說法普度萬靈吁
知玉帝道身之一而不知其分則見有所膠而不融知玉帝
道身之分而不知其一則識至於亂而無統是一非一是分
道藏輯要

本行集經

土 箕集四

非分隱顯聚散冥寂玄通茲乃玉帝分現之微旨也含生其

思之臣良謹言

爾時

玉皇卽以所分之身徧於是處白玉京中黃金闕內七寶玄苑
大光明殿光明座上普爲十方演說清淨解脫之道

右分演妙道章並已詳校略無舛誤臣謹言曰濁世衆生不

悟真道是以七情六慾縱而不收萬過千愆積而不解地獄
之報目瞋不逃豈意上帝之慈敷恩赦度俾之徑陟淨境快
樂無涯然豈知積福生天福盡猶不免於復墜況承恩而生
則生天之緣直以恩之所及也苟昧進修曷爲解脫玉帝聖

恩優渥猶欲終俾解脫故爲宣說清淨之道俾諸天人獲究竟之果吁慈澤浩浩慈意深遠天人其可不勉自進趣以副玉帝接度之意乎人世眾生宜思玉帝救度拯接苦趣之迹勉勉爲善勿自暴棄則帝恩之降殆不止若是也雖然是章載玉帝爲天人說清淨解脫之道而以下諸章並不見玉帝所說清淨解脫之語何也蓋玉帝以一切玉女侍衛而玉女真身流香默寓清淨解脫之旨以至於諸趣承光覺悟及妙音宣演等事莫非清淨解脫之意是乃玉帝不言之言也結經諸真默識是義直紀普爲十方演說清淨解脫之道吁識洞帝心見徹事外結經之真其造妙通玄有如此者誠不可

道藏輯要

本行集經

上

箕集四

思議也夫誦經之士其因茲而求之臣良謹言時化

玉帝各以無量天真大聖妙行真人靈妃玉女侍列左右是諸玉女顏容姝妙端嚴奇特天珍異寶

謂天上之珍奇異之寶也舊本以天珍爲天真今更正之莊嚴身相言音清徹眾所樂聞如是諸女其身復出微妙解脫自然之香是香芬馥周徧諸天

舊本云能徧諸天夫玉女身香之出自然充滿法界若以能字加於徧字之上則能乃強然也今正其誤爲周字極妙樂土及餘大地一切福處六道一切眾生

一本云能令六道一切眾生夫六道苦趣自然聞香初非強使聞之也今正其誤削此能令二字

聞是香者普蒙開度所謂天道人道魔道地獄道餓鬼道畜生道

舊本畜生道下有當此已後四字夫玉女出香六道於當時得聞初非在此以後也神仙口傳紀錄有誤今削當此已後四字

若諸天道一切天人或有能聞是此香者五衰四相永得滅除轉增天福若諸人道王臣兆庶或有能聞是此香者即得人天長壽之樂身或滅度即得脫殼尸解之道若諸魔道一切諸魔

道藏輯要

本行集經

三

箕集四

或有能聞是此香者安處天宮鬪戰之苦各得休息若諸地獄道一切眾生或有能聞是此香者離地獄苦得淨土樂若諸餓鬼道一切餓鬼等

舊本云一切餓鬼神等臣竊謂神趣雖有亦墮餓鬼道者然既墮鬼趣即是鬼矣今著神字似礙神祇之神謹削此一字或有能聞是此香者即得飽滿無饑渴惱若諸畜生道一切畜生

舊本云一切眾生前地獄言眾生今此畜生道之下當作畜生今有間別故易眾字爲畜字

或有能聞是此香者脫畜生苦得智慧樂

右聞香解脫章並已詳校更正訖臣謹言曰理之常者眾人
之所共知理之異者雖賢哲亦或未悟也臣於聞香解脫章
敢悉鄙見以告人世云臣竊見玉帝於七寶玄苑放光之初
下方人民地獄苦趣並承光照已皆生天矣今經於玉帝分
身普現之後復載玉帝分現之時以諸大聖玉女侍衛又載
玉女身香徧於是處而六道眾生聞香者莫不解脫世人之
疑謂人民苦趣既以帝光而生天則生天之事是帝光之效
也奚與於玉女之身香乎吁此疑議非人世之罪也蓋事出
於常理之外有不容不疑奚足怪哉臣謹明之以釋世人之
惑恭惟天尊今茲說經正爲欲發明清淨之法門也夫女人

道藏輯要

本行集經

書

箕集四

之身純陰之質也惟其純陰故常與不淨爲鄰惟其鄰於不
淨故其身鮮有芬馥之致乃今一切玉女能與玉帝行解見
識等並同清淨故其身雖純陰鄰於不淨而微妙解脫自然
之香乃出於其身譬之世人處於濁惡苟能俾心見識行等
悉處淨鄉則異香之微妙解脫亦當生於其身也此經專以
清淨真一解脫爲主故結經眾真專紀玉女身香一事發明
妙旨雖然香雖名香要當以理論不可著物而言也凡人之
身苟無過無咎知道悟真凡出一言行一行為眾人之所欣
羨讚歎則亦猶玉女之身不濁不穢有微妙解脫之香爲諸
天福處之所聞玉女譬之則濁身也香譬之則我之言行也

香徧於諸天福處譬之則言行發見於千里之外也六道聞香而解脫譬之善言善行見用於世而利益於人物也此乃修行之徑含生其味而行之妄揣若茲言略意窒仰惟上聖鑒之人世信之臣良謹言

爾時諸生天罪眾既得生是勝天宮已緣承慈光攝受之故便自覺悟各各明了罪福因緣與諸眷屬作天伎樂來詣帝前是諸眾等各各含悲俱發聲音前後經千劫萬劫不見三光常處黑闇三惡道中多受苦惱伏蒙

上帝方便放光愍救我等皆生天上是諸惡業悉皆滅盡無諸繫滯皆得往生仰朝

道藏輯要

本行集經

五

箕集四

上帝各到道前是諸生天一切罪眾說是語已稽首復位

右承光覺悟章並已參校略無舛誤臣謹言曰眾生障重業

識昏迷積惡累愆至墮地獄彼時雖悔將何及哉一但忍受天恩非但得脫苦趣且獲徑生天宮此之幸會億載一逢事出望外其喜豈有涯際哉今雖離苦得樂實爲慶幸然不若在世之日直累善緣徑升樂地之爲愈也世之眾生當勤種善果勤求真道毋俾既墮地獄方覲天恩以求解脫縱使天恩果得則此身已受眾苦殊爲可痛念也眾生宜思之臣良

謹言

爾時

玉帝出大妙音普告十方諸天聖眾汝等諦聽此諸罪輩曠劫以來縱無明性造十惡業六塵徧染三業縈纏肆意任心曾無覺悟陰罪陽過日積月深背道違真順邪棄正舉心運念動結愆尤遂使命過之後身落三塗不得解脫若非今日遇是法筵何由出離

右妙音開度章並已詳校略無舛誤惟是舊本妙音一章係在移接天人之後臣伏見玉帝分現之後六道聞香解脫承光覺悟各了宿緣於是玉帝乃出妙音再垂重訓以堅修進然後移接天人同現元始舊本以上真降傳下仙紀錄次序頗紊臣今輒行遷證庶獲貫穿臣謹言曰臣嘗聞之經曰生

道藏輯要

本行集經

共 八 卷 集四

我者神殺我者心故嘗詳味妙義然後知心之爲用其爲害與利不可勝言也夫人生之初特神之寓未嘗有是心也迨夫四大混合神凝爲心心以神寓卽爲離本矣心爲離本而心又生念一念既著則百爲以生百爲既生則萬罪萬善於是發萌矣是以斯念之起適於善者則功德以成適於惡者則罪惡以就此無他一心之生故也今觀六趣之墜初非係於別法之導指特在舉心運念之不純故愆尤之結以至於三塗久墮不獲超離若夫三業之縈六塵之染初非離於一心之生一念之起也玉帝誕敷弘恩接度諸趣深恐諸趣承恩超離根念未固不能進修特出妙音爲明沈淪之自俾六

趣灼識大本不復迷沈是皆慈意恢洪故屑屑不厭也俗世
人民當卽帝之妙音堅持禁戒勿俾干犯則升天證果不啻
反掌如或慢忽自縱有拂妙音之戒則沈落苦海將猶立板
而走凡不可復反也毋謂帝恩之渥常可得之臣良謹言
爾時諸天化身

上帝卽以神通不動其所移接天人皆令得至清微天宮玉清
聖境元始會下是諸眾等不覺不知是時天尊眾會見是十方
玉帝化身普皆來集天尊會前如無邊明鏡照諸影像互相容
入時諸大眾稽首瞻仰上帝化身聖中最尊增長清信益加志
樂心無退轉起大堅固時諸天人邇得生天忽覩天尊勝會道
道藏輯要
本行集經
七
筭集四
場清淨第一無爲功德之所莊嚴踴躍歡喜一時作禮歎未曾
有

右移接天人章並已參校略無舛誤臣謹言曰法性平等廣
大無量增之不益削之不欠近之不邇遠之不遐曰聖曰真
曰天曰人初未嘗有異也奈何眾生具體離本去原毫釐一
差千里之謬是以崇卑頓異凡聖迥殊彼此相窺億萬有間
今玉帝覃恩度移苦趣皆俾超昇雖妙音之出爲明罪本既
詳且盡然猶慮諸趣未體法性之妙故現異境示以法性無
礙之實故不動其所移接天人俾至元始會下自諸天而觀
則元始之會遠在極尊之域自元始會下而觀則諸天之境

亦遠在至卑之地今玉帝不動其所俾諸天元始之境如指掌中瞭然在目豈非法性妙用天人一理崇卑一致哉修學之士宜卽移接一章參味玄奧則性中天地心內聖凡和會混融廣博無礙是不特下仙修證之比也道不負人宜加勤焉

臣良謹言

爾時十方諸化

玉皇俱復一體從法席起向北長跪

天尊言曰往昔去世有國名號光嚴妙樂其國王者名曰淨德時王有后名寶月光其王無嗣帝因一日作是思惟我今將老而無太子身或崩滅社稷九廟委付何人作是念已卽便敕下

道藏輯要

本行集經

六

箕集四

詔諸道眾於諸宮殿依諸科教懸諸幡蓋清淨嚴潔廣陳供養六時行道徧禱真聖已經半載不退初心忽夜寶月光皇后夢太上道君與諸至真金姿玉質清淨之儔駕五色龍輿擁耀景旌陰明霞蓋是時太上道君安座龍輿抱一嬰兒身諸毛孔放百億光照諸宮殿作百寶色幢節前導浮空而來是時皇后心生歡喜恭敬接禮長跪道前白道君言今王無嗣願乞此子爲社稷主伏願慈悲哀愍聽許爾時道君答皇后言願特賜汝是時皇后禮謝道君而乃收之皇后收已便從夢歸覺而有孕懷胎一年於丙午歲正月九日午時誕於王宮當生之時身寶光燄充滿王國色相妙好觀者無厭幼而敏慧長而慈善於其國

中所有庫藏一切財寶盡將散施窮乏困苦鰥寡孤獨無所依
怙饑饉癯殘一切眾生仁愛和遜歌謠有道化及遐方天下仰
從歸仁太子父王加慶當爾之後王忽告崩太子治政俯念浮
生告敕大臣嗣位有道遂捨其國於普明香巖山中修道功成
超度過是劫已歷八百劫身常捨其國爲羣生故割愛學道於
此後經八百劫行藥治病拯救眾生令其安樂此劫盡已又歷
八百劫廣行方便啟諸道藏演說靈章恢宣正化敷揚神功助
國救人自幽及顯過此已後再歷八百劫亡身殞命行忍辱故
捨已血肉如是修行三千二百劫始證金仙號曰清淨自然覺
王如來教諸菩薩頓悟大乘正宗漸入虛無妙道如是修行又

道藏輯要

本行集經

元

卷八 第八

經億劫始證

玉帝說是語已法筵清眾異口同聲歎未曾有

右化生本行章並已參校略無舛誤臣謹言曰無上大因緣

大功德自無始以來未有如玉帝化身一事也天尊爲是因
緣功德特建微妙道場顯示三界是以先俾玉帝放光現大
神化然後敷宣祕密詳述化生本行故玉帝於移接天人之
後自分而合返本還元現無上道身上朝元始朝謁之時初
未嘗出一語以白天尊也天尊玉帝心光混融非一非二故
玉帝北向跪奉朝儀而金口妙言卽宣本行自今觀之以帝
身而分現諸天卽真一應化也以分現諸身而合爲一體卽

真一不動也天尊建微妙道場是欲宣演大因緣功德也金口宣演化生本行是欲俾三界萬生知玉帝因緣功德之大而倣倣進修也真一不二法門卽此是也清淨解脫之道亦此是也含生宜觀玉帝化生修累之事而勉建無上之玄功則功德巍巍也又觀玉帝自一而分自分而一則可以造真一不二之門而成無上道也儻能不憚辛苦自一時以至於四時自一年以至於百年自一生以至於多生自一劫以至於億劫堅勤不退則凡身濁質離垢成真大彌羅天當爲汝鋪張分位俾汝登證也列侍三境進事玉帝又奚難矣哉含生及修行之士宜諦思之臣良謹言

道藏輯要

本行集經

三

真集四

爾時眾中有一玉女名曰夜光從座而起嚴整衣冠從容雅步長跪道前白天尊言臣宿昔何幸仰侍御前親奉供養已經億劫三清境界金闕玉京寂淡逍遙快樂自在嬉遊聖域餐聽法音未曾見此希有之事不審向來光內所現十方諸天變現聖境皆有

上帝應化法身天真大聖妙行真人靈妃玉女以爲侍衛是諸玉女相貌端嚴形體姝妙無與等者復蒙

上帝神通移接今皆普集在清微天未審今此玉女以何因緣得證如是無上色身思惟聖慈示以未悟爾時

天尊謂夜光玉女言汝固初入聖流雖有智慧未能明了此諸

玉女乃自往昔無量劫中修諸妙行具解脫門同清淨信同清淨解同清淨念同清淨行同清淨身同清淨心同清淨意同清淨果同清淨報同大慈心同大悲心覆護眾生如母撫念愛於赤子奉戒專一冥心大道清齋弘誓千萬劫中尊奉

玉帝此諸玉女非實是女皆天至真爲度羣生現玉女身是故身色神通智慧隱顯變化與帝同焉爾時夜光聞是說已心得開悟稽首歡喜默然復位

右玉女妙行章並已參校略無舛誤臣謹言曰諺云人不知身爲聖馬不知身爲龍誠哉是言也夫玉女之身純陰之質也純陰近乎濁宜乎進修之難於清淨也今玉女以其修諸

道藏輯要

本行集經

三

箕集四

妙行遂能具解脫門夫所謂具云者無所不解脫也然原其所以具解脫門之自則始於修諸妙行而妙行之修又根本於大慈大悲之心與夫所信所解曰念曰行曰身曰心曰意並由清淨故其果其報莫不清淨以至於解脫之具焉吁玉女陰濁之身能慈悲清淨修諸妙行而能至於解脫仰侍玉帝且又身色神通智慧隱顯變化與帝一同甚而至於俾六道苦趣聞其身香而亦臻解脫則妙行之修其功德果報一何崇大廣博也哉斯世之人凡受中稟氣皆自元始初未嘗異於玉女也苟能修諸妙行俾與玉女不異則後之起證又焉與玉女異哉含生宜黽勉倣此而修之若夫前章言玉帝

爲十方之眾演說清淨解脫之道卽此是也玉帝有不言之言並宜思之

臣良謹言

爾時高虛清明天主與諸天眷屬馭八景鸞輿蔭九光寶蓋奏玄歌妙樂詠無量洞章散天寶花噴天真香飛步遊空來詣道前承

天尊上帝威神之力是諸寶花卽於空中化一寶蓋蔭覆大眾無不周徧是時高虛清明天主見此希有稽首長跪白

天尊上帝言賤臣懈怠後會法筵今日吉慶興此法橋幽顯凡聖普霑聖澤放大光明現希有相上照諸天四梵六慾一切樂土諸眞聖眾觀此光明皆悉雲集下照十方無極世界同玄都

道藏輯要

本行集經

三

箕集四

境近接九天靈風奏樂宮商相和激朗雲庭皆成洞章一切眾生咸臻道化酆都鐵圍長夜九幽一切地獄受苦眾生盡承光力皆生諸天得受快樂令臣所散天寶奇花旋結成蓋徧覆大眾盡承斯光威神之力臣等千劫良因九天運會皇道蕩蕩正法興隆今日大吉咸仰玄功是時高虛清明天主以讚上帝曰金闕玄穹祖 高上玉皇尊 妙相冠諸天 慈光燭三界眞聖妙道師 天人依仗師 大乘垂法語 眞一指迷徒功德若虛空 讚揚無窮盡

是穹蒼主浩劫之尊妙見妙知無等無倫湛寂眞淨杳亡杳存上聖上靈大神通光明藏大丈夫開化人天教道無窮大慈大

悲流煥法輪爲度羣生是號

玉皇穹蒼真老妙圓清淨智慧辯才至道至尊開度眾生故演是光

右天主讚仰章並已參校略無舛誤臣謹言曰玉帝功德之大言辭不可讚也譬喻不可盡也雖以塵沙界中無量天人身具萬舌美之讚之皆不可窮況以一人之舌讚美之哉今高虛清明天主以偈讚歎是蓋恐三界萬生猶有未知玉帝之功德者也模倣陰陽之真形繪畫日月之神光雖良工決不可以用其巧矧帝之功德崇大廣博容可言揚哉雖然天主之偈美則美矣至則至矣猶未足以形容帝德之萬一

道藏輯要

本行集經

三

真集四

矣然天主之意蓋欲託此而啓金口無盡之言故偈頌稱讚不辭縷復天尊察知其誠故於後章繼有聖訓云臣良謹言爾時高虛清明天主說偈讚歎已

天尊普告四眾云是帝身卽道身也非常體也是無量功德之身是清淨自然之身是神明堅固不壞真空無上法身威靈恢廓名聲周徧無幽不開神奇堂堂難可稱焉是帝非有爲功德之所熏修而帝昔雖下生人間多劫行化示大神通而身清淨未嘗不在金闕分身變化應現隨方利濟羣生超昇道岸普垂教法開悟後人依教奉行登真成道以斯功德之所莊嚴是故光明常充諸天神智妙達莫可度量是身光明皆具妙號所謂

大神通光大慈悲光大喜捨光大忍辱光大平等光大柔和光
大自在光大利益光大如意光大智慧光大吉祥光大解脫光
大歸依光大功德光大圓滿光大無礙光無能勝光是故汝等
欲見是帝而不可得者緣以汝等尚於身口不捨結習煩惱行
業由是障故不能得覩是帝慈顏吾今爲汝法會眾等宣示斷
障之法汝等大眾各宜奉行時諸大眾不勝喜躍各於至尊几
前稽首作禮俱欲願聞

天尊言曰斷障之法當生大慧無起疑惑無起貪嗔無起淫慾
無起嫉妬無起殺害無起凡情無起凡思無起貪妬無起聲色
無起是非無起憎愛無起分別無起高慢無起執著凝神澄慮

道藏輯要

本行集經

言

真集四
八八六

萬神調伏心若太虛內外貞白無所不容無所不納無令外邪
亂其至道牽失真宗敗其靈根盜其至寶致爾萬劫永墮凡流
透入俗網萬魔來攻白千萬劫不聞妙法鬼神執誅從生入死
是故汝等應當志心善護真宗無令喪失如前所說如是諸障
汝等各各當除斷之身得清淨超度諸難是名道寶持法棟梁
更當修奉是此經典如近是帝生尊重心著想尊容稱揚名號
然後汝等得覩慈顏咸蒙護度普聞妙法親奉供養永無流轉
是時四眾聞已歡喜歎未曾有

右垂教斷障章並已參校略無舛誤

臣

謹言曰經者徑也修

行之路也凡人奉經有二法門一曰口誦一曰心持口誦者

謂以口業稱揚也心持者謂以意業遵行也口誦者當以心持爲本心持者當以口誦爲先心口相資功德乃就舉一廢一功德不成故經中合言誦持也誦而不持是言譏譏而心無益也持而不誦是心雖動而意不達也是必二者並舉事乃成焉此誦持之說也若夫誦持玉帝之經是當遵行帝之功德倣慕帝之修證而後可也遵行倣慕有五法門一曰尊重景慕二曰懺斷障業三曰積功利濟四曰含容明通五曰真一變化所謂尊重景慕者經中所謂著想尊容造帝形像稱揚名號誦念經訓是也所謂懺斷障業者經中所謂斷障之法備載諸說是也積功利濟者經中所謂分身變化利濟

道藏輯要

本行集經

五

箕集四

人間敷揚教法等是也含容明通者經中所謂心若太虛無所不容無所不納慈悲方便是也真一變化者經中所謂而身清淨常在金闕應現隨方是也人能按是五門勤而行之當證大彌羅天神仙之位行之三年萬神敬仰羣魔束形行之十年十方奉事神昇玉清行之二紀功滿德就身騰玉清既登玉清乃證三身三身者經中所謂無量功德之身清淨自然之身神明堅固不壞真空無上法身也修學之士誦經之人宜味吾言而行之如口誦是經身犯諸戒經中妙音及斷障之法也則報應神驗品中具載其報學士誦人宜畏之敬之

臣良謹言

高上玉皇本行集經卷中

太上天光明圓滿大神咒品第二

爾時天地始祖五老上帝稽首長跪白

天尊言伏聞

高上玉皇慈念蒼生普放神光照燭法界六凡四聖普叨道蔭
竊以凡夫短景劫運將終正道宜行以濟兆民使修真之子有
期輕舉末代烝民俱獲壽考自昔元始洞玄靈寶赤書玉篇真
文生於元始之先空洞之中天地未根日月未光幽幽冥冥無
祖無宗無氣無象無色無名無形無緒無音無聲混沌太無靈
文晦曖乍存乍亡二儀待之以分太陽待之以明靈圖革運玄
道藏輯要

本行集經

三
箕集四

象推遷乘機應運於是存焉

玉帝授臣靈寶祕篆大不可思議神咒故天地得之而分判三
景得之而發光靈文鬱秀洞映上清發乎始青之天而色無定
方支勢曲折不可尋詳元始鍊之於洞陽之館冶之於流火之
庭鮮其正文瑩發光芒洞陽炁赤故號赤書靈圖既煥萬帝朝
真飛空步虛旋行上宮燒香散花口詠靈章是時天降十二玄
瑞地發二十四應上慶九天之靈輿讚三天之寶明神風既鼓
皇道咸賜元始登命太真按筆玉妃拂筵鑄金爲簡刻書玉篇
五老掌錄祕於九天靈都之館玉女典香太華執巾玉童侍衛
玉陛朝軒九天上書非鬼神所聞故天寶之以致浮地祕之以

致安五帝掌之以得鎮三光乘之以高明上聖奉之以致神高
尊掌之以致真五嶽從之以得靈天子得之以致治國祚享之
以太平實靈文之妙德乃天地之立根威靈恢廓普加無窮蕩
蕩大化爲神明之宗其量莫測巍巍乎太空明真有格今當以
行是時元始革運立象開圖靈文鬱秀神表五方分判天地開
化萬靈此大宗之業可得暫披於靈韞乎今皇道敷暢澤被十
方仰觀劫運真風宜行臣私心實欲使靈蔭八遐風灑蘭林寒
條仰希華陽之繁朽骸蒙受靈輿之津仰對元慈下伸丹懇惟
願哀憫撫念蒼生不審靈寶玉篇真文可得見授下教於未聞
者乎於是

道藏輯要

本行集經

卷八
箕集四

元始天尊撫几高抗凝真遐想觀時已至普謂時會一切真聖
論定陰陽推數劫會移校河源檢錄天度選擇種人指拈太無
嘯朗九玄永無開聽於陳辭有若閉礙求真之路是時五老上
帝啟問不已良久

元始天尊乃垂盼眄之咨慨爾歎曰惟乎深哉子今所扣豈不
遠乎此元始靈寶之立根空洞自然之真文生天立地開化神
明施鎮五嶽安國康民靈寶玄妙爲萬物之尊天發玄瑞靈應
自然今三天盤運六天道行雜法開化當有三萬六千種道以
感來者之心此法運訖三龍之後庚子之年雜氣普消諸天慶
會吾真道乃行今且可相付當錄於上館未得行於下世玄科

有禁不得便傳子可詣靈都紫微上宮視天音於金格取俯仰於神王然後當使得備天文以總御元始之天也於是五老上帝與諸真聖清香執戒徘徊雲路囑命十天上詣上清太玄玉都寒靈丹殿紫微上宮受俯仰之格乃知天真貴重難可即聞還乃更詣

元始天尊諮以禁戒之儀遂謝不逮是時天尊慈顏愍喻靈關廓開登命五老上帝開洞陽玉館披九光八色之韞雲錦之囊出元始靈寶赤書玉篇真文金書玉篆微妙祕密運御乾坤大光明圓滿大神咒玉章以付五老上帝及諸真聖使依立科按法以傳

道藏輯要

本行集經

天

箕集四
X-1-13

臣謹言曰竊見五太未兆之初二氣未始判也萬類未始形也恭惟

元始上帝辨道系於混茫列真書於杳漠神風交扇二氣乃分二氣既分萬類乃兆然後降已凝之道悉錫已列之真書寓爲河洛之文以立人道以治三才已凝之道悉已列之真書卽今世間所謂真文靈符者是也然真文之大者以之判天地以之運陰陽山河之流峙人物之生成皆真文之所爲也是乃造化之機緘天地之神用茲未始傳於下世也惟度人弭災制魔之篆今見於世焉卽神咒品中諸品咒文是也但經之行世傳於上真受於下仙傳之者非一真受之者非

一人故語言之詳略意義之精粗間有可得而議者焉如神咒品啓闕之文或詳或畧或言有未倫或意有弗貫世之誦者每每致疑臣仰奉玉音謬職參校欲行裁益深自憂虞蓋恐裁益之文旣行而世間念誦之疑轉熾輒從舊本畧證乖譌其他意義之失貫辭語之未倫俱不敢議惟世間之經其畧者恐包括之未盡其詳者頗終始之周密敢潔詳著一本爲正俾人世卽此而誦持焉臣良謹言

是時東方安寶華林青靈始老蒼帝所受神咒誥命

東方九炁 始皇青天 碧霞鬱壘 中有老人 總校圖錄

攝炁舉仙

道藏輯要

本行集經

三

箕集四

煉此炁西娃魅
茹玉碧靚靜
丙炁芒炁炁炁
丙炁炁炁炁炁

右篆是前二十四字青帝秘文書于九天元臺主召九天上

帝校神仙圖錄

歲星輔肝

角亢鎮真

氏房心尾

四景迴旋

箕主七辰

正斗明輪

承炁捕非

掃除災羣

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

𠄎

道藏輯要

本行集經

三

箕集四

𠄎

𠄎

𠄎

𠄎

𠄎

𠄎

右篆是前三十二字祕文書于紫微宮東華殿主召星官正

天分度

東山神咒

攝召九天

赤書符命

制會豐山

束魔送鬼

所誅無蠲

悉詣木宮

敢有稽延

𠄎

𠄎

𠄎

𠄎

𠄎

𠄎

飛雲振率狀所
君侯結山隸僕
芝兔適塵少羣
表瑱南匈獫危
稽也

道藏輯要

本行集經

三

箕集四

右篆是前三十二字祕文書于東華之靈之館主攝鬼魔正
九天炁

下制東河 溟海水神 大劫洪災 蛟龍負身 水府開道
通徑百千 上帝赤文 風火無間

飛雲振率狀所
君侯結山隸僕
芝兔適塵少羣
表瑱南匈獫危
稽也

爾從處建羽旆
危侯新飛羽旆
肅飛

右篆是前三十二字祕文書于九天東北玉闕丹臺主攝東
海水帝大劫洪災召蛟龍及水神事欲免水災用黃書此字
于青紙上別咒投水中
也解難

右東方九炁靈寶玉篇真文合一百二十字皆太上無上大光

道藏輯要


本行集經

三

箕集四

明圓滿大神咒空洞自然之書一名生神寶真洞玄章一名東
山神咒一名青帝八威策文

東方青帝符靈寶九炁天文化生赤帝
炁三天九真大空尊神



右少陽之炁化生太陽三炁丹天主小劫已大劫午運周赤
帝行佩此文得度其災符文如前當依此以朱筆書于青縑
九寸上

東方安寶華林青靈始老蒼帝符命


日月以定 山林以開 三天大慶 羣真徘徊

道藏輯要

本行集經

三三

箕集四



右元陽之炁生九炁青天寶東方青帝治九九八十一周則
九天之炁交爲大劫更始佩此文則與運推移得度洪災當
以青筆書文白繒上

道藏輯要

本行集經


三

箕集四

元始青帝真符

召直符區更生守靈寶天文道士吞之靈

致神仙直符區
更生無上大真



右始天光文出青帝真文篇以安東方九炁之天青帝受
此文以鎮東嶽封一通藏九靈洞室四萬劫一開修真之子
命屬東嶽青書絳繒佩身并本命日朱書向東服之九枚直
符吏區更生隨符入腹肝臟之中九年皆生青精寶華九重
光映于形外又當青書絳繒內神杖次黑帝上節中青衣玉
女九人侍衛勿致不精當有考吏修真之子佩服前符篆東
向叩齒九通想青炁入肝
中生九重華光徹映頂
後書符置前乃咒曰

元上青精 九炁大靈 神光遐散 流映東青 華景鬱勃
灌我身形 宮府安鎮 寶魂自生 洞達八朗 飛昇玉庭
前訣說別咒
者此咒是也

道藏輯要


本行集經

三五

箕集四
川日十一

東方安寶華林青靈始老蒼帝三元符命

九駕命天 龍符保真 多川災水 不敢彌天



右九炁青天下元小陽九已小百六年其年大災除民靈寶
青帝出下元符命下東嶽保存萬物安國康民制九炁青天
分度以度學者之身青書白繒

中山神咒 易爲神臣 度人命籍 萬災不纏

三才圖會
易爲神臣
度人命籍
萬災不纏

道藏輯要

本行集經

三

箕集四
一八上

右中元大陽九申大百六西其年禾稼俱衰青帝出中元符
下東嶽蔭育萬物制天分度以度種人大災青書白繒

西山上主 命爲保真 一人有道 位事九真

三才圖會
易爲神臣
度人命籍
萬災不纏

右上元大劫交周天地改易金玉山海人民鳥獸一時滅盡
天地溟滓無復光明青帝出上元符下東嶽保存萬物制九
天炁以度學者其三元符命保固青天元始之炁佩之皆得
始分之中其此文九千年一出東嶽青帝云大劫交周當刻
書金札以佩身青書白繒

右玉皇誥命以錫東方安寶華林青靈始老蒼帝九炁天君令
統御東方諸天諸地日月星宿名山靈洞水府泉宮上聖高尊
眞仙聖眾一切威靈符命所臨如誥奉行

南方梵寶昌陽丹靈眞老赤帝所受神咒誥命

南方丹天 赤帝玉堂 中有大神 號曰赤皇 上炎流煙

道藏輯要

本行集經

三

箕集四

三炁勃光

神仙受命 應會太陽

種此邪惡起於災
歸咎尙有尙來賊
起所劫誘尙變
游此決正罷正

右篆是前三十二字赤帝祕文書于九天洞陽之館主召九

天神仙圖錄金名

榮惑輔心
 井鬼守房
 柳星張翼
 統御四鄉
 軫總七宿

迴轉天常 召運促會 正道驛行

燄 菜 補 強 井 康

𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔

正天分

符教所討

萬弒擢亡

道藏輯要

本行集經

三九

箕集四

[illegible]

右篆是前十字祕文書于西南陽正玉闕主制北豐正鬼

燕

南海水帝 太伯龍王 神咒流行 普掃不祥 洪水飛災

止蛟召龍 開除水徑 千道萬通 敢有干弑 攝送火宮

赤書所告 莫有不從

南 海 神 咒 行 普 掃 不 祥 洪 水 飛 災
止 蛟 召 龍 開 除 水 徑 千 道 萬 通 敢 有 干 弑 攝 送 火 宮
赤 書 所 告 莫 有 不 從

道藏輯要

本行集經

早

箕集四

南 海 神 咒 行 普 掃 不 祥 洪 水 飛 災
止 蛟 召 龍 開 除 水 徑 千 道 萬 通 敢 有 干 弑 攝 送 火 宮
赤 書 所 告 莫 有 不 從

右篆是前四十八字祕文書于西南陽正西闕主攝南海水
帝大運交期洪水四出召蛟龍及水神事

右南方三炁靈寶玉篇真文合一百五十二字皆太上無上大
光明圓滿大神咒空洞自然之書一名南雲通天寶靈經一名
九天無上之上咒一名赤帝八威策文

南方赤帝符


靈寶三炁天文化生黃帝
炁王事司斗正屯巳身

道藏輯要

本行集經

聖


箕集四



右太陽之炁化生中央一炁黃天主小劫丑未大劫辰戌九
天炁交黃帝行佩此文防陽九之災符如前文當以黃筆書
于絳縑三寸之上

南方梵寶昌陽丹靈真老赤帝符命

玉音吐炁 素奏以御 保命定仙 玉厯定封



右洞陽之炁生三炁丹天寶南方赤帝治九九運周陽炁激
大劫終佩此文度災橫見太平以丹筆書之

元始赤帝真符

召直符昌中守靈寶天文道士吞之靈炁
鎮心生丹精寶華三葉神爲役使通靈致


道藏輯要

本行集經

聖

箕集四

神仙直符昌
中止道統御



右上陽明文出赤帝真文篇以安南方三炁之天赤帝受此
文以鎮南嶽封一通南霍山阿四萬劫一開道士命屬南嶽
赤書黃縉佩身并本命日朱書向南服之三枚直符祝昌中

隨符入腹心府之中三年皆生赤精寶華三重光映于形外
又當赤書黃繒內神杖次青帝下節中太丹玉女三人侍衛
勿致不精當有考吏修真之子佩服前符篆南向叩齒三通想赤炁入心中生三重華光徹映質後
書符置前咒曰

丹華流映 寶芝生光 神精徹幽 散靈八方 直符攝炁
嘯命朱童 三精敷煥 注我絳宮 赤神安鎮 五香溢充
洞映形外 表裏發光 身生水火 獨步飛行前訣說別咒者此咒是也
南方梵寶昌陽丹靈真老赤帝三元符命
正一命人 長生上天

道藏輯要

本行集經

聖

箕集四

右三炁丹天下元小陽九辰戌小百六丑未其年土中生火
萬物自死靈寶赤帝出下元符下南嶽保存萬物安國康民
制三炁丹天分度以度學者之身赤書黑繒萬川洪流符吏
水母竭焉

右中元大陽九亥大百六子其年火滅水出赤帝出中元符
下南嶽度兆民災制天分度消滅水火之厄赤書黑繒日月
力出王平山東水災不起人民臣

右中元大陽九亥大百六子其年火滅水出赤帝出中元符
下南嶽度兆民災制天分度消滅水火之厄赤書黑繒日月
力出王平山東水災不起人民臣

道藏輯要

本行集經

雷

箕集四

右上帝大劫交周天地改易金玉山海人民鳥獸一時滅盡
天地溟滓無復光明赤帝出上元符下南嶽保度萬物制九
天炁以度學者其三元符命保固丹天元始之炁佩之皆得
始分之中其此文九千年一出南嶽赤帝云大劫交周當刻

右上帝大劫交周天地改易金玉山海人民鳥獸一時滅盡
天地溟滓無復光明赤帝出上元符下南嶽保度萬物制九
天炁以度學者其三元符命保固丹天元始之炁佩之皆得
始分之中其此文九千年一出南嶽赤帝云大劫交周當刻

書金札以佩身赤書黑繪

右玉皇誥命以錫南方梵寶昌陽丹靈真老赤帝三炁天君令
統御南方諸天諸地日月星宿名山靈洞水府泉宮上聖高尊
真仙聖眾一切威靈符命所臨如誥奉行

中央玉寶元靈元老黃帝所受神咒誥命

中央總靈 黃上天元 始生五老 中皇高尊 攝炁監真

總領羣仙 典錄玄圖 宿簡玉文 催運上炁 普告萬神

反火濟過蘭花

道藏輯要

本行集經

聖

箕集四

五子姑蘇羽聖
千時齋氣初而
盈其赫煌麟座
其赫慕昭昇赫
如已強乘危處

右篆是前四十字黃帝祕文書于太乙玉寶之臺主召神仙

鎮星輔脾

迴度北元

魁魁主非

截邪斬姦

魘
 魘
 魘
 魘

掃穢除氛

魑正斗

明度天關

九天符命

金馬驛傳

道藏輯要

本行集經



箕集四

康 𠂔 𠂔 𠂔 𠂔
 𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔
 𠂔 𠂔 𠂔 𠂔 𠂔

右篆是前四十字祕文書于玄都玉臺主攝星官正天度數
勅攝北帝 遏塞鬼門 翦除不祥 莫有當前

帝 攝 星 官 正 天 度 數
勅 攝 北 帝 遏 塞 鬼 門
翦 除 不 祥 莫 有 當 前

右篆是前十六字祕文書于玄都玉臺主攝北帝正天炁檢
鬼精

道藏輯要

本行集經

聖

箕集四

中山神咒 召龍上雲 制會黃河 九水河源 不得怠縱
善惡悉分 千妖萬姦 上對帝君 莫有干試 太陽激憤
赤書玉字 宣告普聞

史 當 厭 陽 巡 炁
告 至 肅 禱 萬 靈
多 有 功 德 永 昌

道藏輯要

本行集經

四六

箕集四

右篆是前四十八字祕文書于立都玉臺四壁以攝中海水
帝四泉之永洪災涌溢之數主召水神止蛟龍事

右中央一炁靈寶玉篇真文合一百四十四字皆太上無上大光明圓滿大神咒空洞自然之書一名寶劫洞清九天靈書一名黃天大神咒一名黃帝八威策文

中央黃帝符 靈寶一炁天文化生白帝炁山陽之
日正斗屯乙有物兮申爲上仙元

右元一之炁化生少陰之炁素天主小劫申大劫酉大運交
會洪災掃天白帝行佩此文得過太陽九符如前式當以白
筆書文于黃縑三寸上

右元一之炁化生少陰之炁素天主小劫申大劫酉大運交
會洪災掃天白帝行佩此文得過太陽九符如前式當以白
筆書文于黃縑三寸上

道藏輯要

本行集經

咒

箕集四

一百八十八

中央高皇玉寶元靈元老黃帝符命

總召天地 九天以制 同係五炁 上帝遙觀

右元高皇之炁生元一炁黃天寶中央黃帝治九九運終陽
炁激陰炁勃大災涌水彌天掃穢佩此符得度天災見太平


右元高皇之炁生元一炁黃天寶中央黃帝治九九運終陽
炁激陰炁勃大災涌水彌天掃穢佩此符得度天災見太平

君黃筆書之

元始黃帝符

召四方直符守靈寶天文保中央道士吞之靈致神仙直符

靈致神仙直符中非三天靈文



道藏輯要

本行集經

卒

箕集四

右總靈文出黃帝真文篇以安中央之天黃帝受此文以鎮

中嶽封一通嵩山靈洞之中四萬劫一開道士命屬中嶽黃

書白繒佩身并本命日朱書向王方服之十二枚直符司中

非隨符入腸脾府之中十二年皆生黃精寶華十二重光映

于形外又當黃書白繒內神杖次赤帝下節中黃素玉女十

二人侍衛勿致不精當有考吏

修真之子佩服前符篆向王方叩齒十二通思黃炁入脾

之中生十二重華光映一身後書符置前咒日

總元高靈

回神四鄉

黃上散華

五帝交芳

流精散漫

十二重光

混合我形

萬神相迎

安鎮黃脾

養氣中方

保齡度劫

永鎮無窮

前訣說別咒者此是也

中央高皇玉寶元靈元老黃帝三元符命

天徊月移

劫運無衰

中央高皇玉寶元靈元老黃帝三元符命

道藏輯要

本行集經


至

箕集四

右一炁黃天下元小陽九申小百六酉其年霧障迷天不分
晝夜靈寶黃帝出下元符下中嶽保存萬物安國康民制一
炁黃天分度保度學者之身黃書青緗丁詢有命勿句存獲
爲無育見乾坤

中央高皇玉寶元靈元老黃帝三元符命

右中元大陽九寅大百六申其年山川俱壞黃帝出中元符
下中嶽度種民制天分度固地炁禳災厄黃書青縉出陽入
陰壞山川九土欲崩符不聽頽



道藏輯要

本行集經

至

箕集四

右上元大劫交周天地改易金玉山海人民鳥獸一時滅盡
天地溟滓無復光明黃帝出上元符下中嶽保度萬物制九
天炁以度學者其三元符命保固中央黃天元始之炁佩之
皆得始分之中其此文 十年一出中嶽黃帝云大劫交周
當刻書金札以佩身黃書青縉

右玉皇誥命以錫中央寶劫洞清玉寶元靈元老黃帝一炁天
君令統御中央皇天后土日月星宿名山靈洞水府泉宮上聖
高尊真仙聖眾一切威靈符命所臨如誥奉行

西方七寶金門皓靈皇老白帝所受神咒誥命

西方素天 白帝七門 金靈皓映 太華流氛 白石峩峩

檢定圖錄
制召上

道藏輯要

本行集經

五

箕集四

右篆是前四十八字白帝祕文書于九天素靈宮北軒之上

太白檢肺 奎婁守魂 胃昂畢觜 主制七闕 參總斗魁

受符北元

空 弓 楚 廉 區 鞋
肺 氣 盡 跂 果 預
秀 氣 辰 齊 飛 協
溪 颺 風 林 焚 多

道藏輯要

本行集經

齋

箕集四

右篆是前二十四字祕文書于金闕玄窓主攝白帝星官正

明天度

赤書玉字 九天正文 攝召萬炁 普歸帝君

孤 肅 恬 養 張 玉
百 陰 翳 巨 列 地
普 隔 葵 春

林福安所製

右篆是前四十八字祕文書于九天金闕三圖之館主攝西海水帝制水中萬怪惡毒之精召雲龍以防水旱之災也

右西方七炁靈寶玉篇真文合一百三十六字皆太上無上大光明圓滿大神咒空洞自然之書一名金真寶明洞微篇一名西山神咒一名白帝八威召龍文

西方白帝符


靈寶七炁天文化生黑帝炁上止五道亡勿人迴遊兆子三天門

道藏輯要

本行集經

五


箕集四



右少陰之炁化生太陰五炁之天主小劫申大劫酉陽炁極百六乘九黑帝行佩此文度甲申大水洪災符如前式當以黑筆書于白絹七寸上佩身

西方七寶金門皓靈皇老帝君符命

策駕五老 西盼九都 億劫同會 明定九河



右元陰之炁生七炁素天寶西方白帝治九九數陰炁涌陽
炁否九天炁交爲大陽九之災佩此文其時則晏鴻毛而高

道藏輯要

本行集經

卷


箕集四

翔觀洪波於天際當白筆書其文

元始白帝真符

召直符吏曲正守靈寶天文道士吞之靈
炁鎮肺生白精寶華七葉神爲役使通靈

致神仙直符曲
正洪災度人



右光天靈文出白帝真文篇以安西方七炁之天白帝愛此

文以鎮西嶽封一通於金穴九掖洞中四萬劫一開道士命
屬西嶽白書黑繪佩身本命日朱書向西服之七枚直符吏
辱曲正隨符入腹肺府之中七年皆生白精寶華七重光映
于形外又當白書黑繪內神杖次黃帝下節中太素玉女七
人侍衛勿致不精當有考吏修真之子佩服前符篆向西叩齒七通想白炁入肺之中生七
重華光映丹田後書符置前而咒曰

金靈七炁 素帶流分 金精童子 首建元巾 帶符攝炁
萬神會門 寶光奕奕 照我命根 安鎮肺華 萬劫長存

前訣說別咒者此咒是也

西方七寶金門皓靈皇老帝君三元符命

道藏輯要

本行集經

卷


箕集四

西山注鬼 煥乎九天 醜力難逼 斬以金關

太上洞玄靈寶下元小陽九炁小百六子其年人民萬物被水

右七炁素天下元小陽九炁小百六子其年人民萬物被水
漂蕩靈寶白帝出下元符下西嶽保存萬物安國康民制七
炁素天分度以度學者之身白書赤繪曰爲正王陽生三斬

殺萬魔雲龍間




右中元大陽九已六百六十年其年兵革四興白帝出中元符
下西嶽度兆民制天分度除滅兵戈之厄白書赤綰上盈事
已人身三道在二一保人身

道藏輯要

本行集經

堯

箕集四



右上元大劫交周天地改易金玉山海人民鳥獸一時滅盡
天地溟滓無復光明白帝出上元符下西嶽保存種民制九
天炁以度學者其三元符命保固西方素天元始之炁佩之
皆得始分之中其文九千年一出西嶽白帝云大劫交周當

右篆是前四十字黑帝祕文書于鬱單無量之元紫微臺北
軒之內主召諸真人神仙圖籙

軒之內主召諸真人神仙圖籙

北辰輔腎 斗牛衛非 女虛危室 豁落四開 璧總七星

執凶糾非 却災掃穢 明道輪輝

道藏輯要

本行集經

空

箕集四

萬 出 煇 數
 魏 恢 聘 蒹
 那 甄 甄 辰
 那 蒼 那 辰
 那 弘 那 辰
 那 屯 那 辰

右篆是前三十二字祕文書于天心北元立斗中主攝北方

北方黑帝符

右篆是前二十四字祕文書于洞陰朔單鬱絕元臺以攝北

海水帝制水中萬精主召蛟龍興雲致雨以負身一本云興雲至雨事

右北方五炁靈寶玉篇真文合一百二十字皆太上無上大光

明圓滿大神咒空洞自然之書一名本命紫微元神生真寶明

文一名北山神咒一名黑帝八威制天文

北方黑帝符

靈寶五炁天文化生青帝炁三炁高王易遷川人司萬言

道藏輯要

本行集經

卷三

箕集四

北方洞陰朔單鬱絕五靈玄老帝君符命


右太陰之炁化生少陽九炁青天主小劫亥大劫子陰炁勃

天地周青帝行佩此文度洪流大水之災符文如前當以青

筆書于黑絹五寸上以佩身

北方洞陰朔單鬱絕五靈玄老帝君符命

北斗定命 九期景散 八極明 石玄滋



右洞陰之炁生五炁玄天寶北方黑帝治九九交運陰炁勃陽炁激九天炁交天地大災佩此文則免洪流萬厲之中以

朱書文

道藏輯要

本行集經


畚

箕集四

元始黑帝真符

召直符尹豐守靈寶天文道士吞之靈炁鎮腎生玄精寶華五葉神爲役使通靈致

神仙直符尹豐開道赦鬼



右通明文出黑帝真文篇以安北方五炁之天黑帝受此文以鎮北嶽封一通於玄陰洞室四萬劫一開道士命屬北嶽

黑書青繒佩身本命曰朱書向南服之五枚直符吏尹豐隨符入腹腎府之中五年皆生黑精寶華五重光映于形外又當黑書青繒內神杖次白帝下節中太玄玉女五人侍衛勿致不精當有考吏

修真之子佩服前符篆向北叩齒五通想黑炁入腎府之中生五重華光輝映背後

書符而

咒曰

北上太玄
五炁徘徊
寶華五重
流光煥暉
雲景鬱香

洞映太微
仰注我身
腎府鮮開
安鎮靈宅
萬物總歸

身生羽服 舉形自飛

前訣說別咒者此咒是也

北方洞陰朔單鬱絕五靈玄老黑帝三元符命


上主適月命天仙戊巳多力士辟水源

道藏輯要

本行集經

奎

箕集四



右五炁玄天下元小陽九寅小百六卯其年洪水連天人民
流散靈寶黑帝出下元符下北嶽保存萬物安國康民制五
炁玄天分度以度學者身黑書黃繪三命正戊入力人任曰
遣患無爲君

太上元大劫交周天地改易金玉山海人民鳥獸一時滅盡
天地溟滓無復光明黑帝出上元符下北嶽保存種民制九

右中元大陽九辰戌大百六丑未其年天地枯旱海底揚塵
人民焦死萬無遺一黑帝出中元符下北嶽度兆民制天分
度除滅旱荒之厄黑書黃繪適百百九君有臣三千此度已
身

道藏輯要

本行集經

卷

箕集四

太上元大劫交周天地改易金玉山海人民鳥獸一時滅盡
天地溟滓無復光明黑帝出上元符下北嶽保存種民制九

天炁以度學者其三元符命保固北方玄天元始之炁佩之
皆得始分之中其文九千年一出北嶽黑帝云大劫交周當

刻書金札以佩身黑書黃繪

右玉皇誥命以錫北方洞陰淵單鬱絕五靈玄老黑帝五炁天君令統御北方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

臣謹言曰五老上帝分理五天下地萬生俱屬統治妙道生成之任莫此爲專故玉帝初劫昇以度人弭災制魔玉篇真文昇之以接度學仙之人昇之禳救星辰之災又昇之息洪流制魔害無非所以厚生成之澤使萬類各得其所也五老既奉之以守其職矣猶恐帝恩之未博生靈之未遂故於玉帝放光之後繼用啓陳挈所受之真文以授下世吁帝心

道藏輯要

本行集經

卷

箕集四
又三一

之慈如此其至也而五老能廣而充之豈非上聖之心均於仁愛也歟前五篇真文道書備載書篆之式施行之訣悉詳見於諸經今茲載於本行經者特正文也蓋本行經專主於誦念故正文不可無而雲篆庸可略至若一切諸符九炁諸炁真文三元諸符今並略之刊於經末修行者各當卽行之但真篆正文之誦尤當嚴謹蓋此文乃上帝誥命也誥命之宜萬靈聞之莫不稽首倘輕慢苟簡視爲常文出入吻唇姑爲談戲則懲責之酷當如報應品中所載誦經者宜欽奉之

臣良謹言

道言是大神咒者元始之妙言玉皇之真誥上清自然之靈書

九天始生之玄札空洞之靈章上聖之祕語玉晨之尊典成天
立地開張萬真安神鎮靈生成兆民匡御運度保天長存上制
天機中檢五靈下策地祇嘯命河源運役陰陽召神使仙此至
真之妙文神應自然致天高澄令地固安保鎮五嶽萬品存焉
玉帝昔授五老上帝是時五帝跪捧其章祕題靈都之館天真
皇人昔書其文掌之於上清真境太玄玉都寒靈丹殿紫微上
宮累經劫運而其文保固天根無有毀淪與運推遷是大神咒
混之不濁穢之愈清毀之不滅滅之極明大有之文天真所尊
自無真名地圖刻簡來生斯文隱祕不得窺聞有得之子保萬
氣長存勤行修奉刻致神仙

道藏輯要

本行集經

卷

真集四

臣謹言曰五篇玉書真文神功妙用莫可測量蓋得度人錄
仙真文而施行之則九天眾真紀名仙籍降炁接度得制星
真文而施行之則三光照形列曜削戾形神炁命不罹殞傷
得制魔真文而施行之則北酆畏威萬魔束首百邪敬慄弗
敢侵誡得制水真文而施行之則萬龍保身水府欽畏劫壞
之曰可跨蛟蚪而越九霄吁神功妙用果可度量哉但施行
之訣別有祕要非世人皆可獲此效也惟學仙之士當倣其
訣而服行之故經曰有得之子保萬炁長存勤行修奉刻致
神仙

臣既職校經不敢不舉其要以告來者伏乞上聖垂鑒
臣良謹言

洞玄靈寶玉皇功德品第三

爾時玉虛上帝白

天尊言唯願慈悲願爲四眾帝釋等及四梵天王一切諸天一切諸仙及未來一切眾生持是經人說利益事爾時

天尊告玉虛上帝言快哉斯問不亦善乎汝以慈悲愍念眾生故請問於我天尊言曰若有三界十方無量國土及國王大臣或兵戈並起疫氣大行水旱蟲蝗凶災饑饉是其國君后妃太子宰輔大臣當發慈悲爲其黎庶徧救國內州縣鎮宰令諸道流清淨嚴潔於其觀內設大齋醮六時行道爲轉此經當得國土清平五穀豐熟黎庶安泰

道藏輯要

本行集經

完

箕集四
又川川

臣謹言曰世有言曰干羽不足以釋圍鄉飲不足以息戰此事理之當然者也夫剽悍禍賊始從事於干戈寇賊姦宄始容心於兵革非智術有以過之勇力有以勝之決未可以挫其威虐也乃今玉帝經中謂干戈並起之難當救國內臣庶命道流誦真經以息之何其迂誕也哉吁是大不然也夫天變上臨則地禍下作干戈兵革莫非自夫陰陽拂逆躔度汨亂乃始流災而起亂今觀往昔之圖讖則可驗也是以經中之訓俾國家值亂則以斯而禳援蓋所以請命上天消天變而息地禍非謂以斯經而止亂也若夫厲兵秣馬高城深池寧可一日廢哉昔有庸君識見窒昧乃直謂釋老經咒可以

禦敵旋罹禍難至貽咎訃迄今爲羞良可嘆也今世昧夫凡
觀是經率執此爲謗毀之自敢因校經而辯之

臣良謹言

若復有人入諸山林遇毒惡獸但能存想一念真經山神衛護
猛獸自退終不害已若入江入海採寶求珍值遇惡風如法持
念是此真經風浪頓止安穩達岸若在軍陣戈戟既接兩刃相
交存心默念是此真經是諸惡賊悉自退散若在牢獄枷鎖之
中淨心定慮存念真經冤柱自伸卽得解脫若爲邪精鬼賊眾
苦所加如法持念是此真經眾邪遠避自然除愈若人爲求嗣
息如法尊重持念此經帝敕天曹明檢丹籍九品之內四果仙
人運應數合降謫下生爲其作子才辯明慧人中尊貴若婦人

道藏輯要

本行集經

卅

真集四
ノ三ノ

臨難之月如法持念是此真經卽得母子平安生福德男女人
所愛敬若爲求官進職爵祿亨達貴遇人君如法持念是此真
經卽得職務遷轉子孫榮遇世世不絕若人欲求資財殷富如
法奉持是此真經卽得財寶充溢衣食自然慶流子孫傳之萬
世若人被諸惡星之所照臨困苦牀枕如法持念是此真經是
諸惡星返降吉祥若人命過應入地獄注名惡籍父母師長夫
妻男女當爲亡人持念真經或安置道場幡花供養卽得亡者
鬼籍盡除神生淨土同苦罪眾咸蒙護度承斯勝利皆生天上
又此經所在之處常有十天至真大聖無極飛天神王侍衛供
養持是經人當得自稱爲正一真人是在處自得十方至真

至聖金剛力士潛護其人如護己身若出若入遊行之處百邪避路魔鬼殄除精靈伏藏一切災殃不能侵近是持經人命欲終時更不見諸地獄惡相卽見天宮一切玉女持幢下迎而生天上如天福盡下降人間卽得千生萬生中常爲帝王令國土清平人民樂業兼得爲王獲宿性通遵奉大道展轉修持至登道岸是持經人獲福如是又若有持是經人若雨下時起大悲心如法向空念此經三卷一徧其雨所霑面所向方一切眾生五逆十惡一切重罪悉皆消滅一切重病便得痊愈是諸眾生命終之後不墮地獄神生淨土蓮花化生何況持是經者又若有持是經人若行於道路值大風起吹是持經之人觸身之塵

道藏輯要

本行集經

主

箕集四

卷之三

是塵所霑一切眾生一切惡業悉皆滅盡更不墮三惡道當生天上故知持經功德不可思議是持經人若在江在河在海沐浴其身是水所霑其中眾生魚鼈黿鼉一切水族是諸眾罪悉得除滅盡此一報之身命過之後更不受胎卵濕化一切等身是持經人口出一切語言或善或惡一切天魔外道聞者皆是清淨法音是持經人若遇諸神廟能爲其神誦詠是經是諸鬼神得聞是經卽脫鬼趣登真仙道恭敬是人如奉是帝若人在世不孝父母不敬三寶殺生偷盜邪淫妄語作種種極重罪業將命終時若有道心正信眾生於是亡者未氣斷時起大悲心於其頭邊念帝尊號或一七二七三七四七乃至百徧千徧是

其亡者生前所造諸不善業悉得消滅更不墮諸惡趣神昇九天何況受持是此經者又若復有人自從往劫乃至今身輪轉人天漂沈世域積千愆萬過在於己身若遇是持經人影暫映其身如爲帝光之所攝受或與同語或聞其聲如奉帝言道語慰諭彼人罪障永得除滅又若持是經人造作長旛書帝名號於其旛上懸諸長竿或是觀宇或在家庭是旛被諸風吹所指方面一切眾生皆霑勝利一切惡業悉得除滅又若有持是經人書帝名號在一切有聲物上或鐘或磬鈴鐸鐃鈸一切道具法事之屬或以道場或以戲擊或被風觸是聲出時或遠或近一切眾生聞是聲已所有罪障悉得清淨又若有持是經人了一

道藏輯要

本行集經

圭

卷四

悟生死深入山林修真學道或時登臨上山顧望目所及處山林溪谷含生品類有形無形胎卵濕化動植飛潛種種諸類所有罪業永得除滅身心清淨命終生天何況受持是此經者當知是人卽是道藏功德身也

臣謹言曰天尊之語實而不虛真而不妄其片辭隻字曷嘗虛發凡世昧者識未通真見不詣遠或於諸經苟少有可議則遂從而疑之以爲世無是理也嗚呼是人也奚不詳觀熟究耽研咀味而曲求其旨哉功德品中天尊說持經之人所得功德如所謂死而生天天福之盡當得千生萬生中可爲帝王與夫持經之人誦經於雨下之時涉途於風起之際至

於沐於水觀於山現於影能界一切眾生罪惡消除獲大功
德以爲無有是理彼蓋謂帝王之福高而無踰非誦經之功
可得而獲證也況千生萬生常爲帝王乎彼又謂誦經之福
及一身可也眾生極重過惡四生積愆受報此天憲之確纖
毫不移使經百劫而不亡果報猶當自受焉可以誦經之身
一歷其所而頓能解脫且獲福德也哉斯人之語蓋知其一
而未知其二也且夫行堯之行卽堯之身希顏之人亦顏之
徒今有人焉於是經也朝於斯夕於斯趨亦趨步亦步於本
行經中誦其言行其事咀其華含其英倣十大妙行而服行
之敬斷障諸穢而離遠之守之以堅持之以誠愈久而不渝

道藏輯要

本行集經

圭

箕集四
XXIII

受撓而不變曰漸月漬泯然與玉帝之身如出於一或陟或
降在帝左右則彼身乃帝身也帝身亦彼身也身旣混融則
功德之成豈有異哉玉帝放光神化若是之廣且大則今茲
誦經之人所歷所至其福蔭眾生亦猶帝恩帝光之所暨及
也雖然斯言也天尊謂誦持斯經而純與帝合者矣非謂人
耳出口徒曰誦念者言也然而自入耳出口誦念不替充而
至於與帝之合則正一真人之自稱殆亦未可以表其德操
也學士宜思而行之臣良謹言

爾時

天尊謂玉虛上帝言今我略說未盡其妙若廣說之凡流邪見

疑惑不信是經功德窮劫難言爾時玉虛上帝聞是說已心生
歡喜不勝踴躍瞻仰慈顏稽首而作頌曰

九天之上 謂之大羅 玉京金闕 雲層幾幾 中有天帝
仁慈惠和 至道無敵 降伏眾魔 天寶靈符 玉律金科
神仙億萬 幢幡眾多 聞者罪滅 永出愛河 是號玉皇
穹蒼真老 妙圓清淨 智慧辯才 至道至尊 三界師
混元祖 無能勝主 四生慈父 高天上聖 大慈仁者
十號圓滿 萬德周身 無量度人 拔生死苦
爾時玉虛上帝說是頌及十號已是諸天眾異口同音歎未曾
有

道藏輯要

本行集經

吉

箕集四

臣謹言曰事悅於心辭溢於外故玉虛上帝之讚推尊稱頌
極言苦談求有以盡玉帝之德吁帝德之大其可言盡哉臣
敢以不言爲稱讚庶與玉虛上帝相表裏云臣良謹言

高上玉皇本行集經卷下

天真護持品第四

爾時昊天上帝聞說經法從座而起長跪帝前白言

上帝願爲大眾及諸人天持是經人說利益事爾時

玉皇尊帝興方便意開利益門宣玉匱科傳靈寶法告於昊天上帝言汝今諦聽當爲汝說受持功德扶危拔苦利益存亡神妙之事眾真稽首俱發聲言弟子_臣等今日幸聞湛然常住之法莫不上福三界諸天下消三塗毒害惟願慈悲愍臣等故演斯妙義

玉帝告曰若有眾生孝養父母恭敬三寶竭忠於君不殺不盜

道藏輯要

本行集經

卷

三

箕集四

不淫不妬不嗔不恨不驕不詐奉戒持齋冥心大道生尊重心誦持是經我卽敕下周流沙界徧傳十方無極世界敕命東方東華帝君青騎神仙兵馬無鞅數眾悉令下降覆護受持是此經者敕命東南扶桑大帝與其部眾神仙兵馬無鞅數眾悉令下降覆護受持是此經者敕命南方朱陵大帝赤騎神仙兵馬無鞅數眾悉令下降覆護受持是此經者敕命西南太華元老與其部眾神仙兵馬無鞅數眾悉令下降覆護受持是此經者敕命西方皓靈黃老白騎神仙兵馬無鞅數眾悉令下降覆護受持是此經者敕命西北皇天上帝與其部眾神仙兵馬無鞅數眾悉令下降覆護受持是此經者敕命北方紫微帝君黑騎

神仙兵馬無鞅數眾悉令下降覆護受持是此經者救命東北
沖虛天君與其部眾神仙兵馬無鞅數眾悉令下降覆護受持
是此經者救命中央天皇大帝崑崙蒼老黃騎神仙兵馬無鞅
數眾悉令下降覆護受持是此經者救命上方來和天君名山
大洞神仙兵馬無鞅數眾悉令下降覆護受持是此經者救命
下方一切金仙四眾八部及諸眷屬悉令下降覆護受持是此
經者救命十方飛天神王飛天大神三官四聖二曜九星北斗
南斗東斗西斗中斗二十八宿周天眾星金剛力士神王等眾
各與部眾悉令下降覆護受持是此經者救命降魔力士四天
門王五嶽四瀆及餘諸山四海九江十二河源山林川澤一切

道藏輯要

本行集經

美

箕集四
又又又

主者令與眷屬覆護受持是此經者諸險惡處令得安穩救命
所在一切土地靈官并溝渠等一切諸大力鬼王皆令覆護受
持是此經者令眾魔外道悉皆懾伏潛形遁迹高飛海外遠避
他方如是山林社稷祠廟血食之屬一切鬼神當自消滅五方
行病瘟疫鬼帥諸惡鬼神并風王水怪孽龍妖神土精木魅盡
自消滅五虛六耗夢寐乖常野道咒詛蠱毒之類皆自消滅心
欲願者一切如意皆得滿足是持經人或不依科教未能修齋
未具淨戒以能信受尊重景慕是此經典並同修齋護淨戒者
是人功德坦然無礙自在逍遙號人中聖德慧長新同諸真人
一臣謹言曰誦經功德天尊已嘗於前品言之矣今昊天上帝

猶以爲未悉也復於茲時再用啓請於帝前求有以周悉之
此蓋上聖慈心之切必欲導斯人以持誦之事而望上帝以
優渥之恩也玉帝悲願廣大無際故於茲時宣示明敕始終
備至了無纖末之遺始於東方而終於十方萬靈罔不畢舉
是欲世之含生凡克於經效心則在在靈祇莫不協祐也然
帝敕之重雖皆周悉而玉敕之宣首以盡忠盡孝等事爲始
蓋必能忠孝恭敬不殺不盜不淫不妬不嗔不恨不驕不詐
奉戒持齋冥心大道一一皆如帝言則十方萬靈然後護持
如帝之敕使其未然則雖饒饒吻頰予未保十方萬靈果悉
加護也雖然淨戒之具謂前忠孝等事也固玉帝責望之嚴

道藏輯要

本行集經

七

箕集四
XIIII

然三界有生根品有間苟不別智愚而一以是責之則淨戒
之具難乎其人也帝德慈憫仁愛洪大故於宣敕之末復出
玉音曰或不依科教未能修齋具戒以能尊慕功德德慧同
諸真人吁此非玉帝之慈不以絕法待天下寧有此敕哉鈍
根下士宜體帝敕先降尊重景慕之心增而上之以冀十方
萬靈之祐然不可謂帝敕容以未能修齋具戒而安於怠慢

焉臣良謹言

爾時吳天上帝聞是說已卽於

帝前乃爲歌曰

大哉至道 無形無名 渺渺億劫 黃道開清 神清則耀

九魂吐精 玉虛澄輝 太霞高明 玉皇開化 溥度天人
三元道養 二象攝生 朽樹故根 已枯使榮 蠢動蛸息
長生化形 懷胎含孕 俱得生成 亡者命過 魂歸三清
魄受鍊度 南宮飛昇 今日大吉 皆得光明 五帝鑒映
普告萬靈 天神地祇 及諸河源 五嶽四瀆 及諸名山
洞玄洞虛 洞空洞仙 無極大聖 至真尊神 無窮無極
溥監度生 惡根斷絕 玄都記名 眾真班列 咸聽帝言
經是帝敕 保誦持人 至度道岸 無使災侵 我奉帝命
一切咸聽

爾時昊天上帝說是歌已告大眾言此玉皇妙法語諸聖祕密

道藏輯要

本行集經

夷

箕集四
川上

言路絕道斷微妙難思巍巍大範爲神明之宗保鎮國土拔度
生死爾時昊天上帝說是語時法筵清眾咸仰道言溥得開悟
于是

天尊而說偈曰

玉帝功德大 玄理極幽深 生於浩劫前 運化於古今
我今說妙經 愍念諸有情 此誠極妙法 功德中功德
名號最上乘 無比爲第一 大光明王尊 威德聖希有
能破暴惡魔 皆令心降伏 能滅極重罪 皆令得清淨
若人間是經 或聞是帝名 稽首生恭敬 一切罪消滅
十惡四重業 五逆害父母 信心一稱名 隨聲盡消滅

| | | | |
|-------|-------|-------|-------|
| 保護人天眾 | 四相與五衰 | 三途極重苦 | 人間凡尼難 |
| 凶年饑饉喪 | 毒藥及厭魅 | 刑獄與冤家 | 軍陣鬪戰苦 |
| 山林惡道中 | 虎豹豺狼等 | 江海毒龍類 | 迅雷風雨雹 |
| 水火及盜賊 | 蠱毒所中心 | 失志發狂亂 | 蛇蝎毒惡蟲 |
| 邪魔凶怪神 | 伺求人便者 | 由持是真經 | 普皆自散滅 |
| 惡病久沈綿 | 夢寐亦不安 | 非理欲殘命 | 殄滅不爲殃 |
| 緣遇是經故 | 安穩得自在 | 所有希求願 | 財寶及富貴 |
| 以此經功德 | 如意皆稱遂 | 神威自在仙 | 諸天十一曜 |
| 三十二天主 | 二十八宿王 | 靈妃玉女等 | 天神及地祇 |
| 三界虛空神 | 江海諸龍王 | 水火及風神 | 宮殿與宅舍 |
| 山林樹木眾 | 溝渠井泉神 | 由持是經故 | 一切皆擁護 |
| 衣食常自然 | 子孫居富貴 | 出言人希聞 | 所至皆恭敬 |
| 若爲求男女 | 持誦此真經 | 帝詔下天曹 | 落籍天仙人 |
| 降謫生其家 | 爲其作男女 | 顯貴人崇重 | 七祖盡昇仙 |
| 光大慶其門 | 延及父母親 | 吉祥常熾盛 | 災障不能侵 |
| 是故我今說 | 大眾宜諦聽 | 慈悲度一切 | 皆令達上清 |
| 于是 | | | |

天尊普告四眾凡人持念此經受誦帝名皆道根深重宿有善緣此經尊妙普度天人但精心恭奉家國安寧保命度災掃諸不祥天子王侯得奉之者致國太平凶寇自夷邊域不爭兆民

歌唱普天興隆運推數周正道當行有得之者天真妙重祕之祕之

臣謹言曰玉帝之敕其丁寧周悉已極其至也而昊天之神天尊之偈猶至於委曲周詳如此蓋上聖高真愛人念切以故發揚印證不憚諄復必欲俾眾生之信奉也帝敕若是而天尊天帝之言又若是則持誦之效當決如經之所載也臣良再出斯言奉勉眾生宜崇信之臣良謹言

洞玄靈寶報應神驗品第五

爾時慈悲度厄真人尋聲救苦真人濟生度死真人萬福護身真人俱從座起越班而出俱白

道藏輯要

本行集經

全

箕集四

天尊言若諸世末凡夫雖宿有善緣得遇是經被諸邪障之污本末疑惑不信是經功德如是之人見在過去於諸地獄得何罪報惟願聖慈說其報應惡趣之苦是時

天尊謂四真人云若諸世間剛強暴惡不善眾生終日竟夜對諸道像無恭敬心出誹謗語是罪當墮五無間獄若得值遇是持經人設諸方便誘引勸諭如是之人暫滅惡心信向是經彼人罪業淨盡無餘又若有邪見愚執惡人覩持是經生諸惡逆偏眼邪視乃至起一惡心發一惡言謗謔如是持經之人其罪過是命終之後墮大地獄永無出期何況世間眾生得遇是經不生敬仰穢手污觸暈口讀誦牀榻不淨便將安置或讀是經

講習俗語共同戲笑以爲常典如是之人命過之後墮無間獄
永無出期殃緣九祖受考酆都累及後世害纏子孫是人于地
獄中歷無量劫受大苦惱遇無邊聖累承救拔罪惡小減又遇
聖人救拔得出生饑鬼中歷千萬劫不聞漿水之名鬼報得出
生畜生中畜生報出若生人中更生邊夷外道而復女身貧寒
困苦癰殘百病受無量苦人所棄擲求生不得求死不得輕斯
經故獲罪如是又若復有人初雖信受後復慢易善惡童子上
奏三官黑簿添名青編減算身歿之後拘閉幽牢往復三途無
由解脫或於現世受種種病疥癩癰疽以爲果報憂悲苦惱日
夜相煎而身或被橫惡所加或牢獄繫鎖非分自害誤食毒藥

道藏輯要

本行集經

全

卷四

或被虎狼毒蛇之所食噉或爲冤家之所讎對或行山林值遇
惡人被他人屠害推落崖岸或被邪精魍魎之所殘害或值水火
之所焚漂或被刀兵之所橫誅輕斯經故橫喪天年獲如是果
可不悲歟可不痛歟故報汝等依此奉行勿生邪念若諸念不
生萬緣頓息塵沙惡業隨心消散一切災魔自然殄滅此之功
德不可思議是誠無比最上妙法諸經之王有大利益非人勿
示人能不生邪念頓息業緣是謂大利益法門也若諸天人五衰四相輪迴侵逼能捨
除妄想受持是經坐招自然天福益固身度三界與道長存是
此經典無與等無能勝是大威德大神咒能令一切枯槁便生
枝葉花果茂盛能除眾生極重苦惱能令短命眾生而得長壽

此經功德不可思議歎莫能盡若不宿植道種廣種福業乃至名字亦不得聞何況得見是經依三洞真格八萬劫一傳此清都至真上聖所寶祕於玉京金闕宸宮甚爲微妙難可得遇此經宿有仙骨當爲九天真仙之人得遇斯文承斯緣故後當齋金寶從師竄受之方當乘機應運乃可付焉不得輕泄敬之慎之

臣謹言曰臣嘗聞之經書曰諦觀法界性一切惟心造此語如宣說以爲破地獄偈是知心生則地獄生心滅則地獄滅也心之生滅地獄之有無況心不止於生而又至於起惡哉是以尊經報應品中謂凡夫造罪無量無邊苟能暫滅惡心

道藏輯要

本行集經

全 八 八 一 箕集四

則一切罪業遂至於盡淨無餘而起一惡心則其罪其殃有非言之可盡者是知方寸之間乃利害之機升沈之本豈容不謹之畏之哉品中下文又載一切天人或有五衰四相之起能捨除妄想則天福益固蓋想者卽心之所起也人與天相去遼邈然升沈利害一切由心吁心果可縱哉心果可晦哉倘一切眾生未能俾心之不生則亦宜勿起惡心捨除妄想使諸念不生萬緣頓息庶幾塵沙惡業隨心消散得以爲善人君子之歸則於斯經乃爲無愧所謂災魔之殄萬靈之護帝恩之及當如影隨形也又能廣而充之俾心若太虛內外貞白無所不容無所不納

尊真一不二法門高證

清淨解脫之道則一十二真人之位玉帝三身之果有不難

至也眾生宜勉之

臣良謹言

于是

天尊重宣此義爲說偈曰

設使江河水 波浪能生蓮 慈烏毛能白 如經故難遇

設使龜生毛 堪採爲衣服 夜月能消水 如經故難遇

設使蚊蠓足 堪構爲舟橋 能載一切重 如經故難遇

設使黃口雀 能銜諸大山 擲之他方界 如經故難遇

設使一葉舟 力能載崑崙 浮渡於大海 如經故難遇

設使諸水蛭 口能生巨齒 其大如象牙 如經故難遇

道藏輯要

本行集經

全 箕集四
川上支

設使蓬蒿葉 能覆無鞅界 蔭庇無鞅眾 如經故難遇

設使鳥鳥類 同樹一巢棲 銜食共相食 如經故難遇

設使兔生角 堪用爲梯磴 上窮有頂天 如經故難遇

設使鼯鼠等 緣於兔角梯 至天能食月 如經故難遇

設使驢顏唇 色如蘋婆果 復能作歌舞 如經故難遇

設使蠅蟲等 能飲鍾石酒 迷荒而沈醉 如經故難遇

爾時

天尊宣說偈已溥告四眾是故持是經人名功德身一切有情
被其蔭故持是經人名神通身一切吉祥咸臻集故持是經人
名清淨身是諸惡業不能侵故持是經人名威德身天魔異道

不能攝故持是經人名無等身上帝遙唱萬神敬故持是經人名堅固身惡劫大難不能損故持是經人名道藏身口出語言鬼神仰故持是經人名慈悲身六道眾生賴其善故持是經人名大道身出入所在無怖畏故持是經人名良醫身善行妙法安樂人故持是經人名光明身常爲帝光所攝受故持是經人名自在身天宮妙境神能遊故持經功德說不可盡

臣謹言曰天書仙格不可泛示下世故經中動以勿示非人妄傳輕泄爲戒然末世眾生昏迷不悟倘不示以徑級則善念不萌功德無積所以天尊說經雖以寶秘爲戒而玄蘊妙義輒宣剔之不惜此益上聖之慈憫也臣奉旨校經敢援是

道藏輯要

本行集經

箇

箕集四

則所以採摘妙義列造經中今經中修證果位雖未嘗準經文之二三輒爲傳之報應品中載天尊言持經之人所證諸身天府今列此爲真人之位謂如名功德身卽功德真人之位是也眾生有能勉奉是經誦持不退當直證此真人之位今四天選舉司見有陞陟是位者眾生宜堅確念慮口誦心持俾勿犯諸戒俾依如玉音求以上證此品則九族蒙恩七玄受鍊非獨此身滅災得福也敬信無怠同會瑤華卑言苦祝望無疑惑臣頁謹言

又若道士志人能結壇誦經著新淨衣於半夜後闌寂獨處清淨室中叩齒九通東向端坐誦詠是經於是時也太真御几玉

如拂筵萬神班列諸天臨壇三界侍衛五帝司迎然後閉目靜思存想是經不覺身處五雲之內俄見其身光明赫奕上昇天宮眾真下迎心有所請一切應奉仙丹妙寶隨意自取故當依科閉心奉行此經乃至三世金仙十方大聖皆從此經依按修奉故頓得超證無上妙道是茲玉帝諸天之師眾聖之王是故凡夫值遇是經致五帝輔翼召使神仙御役神官運導陰陽千靈敬仰萬神懾伏百邪避路羣魔束形命過之後即得南宮受鍊飛步上清逍遙自在與道長存又設復世間眾生曾聞是經心常渴仰能於家中擇清淨處畫帝形像日夜虔虔晨昏濟濟香花燈果尊重供養稱名瞻禮是人當得三十種上妙功德

道藏輯要

本行集經

金

寶集四
卷三

一者諸仙讚重二者先亡生天三者宿殃解脫四者所往通達五者無盜賊事六者所求遂心七者除水火厄八者橫事潛消九者夜夢吉祥十者疾病不臨十一者智慧聰明十二者人見歡喜十三者衣食豐盛十四者子孫榮貴十五者六親見喜十六者門族和睦十七者除三惡報十八者轉女成男十九者形容端嚴二十者爲國大臣二十一者生爲帝王二十二者鬼神欽仰二十三者得宿命通二十四者諸神護念二十五者九族受蔭二十六者處世長年二十七者有情賴善二十八者魔王保迎二十九者決超三界三十者白日上昇

爾時

天尊復告四眾此經功德能碎鐵圍諸山竭苦海水破大地獄
拔重罪苦降暴惡魔護諸國土能滅一切惡鬼能除一切重病
能解一切惡毒能滅一切惡人能伏一切毒獸能摧一切邪道
一切諸天皆令降伏其餘功德說不可盡爾時道場大眾金仙
菩薩真聖眷屬聞是說已歡喜踴躍稽首敬禮而作頌曰

大哉至道 無宗上真 上度諸天 下濟幽魂 上無師祖
惟道爲身 丹臺紫府 金闕玉京 祕此妙法 溥福含靈
滅我萬罪 增我遐齡 萬神朝禮 魔王保迎 功德昌盛
黃籙書名 渺渺億劫 使我長存

於是眾等說是頌畢稽首歸依奉辭而退

道藏輯要

本行集經

卷

箕集四
×1113

臣謹言曰尊莫尊於諸天也而大彌羅天乃天中之天貴莫
貴於諸帝也而

玉皇上帝乃帝中之帝故天尊言曰是此帝也諸天之師眾
聖之王惟是帝處至尊至貴之位無與等無能勝是以眾生
能萌尊重之心則功德無有與之並者或起輕慢之心罪報
亦無有與之並者所謂三十種上妙功德特天尊舉其要畧
而品中具載罪報亦天尊姑言其梗槩也眾生苟有慶幸得
觀是經宜三復玩味卽其此言始終反復觀之於是經也留
神儲思勉勉誦持積至三年功德無量臣旣奉校經之旨謹
專具奏仰乞帝旨專署一司校錄誦持玉皇本行經之人所

積功績以示神報帝德慈憫必俞所請也經末示此眾生宜
知之臣良謹言

道藏輯要

本行集經

卷

箕集四

附奏陳表文

臣昨奉詔校正

本行集經恭準宸翰令臣俟畢奏陳者臣聞垂世立教捨上智以奚堪刪詩定必聖人而後可蓋典誥示斯民之繩準而詰訓爲格言之筌蹄倘一字之弗諄實萬世之取誤故述而不作者先哲所重而辭弗能措者大儒莫膺信系屬之非輕致倚任之不易恭惟

玉皇本行集經祕傳金口妙蘊瓊宮下仙難可獲聞濁世罕能忽見立義邃滄溟之遠真機崇崑嶽之高言言彰解脫之門語語鼓清淨之吹嘆之莫盡卽以奚窮偶歷時之過多忽傳本之

道藏輯要

本行集經

卷

箕集四

致誤點霧固何傷於日月小疵庸曷損於瓊瑤豈期聖慮之過慈猶欲寶文之全善誕頒溫詔寵命愚臣俾據狂斐之才直膺謬證之職綸音震響耳然蠢聽之琳琅宸翰揮揚豁爾塵襟之開廓臣遜辭惟切委昇寢隆顧猥賤之非材第忪慄而抱愧重付眷懷之難拂用驅驚質而敬承喜懼交馳謙伏靡暇敬竭燭火之見仰助陽暉之明於卷首則摘品而分章至次編則總意而明義證譌謬者三十有八更乖誤者四十有三雖始終品秩猶未殫參校之全而前後句音尙不罄搜抉之備第爲人世流傳之久恐重民間疑惑之多姑令大體之弗疎故卽小節而致簡至如指摘譌舛不敢如布縷之詳抉剔幽玄未獲若開條之

悉蓋慮多多爲語乙乙必書錄則取厭於玩閱之勞演則賈疑於參味之審其他更革悉未周完謹繕錄以進呈乞矜容而閱視倘有纖毫之裨補願干明詔之頒行或乞申命有司再詳要義庶免三傳散春秋之誚及無九師微易道之譏臣良劄抉肺肝玷塵聰眷併勾哀原冒昧之責俾得服勤職守之卑誓竭金石之誠上荷海嶽之惠臣良下情無任瞻天望聖悚慄戰懼俯伏待罪之至謹具表奏聞伏候敕旨

恭準批答云詳奏及閱所上校正經文訖卿仁念粹和文華煥燦精效參詳之思審加訂證之勤豈徒謬語之復真抑且妙義之抉奧矧襟懷之溫厚故文字之清醕灼識情誠重勞精思宜下玉宸內殿收貯及頒詔諸天從此誦持並可命南洲及諸洲演化眾真照此傳行毋得褻慢外賜爾九光寶節八景珍輿以旌勞績切宜祇受副此眷懷故茲批答想宜知悉

道藏輯要

本行集經

卷

箕集四

川一

誦經感應

經中感應自古隋唐以來古今事實舊嘗備載藏本續畧摘數事附于卷後以證此經功德

不可思議

陳瓌

隋時會稽人擢第入金門集釋褐任長城尉自少誦此經每至
厄難多獲助至開元中自會稽江行之東陽大雨與二十餘船
同發乘風掛帆須臾天色昏黑風勢益壯至界石竇上水擁波
擊前二十餘船皆壞瓌急念此經流中忽有一物狀如赤龍橫
出扶舟因得達岸俱得活誦經之力

銀山老人

饒州人所居採銀戶逾萬俱是草屋延和中天火發屋皆燼此

道藏輯要

本行集經

卒

箕集四
川文上

居火不及時州牧問老人有何術法答云奉道年深日誦此經
不闕

慕容文遠

隋人病亡七日欲殮忽縮一足遂蘇云被一人追入一城見王
者問卿在生有何功德文遠答貧家無力可修功德惟一心念
玉皇經王稱善曰此經欲得聞乎遂延文遠上殿設一金牀令
誦經忽有玉女頭翠鳳冠服紫霞衣手指文遠陽間所誦經本
跪言其前令分明讀誦畢忽不見出門唯有追吏隨行登一高
山見城郭極高峻煙火接天黑氣溢地哀叫之聲不忍聞叩頭
求去使者乃引回家見形卧牀鬼吏自後推之冥然復活

竇德玄

麟德中爲奉使過揚州渡淮船見一人形慘悴引一小童坐地上德玄曰天晚別無船來何不同行遂至中流見本人有飢色與食濟之達岸德玄上馬同行十里間問君欲何往答曰我非人乃東嶽鬼使往揚州追大使竇德玄德玄驚怖下馬拜曰我卽是德玄涕泗請計鬼甚愧云公客載設食濟急奈何汝急誦玉皇經一百部當來相報玄德曰世無本鬼使曰鉢洲靈仙觀道士尹嗣玄有正本可急索誦言訖不見德玄遂回令人求經本書夜不斷續誦經一百部因晝卧夢見前鬼使來喚至一城殿門外使曰且立此當白王使旣入德玄於外遙聞王怒云爾道藏輯要

本行集經

空 箕集四

何故漏泄吾事爲他作計令左右驅決其使使出袒以示曰此乃爲公致此引入見王問曰公有大功德算未盡人間秩滿當生天界召使送回德玄問使者云我將來官爵如何答汝從此可改殿中監六十四至左相言訖辭去覺後果如所言

司馬喬卿

唐時河內人永徽間爲揚州戶曹丁母憂結廬寫經廬側生芝草綠莖朱蓋日滴汁一升食之味甘經畢母於座中語云得汝追悼之力今可生天

李脩

唐顯慶中丁父憂發心寫此經三部答劬勞纔一部了筆間有

五色圓光之炁經畢筆無所損每聞異香座前時有花墜後失筆頭經半載夜因見地上有金色光彩示之乃向所失筆頭自然光彩不壞經之功德孝誠所感父得超昇

呂文展

唐開元三年任閬州信道誦此經萬卷年衰牙落向經懇請牙復生如舊時亢旱刺史令祈雨誦經一遍隨獲霽然又苦霖潦別駕復令祈晴立霽又一夜誦此經見屋內光明若晝有王者數人與諸仙眾長跪合掌禮拜稱善文展大驚下座回禮云文展無道法得聖賢如此恭敬罪當萬死王者云我等皆天人魔王適向諸天見此人間有光照燭故尋光化身下降云珍重而


道藏輯要

本行集經

卷三

箕集四

去靈文



皇經集註啟讚序

天猷副元帥和應善天尊製

原夫大道無形妙萬物而資始至真罔象攝羣心而自歸機若
洪鍾扣之立應邈哉上聖至誠遂通恭惟

本行經者

玄皇之秘言穹昊之樞要浮黎真境紀談授道之初紫微上宮
顯露緘藏之跡實諸天之隱韻乃大梵之仙章八角垂芒本由
於宸翰千真列衛普度於人靈年劫孰究世數莫知蓋大地眾
生迷謬喪失真源自壞形體耽惑情慾不能洗滌聖文遂隱今
日崑山玉顯巨海珠分獲覩瓊文伏增驚歎所謂幽囚重繫慕
道藏輯要

本行集經
註解序

壹

箕集五
川X上

妙義以薦原痼疾沉痾仰德音而頓愈昏衢惠炬溟渤舟航保
國甯家濟生度死金編玉軸浩渺難量非慕真風曷契斯理聊
叙大要以化未萌云耳

高上玉皇本行集經前序

道本無言諸經皆眞聖唾迹但因言顯道文亦聖賢之所不廢
目三才分名教立理本一致謬妄者或歧之歧之非是也 元
始坐照於諸劫之先當時至運會諸眞問

玉帝行因遂說是經迺法品最尊靈文第一自來經書無有及
此者眞文隱奧不事奇麗梵對而旨自難窮諸聖所不能言思
議所不能到此經括盡明若指掌 臣張仲事文中古供職於周
祇承

上帝卽聞此經願終寶持 帝偶較人間功過錄 臣仲 在忠孝

之途 命掌化九天編輯此經經中玄蘊益得飽味惜世觀經

道藏輯要

本行集經註解

二

箕集五

者不能體聖意契玄旨謬刊訛傳言韻或誤遂分洞玄高上二
名各執私見以傳習大悖說經之意甚至膠柱狂誕之徒或不
信此經或以爲因襲他典或無知強解皆不知是經之尊而罪
福報應不可逃也其過何可言 臣仲 不忍盛典之失傳惜塵俗
之愚謬誤犯無知不聞大道奏承

帝命使仙眞解經說義流傳凡世作窮經之關鑰爲人道之梯
階庶聖經法航可濟久溺之流玄宗妙藥易醫積沉之病聞經
悟道永無妄議應機識眞終免輪沉三千大千界界悉太和之
域從劫至劫代代爲樂利之場求道必得無願不成是經功德
斯無負矣謹序

九天開化文昌梓潼帝君臣張仲頓首百拜

道藏輯要

本行集經註解

三

寶集五

皇經註緒前序

道之一字 三教同尊稱之迺妄誕狂流目道爲二乘是不知
道也 玉帝 三教同尊事之言徒或稱爲天主議其不尊是
不放 玉帝本行根由也 帝修德無量功成不毀位至尊名
最勝統萬天包 三教御三千大千厯劫自如儒家稱爲上帝
佛家號曰燃燈道號玄主尊貴無倫觀是經則知 帝妙行可
破千古之疑萬種之惑惜不知者未契經文猶有妄議不能了
悟增罪愈深豈識人生本於道宰於 上帝明心於聖訓若輕
帝慢天毀謗經文皆不明大道是背本忘親不達生成之自也
臣崑 慨此已久故序於經註之首以示戒

道藏輯要

本行集經註解

四

箕集五
川川上

純陽警化孚佑帝君 臣 呂崑頓首百拜序

皇經集註再緒前序

道之有經如天之有日月國之有典章觀日月面牆之弊可免
遵先王之法而過者未之有也則崇信真經豈非入道之準的
乎况此經 元始親傳 玉帝諸神承宣 三教最上品大聖
祕密言在在宜尊劫劫當重但無言之道此經已作文具又何
用註解哉然經以文言自得道者觀之耳未得入門正深借於
此矣不然渡河無筏焉得到岸嗟嗟舍經求道非也執經爲道
亦非也以心觀經以經驗心心融神會此天寶靈章固在我性
分中眞明不至泥文矣奚有二病哉

長春輔化明應眞君

臣

邱處機頓首百拜

道藏輯要

本行集經註解

五

箕集五
川子

皇經集註前四序

三讚附

道之大 玉帝之尊皇經聖玄奧

臣震

知之已久世多昧而與

妄議將以道可離天可褻聖經可輕耶豈知道有經卽性有此
身天有帝卽身有天君耳無幻身則性無所附而妙不彰非天
君則身無主而形爲虛身心不可無則 帝恩可不報經功可
不信哉但信經非徒以文惟神會以心耳眞得不忘則妙果成
矣

雷霆大元帥

臣

鄧

震頓首百拜恪序

三讚

臣鄧 震稽首言

讚道

道藏輯要

本行集經註解

六

箕集五

大哉至道 無宗上眞 卓爾三教 惟此獨尊

讚帝

皇矣玉帝 三教無倫 沙界浩劫 永皈至尊

讚經

皇經盛典 微妙甚深 三教括盡 法品最尊

諸義攷目

道源攷

道本無象無名孰究其源奚從而攷自

元始分化太虛孕妙有道之祕彰名因以立真一含三三教峙焉有無終始不外五行劫劫相生聖聖相承皆道也縱有跳出三界不在五行亦不免爲成道之人耳固道之所由顯道家之名所自來矣故尋經源先攷此

經源攷

經以載道度世慈航諸經皆聖真法言無非至理但此經演自元始化本 玉帝 元始爲三教之首 玉帝爲萬法之宗比經至玄極妙獨冠三教又爲諸經之王浩劫常存演從無始秘之玄天韞在玉笈字非凡品廣長一丈光徹無量天真皇人應時按筆書傳世間此經之所由宣布故續道源以繼攷

玉帝萬法教主聖祖玄師出處世系攷

師以度世破迷拔苦傳道授經開來繼往大道玄師統三教包萬法居天中之天爲聖中之聖無始無終本莫窮其自在萬象之先但道妙分真現生光嚴妙樂國中迺往昔劫中化顯也世人觀天道陽明陽主施其機常張尊

上帝曰張大帝迷徒不達此理妄以今北直隸眞定府行唐張氏族爲

玉帝之後豈知行唐張族迺張果之支裔張仙之後也奚可混作一論哉此姓氏世族之攷耳若論世系

玉帝爲大道之首分浩劫之古且焉有死生姓名耶若

玉帝聖后聖子眷屬皆化光嚴太子時宮眷

帝復登昇宮眷悉證道耳要之

帝后宮眷非實女身皆天至真爲度羣生顯化女身經已言之卽佛成道妻子證聖也自

玉帝爲道祖累劫眾生萬類皆天地之生意道脈之支分孰非玉帝之眷屬統系若

大羅宮眷證道後皆天真聖身如文殊掌無垢世界龍女成道

道藏輯要

諸義攷目

八

箕集五

而化男身義同今之僧道世人不觀此理妄以爲

玉帝有宮眷有輪迴爲二乘果豈知諸天可盡

三清境大羅天無盡諸天帝輪迴

玉帝不輪迴蓋

玉帝迺道身道無窮玉帝豈有窮乎信乎

玉帝最上一乘諸佛之師萬天之王宮眷皆道化之妙意矣玄系之畧若此學者勿妄論請詳是攷

刊經功德攷

太古經無紙筆方策記之蒙情蔡倫造紙筆載經書後高士刊板印記功德又加倍世之迷途旁門不知恬倫受福於堯率天

以爲二人有地獄之報二人之遊冥府從

太乙救苦天尊

冥主地藏菩薩執經入地府化度邪說罪人耳二人豈有地獄之苦哉功德甚大刊經演教之品也

持誦施經講註實益攷

持誦講解心要至誠一無染着貪妄功德如經中語印經施捨功德又大以其廣布法品若輕經謗經污損經典罪亦深重勉之戒之勿負聖賢之教

玉帝聖號同異攷

玉帝聖號崇自浩劫前中古復尊上重稱讚耳世主好道感

道藏輯要

諸義攷目

九

箕集五

玄恩各就所見聞所販重事與時會功以世顯隨其彰著人人共觀聽者敬上諸神之號以定稱謂玉帝有四一太微玉帝漢武帝上太微垣星主號也二梵天玉帝漢宣帝上天市垣帝主號也三焰華少微玉帝漢哀帝上先天定位號也四紫極玉帝漢光武上後天乾號也皆非此玉帝此玉帝號昊天金闕無上至尊自然妙有彌羅至真玉皇上帝又曰玄穹高上玉皇大帝是帝宰諸天永不毀淪世不詳考謬爲帝卽帝釋不知玉帝名號各有不同其四玉帝俱屬高上玉帝統御今言四帝天皇同列者亦非是玉帝達天者詳之

玉帝御蒞推極攷

葛仙翁曰世界之天所見皆同儒家言一天地一上帝道教言三十億萬大法界界有三十六天天各有帝俱屬高上玉帝統攝釋教言三千大千世界界有三十二天界各一玉帝三教之論若殊然言一天者天外言太虛稱其不可窮言三十億萬自是之外亦言不可思議言三千大千者自此之外亦言無盡量故儒言順帝之則又曰聖希天天體無窮至元會運世此理亦在是以上帝爲不變遷也道言高上虛無真帝不毀佛言真如自在永不退轉是俱言玉帝無毀淪也故言一天者非遺大也舉總名而言之與玄釋不二矣言三十億萬三千大千非謬說也析分數而言與儒者相同矣至於釋言各一玉帝一界各

道藏輯要

諸義攷目

十

箕集五

極也道言共此玉帝眾界同一無極也曰太虛曰不思議曰無盡量皆知道不變玉帝常在耳苟以世界分而謂玉帝殊豈以無極之理有二乎或以元會遷而上帝毀豈無極之理有壞乎知道不壞則玉帝常在信矣毋持魔說以謗聖玉帝清微天界攷

王重陽曰清微天之最上玄微處卽道家所謂種民天儒家所謂冲漠之表蒼蒼不毀釋教所謂不退轉之地今禪之雜文內誤言玉帝在須彌山頂迺日月天四王天或有毀壞惟彌勒內院爲不退處又言彌羅垣又言彌來圓此三箇異名是道經無上元君今出卽彌羅玄真境玉帝所居清微天也其日月四王

天蓋太微玉帝之居非此大天尊高上玉帝也故道經言玄谷山頂有帝君上禮玉皇大天尊玄谷山卽禪家須彌山日月天主管理此天之神卽今帝都京兆尹也是以釋經言如來說法帝釋張蓋卽此時狀元及第金殿傳臚禮部舉觴京兆尹張蓋以示朝廷旌賢之意邪流遂以張蓋之帝釋爲高上玉皇是以張蓋京兆尹爲皇帝也其謬甚矣惟說謬若此斯雜文中言崑崙山有八處不知方向雖有八極八極總有一西北西北乾首崑崙儒家所謂天柱地維卽道之玄谷山釋之須彌山豈有八箇之理世人訛言已久故因攷清微天界併言而戒誤論者玉帝尊次攷

道藏輯要

諸義攷目

十一

箕集五

劉海蟾云玉帝在道教卽三清之化道家先三清者先虛無而後妙有所謂無極太極非有尊卑之殊在釋教卽燃燈古佛顯化釋迦佛身禪家先佛而後玉帝卽外國尊其主而後中國皇帝之義也若攷道之尊處金輪經云玉斗玄尊命駕神遊上極前行五星爲使者後以釋梵作威儀釋梵仙佛菩薩也帝信三清與佛者顯身度眾生使皈道也世流妄分乘位不攷源流以玉帝爲次尊是世人有大於帝王者矣甚至以三清佛尊比太上皇又悖玉帝先後顯化之意而以異姓異號擬父子其罪尤甚噫世不能無玉帝猶生必有宗祖父母也謗上帝而別立門戶是舍宗祖父母而自尊也奚可哉

玉帝號稱利益攷

藍采和云人知尊上帝不稱玉帝寶號儒者或言誦之非是不知大孝終身慕父母非孟子之言乎慕父母而心誠則爲孝子稱帝號而心誠永無過行豈不爲乾坤肖子哉踐形惟肖則天地皆歸利益豈不大乎

皇經利益攷

張紫陽云有帝王之興必有帝王之制守王制而過者未之有也况皇經心印迺道要心宗體之則爲至聖豈止免過哉今人不信利益惟體會誦持未誠耳智者思之

帝經較錄功過攷

道藏輯要

諸義攷目

七

箕集五

鍾離子曰人物之生本於道皆自天帝而分真故善則德動天福自至卽貧賤而安樂勝於他人是真福堂惡則自作孽天降殃卽富貴而凶咎是活地獄禍福有定隨人善惡天人交應捷於影響迷徒不信故功格言真誦皇經一部爲千種功德卽昇天堂真誦者內外總一言行合道不在口上念經惟在心心實善善乎王靈官曰何勞妙手圖吾像但願君心合我心能心合上帝則德福並懋迺真誦善功其餘持誦經文戒口制心尊信論歲月雖有福德因其善之大小而應是又次矣過格言不信此經墮入邪道以心不合道遂作邪人也又言毀謗真文身墮地獄不信者惟聞經中功德信之不及尙爲小過毀謗則廢天

章心作大業凶咎無邊淪於陰惡罪不可活故墮地獄途又言
詆帝毀聖廢神居裂眞經頑惡無忌永受業禁禍及七祖毀謗
則口訕靈章言冒天威故罪在自己詆帝裂經縱惡不悛身爲
不善遺臭無窮虧體辱親雖孝子慈孫百世不能改己身罪業
豈有出期祖親之咎又何能赦不然國家設法禁罪人可矣有
夷三族滅九族者何也以罪犯過重故延及親族惟若此則爲
法網難逃其餘或邪視經典或誦置不虔或持念訛慢或妄意
裁度或是此非彼或優彼劣此隨其過之大小又有一定之報
在矣嗚呼帝之經當今之法也不信王法律有明章不遵盛典
豈無天條惜人身難得至道難聞父母生我其勞苦同有德者
而視爲泛常耶

皇經集註義畧攷

石杏林云皇經言道之眞吾性分固有之宜不須解世人多慮
資有高下偏見者廣諸仙解是非能盡說玄旨姑備後人之折

道藏輯要

諸義攷目

三

箕集五
X 8 三

福祖親卽今世登甲科封贈顯親也有過者禍祖親卽今世子
弟犯事罪坐家長也人身同而善惡異親恩同而福業殊人何

不爲善而甘作惡徒遺累親宗哉經功過格言此見眞經在人
心上純善則經功自有上智行自合經不在口誦中智者因經
見道下愚則語之弗信上智不常有下愚亦不多中人旣廣則
教化之功信不可缺觀是經者豈可不體玉帝慈悲度世之意

書

皇經同異攷

張子房云此經本無二名高上靈寶之分後人穿鑿隨意增減字句捧合文意殊失本旨今攷高上靈寶出自各仙真稱揚語後人誤執爲二茲據玄都定論錄傳世間後學鑒此定志默體或遇刊寫傳講差處從公考校其外添文句字畫皆訛誤也達者勿泥執焉

經名同異辨

倫曰皇上帝仁孚浩劫功超列聖盡善盡美稱讚難窮位乎玉清宣元始之化迺號玉皇韓湘云本行者述玉帝成聖根本歷

道藏輯要

諸義攷目

古

箕集五
X。川

修妙行集經集元始五品之妙言合爲一經示後人修行之正路耳管見云惟天蓋高玉帝所居之天位接玉清又超諸天故曰高上人見玉帝之尊以爲絕德人終不能及不知聖道無二我與至聖齊肩帝之尊帝之妙行成之也故天樞張上相傳集是經欲人希聖成真故明旨云玉皇本行集經欲人觀經了悟厯考良因追蹤至聖以成上真也其後又稱曰太上洞玄靈寶經蓋言大不可量高不可極故曰太上闡先天道德之秘爲萬世文字之宗洞明三景顯露玄機故曰洞玄靈之蘊爲天人億代法寶故曰靈寶要之經以明道道屬我身人能盡性至命了悟此道探本躬行可以入聖矣

經註名義序次攷

經本文有作一卷者從本傳象太極也分三卷者象三才耳今註作十卷象十極之義道數成於十也分五品以象五行合五行四象八卦則得十七皆太極之分故帝於十七光明天以生地以成 玉帝此經卽地之曲成萬物地數三十故帝示三十種功德帝德超出十極故具十號修億萬劫故周萬德今註六百幅象火記六百篇一百八章從帝千八百戒十萬餘言象帝十萬妙行立光也至於所謂皇經纂恐下愚不能全契聖文舉大要以詔人耳知此義又何有不同之旨

觀誦講授經典戒義

道藏輯要

諸義攷目

五

箕集五

凡觀誦諸經或講明授受先齋明整衣肅容請經置淨几上端坐定志善惡兩忘一乘不立冲妙虛明然後從容展卷或默觀或持誦或發明或教習與帝終對越至誠無息方爲守戒

抄寫經戒

凡抄寫諸經規儀與觀誦同心正筆正非欲字好卽此是道

信經論昇沉德業辨

人自太極生化天堂地獄經詳言之世固未信豈虛語耶死雖歸空趣不盡者魂有執業伯有爲厲子產信之夫子不以爲非地獄豈無清淨還造化舊物天堂亦有但福不可徼得業不可倖免天堂地獄惟人心造若信一說之名而不修德是自求禍

也雖曰言果報亦何益之有

凡誦經者有淨心等諸咒今不錄因前已教人心同於道是誦
眞咒矣故不載其文

皇經原本首載三十六聖號從天上三十六之義今經止載十
語何也十號十極從帝稱用之耳實不以繁簡而爲去取也觀
者詳之

原道

南極遐齡老人臞仙撰

臞仙曰稽夫道教之源昔在混茫始判人道未備天命我

道祖軒轅黃帝承

九皇之運乘六龍以御天代天立極以定三才當是時也天地
尚未昭晰無有文字結繩以代政無有房屋巢居以穴處無有
衣裳結草以蔽體無有器用汙尊而坏飲我

道祖軒轅黃帝始創製文字製衣服作宮室製器用而人事始
備今九流之中三教之內所用之文字所服之衣裳所居之房
屋所用之器皿皆

道藏輯要

原道

七

箕集五

黃帝之始製是皆出於吾道家

黃帝之教焉且夫老子謂生天生地生人生萬物必有所生者
曰吾不知其名強名曰道強字之曰大故曰大道其教曰道教
世方有道字之名以是論之凡言修道學道者是皆竊老子之
言以道爲名也豈非老氏之徒乎又若老子所謂玄之又玄爲
眾妙門玄妙二字又皆竊之爲名用之於經者是皆用老子之
言也又若莊子書曰有大覺而後知聖人此大覺二字乃莊子
所立之名徽宗取之而封金仙其經皆用之是皆出於吾道家
之書

黃帝老莊之教也

皇經集註判傳疏文

明講道經修玄箴嗣全真弟子山東

小兆臣

周玄貞誠惶誠恐

稽首頓首齋沐百拜

伏以道妙無爲每因時而著見人心有覺宜隨地以積功

臣玄

貞一介微質三才末品慕妙法以皈玄本儒行而會道一觀

帝經勝獲珍異卽逐字以精研冀因文而了悟但聖典無註體

認惟難

臣貞

用發衷虔博方解義緒纂仙聖格言彙入道藏函

部緣三卷之真文用集序次數五品之秘論以列篇名卷編爲

十幅計六百總列一百八章大畧十餘萬言千聖心法觀冊昭

然浩劫玄宗舉目如在雖未能獨窺上聖之蘊奧亦庶使眾觀

道藏輯要

皇經集註判傳疏文

末

箕集五

最盛之真文寸勞旣効良緣若存涓吉朝而虔刻資善信以協

成預 奏疏詞上千

玄鑒增

君民清淨之福赦

小兆

僭妄之罪使諸界多方盡爲十七光明

之照徹絕今傾古悉被三十大願之陶鎔人物俱登重玄冥陽

永霑法利庶

臣玄貞

之誠少伸萬一 奏

重刊道藏輯要

高上玉皇本行集經註解卷之上

此義迺洞玄靈寶對註者後人勿疑

文昌開化帝君張校

純陽警化帝君呂閱

長春輔化真君邱編

雷霆大元帥鄧訂証

長跪奉禮

此經係元始闡玉帝妙行之義故誦經者長跪虔誠禮奉

仰啟三清境無上三境尊

道藏輯要

本行集經註解

壹

其集五

知大道之高三清之尊投誠企慕皈身皈神皈命上達真心
仰瞻啟告於玉清上清太清三清境界至尊無上玉清聖境
元始上清真境靈寶太清仙境道德三境道祖大天尊

仰啟大羅天無上玄穹主

呂純陽曰玉帝所居爲三千大千世界天宗永無退轉至高
無比故云大羅玄穹主穹窿蒼穆諸天都教主

仰啟三清界侍宸諸真眾

張紫陽曰侍旁列也宸高玄不可窺見聽聞之界諸眾也諸
眾真先天九宸後天仙聖一切神佛菩薩阿羅漢金剛皆在
焉

妙道難思議

至妙大道最上一乘不可以心思不可以言議難以思議而得

造入資玄門

張子房云造入由真知力行進入也資玄門道義之門眾妙玄玄難入漸進悟入資玄卽孟子所謂居之安則資之深釋經所謂從聞思修流入亡所也

妙經抉

音訣玄蘊

抉決也挑出之意玄蘊玄奧難測此妙經自真無中挑出神機是抉玄蘊

道藏輯要

本行集經註解

二

纂集五

導引塵迷趣

元始說妙經抉玄蘊導引塵俗迷人使出苦海脫其業趣

臣今淨三業

臣看誦經者自稱也三業身業口業心業也淨虔誠永絕此業也

口誦及心持

誦經者自言誦此經真誠口中誦誦真心持受也

惟願大慈悲開受

臣所請

悲一本作尊字悲字爲是誦持此經惟願元始玉帝諸真垂大慈悲開慈顏受

臣

所祈請若作尊字不能承前三啟意

慈光燭卑賤聽聆音聲

諸聖大慈光燭照臣卑賤誠心神聰聽聆祝誦音聲

願臣諷誦時響徹十方界

願臣諷誦經時法音響徹十方界十方聽信大法卽響徹也
成就一切願如經所稱述

願臣悟經修真成就一切善願如此經中所稱述玉帝歷劫
妙行

從此漸進修成道事諸聖

從此漸次進修成大道事諸仙聖人

至心皈命禮

道藏輯要

本行集經註解
卷上

三

箕集五
三三

誠有未至不爲至心少有追悔不爲皈命諷此經永誠
不改而恭持故云至心皈命禮

玉清聖境

元始尊大無比天中法王位冠仙佛其居永不毀壞云玉清

聖境

清微天宮

解見後

鬱羅蕭臺之中

最上之極天中之天神光芳鬱蕭然眞清故言鬱羅蕭臺之
中

森羅淨泓

音弘玄深不可窮也

之上

天有萬象羅列深奧難窮玉清在諸天上故言森羅淨泓之上

現有爲之梵相

元始天尊爲三教宗顯化教人其妙難窮是現有爲億梵妙相

具無極之神通

具無極量大神通一云元始迺無極大道故云然前說爲是敷演真玄破無有色空之礙

敷宣廣布演說發明至真玄宗破世間無有色彩等障礙無

道藏輯

本行集經註解
卷上

四

箕集五
川一人

者以無爲宗有者徇生色彩者執有空者不脫無趣元始說此經明示真玄不屬三觀不落兩際明言直指如如見成故破無有色彩之滯礙使皈道妙

拯提趣類絕智愚高下之分

拯救提拔一切情識業趣諸類出塵不拘古今聖愚皆可修道是絕無智愚高下一切分別真不二妙法

妙用難窺靈機罔測

至聖妙用無方難以窺視玄靈道機不可測度

大悲大願大聖大慈無量度人元始天尊

大悲憐世心切大願願化無窮大聖聖中至聖大慈濟度無

盡無量度人無限量也元始句解見後

至心皈命禮

此是言誦看經者真心頂禮至尊今人口念此句者非也

上清真境

最上玄清至真妙境

禹餘天宮

自始青而太白玄光神化妙界永不毀高大無比神運無疆經言元白禹餘天宮

紫微瓊臺之中

道藏輯要

本行集經註解
卷上

五

箕集五
川卷八

妙境難測永不動毀故言紫微非北辰紫微垣瓊臺上清宮光萬寶莊嚴云瓊臺中

玄都玉京之上

上清在太玄都白玉京之上一言在高天玉京山之上亦通接元始虛皇之統系

系下記切繫也繼也靈寶體元行化故上接元始虛皇道統世系

超西那玉國之根苗

經攷西那玉國在陝西西方白帝生處靈寶在諸聖生化之先故言超出西那玉國根苗不可以元白作白帝也一云超

當作紹言天尊爲西那玉國根苗非也

入黍米珠盡挹真玄之精粹

天尊入黍米玄珠中卽儒家所謂九弄太極佛悟正法眼藏也挹獨徹此道如世人握奇珍飽至味也故云盡挹真玄精切華粹

在香林苑屢談秘要之筌蹄

天尊在上清妙香寶林玄苑中屢次談說玄秘真要之筌蹄道本無說經爲修行徑路卽取魚之筌捕兔之蹄不可終執故說經爲筌蹄

妙德難思神通莫擬

道藏輯要

本行集經註解
卷上

六

箕集五
川三一

天尊妙德難以思致神通莫可比擬

大悲大願大聖大慈無量度人

解見前

靈寶天尊

始青至太白元始再彰妙化居上清靈運無方大道法寶傳之不窮爲靈寶天尊

至心皈命禮

太清仙境大赤天宮

三清境天宮本一以玄光大著妙無窮盡故言太清仙境元白散霞赤祥徧覆永無毀淪故曰大赤天宮非專言色之赤

紅也

巍巍金闕之高渺渺重霄之上

太上所居巍巍不動最上至大無比倫金光不毀玄闕之高渺渺難窮永居九宸九重九霄上一云冠三十六天重霄上降生於無量數劫

太上歷劫行化無有量數不可窮探大道玄宗是降生於無量數劫

說法於萬二千天

太上歷來化徧三千大千此言說法萬二千天太上說法宮有萬二千天界也

道藏輯要

本行集經註解
卷上

七

真集五
卷上

五千秘言融三才之妙道

道有五千餘秘秘言融貫天地人三才妙道

八十餘度接六趣之眾生

八十一化接引天人魔鬼獄畜六等趣眾生或云接六欲中滯眼耳鼻舌身意六趣眾生又云接有無色空能所六趣或從拯字拯拔悟道成真意亦是六趣難脫太上垂慈教化拔濟神人鬼物出塵故亦作拯

聖德崇高玄功廣博

太上聖德尊崇隆高玄功普廣博大深厚莫窮故言玄功大悲大願大聖大慈無量度人

解見前

降生天尊

太上顯化無量慈恩莫窮生生不已故云降生天尊

至心皈命禮

妙有真境彌羅上宮

上宮玉帝聖父宮名

曩音向示現國王之身

曩昔時往劫也昔顯示化現光嚴妙樂國王身

卽根本帝尊之質

卽根本萬天聖帝慈尊之體質

道藏輯要

本行集經註解
卷上

八

箕集五
四八上

始相湛寂

聖父道化宗始妙相湛然常清寂然不動

實至玄至妙以難言

湛寂始相實至玄遠至神妙而難以言議

嗣位繼傳妙無等無倫而相踵

嗣光嚴國君位繼國王宗傳其德無與同等而相倫類者踵

繼先業德福彌昌故云妙無等無倫而相踵

聖父之慈悲父至尊之最上尊

玉帝號眾生慈父位至尊聖父至尊指玉帝言光嚴國王生

玉帝故言聖父之慈悲父至尊之最上尊

稱讚難窮皈依莫盡

王生玉帝功德永著故稱讚難窮皈依無盡耳

大悲大願大聖大慈光嚴妙樂國王聖父天尊

此聖父指光嚴國王以其生至聖也

至心皈命禮

妙有真境彌羅內宮

內宮玉帝宮深遠處聖母居之故曰內宮

慈顏烜春日之和

聖母慈善容顏烜著光明如春天日色之太和

懿範凜秋霜之肅

道藏輯要

本行集經註解
卷上

九

箕集五
川卷上

懿淑恭美身範凜烈似秋日嚴霜之威肅

純全梵炁先天地以素存

全備虛無梵氣妙體預存於天地先

化現妙身歷后妃而示應

化現聖母妙身歷光嚴國君后妃應生帝

具一炁胚胎之始

具真一梵氣顯化胚胎之始胚形氣初立胎形氣稍著也

寓帝身生化之殊

寓寄玉帝道身生化祥瑞殊異

萬化祖根眾生慈母

聖母誕玉帝分萬化統眾生誠萬化祖根眾生慈母
大悲大願大聖大慈寶月光皇后聖母元君

至心皈命禮

紫金闕白玉玉京

紫金闕與黃金非二說玉帝京闕神光妙寶無二常御者淨
土色尊爲黃金宴息之所紫金闕也金玉重文者讚文自當
若此說

住妙有之境中處玄真之天上

常住妙有無迹真境中永處大玄至真上天之上

功成道備故妙相卓冠於諸天

道藏輯要

本行集經註解
卷上

十

真集五
川三上

普度功成至真道備故妙好光相卓然冠出於三千大界一
切諸天加冠於首曰冠玉皇萬天教主故冠諸天

心廣體胖故慈光徧燭於三界

性天廣大妙體如如心本廣體本胖也人不能故無光明玉
帝成道心如太虛之廣道身自然斯慈光照諸三界

位尊而上極無上

位尊無比故云上極無上

道妙而玄之又玄

玉帝之道高妙難窮是玄之又玄

眞聖宗師天人依仗大悲大願大聖大慈

解見別章

穹蒼聖主玉皇大天尊

穹蒼聖主諸天宗主也此號讚玉帝之尊

至心皈命禮

光嚴國內妙樂土中

解見後註

聖母凝神夢於虛無

聖母夢道君抱嬰兒付已遂生玉帝是凝會神異之夢於虛無中夢本幻中之幻故云虛無然祥異特著故云神夢

道君授玉質於恍惚

道藏輯要

本行集經註解
卷上

上

箕集五
川

道君降授玉帝寶玉質付聖母於恍惚渺冥中

慈愛和遜

仁慈惠愛溫和謙遜

弗貪萬乘之尊榮

萬乘大國出車萬乘者也玉帝捨王位是不貪萬乘君位之

尊重榮華

忍辱仁柔不憚億劫之修累

大忍耻辱仁愛柔弱不憚億劫之修德累行憚畏難也十萬

曰億劫解見後

功高無比德重難踰

功行超倫故高無比恩德邁種故重大難踰過

大悲大願大聖大慈現無量功德之身玉皇大天尊

此號讚玉帝功德之大

至心皈命禮

尊居帝位高處天宮

尊居玉帝位高處清微大天宮

徧遊於一切白玉京中

徧遊周歷一切世界大天宮白玉京也

普現於十方黃金闕內

普徧廣現於十方一切大天宮黃金闕也

道藏輯要

本行集經註解
卷上

三

箕集五
川

定而能應去來自在以無拘

大定而能順應或去或來妙用自然得大自在未嘗拘拘去
來伸屈翕散始終皆然

合而可分變化圓通而莫測

翕合而可殊分神變妙化圓活大通活潑潑地莫可測度變
化圓通卽佛云信手拈來無不是道儒家云左右逢源也

演清淨解脫之道

演說眞清眞淨大解悟超脫之道

濟沉迷憂苦之徒

濟度沉淪迷惑憂悲業苦之徒

自然而然非識可識

帝妙化自然非人間識性可測識者或以可識識字作誌字
看非是或作解識看亦不是

大悲大願大聖大慈現清淨自然之身玉皇大天尊
此號讚玉帝聖德之純

至心皈命禮

昔爲王嗣苦見音現立功

昔劫初爲光嚴王嗣苦見無量玄深功化

三千餘劫之修行有如一曰

三千二百劫修真行道如一曰

道藏輯要

本行集經註解
卷上

三

箕集五
川文

億萬生靈之拯度廣及十方

拯拔濟度億萬生靈廣及十方一切世界

雖法身由胎臟之胚暉諒聖體由道原之變化

玉帝顯化生自聖母法身聖體雖由胎胞臟神之胚基暉生
暉音運形化之意諒此聖體實由大道宗原之變化生成也
不壞不滅杳亡杳存

終不壞永不滅杳若亡實妙有杳若存却虛無

大悲大願大聖大慈現神明堅固不壞真空無上法身玉皇大
天尊

此號讚玉帝聖果至真常住也

長跪懺悔

長跪俯伏地上投誠盡恭或云屈膝時久爲長跪非也懺自陳已過願永滅此惡悔懊恨前非願自改圖卽罪人自首也

臣等自從無始劫

臣等看誦經者率同善人而言自從無始劫數以來無始劫世數無窮不可知其本始也

無明煩惱覆真心

人性本明因事物動心自己遮蔽不能反觀內照起了妄念故曰無明煩惱因無明心起煩亂恨惱傾喪善心故曰覆真心真心常在雖無喪失因無明煩惱遂昏暗蔽錮如物被覆幪不見也去了白露本真

常行殺盜與邪淫

常行不但專行殺生偷盜邪淫的事凡有殺心盜念淫亂之思不能斷盡意識皆是常行惡事了此身三惡業也

兩舌妄言並綺音綺語

或常搬說是非兩頭弄舌或無根造端而妄說言辭或妄菲售奸文飾說詞巧言亂聽而爲綺語不據實論

誹謗大乘真正教

或不聞大道謬言毀論誹謗儒道釋大乘正教

道藏輯要

本行集經註解
卷上

南

箕集五

鬪亂親朋離間人

鬪不是相毆或妄言鼓人爭心亂親朋情分離間阻隔人
家和氣此上三句皆口四惡業也

貪嗔癡暗縱三心

或欲得無厭貪求不已忿怨懊惱嗔恨不休或迷惑泥執
癡滯不改貪嗔癡暗縱三心有以暗字作一病過去見在
未來言三心皆非是

喜怒哀惡增七慢

劉朗然云遂意生歡喜感觸生忿怒投中生溺愛違意而
增惡連上三心共增爲七慢一幕浮華不求大道爲狂慢

道藏輯要

本行集經註解
卷上

五

箕集五
川×8

二恣肆惡念不信罪福爲悖慢三沉迷幻妄不皈正法爲
褻慢四樂縱凡情不親正人爲傲慢五匿怨妬橫不畏法
典爲怠慢六縱情恣慾不保身體爲惰慢七厭惡不輟不
登善地不敬神明爲侮慢或以喜怒哀懼愛惡慾七情爲
七慢皆由喜怒哀惡而增貪嗔癡三心不可入七慢中此
說不可從依劉朗然說爲是觀者詳之也

歷劫罪根難記憶

歷來劫數所造惡業罪根難以考記憶想

多生業垢莫能量

多生世世愆業塵垢汚染莫能稱量不知多少

皈依上聖大慈悲

皈至誠永久歸向也依因依仰賴仗上聖大慈悲心力默佑永滅罪過悲或作尊字太拘了

發露真心伸懺悔

發露真實善心仰伸懺罪悔過誠意

萬劫千生諸罪垢

萬劫千生累舉數而言歷來諸罪業垢污之孽

願從懺悔悉消除

願從懺悔之後永不造業夙愆盡消散除去淨

將此身心奉上眞

道藏輯要

本行集經註解
卷上

六

箕集五
川八川

將此見具身心永皈依祇承上聖至眞

惟願罪根悉原宥

惟願歷來罪根悉蒙聖眞原無知情由盡爲赦宥

至心發願

以至誠心發大誓願

願眼常觀玉毫相

願眼中常觀見聖眞白玉毫光妙相儼然如在

願耳常聞說法聲

願耳中常聞聖眞說法妙聲一誠之動有眞聞

願鼻常嗅衆妙香

願身中常與聖真法身嚴妙真香得洽梵氣

願舌常與無上道

願舌常讀無上妙道非聖真之法言不敢言

願身不染邪淫穢

願生生身清不染邪淫穢惡非聖真之法行不敢行

願意常存正信心

願我心意常存至正誠信之念永無邪妄欺覲之私

發願上報四重恩

天地蓋載日月照臨皇王水土父母生身為四重恩

發願下濟三塗苦

道藏輯要

本行集經註解
卷上

七

集五

願濟色累天塗愛累地塗貪累水塗心神形三重苦

廣運慈悲憐一切

願廣運我本等慈悲憐恤一切一云願帝運慈悲

廣行方便度眾生

願作如是功德廣行大方便化度世間一切眾生

仰惟玉帝大慈悲

解見前

加護願心悉成就

玉帝加護使我願心一切皆得如意悉能成就

發願已竟完飯依

三寶追經師

玄蘊咒重玄秘蘊
大梵仙咒

大哉元始

大哉大不可量元始解見後

無量度人

解見前


演清淨教

解見後

登引天真

登進接引天真一云昇座接引太拘

道藏輯要

 本行集經註解
卷上

大

箕集五
1x1x

玄座說法

道身常住光徹十方座非凡座凌虛御極空浮轉法是玄座
說法

寂然無聲

玄玄漠漠寂然無聲

玉帝放光

解見後

喜慶難言

喜慶難以言語形容

是為心傳

是此真經迺教主至聖傳心要典

亦曰天根

此經爲天道之玄根非言地雷復也

大圓滿咒

解見後

瑤章洞文

碧瑤天章大洞靈文

集以成書

集元始之秘言諸真之請明以成玉帝之經書

敷落神真

道藏輯要

本行集經註解
卷上

九

真集五

敷布落著神真以流聖教語落典章卽此意

臣今東向誦

東向坐誦此經

願與天齊并

願齊天永遠誦此經

存亡俱證果

存亡悉證道果

永度愛河津

永出愛河眾生恩愛最難割真苦惱之津誦經令一切永度

愛河

注想尊容

想玉帝尊容

稱玉帝寶號

稱玉帝寶號

至心皈命禮

註見前

太上彌羅無上天

太虛最上玄冲彌羅無極至上之天

妙有玄真境

玉帝天宮有玄象瑞光非凡象幻假永不壞微難窮云妙有

道藏輯要

本行集經註解
卷上

三

真集五
一文

玄真境

渺渺紫金闕

渺渺紫金瑞光玄相之金闕

太微玉清宮

太微作日月天太微垣迺太上玄微玉清宮玉帝所居之宮

玄瑞紫炁金光四十億萬里巍巍如如永不毀淪絕無塵染

諸天不能及故云太微玉清宮

無極無上聖

道高無極位尊無上至德大聖

廓落發光明

恢廓無際碧落重玄發最大無量光明

寂寂浩無宗

雖著大光明冲漠難窮默默無聲寂寂不可識浩浩然無有
根宗

玄範總十方

道體法身巍巍蕩蕩爲神明之宗萬天之主浩劫聖祖是玄
範總統十方

湛寂真常道

湛然寂然常清常定真常不易之大道

恢漠大神通

道藏輯要

本行集經註解
卷上

三

箕集五
州一

恢恢無量漠漠無朕最大神通

玉皇天尊玄穹高上帝

玉皇非一天之尊萬天之主三教之宗最上無極大天尊玄
虛蒼穹高上帝念此十句聖誥當一句一拜如不能逐句拜
先一拜將誥全念後九拜只念

玉皇天尊玄穹高上帝亦可禮完端坐誦經

大元帥馬靈官云此經法中王神人鬼物無往不利世間或男
或女不拘貧賤富貴不識字者但能敬此經聞此經女轉成男
人得福壽或印造施捨或勸人持誦功德無量但要至誠不可
希望疑怠此經所在諸神護之人聽吾言神亦永佑勉之勿負

良緣

清微天宮神通品第一

祖天師云清微天宮超絕三界塵染悉淨虛玄明妙微不可窮居三清境是大天宮玉帝居也元始演經御此妙界至聖妙用運化無方不可測識經演此義爲最上品非神智妙慧不能明了故曰神通品第一愚按古義云妙化不測之謂神周貫無遺之謂通迺五品之冠三卷之宗丹臺契此全經可曉

神通品一章

爾時

道藏輯要

本行集經註解
卷上

三

箕集五
川上二

元始天尊

爾時者無極分景之初太玄開化之始萬聖良緣妙際此經將演之時也元大也首也始初也萬聖闡化肇端於元始故曰元始天尊

在清微天中

清微天解見前

玉京金闕

紫清白真人云玉帝所居白玉爲京黃金爲闕非世金玉神通妙化碧天瓊琅莊嚴宮城故曰玉京金闕

七寶玄苑

白真人云七寶者碧土瑤階琉璃宮虬文壁白玉城丹闕金
色徹照光通號七寶一云玻瓈水晶珍珠瑪瑙珊瑚琥珀
磔玄苑重玄秘苑也

玉皇殿陞光明座

張子房云元始時臨御玉皇殿陞大光明玄聖之寶座

與無鞅數眾宣說靈寶清淨真一不二法門

子房云元始登座無量真聖來集故曰與無鞅數眾宣明玄
靈妙寶清淨無染至真玄一秘妙無間無雜不二之法門十
方集說云人之元神性命之宗是大天尊清微天界身固有
之玉京金闕七寶莊嚴人人本具而性命陰陽神氣精又身
之七寶則琅庭玄苑天人一致天君泰然則玉皇光明之座
可陞百體從令凝神會道卽天尊御座與無鞅真聖宣靈寶
清淨真一不二之法門也然道無形迹了悟明徹秘臻妙境
若大路然人之有自矣故曰法門

神通品二章

是時

是元始陞座之時

玉皇尊帝

尊帝其崇無比故云然

與諸天真飛天大聖無極神王靈童玉女九千萬人清齋建節

道藏輯要

本行集經註解
卷上

三

箕集五
川X川

侍在側焉

子房云與同也諸眾也玉帝同眾天仙真人妙運動化昇度神通飛天之大聖三千大界無量之外諸天地無極方之神王少陽梵氣應感侍啟之靈童少陰梵氣宣化傳奏之玉女大計九千萬之神人不露神光歸真元始清齋持建寶節侍列於元始光明座之傍天猷副元帥云人身有真主元神靈通不拘亦有飛天大聖神氣扶衛一身無間隙處亦有無極神王少陽之玄光少陰之靈運亦有靈童玉女心同於道則陽剛大數亦云九千萬身神朝元清齋無貳爾心建節身無惰儀管見云人與天地一般當清明不雜元神御極之時果得矣

神通品三章

于是

于是就此際會也

玉帝知時欲至卽於會前舉六通力放大光明遍照諸天無極梵剎一切境界皆大震動十方無極一切世界俱同瑠璃玻璃無有隔礙

梓潼云玉帝知道開玄光文明將啟演法傳經之時欲至卽於盛會前彰舉六通之法力放普照最大之光明遍照無量

道藏輯要

本行集經註解
卷上

西

箕集五
川上上

天無窮極諸天帝神眞所居之玄梵宮刹一切神御之境界
皆大震驚而竦動盡十方無極量一切仙佛之世界俱同瑠
璃玻瓈之寶光明瑩徹盡照畢見無有間隔滯礙不見之處
張紫陽云六通視通聽通神觸通神會通夙神通預照通卽
佛家所謂天眼等六通也梵刹仙帝神居妙麗天上不依階
塵未嘗毀壞巍然不拔凡目難見故曰梵刹一切境界各神
所居之境其境之界一切世界不止人間諸界天境亦謂之
世瑠璃雖有形光而乘物畢見玻瓈之寶無有漏脫而物無
不見玉帝光明射盡諸界幽闇悉輝豈有隔礙以如字言者
恐人不省故比喻而論耳管見云人性光明本無不通以元
道藏輯要

本行集經註解
卷上

三

箕集五
X X 上

神失主故有隔礙或聞不見或見不聞或知不言或言不知
或蔽人已或惑先後茲不能六通也若了徹性命元神時御
則普照天人表裏洞觸紫府丹臺黃庭玄界身神故址本有
天垣皆光耀晃輝無有遮滯盡被光明豈非玻瓈瑠璃之載
物無隱障耶雖然道固本明明之非易未知不可強已知不
可惑不先不後了悟實難人能如玉帝觀時至而顯光復曰
新而常泰則大光明終不晦道其永彰矣

神通品四章

十方聖眾並乘五色瓊輪琅輿碧輦九色玄龍十絕羽蓋

雷祖云十方四正四隅及上下也聖眾十方眞聖神眾也觀

玉童一隊皆乘駕五采文色瓊玉之輪琅秀華輿蒼
碧寶輦九色莖光玄龍十絕無倫之羽蓋白玉蟾云五色青
黃赤白黑也輪車之兩輪輿車也輦帝王車駕之總名九色
青色赤色黃色白色黑色紫色碧色太玄色金光明色玄龍
有龍光象不見形骸十絕十極所無神奇絕倫靈鳳祥鸞之
羽蓋道經云羽蓋卽高柄羽扇一云神仙帝真輦行時有瑞
羽法節以爲之蓋後說尤妙管見云人秉五行金木水火土
之元靈各有法寶仙真道成諸寶擁隨法駕人能默朝上帝
效法於天身中神集正氣呈秀瓊玉輪琅玕真碧寶輦九氣
靈色玄化之神龍十絕無傳之羽蓋皆在一身中矣豈獨天

道藏輯要

本行集經註解
卷上

三

箕集五
XXX

地神聖有哉噫惟真得者知之

神通品五章

麟舞鳳唱嘯歌噫噫靈妃散花金童揚煙讚詠洞章浮空而來
虛靜天師云聖眾駕行有麒麟導舞鳴鳳和唱嘯聲和雅其
歌噫噫天靈妃御散布瓊花隨侍金童輝揚祥煙讚唱歌詠
玄洞寶章同護神駕浮凌虛空而來帝京十方人云神帝行
駕有靈童采女歌隨麟舞鳳唱侍衛童女舞唱效麟法鳳也
故曰嘯歌噫噫此說太鑿神駕行有麟鳳卽今帝乘御看馬
之類况道經有云天帝行時龍翔鳳舞蓋天上太和仙景自
有此意又云龍豹長嘯於山林則噫噫嘯歌爲真麟鳳無疑

不然舜帝作樂於岐山何爲鳳凰儀而百獸舞耶觀經味此
當從前說管見云人能修道默順帝則禮元皇身中太和天
籟鳴唱玄脉安適雅如麒麟之舞鸞鳳之鳴噤噤可樂陽精
煥彩陰華呈露恍見靈妃散花金童揚煙秘樂玄韻卽天人
讚詠洞章對越元神如憑虛御風是亦聖眾浮空來帝闕也
此人人之同具惟有志者驗焉

神通品六章

是時梵天一切金仙大乘菩薩四眾八部承斯光照皆乘金碧
飛雲玉輿九霞流景慶霄四會三辰吐芳飛香八奏旋繞道前
雨眾妙花如雲而下遍覆會前

道藏輯要

本行集經註解
卷上

三

箕集五
又同上

子房云此時諸梵天一切大覺金仙了悟大乘正道之大士
天神魔鬼之四眾天龍八部承此光明之照皆乘金光碧色
飛雲寶玉輦輿所被九霞之服流散妙景以慶吉之霄四眾
集會日月星三辰爲之吐芳秀散飛異香八埏環湊眾聖呈
此秘妙旋繞周折於大道之前雨降奇妙天花如眾雲之垂
下遍覆蓋盛會之前麻姑云梵天最上寶林瓊宮凡世未見
隱妙莫窮故曰梵天金仙金剛不壞之仙大乘菩薩若觀音
大士等四眾仙眾將眾男神女神也或亦分天神魔鬼俱通
若云道俗僧尼非也蓋天上凡身難至故不言此四眾八部
神部將部天人天丁部金剛部龍王部夜光女使部修羅部

夜叉部也九霞碧霞彩霞紫霞丹霞雲霞煙霞瑞光霞景輝霞普運寶霞九色玄光流此異景蓋衣之光亦云神之隨形妙好不專在衣被也慶霄云佳辰亦云慶觀神霄也四會天良會神吉會時際會緣湊會也不專言四眾之會也旋繞道前飛香八湊之旋繞亦云聖眾旋繞也如雲而下遍覆會前妙花如雲之下盡覆會前或專言聖眾如雲而下太鑒管見云人身之神甚多元神弗御則眾神不呈靈惟修真之士默朝真主萬神恭謁靈府玄光諸奇百妙一一湊顯元神會前諸禎列瑞如祥雲遍覆我與天上不二矣

神通品七章

道藏輯要

本行集經註解
卷上

三

箕集五
卷上

是時 帝光遍照諸天下燭十方無極世界同玄都境凡彼人間上近九天通接交連至親至邇凡彼下方無極世界山陵坡坂溝澗溪谷緬平如掌六合至邇三境非遼天寶臺殿星羅人間瓊瑰羅列朗耀雲衢七寶欄楯以界道路玉樹仙花精燦珠寶景秀丹田芝草綿覆

天真皇人云是時玉帝之光自此世界三十六天遍照及三千大界之諸天下照燭盡十方無極量之世界俱皆光明同於玉帝所居玄都境界凡彼各法界人世間承此光照無有隔礙上近於九陽妙化之天天地人間通明相接交互合連極其親近凡彼各下方無極世界高山陵崎嶇坡坂污下

之溝澗溪谷緬然平正如人手掌盡上下四方之六合聯屬
至近三清境界亦非遼遠天上珍寶之臺閣殿宇如星辰明
密羅布於人間瓊瑤瑰玉張羅陳列朗然光耀於雲空衢路
七寶妙成之欄楯以分界道路玉枝寶樹仙瑞奇花菁燦珠
珍之實妙景秀輝丹田瑞芝靈草綿結覆蔭石杏林考義云
人王之居曰京都玉帝之居妙冠諸天世所難見故曰玄都
平時天清地濁神靈人愚若不連接非親邇也帝光照徹神
機妙聯故上下連神人親近也九天九上界三十六天非止
九也山舉高大者而言陵邱大阜也坡地之失平者坂山嶺
之崎嶇者也深長曰溝山夾水曰澗水之流注處曰溪山之

道藏輯要

本行集經註解
卷上

元

箕集五
X6X

大虛曰谷緬坦平也地有山水谷澗本不平也帝光覆照妙
意融溢故盡各世界之地皆平瓊美石瑰玉類也紛然並陳
曰羅列雲衢天端之路橫曰欄豎曰楯卽世之排欄也菁華
光之顯輝者珠寶珠寶之實丹田玄都丹陛之田耳管見云
人身有天地陰陽之元秘不交則上下間隔遼異若元神御
光天輝煥發則地天泰上下融高下曲轉並親邇妙合矣身
中本有之寶妙顯神映與天上何殊丹田御神之地奇景秀
見靈孕神之綿覆呈瑞已欄楯仙花何待遠求

神通品八章

時彼下方皆見諸天鈞天妙樂隨光旋轉自然振響又復皆見

鸞嘯鳳唱飛鳴應節龍戲麟盤翔舞天端諸天寶花零亂散落
徧滿道路是時凡聖駭異幽暗開光天人悅慶踴躍懽忻凡夫
學士盡得飛昇仰觀劫仞寶臺俯眄紫雲彌羅是諸世界一切
人民咸臻道烝白首面皺皆得化度紺髮朱顏少壯幼稚轉增
形容光澤美好苦惱痊平普蒙解脫安樂快然天下歌謠欣國
太平

長生大帝云當彼帝光遍照之時各世界下方人民皆見各
天鈞天上秘之妙樂隨帝光旋轉繞動自然聲振而音響又
復盡見瑞鸞歌嘯靈鳳和唱飛動聲鳴悉應節奏玄龍舞戲
祥麟旋盤翔翔舞動於天端諸天上珍寶之花紛零飄亂布

道藏輯要

本行集經註解
卷上

三

箕集五
八八

散降落周徧充滿於諸界道路此時凡夫聖人皆震駭驚異
幽隱黑暗盡開光明天神民人並皆豫悅喜慶踴躍鼓舞懽
暢忻樂無知凡夫學道士人皆得神遊玉京飛昇天上仰觀
劫仞高隆諸寶之臺俯眄紫雲覆映彌羅之界是諸世界一
切諸人兆民咸皆臻於道烝妙化之域白頭皺面之老盡得
化度爲紺黑之髮紅朱之顏少年壯夫幼小童稚轉增加華
麗形容光輝潤澤粹美奇好眾苦諸惱痊泰安平普三千大
界老幼盡蒙悟解超脫安逸喜樂心意快然各天下皆謳歌
誦謠欣樂國運之太平雷門使者云鈞天妙樂金爲八音之
首上梵玄韻不毀之金元諸韻諸和無亂無毀聲律之宗一

云不調自勻世所希聞故曰鈞天又云大造爲洪鈞道化妙
運自然太和天樂之妙是大造之化故曰鈞天踴躍懽忻手
舞足蹈而喜也八尺曰仞天之寶臺厯眾劫難毀非可磨消
者故曰劫仞仰觀舉目觀俯眄低首顧視也紫雲彌羅黃老
寶境非俯視者對寶臺言若有俯仰之義紺深青揚赤色紺
髮卽今言綠鬢管見云人有陰陽身分上下上炁常清下氣
常濁惟氣間而不和則上妙不見不聞而衰損弱虛遂乘以
患人旣符大道會元秘輝妙景則真聞秘音眞見玄化鈞天
雅奏麟鳳龍鸞悉顯奇矣瓊花飄瑞周徹美觀陰陽氣承佳
爵神若驚駭一切幽闇光明上下和暢卽天人之踴躍懽忻
道藏輯要

本行集經註解
卷上

三

箕集五
八四上

矣陰消陽復妙意昇玄是凡夫學士盡昇也上瞻碧寶之臺
俯顧通玄之境國富民安氣和神泰衰者壯平者泰不足者
有餘易筋換髓終保太和周身順熙快此妙化非老者返少
少壯增好天下歌謠欣國太平之義哉吁此實理也達者味
焉

神通品九章

當爾之時神風遐著萬炁揚津天震地裂枯骨更生沉尸飛魄
皆得復形鄧都鐵圍長夜九幽卽時破壞地獄苦魂化生諸天
三惡道苦一時解脫時諸罪眾以斯光力得生十方諸大天宮
魏伯陽云當天下歌欣太平時帝德神風遐遠鼓著妙有萬

炁揚太和津乾發生機陽剛行健天震玄輿坤開成運陰柔
效順地裂靈函已枯之骨更復迴生沉滯之尸渙飛之魄皆
得復形無拘無散冥府酆都大鐵圍山大鐵圍城冥冥長覆
九幽黑獄卽時破壞無復暗蔽獄禁諸地獄中受苦幽魂俱
化生諸天地獄餓鬼畜生三惡道苦一時解脫業冤永除時
諸亡獄受苦罪眾以斯玉帝玄瑞道光燭照之力得生十方
世界玄霄之上冲漠之表諸大天宮愚接鼓萬物者莫疾乎
風帝化玄通神神無盡徧徹法界蒙受者不識不知故曰神
風一炁有景色無實形奚云揚津炁之所通帝德默運太和
洋溢浹洽津濡故曰揚津一天震非言雷陽德亨也出乎震
以施生一地裂非崩裂地道卑而上行陰定陽復露成育之
妙不閉塞而地藏發泄故云裂一枯骨更生非朽骨再起心
死形稿者悟道知真同陽換骨人中之仙枯骨再生也一魄
在人身樂人死享祭祀生不明道塵識染累神離形死魂消
魄散或自執或墮罪獄渙飛魄精幻變漂淪惡孽飛魄復形
魂靈魄聚不致漂沉驚禁罪苦一切冥業一酆都鐵圍嚴固
難開悉由罪魂自障蔽帝光玄照一燭罪滅不見天日長夜
九幽之獄悉開光明酆都鐵圍卽時摧壞破盡獄苦罪眾得
生天上三惡道苦亦卽解脫彼時承光罪眾仗此道力生十
方大天宮夫人之生具形全肖形天地陰陽五行性無不

備本太和貫徹清淨無染至知誘物化認假爲真塵勞染着
攀援妄想一有執恃牢不可破欺蔽日久無復開明喜怒憂
思悲恐驚情倏臨驟懼心無定見忙忙不止私欲苦心累身
語之不省卽沉尸飛魄酆都鐵圍黑獄幽閉也若絕欲忘私
使天君泰然冲和澄徹鼓巽風周太和全浩然治道脉卽神
風遐著萬炁揚津陽施陰受交泰回陽消無量之苦除不盡
之塵破歷劫之迷執脫暗昧之業趣卽天震地裂枯骨更生
沉尸飛魄復形酆都鐵圍九幽卽時破壞也陰消陽長欲盡
理還易濁爲清精氣化神脫五苦而融五氣默朝元宮淨三
業而證二元上登紫府卽地獄苦魂化生諸天三惡道苦一

道藏輯要

本行集經註解
卷上

三

箕集五

時解脫罪眾時承光方得生諸天宮也生世間者思之實之

神通品十章

爾時 玉帝卽分其身徧於諸大天宮令諸天宮自然化現白
玉爲京黃金爲闕七寶玄苑大光明殿具光明座幢節旛蓋異
寶奇花徧布是處爾時 玉帝卽以所分之身徧於是處白玉
京中黃金闕內七寶玄苑大光明殿光明座上普爲十方演說
清淨解脫之道

鐘離帝君云彼放大光明時玉帝卽分化法身徧及於眾大
天宮令各天宮自然化現白玉京城黃金闕庭七寶莊嚴玄
苑皆如玉帝所居大光明玄殿備具大光明寶座玄揮法幢

節旛華蓋珍異妙寶奇麗天花徧布滿各大天宮之處爾時
玉帝卽以妙分之身徧在各大大宮神化玉京金闕玄苑之
中御大光明殿陞光明座上諸神座俱有光元始玉帝演法
寶座其光尤妙至大莫量最神難言妙勝佛家法王座故帝
化身陞此座上徧爲十方世界演說其眞清眞淨悟解超脫
之道演演明陳其義也管見云人之元神靈通不拘無所不
到本同玉帝之妙化紫府丹臺本同天上之神宮瑞芝靈藥
本同天上之寶花人惟縈於世利元神失主遂不能周流徹
貫觸處呈靈喪我清靜之眞不得解脫之道若保眞合道默
禮神王則靈運普通周身徧滿卽玉帝分身徧諸天宮凡身

道藏輯要

本行集經註解
卷上

三

箕集五

達妙至寶呈奇珠樓寶殿瓊宮瑤臺卽天上金玉京闕七寶
玄苑也神宮丹臺卽光明殿光明座也氣和脈暢光動霞揚
卽幢節旛蓋神之秀又同天上奇花也元神御宰丹臺敷
靈顯秘卽玉帝以分身徧各天宮同時登座說法也吾之眞
性歷劫不壞無二無雜無拘無間本清靜不染脫落自然大
明不昧也能神御敷靈則徧一身皆玄化周三千無拘我明
了因緣不昧實際表裏瑩徹窮神達化卽玉帝演解講明清
靜解脫之道教化各世界也達者味之自識此義

神通品十一章

時化 玉帝各以無量天真大聖妙行眞人靈妃玉女侍列左

右是諸玉女顏容姝妙端麗奇特天珍異寶莊嚴身相言音清徹眾所樂聞是諸玉女其身復出微妙解脫自然之香是香芬馥周徧諸天極妙樂土及諸大地一切福處

王母云爾時徧諸天宮化身玉帝各以無盡量天上諸真神通大聖靈運變化妙行莊嚴之真人靈通仙妃護聖玉女侍立分列於左右此眾玉女顏面形容姝美奇妙端正華麗神奇特邁天珍神異之寶莊嚴身之形相言語音聲清明通徹大眾所樂聽聞是眾玉女其身邊復發出玄微神妙大解脫自然之馨香此香芬芳鬱馥周徧充滿於眾天宮極神妙快樂之淨土並徧及眾大地世界一切福會之處考義云妙行

道藏輯要

本行集經註解
卷上

三

箕集五
X十五

者人有諸善不假強爲功德不窮本於自然而成真人則神通莫量故曰妙行靈妃玉女陰梵妙氣變化之神拱衛帝真凡天上神女皆如是稱無欲無累與魔女不同德功俱備貴美尊靈純潔永無間雜故曰靈妃玉女非專言帝后是諸玉女是此也顏容姝妙姝美也端莊正也麗華澤也奇神妙罕見特超絕眾美世無比倫也天寶莊嚴身相天上妃女玄光神化妙寶莊嚴其體其容世所未見言音清徹言言語音聲清聲語分明徹通徧周聞也微妙解脫自然之香妃女了悟得大解脫玄機難窮神妙莫量不待造作自然馨香且不知其香從何而生故曰微妙是香芬芳馥芬香美氣布揚也馥

鬱然馨香盛著也周徧諸天極妙樂土周悉及也徧廣被也
極某也各大天宮侍衛玉帝化身之玉女香不止及一處皆
徧及各世界諸天甚妙無苦樂土大地盡山河世界而言福
處有世界則有生成故曰福處或云恭敬精信然後得聞異
香各世界承玉帝光皆生信心得遇靈妃玉女妙香故曰福
處此亦通

六道一切眾生聞是香者普蒙開度所謂天道人道魔道地獄
道餓鬼道畜生道若諸天道一切天人或有能聞是此香者五
衰四相永得消除轉增天福若諸人道王臣兆庶或有能聞是
此香者即得人天長壽之樂身或滅度乃得脫殼屍解之道若
道藏輯要
諸魔道一切諸魔或有能聞是此香者安處天宮鬪戰之苦各
得休息若諸地獄道一切罪魂或有能聞是此香者離地獄苦
得淨土樂若諸餓鬼道一切餓鬼或有能聞是此香者即得飽
滿無飢渴惱若諸畜生道一切畜生或有能聞是此香者脫畜
生苦得智慧樂

救苦天尊云六道中一切眾生聞是靈妃玉女自然之香者
普皆蒙受開化拔度之惠六道眾生所謂各天上人道世界
人天道諸魔道冥府地獄道窮魂餓鬼道業報畜生道四種
民天下一切諸天界之天人或有能聞是靈妃玉女自然之
香者五衰四相之苦永得消滅除去轉增益天福之樂若大

地一切世界諸人道中帝王臣宰兆民眾庶或有能聞是此自然之香者卽得留形住世享人天長壽之樂身或入滅超度卽得脫殼無拘尸解仙化之道若諸世界各天諸魔道中一切魔王魔民魔女諸魔精類或有得聞是此自然香者安然附處天界別宮爭鬪戰伐之苦各得止休甯息若諸世界冥途地獄道中一切有罪之魂或有能聞是此自然香者卽能脫離地獄之苦得生淨土樂地若諸窮魂餓鬼道中一切餓鬼或有能聞是此自然香者卽得飽味滿腹無有飢渴惱恨若諸畜生道中一切業報畜生或有能聞是此自然香者卽能脫離畜生之苦得生智慧聰明之樂薩真人云六道道

道藏輯要

本行集經註解
卷上

三

箕集五

卷上

猶路也在六般途路中受輪轉故曰六道首言天道者天有三十六稱最上四天號曰種民七寶九宸諸天仙所居佛家云不退轉之地種民之下有四崇秘天佛家云四梵天也崇秘天下有四忘象天佛家云四禪天卽無色界也忘象天下有色界十八天色界十八天下有欲界六天一世界有三十六天各世界俱同四種民天虛無妙有妙化玄神永無毀淪止有上聖眞仙御居並無天人不在天人道數四崇秘天塵染方淨畧化未臻大乘雖冠天人道大劫亦不能免無色界色界欲界諸天天人身高大形如白銀不依日月之照自有光明日月天天人身身高五里其上漸加至於百數由旬

之高由旬四十里道經云踰舍也衣六銖二錢五分重之天衣頭有自然珠冠目不瞬頭不俯立不倚眼無淚身無困憊若不悟大乘天福受盡之日珠冠碎目瞬雨淚身屈形憊五般衰弱四不美相見矣若承自然之香精信恭敬悟其妙香之由頓契大道不徒外聞此香遂得了悟是曰能聞五衰四相永得消除永終也終免衰相之苦轉增天福轉轉進益天福無窮不退盡也人道不同有陰陽老少有貴賤貧富有聖賢智愚不得大道壽算不長死之甚難屍不能化若各世界帝王宰臣大小臣僚及兆庶諸民千萬曰兆庶眾也兆庶盡人民而言極語其多也若能承自然香了悟大道亦能善聞

道藏輯要

本行集經註解
卷上

三

箕集五

卷上

馨妙即得人天道無拘礙長壽之樂縱或滅度亦必妙脫軀殼屍解仙化矣脫殼或坐脫立亡或投胎奪舍屍解或此已死又顯身於世間屍魂並去或假死而上昇若諸魔道魔類不同若唵嘶囉與天帝爭衡鬪亂天宮修羅究逆等一切魔途或好戰爭或作幻厲居處不安常無休息此魔等若聞自然妙香能悟道真則改邪從正居處安然守其素位在天別宮不樂紛爭鬪亂戰伐之苦各得罷休止息鬪戰苦者鬪亂必傷戰伐必殺互勝互敗交爲寇讐所以云苦各得休息神雖不侵魔爲魔所亂亦必應變伏魔今魔聞香悟妙安處不爭神亦無事神魔悉安故言各得休息諸世界地獄不止一

名曰酆都曰血湖曰血碓曰寒氷曰火車曰刀山曰劒樹曰
愛河曰剝心曰鐵床曰風刀曰鐵狗曰銅蛇曰鑊湯曰鋸解
曰碓磨曰剝剔曰泥犁曰拔舌以及三十六獄一切受罪之
魂本難離地獄囚刑之苦若聞此自然之香卽能了悟遂得
超脫出離地獄諸苦得生清淨樂土諸餓鬼歷劫窮魂久繫
鬼籍或細頸大腹或首大腹隘或咽喉蔽塞或食炭吞煙或
餐鎔銅或啖鐵丸累世不聞漿水不遇飲食餓餒渴痛雖常
憂惱若諸世界如是餓鬼道中一切餓鬼聞此自然之香卽
能悟道則道味充腹卽得飽滿消除飢渴開明喉咽永無餓
惱諸畜生道卵化濕蠕蠢動皆是不專言禽獸也畜生者雖
畜養於天地之間無有智慧業報多苦雖若難脫各世界一
切畜生若聞自然妙香卽能悟道則得此解脫業報卽盡脫
離畜生之苦得聰明智慧之樂畜生非無知不能言道不能
體道形異神殊或參養乘御或漁獵殺食投陷阱充庖廚茹
毛飲血皮骨悉盡最苦難言聞香卽得智慧皆帝光法力也
管見云上兩節俱一意人身元神總御陰陽眞聖妙行靈苑
玉女皆所有也神氣精血太和之中本有妙香解脫自然微
妙難窮也氣之偏正是非狂愚自分亦有六道惟天君不泰
則爲五行所拘念頭不斷紛紛擾擾爲陰陽所制是亦受六
道輪轉者也觀已身六丁玉女之美聞太和解脫自然之香

道藏輯要

本行集經註解
卷上

元

箕集五
卷上

明徹大道使元神常煥即觀帝光而仙化者也永脫塵凡不爲身拘是亦永脫六道之苦矣達者味焉自識兩節之意

神通品十二章

爾時諸生天罪眾既得生是勝天宮已緣承慈光攝受之故便得覺悟各各明了罪福因緣與諸眷屬作天伎

音計其倚切藝也一本作伎字

之跋切案紀切與也伎字當從

樂來詣帝前是諸眾等各各含悲俱發聲音

臣等前後經千劫萬劫不見三光常處黑暗三惡道中多受苦惱伏蒙上帝方便放光愍救我等皆生天上是諸惡業悉皆滅盡無諸繫滯皆得往生仰朝上帝各到道前是諸生天一切罪眾說是語已稽首復位

道藏輯要

本行集經註解
卷上

四

箕集五

葛仙翁云爾聞香脫化時候諸地獄餓鬼等途一切生天罪眾既蒙自然妙香得生是最勝天已因承玉帝大慈光明攝受之故攝接引保持也受接引魂神召之皈真也帝放慈光妙化真香攝受諸罪眾即便得覺悟大道覺知其所以然也悟徹通也罪眾覺悟脫其三惡道趣各各明通了徹深知罪福因緣夙根曰因有因則有果由來曰緣有緣則有業罪眾既明罪業福德因果緣故與諸親眷屬類與同也罪眾或魔或鬼或業畜各有親黨統屬既生天明道與眷屬舉作天上伎藝妙樂天伎以藝字解者言其妙無不通耳來詣帝前詣至也是諸生天罪眾等各各包含著悲的意思俱發聲音言

說臣等前前後後經歷大劫小劫千千万萬不見日月星之
三光常處陰黑幽暗之地墮於地獄餓鬼畜生三惡道之中
多受罪苦悲惱伏蒙 上帝伏鞠身俯伏地下也蒙承受仰
被之意言伏蒙以卑承尊當作是言耳後凡言伏蒙倣此蒙
上帝普行方便放大光明方便者普著道妙令人得便益故
曰方便慈光既放憐愍救拔我等皆得生於天上是諸惡苦
業報悉皆除滅了盡無諸纏繫滯絆皆得往生諸天仰朝玉
皇上帝各得到元始至尊大道之前是諸生天一切罪眾說
是言語已畢稽首復歸原侍立的地位愚按人秉陰陽與天
地本來相同溺於利欲汚陷真心長惡不悛以報應轉輪之

道藏輯要

本行集經註解
卷上

聖

箕集五

事爲無是不知罪福因緣故妙和真意無有蔽於塵俗之網
貪嗔癡妬狂亂悲喜嗜慾求名不見了期是常處黑暗如地
獄餓鬼畜生之在三惡道中也晝夜熬煎亦與諸罪眾多受
苦惱一般是卽惡業不盡有繫滯不得生天之罪眾也元神
御天光發則一身陰氣雜意惡趣皆復正氣而昇九陽境界
知善惡凡聖之關鍵於影響報應昭然卽洩太和之韻呈靈
秘禮元皇是卽生天罪眾承帝慈光攝受各明罪福因緣與
諸眷屬作天伎樂來詣帝前也陰氣消雜念忘惡趣淨易惡
爲善皈神皈命悔悟懲創自知作惡不祥不悟大道如同面
墻坐井寔無所見蔽於參三貳二之途遂多憂懼惟元神御

瓊臺降真引靈妙發玄輝化陰全陽了脫塵凡永無縛累心
同於道默朝上帝是卽罪眾含悲自言累劫憂暗之苦伏蒙
帝光愍救免惡業無繫滯往生朝上帝而到道前也此本天
上至神妙化近取諸身者以道本在身欲人反觀實踐耳故
稽首復位以上四句不復贅言達者詳焉

神通品十三章

爾時 玉帝出大妙音普告十方諸天聖眾汝等諦聽此諸罪
眾曠劫以來縱無明性造十惡業六塵徧染三業縈纏肆意任
心曾無覺悟陰罪陽過日積月深背道違真順邪棄正舉心運
念動結慳尤遂使命過之後身落三塗不得解脫若非今日遇
道藏輯要

本行集經註解
卷上

聖

箕集五
XVI

是法筵何由出離

紫微大帝云當光明攝受之時玉帝發出大妙音聲大妙音
者清徹響明徧及三千大界一切皆聞至妙絕倫故曰妙音
普告論十方各世界諸天帝聖真神眾云汝等諦聽汝爾也
諦詳審真聽也玉帝教諸聖眾諦聽已之訓遂言此諸三惡
罪眾曠劫以來曠時遠也罪眾從歷劫以至此時縱放無明
之性性本靈明縱情恣慾狂惑悖亂任意想爲不復本然靈
覺妙體故曰無明性造十惡業障十惡者身三惡業殺生偷
盜邪淫心三惡業貪瞋癡口四惡業兩舌惡罵綺語妄言十
惡積愆遂致業報故曰惡業六塵徧染六塵者眼耳鼻舌身

意六根不淨謂之六塵或云財色名食睡自便私心共爲六塵亦通身之内外皆受塵汚無些清淨故言編染三業縈纏三業者身口心之三毒惡業或云往因夙業見在愆業未來冤業亦通縈染也纏約縛之意積業重累若繩鎖縛人不得脫身者故曰縈纏肆放意思不知收斂任從心志不知點檢縱情爲惡曾無知覺悔悟之期人不見聞自己獨知幽隱過惡之陰罪取所聞見不能掩飾錯誤不改之陽過日日漸積月月益深背了大道違逆不從真理順從邪途棄捨正道舉起心意運發念頭無誠正之功隨妄動之機結成愆愆過尤遂使命終亡過之後身落地獄餓鬼畜生之三塗不得解悟

道藏輯要

本行集經註解

三

箕集五

超脫若非今日遇此妙法會筵何因由得出離業苦哉愚按人身神氣分陰陽清濁任陰趣縱濁惡順邪念棄真意故釀成愆惡難脫業苦積惡之久不知其業報由來所以不覺悟也元神定居妙意震敷周身承靈默契重玄陽長陰消謝愆滅罪與道合眞皆由妙覺大悟識愆罪之緣因耳古人以致知爲入門良有見矣况人性無二說善惡皆由心無明性卽法性也故遮蔽爲凡了悟爲聖聖狂之分間不容髮人能攝情歸性命定神靈達理欲之幾知塵惡之自頓脫業苦默契重玄卽玉帝出妙音告十方縱性造惡之因業類遇法筵而出離三惡道也若以無明性爲累離此求眞是分二途則不

得會一達妙矣學者玩之自知超凡之要

神通品十四章

爾時諸天化身玉帝卽以神通不動其所移接天人皆令得至清微天宮玉清聖境元始會下是諸眾等不覺不知是時天尊及會眾等見是十方玉帝化身普皆來集天尊會前如無邊明鏡照諸影像互相容入時諸大眾稽首瞻仰玉帝化身聖中最尊增長清信益加志樂心無退轉起大堅固

天皇上帝云爾大慈光明徧攝受之時各大天宮化身之玉帝卽以大神通巍巍不動其所攝受神光妙移接引諸天諸人皆令其得至清微天宮最上玉清之聖境元始道祖會下

道藏輯要

本行集經註解
卷上

四

箕集五

玉清者尊貴無比大清靜虛秘之大聖境者至真所御虛無妙有諸神未易至不退轉之地也元始會下非大神聖際良緣者不得覲承瞻仰當演經時諸天人俱至迺玉帝神移慈接使令得至耳是諸天人大眾等不覺不知其因何白而幸至元始會下也是時天尊乃元始天尊或以爲各天帝非也元始當此時及會下大眾等見盡十方玉帝化身普徧皆來集會在元始盛會之前顯列不礙如無邊量眾大明鏡照諸眾等形影體像互相合容無礙攝入無遺此時諸大眾五體投地頓顙稽首瞻視快仰玉帝神化之身聖真中最尊崇者玉帝爲諸佛聖師萬天帝主故曰最尊增長清潔誠信之心

更益加篤志慕樂重道皈真必志不改而後爲誠必真喜樂
大道而後爲皈依也大眾快覩玉帝之妙化心悅誠服故曰
益加志樂傾心皈依無退毀轉移之意起大堅固服膺之誠
心有退則不堅心有移則不固不堅固非清信志樂矣惟瞻
仰玉帝心無退轉則是發起最大堅固不改毀之真志永皈
大道者愚按人之神氣清濁同源妙化無二心不同道雖導
引搬轉終非正途故神不凝靈不見不能秘化呈奇耳若元
神凝真妙攝眾有俾默朝真帝會神立宮真如自在不假作
爲卽眾化身玉帝神通不動移接天人至清微天元始會下
也氣精玄會默順帝則不識不知元神運靈照身眾妙不拘
不漏卽大眾不知覺神昇上界元始及眾見帝化身咸集如
大明鏡眾光彰照諸像互相容入也氣精投神會秘皈真無
染無僞快樂自如一得永得不毀不淪卽大眾瞻玉帝化身
知其最尊增清信加志樂無退轉心起大堅固也學者密體
之自見其妙

神通品十五章

時諸天人邇得生天忽覩天尊勝會道場清淨第一無爲功德
之所莊嚴踴躍歡喜一時作禮歎未曾有爾時十方諸化玉帝
俱復一體坐法座中法筵清眾俱願欲聞 玉帝本行修證未
敢議問

道藏輯要

本行集經註解
卷上

聖

箕集五

張果云玉帝化身普集之時諸天天人近邇得帝慈光神昇太玄得生清微天上忽然覩見玉帝大天尊最勝良會大利益道場勝會者凡人之聚見曰會會上若有限的利益則不可言勝會元始演玉經玉帝顯慈光各法界眾等普集神鬼人物永霑大利開三教之泰運揚萬法之玄宗迺法筵之最良極佳歷劫諸會難與比對功德最上永無毀淪故曰勝會會上元始讚玉帝之德傳至真之法最上一乘普度世間了悟故曰道場此勝會道場絕無塵染虛潔妙明是清淨第一玉帝之妙化出於自然普濟永利之玄功不假作為沙界蒙恩永劫被澤玉帝未嘗有心元始未嘗着意萬天讓功諸佛道藏輯要

本行集經註解
卷上

哭 又其集五

貫串表裏相附虛靈妙應動靜互根本一分而萬萬歸一源
也人惟氣拘物蔽貪圖妄想則明者昏靈者滯間有學道濟
世而小智私仁矯假功德恩惠有窮豈足言道若善始不善
終善作不善成或勉以支分強作把柄或聚或散雖若靈通
亦非道妙果能真知了悟公溥明通寂感悉定並無將迎之
擾靈運默會不假推運之勞道機妙存人心退聽濁而返清
滯而返靈獨覺真得怡然快樂脫拘蔽妙日新即諸天人生
天觀天尊道場清淨迥超無爲功德莊嚴躍喜作禮歎未曾
有也歛萬歸一天君御極卽十方化身玉帝復一體坐法座
中也若清眾願聞帝行未敢議問則說經根由固不可作已

道藏輯要

本行集經註解
卷上

聖

又箕集五
八上

身言也學道者秘會之則妙理自見矣

神通品十六章

於是天尊普告四眾言往昔有國名號光嚴妙樂其國王者名
曰淨德時王有后名寶月光其王無嗣嘗因一日作是思惟我
或作帝字讀或作朕字讀此王自言不可作帝
字過去前劫亦未嘗稱朕字還作我字讀爲是今將老而無太
子身或崩殁音木社稷九廟委付何人作是念已即便敕下詔
諸道眾於諸宮殿依諸科教懸諸幡蓋清淨嚴潔廣陳供養六
時行道徧禱眞聖已經半載不退初心

星主大帝云當清眾欲聞玉帝修證妙因之時於是元始天
尊普徧告法會下四眾言往昔過去浩劫前有國都名號稱

作光嚴妙樂其國君王名號淨德其王有皇后名號寶月光
其王無繼嗣儲君嘗因一日間想念此事作是思慮圖惟自
言我今將至老死而無有太子已身若或崩歿亡去天子爲
天下主不敢言死稱之曰崩如山崩大變也社稷九廟委託
付與何人社土神稷穀神國以民爲本民以土穀養生爲天
社稷之神迺至重者故君有天下必言社稷九廟者有國必
有太廟始祖繼始祖傳已支之嫡祖三傳之祖繼三傳之祖
太高祖有天下之高祖曾祖祖父始祖在中其後左昭右穆
分列共爲九廟人以宗嗣爲重况國君有天下又大不同故
王慮無太子社稷九廟無託作此想念已竟即便傳下敕旨

道藏輯要

本行集經註解
卷上

哭

又箕集五

詔諸道門清眾於各宮廟神殿中遵依道法祈禳諸科教品
懸諸花幡寶蓋齋明盛服肅建壇場內外始終恭虔不亂極
清淨威嚴明潔廣多陳設供養品物於白日六時辰中行香
演道徧歷宮廟禱祝仙真神聖已經及半年之久王益虔誠
不退悔始初立道場祈禳之心愚按人生此身性得天地之
理形得天地之氣得父精母血有此身體得日月照臨之光
以爲明得皇王水土以爲生得聖人之制以爲守持得先知
先覺之師友以爲進益有道則位天地育萬物入聖超凡生
死無拘無道則萬事瓦裂遺臭不止釀成業愆報復不已成
聖則身滅埋存與道同久即子孫相繼祭祀不輟爲凡即無

子息絕祖祀也聖凡之等相判若此凡聖之關相去幾何人能知身之關係若此其重知生我不偶莫負此身知四恩之當報識五常之非輕盡倫理明庶物涵養用敬進學以知厚重堅固聞善必行晝夜點檢善保始終不愧屋漏無息至誠與天地合德日月合明四時合序鬼神合吉凶俟聖不惑無一息少懈生順死安還造化舊物身後澤名彌久彌光卽光嚴國王祈太子行道不退心也

神通品十七章

忽從一夜寶月光皇后夢

太上道君與諸至真金姿

音資玉

質清淨之傳

音

駕五色龍輿擁耀景旌陰

音印陰

明霞蓋是時

道藏輯要

本行集經註解

咒

又箕集五

太上道君安坐龍輿抱一嬰兒

嬰兒當作金容字讀

身諸毛孔放百億光

照諸宮殿作百寶色幢節前導浮空而來是時皇后心生歡喜

恭敬接禮長跪道前白

道君言今王無嗣願乞此子爲社稷

主伏願慈悲哀愍聽許爾時

道君答皇后言願特賜汝是時

皇后禮謝

道君而乃收之皇后收已便從夢歸覺而有娠

音在懷胎一年于丙午歲正月九日午時誕于王宮

廣生帝君云光嚴國王祈嗣不退初心忽然至一夜間王妃

寶月光皇后夢見太上靈寶大道君與諸至聖真人金光姿

容玉潤體質清淨神光之傳侶乘駕五色龍載之輦輿擁旌

光耀妙景旌節蔭罩明輝霞光寶蓋是時太上大道君安然

坐在五色龍輿中抱一嬰小神兒其兒身各毛孔內放出百億萬祥妙之光照映王之各宮殿作百寶莊嚴之景色法幢旌節在前導引淨淩虛空而來是時月光皇后見道君抱此神兒心生歡喜恭敬迎接盡禮長跪於道君之前或作道路前非也上白道君言今臣國王無有繼嗣願乞求此聖子爲本國社稷之主伏願道君著大慈悲哀憐愍恤王之無嗣聽臣之請許降此子爲後彼時道君答皇后言願特以此子賜汝是時皇后盡禮上謝道君迺將此子收之皇后收子已竟便從夢中歸來遂覺腹中有孕懷胎一年於丙午歲正月初九日午時誕生玉帝於光嚴妙樂國王宮中愚按人之生也

道藏輯要

本行集經註解
卷上

事

又箕集五
X 11

有氣質形體則有倫理性命身任綱常之重生負參兩之責高大光明靈通自在身非委形生非輕易本金質玉相清淨不染也惟暗昧貪妄輕慢天寶不能會神妙孕玄靈漫喪吾家至珍委此身於無用縱少知自愛而見道弗明用功非實詐善揜惡多金質其外而敗絮其中遂使一己之身不能自保天爵良貴厥美弗彰何以踐形盡性使我之真主不類哉若悟生死之玄根契天人之秘要洞曉陰陽深達造化認宗祖識父母見生我之在坤明種我之在乾融金液純玉煉得妙於恍惚會玄於渺冥以虛無之神神孕妙有之眞眞結靈胎產聖子俾生我者不虛長我者非徒金筋玉骨脫化形神

已枯復榮永延未艾卽寶月光皇后夢太上道君與諸眞清
淨之傳抱聖兒賜后爲社稷主也夫人一也悟則仙不悟則
亡能識月光皇后所予之義可以悟道矣

神通品十八章

當生之時身寶光燄

音焰

充滿王國色相妙好觀者無厭幼而敏

慧長而慈仁於其國中所有庫藏一切財寶盡將散施窮乏困

苦鰥

音官

寡孤獨無所依怙飢饉

音謹

癰

音龍

殘一切眾生仁愛和遜

歌謠有道化及遐方天下仰從歸仁太子父王加慶

無上元君當玉帝下生之時身放百寶光燄充周徧滿於光

嚴王國容色形相奇妙美好觀看者永無厭棄之心幼而童

道藏輯要

行集經註解

至

又箕集五

稚時聰敏智慧漸長成時慈悲仁德於本國中倉庫府藏所
貯一切財物寶貝盡將發散施捨盡將字意施捨不拘多少
無吝惜心若將盡散了的一般如作將財盡捨是不顧君親
國家了玉帝生知安行之至聖豈有此太過之事讀者詳之
帝施庫藏非繼富貴者與那無財力貧窮窘乏之人幽閉無
奈危困苦楚之輩無妻之鰥夫無夫之寡婦無父之孤子無
子之獨民無母靡有所依賴者無父靡有所瞻怙者當穀不
熟之飢年某不熟之艱饉或疾病衰癯傷敗殘廢之等一切
艱難眾生皆受玉帝賑恤惠濟且又恩德出於至誠非徒外
爲仁厚慈愛溫和謙遜天下被其澤感其德皆稱歌誦謠美

其有道自畿甸達之要荒功化及於遐遠之方天下瞻仰景
從歸服仁德之太子歸猶與也論語云一日克己復禮天下
歸仁焉蓋求道即得效本速夫玉帝生而神異長大慈仁天
下有不歸心哉自是帝德既著四方悅服他日聖明至治從
今爲太子時已見故其父王不但生帝之時歡悅觀今日太
子有道心上益加喜慶愚按人生天地間有此身則有正眞
生氣有正眞生氣而後可以爲人此眞氣在天地則爲妙理
在人身則爲浩然眞氣玄靈光明自在照徹古今並包法界
人具此義本無困苦艱危取人厭惡也但降之在天棄之在
人繼善成性之眞視爲泛常不急之務不能全正理以孕眞
道藏輯要

本行集經註解
卷上

至 又箕集五

靈養妙機以成神化暗蔽不明嗔妬不道貪利圖名聚歛不
已不慕道德不恤貧困傲慢自賢招集謗毀是害正氣餒浩
然自陷於凡愚不能入聖也若保全太和凝融秘意聖胎露
寶光神嬰發妙景漸演玄神靈化無礙泥塗勢利塵視寵榮
以我之有餘助人之不足濟人利物惠徧羣生任劫運之昇
沉而功德無盡盛德神化永著仙名法界浩劫悉被慈恩天
神人悅供服至德邁乾坤肖子出世奇人父母亦增光而嘉
樂是即玉帝生成之神異長而慈惠至仁天下歸仁父王加
慶也

神通品十九章

當爾之後王忽告崩太子治政俯念浮生告敕大臣嗣位有道
遂捨其國於普明香巖山中修道功成超度

斗母云當妙樂國太子有道天下歸仁之後國王忽然告崩
大行太子卽位治一國之政事俯念浮生俯念下視已身而
思念也浮生人生在世如天上浮雲水上浮萍難以常在故
曰浮生帝旣念此因告命勅諭本國卿相大臣將大寶傳賢
嗣緒君位於有道者一云欲大臣嗣承此位有道行善意亦
通託位於賢人遂棄捨其國隱於普明香巖山中修習大道
普明香巖山按古史迺東海石閭山也他山中玉帝遺跡皆
闡教之所非香巖山故址帝旣入山修道行滿功成超出凡
世度生天上愚按人在世間如過隙白駒空中雷電倏有倏
無不能自保貴爲天子富有四海被龍衣袞玉食萬方一捐
賓客盡爲幻夢下此而位極人臣田連阡陌又不足言况富
貴希覲貧窮夥然且醉生夢死耽迷不悟所以行道者罕聞
矧作仙人哉人能悟身猶寄旅生似蜉蝣頓出塵囂想覓重
玄明徹實踐不求速效時至自化行成名仙先人雖沒亦藉
聖子之至名不亡矣非妙樂太子捨父位修道功成超度哉
噫人身有崑崙者老陽消盡一陽復生離種種邊密修至眞
久而仙化又希仙之意亦類帝行當味之

神通品二十章

道藏輯要

本行集經註解
卷上

三

又箕集五

過是劫已歷八百劫常捨其國爲羣生故割愛學道於此後又經八百劫行藥治病拯救眾生令其安樂此劫盡已又經八百劫廣行方便啟諸道藏演說靈章恢弘正化敷揚神功助國救人白幽及顯過此已後再歷八百劫亡身殞命行忍辱故捨已血肉如是修行三千二百劫始證金仙號曰清淨自然覺王如來教諸菩薩頓悟大乘正宗漸入虛無妙道如是修行又經億劫始證 玉帝說是語已法筵清眾異口同聲歎未曾有

許真君云玉帝初捨王位修行過是劫數已後經歷八百劫常作太子每捨其國爲度化羣生故割斷六親恩愛學修道真劫數有大有小六十載爲微塵劫五百載貞元會運爲美

道藏輯要

本行集經註解
卷上

誦

又箕集五

數劫三千年爲閏置劫一萬八百年爲小劫十二萬九千六百年爲轉輪劫劫延積經至萬數迺爲大劫八百劫莫拘小大但言其永久大約八百劫數耳於此割愛學道諸劫已後又經八百劫施行藥餌療治病疾拯救濟苦難眾生令其安康快樂此劫數盡了又經八百劫廣行大方便開啟諸道藏法品演說玄靈寶章恢擴弘大正教道化敷布振揚神聖經功輔助國家救拔人民白幽微以至光顯彌大彌光一云白幽及顯白幽冥及陽世盡天上地下人間悉被其澤意亦通過此等劫數已後再歷八百劫亡沒其身不敢惜捐殞其命不暇顧惟行含忍耻辱不嗔報大有容之因故喜捨

已之血肉只是捨財物人之施財如割血肉玉帝前劫忍辱
喜捨捨了家財雖至貧寒危困外侮來加人不堪其憂帝絕
不知覺生退悔是卽亡身殞命行忍辱捨血肉矣一云苦人
所難苦而後成人所難成帝成至聖捨血肉之事亦須有之
然聖人化度愚俗無所不可分身妙變體實未嘗毀也觀者
神會勿泥文辭則善矣自八百劫割愛學道以及行藥治病
說經普度忍辱喜捨等如是苦修妙行已歷三千二百劫方
始位證金仙成不毀之果號曰清淨自然妙覺法王如來教
化諸菩薩大士頓悟大乘正法真宗漸次入於虛玄真無神
妙大道如來字意人生有性萬善備焉其來也齊肩仙佛本

道藏輯要

本行集經註解
卷上

卷

又箕集五
X上之文

廣大光明暴棄者不能全天之所賦本來真如剝蔽已極遂
作凡業玉帝前修捨妙樂王位之後又歷三千二百劫數功
化無邊永無退轉不拘不染大覺法王範圍天地曲成民物
不過不遺視體受歸全者又迥出萬萬是云如來也如是等
大修行又十萬劫方證萬天教主玉帝之位元始天尊說是
言語已法筵會上清淨大眾異口同聲稱歎言自來未曾有
此大聖妙行也愚按人之生也身有陰陽念有理欲陰陽互
根迭爲消長理欲貞勝不容並立欲動則陰凝理純則陽盛
盛而達化妙入神神惟所措而咸宜無所施而不可本純陽
爲上善奈怠者之弗能玉帝憫是大闡妙義捨王位不一而

足歷八百劫爲羣生捨其國割恩愛學大道此妙行最大不窮矣況身之元神御靈臺宰五官役使百執事六欲七情恩愛最重能欲盡理還攝情歸性剝盡沿華獨會玄秘又天君之棄位學道也行藥救生令其安樂玉帝又歷八百劫度世矣人之塵勞幻想鑿喪真意甘至老死終不能悟爲世大病能以元神精氣三品上藥凝秘結靈迴陽換骨生而不罔死而不亡又內景行藥救生之義也演經助國利益幽顯帝又歷八百劫矣人之會玄達秘妙變陰陽位上仙濟鬼物身亦有默轉真經利冥陽之義也亡身命捨血肉帝歷是又八百劫矣人之心不動捐濁質身亦有殞命忍辱捨血肉之義也

道藏輯要

本行集經註解
卷上

毛 又箕集五
×上川

從劫至劫虔修不改清淨無染妙化自然使人人了悟功無限量亦如玉帝從三千餘劫至億劫矣則未曾有之妙可希

神通品二十一章

爾時眾中有一玉女名曰夜光從座而起嚴整衣冠從容雅步長跪道前白天尊言臣宿或作夙字昔何幸仰侍御前親奉供養已經億劫三清境界金闕玉京寂淡逍遙快樂自在嬉遊聖域餐音參吞聽法音未曾見此希有之事

鬼谷子云當爾清眾稱歎玉帝之時侍列眾中有一玉女其名曰夜光從其座位中起來嚴肅端整身上衣冠座時衣冠雖然潔肅起來益見其端嚴故曰嚴整衣冠從容雅步動履

安恭長跪於道祖之前上白元始天尊言臣夜光宿命昔劫曾有何因幸得瞻仰侍列在天上帝主御前或以爲夜光云在三清界又問玉帝神光之由當作元始傍玉女非也天帝常朝三清界說經時玉帝大光不常見故玉女云然以是爲天帝侍女無疑玉女侍御前非一次也親自欽奉供養已經億劫十萬之久三清玄境妙界黃金闕白玉京寂然清淡無事逍遙快美喜樂得大自在嬉喜神遊至聖界域餐味聽聞妙法音聲以餐字言者清微天真聖秘音皆最上一乘妙理有無窮之味非易覺明玉女雖神初作聖流豈能明了故聞法音而詳味之若吞美食而審味也是以言餐聽餐法音迺

道藏輯要

本行集經註解
卷上

五

又箕集五
X二文

玉女指平昔言非今日聽元始語也若作今日看失文意本旨夜光夙居聖界久在御前大樂然聽法音眾妙無不備見見眾妙無不契悟如玉帝之普放慈光變現攝受聚散自如生化祥異浩劫修真功德無量教成聖流了悟最上博觀歷劫遐鑒前代未曾見此希奇無有之事愚按人身陰氣卽仙女也玉質冰骨光容雅度本自有者但塵染濁污蔽垢已久正陰梵氣陷爲穢念惡行六丁陰神翻做無常餓鬼思慮種種終日營營食息靡定舉動張皇不能朝上帝供玄元肆意輕馳貪愛華麗以名利自縛以塵勞自累不得逍遙快樂隨輪迴昇轉墮凡世無休不聞正道妙法日嗜情慾動有羣魔

希有妙化致使難逢若純陽秘變孕化陰精皓魄露妙光於
無窮玉質顯神化於不匱周身所有悉爲至靈化機從容妙
蘊瑩露靜禮元始默朝上帝性道常明人心聽命丹臺紫府
之界七寶五明之宮寂寂空明踈逸快樂神遊玄境耳味瓊
琅爲希世之奇觀眞未有之勝事卽夜光玉女從座起整衣
冠雅步跪道前白天尊問夙因請明玉帝妙化希有之事也
夫陰陽理氣人所同有得道者陰機作玉女神通無道者反
作業趣則修真之事誠不可不明

神通品二十二章

不審向來光內所現十方諸天變現聖境皆有 玉帝應化法

道藏輯要

本行集經註解
卷上

癸

又箕集五
××

身天真大聖妙行眞人靈妃玉女以爲侍衛是諸玉女相貌端
嚴形體姝妙出眾妙香無與等者復蒙 玉帝神通移接今皆
普集在清微天未審今此玉女以何因緣得證如是無上色身
恩惟聖慈示以未悟

南華帝君云夜光玉女自言久居上天聆玄論未曾見玉帝
妙化若今日者遂言不審向來大光明內所現出十方諸天
變化顯現聖眞境界變或作徧字亦通皆有玉帝妙應神化
法身諸天神仙眞大聖妙行眞人靈妃玉女以爲侍列護德
是諸玉女色相容貌端正威嚴形影體質姝美奇妙出眾妙
神異之香無復與之等倫者復蒙玉帝大神通妙移慈接眾

侍衛隨帝光今皆普遍來集在清微天上不審今此侍衛玉女以何妙因良緣得證如是無上色身無上色身者玉女妙化色身超絕一切無與比對耳蓋世有六道地獄餓鬼畜生三惡道無美色矣人道色身本爲精血之聚氣散神離其穢難言況生也有衰有老有病有苦則美皆夢景故身曰幻不可言無上色外此魔道一切魔女雖容顏奇妙具五通能變化業滿報來終爲自患何以言無上色身惟此靈妃玉女奇顏勝儀冠絕三界天香妙化不衰不凡非世所得觀迺無上色身寔夜光玉女所不能測其故也恩惟至聖慈悲示以未悟之義使夜光得知靈妃玉女體貌端姝香妙之理愚按世

道藏輯要

本行集經註解

卷上

又箕集五

界福業一切由心造心統性情性無不具陰陽妙化人人固有不脩道則陰爲幽趣腐尸朽骸輪業之根悟道修真則陰亦身之正氣六丁呈妙靜煥天光玉女眞香身妙用也周身玄通丹臺瓊樓六陽秘境眞王時御法體廣化攝虎御龍煇玉液於玄宮列女青於座右會丹靈之秘寶浮妃嬪之清香亦帝光現十方天境有玉帝應化法身聖眞玉女侍衛以神通移居清微天耳夫人人有性具陰陽含眾妙身與天同靈妃玉女之神通妙範宜聞見者悉知何夜光玉女成聖侍帝尙未悟耶蓋脩證有品階之崇卑而聖體由道源之變化成何品之果則有何品神通惟聖知聖惟賢知賢一毫不容假

借靈妃玉女以天至真神化救人則光範玄顏正妙真香宜夜光之未知夜光未知以初證聖身等階不同非退托故言者噫靈妃玉女尙不易知則帝光神化又豈能測夜光尙不能知他人又豈知哉聖凡一性人與玉帝比肩至於知之尙不能何以成聖耶人宜思之勉之

神通品二十三章

爾時 天尊謂夜光玉女言汝固初入聖流雖有智慧未能明了此諸玉女乃自往昔無量劫中修諸妙行具解脫門同清淨信同清淨解同清淨念同清淨行同清淨身同清淨心同清淨意同清淨果同清淨報同大慈心同大悲心覆護眾生如母撫念愛於赤子奉戒專一冥心大道清齋弘誓千萬劫中尊奉玉帝

道藏輯要

本行集經註解
卷上

辛

又箕集五
又川人

冲虛帝君云爾夜光祈聖慈開未悟之時元始天尊謂夜光玉女言汝固初得入於聖流汝爾也聖流與聖人同行列作流類也既爲聖矣宜無不知奈初入聖流雖有睿智聰慧尙未能大明了徹此諸侍衛玉帝之玉女非一旦有此神通也乃自過去往昔無盡量劫數中修眾妙行全具大解悟超脫之門歷劫無染永不退正信心玉帝夙修常清淨信矣諸玉女往劫妙行亦同此清淨信也不着色象得大解脫玉帝夙修常清淨解矣諸玉女往劫妙行亦同此清淨解也真念

無生脫盡諸趣玉帝夙修常清淨念矣諸玉女往劫妙行亦同此清淨念也妙行莊嚴永無過動玉帝夙修常清淨行矣諸玉女往劫妙行亦同此清淨行也道以物身不染邪穢玉帝夙修常清淨身矣諸玉女往劫妙行亦同此清淨身也心卽道道卽心湛然無住玉帝夙修常清淨心矣諸玉女往劫妙行亦同此清淨心也無內外無將迎絕意忘機玉帝夙修常清淨意矣諸玉女往劫妙行亦同此清淨意也位乎上清永不退轉玉帝證聖得清淨果矣諸玉女往劫妙行亦同此清淨果也浩劫推崇功德莫量玉帝至尊得清淨報矣諸玉女往劫妙行亦同此清淨報也仁周沙界惠孚浩劫玉帝具大慈心矣諸玉女妙行亦同此大慈心也萬有羣生悉加矜憐玉帝具大悲心矣諸玉女妙行亦同此大悲心也玉女大慈悲心同玉帝其實云何覆蓋保護眾生如慈母撫育惜念恩愛赤心之幼子且奉持玄戒專篤誠一或云欽奉心嚴戒心精專純一故冥心誠皈大道意更妙諸玉女皈大道非暫然清淨齋虔弘大誓願千萬劫中歷來欽奉尊敬玉帝愚按人有正信心自然解悟念斷行純身無所染心清意淨證果獲報必得至真能大慈悲嚴持妙戒對越上帝歷久不回則上仙可至世人惑邪見雜念僻行身不能修心擾意亂果報緯纏皆以不慈悲弗信道也故夜光初入聖流尙不能悉諸

玉女妙行則與之同行益難矣噫道人人有也善反之則玉女之妙行在我

神通品二十四章

此諸玉女非實是女皆天至真爲度羣生現玉女身是故身色神通智慧隱顯變化與帝同焉爾時夜光聞是說已心得開悟稽首歡喜默然復位

關尹子云此侍衛玉帝往昔無量劫修諸妙行之玉女非真是女身皆天仙至真爲化度法界羣生入道遂化現玉女之身惟其爲至真之化身身素非女是故身色神通智慧隱顯變化非淺鮮也與玉帝同焉凡人莫不有身色身幻體不能

道藏輯要

本行集經註解
卷上

三

又箕集五
川文三

分化難以與玉帝同身至於變身之魔鬼身爲矯障又不足言上有天人或五里或數里或一二由旬或百億萬丈或在天宮或見冥界或著人間一顯於此不能他化或著聞見不能妙度拘一處限一時皆非最上妙化法身諸玉女化身徧見一切世界聚散自如卓絕倫類是身與玉帝同有身皆爲色色不妙好或美而罔終皆非色與帝同諸玉女化身妙色端奇美好隨在全彰永無變遷是色與帝同天人魔道皆有神通神化有限通非六運是神通不與帝同矣諸玉女神化無方悉具六通是神通與帝同神人皆有智慧有隔礙未明了或假體照不能妙會非智慧與帝同諸玉女徹照無遺預

通無礙是智慧與帝同知神通者悉善隱隱有遺跡非與帝同也諸玉女散則還於太虛不但芥納須彌是妙隱無迹隱與帝同有隱則有顯顯非大光未與帝同也諸玉女妙現清微神見各界是顯與帝同有神通智慧隱顯是能變化變化若假作爲非與帝同諸玉女妙變無心神化自然是變化與帝同此時夜光聞元始說諸玉女現化語意已竟心中便得開明覺悟知諸玉女妙化因由稽首作禮歡悅喜慶默然忘言復歸本位愚按人身陰陽非判然二物自一而二陰以孕陽陽以生陰本至根也修真成道六丁陰神化見玉女妙變奇機與元神玄靈同功此陰化呈靈豈獨坤質迺乾體孕育道藏輯要

本行集經註解
卷上

奎 又箕集五
X X 1

陽光梵炁之化耳况天上神眞變化無定教度眾生各有權宜應以男身卽現男形應以女身卽化女體劫運甚久世界紛然應以女身度者不可限量此天上至聖神眞化諸玉女以度羣生其身色神通智慧隱顯變化非神人所及與玉帝同夜光雖朝三清境界夙聞法音初入聖流此大神通至眞妙行宜其未知雖然聖凡同性則法身一般有普濟之心做到眞之行諸玉女同帝神妙在吾身矣故夜光聞說了悟歡喜也達者詳之

神通品二十五章

爾時高虛清明天主與諸天眷屬馭八景鸞輿九光寶蓋奏玄

歌妙樂詠無量洞章散天寶花噴天真香飛步遊空來詣道前
承 天尊玉帝威神之力是諸寶花卽於空中化一寶蓋蔭覆
大眾無不周徧

赤松子云爾夜光玉女復位之時高虛清明天帝主與本天
諸親眷屬類或作別天主眷屬非也清明天主與眷屬來時
各駕八景輝明鸞輿九霞光耀寶蓋八景一作八寶妙景一
作八卦神景一作八色光景大抵天上神輿周八方之景備
八節之和故云八景奏太玄歌神妙之樂詠無量功三洞寶
章徧散天寶奇花噴著天真妙香飛步凌虛遊空而來敬詣
道前承元始天尊玉帝威德神通之力此眾寶花卽於虛空
中化一寶蓋蔭庇覆蓋法會大眾無有不周徧處愚按人之
修真朝上帝禮元皇默轉真經清虛神光後朝玄境時呈秘
妙瓊花結彩周覆眾妙皆虛皇秘引元神慈接卽高虛清明
天主後至法筵呈妙樂御靈輿所散天花仗元始玉帝威力
成寶蓋覆眾無遺也有志者觀此典而神會之則天上景化
一身具之矣

神通品二十六章

是時高虛清明天主見此希有稽首長跪白天尊玉帝言賤
懈怠後會法筵今日吉慶值遇法橋幽顯聖凡普霑聖澤放大
光明現希有相上照諸天四梵六慾一切樂土諸真聖眾覩此

道藏輯要

本行集經註解
卷上

齋

又箕集五

光明悉皆雲集下照下方無極世界同玄都境近接九天靈風
奏樂宮商相和激朗雲庭皆成洞章一切眾生咸臻道化豐都
鐵圍長夜九幽一切地獄受苦眾生盡承光力皆生諸天得受
快樂今日所散天寶奇花旋結成蓋徧覆法筵大會諸眾盡承
斯光威神之力臣等千劫良因九天運會皇道蕩蕩正法興隆
今日大吉咸仰玄功

火帝真君云是寶花成蓋徧覆大眾之時高虛清明天主見
此希有之事稽首長跪上白元始天尊玉皇大帝自已謙言
卑賤下臣懈惰怠慢後期遲會於法筵今日吉辰慶霄值遇
尊聖慈濟法橋橋者世人建之以濟水津免徒涉但凡世橋

道藏輯要

本行集經註解
卷上

奎 又箕集五

梁須木石構成且所濟有限易於損壞如長江大河湖海皆
不能濟至聖經功法力濟浩劫周沙界不假作為形迹潛移
默轉秘化神通使人出愛河離慾海免血湖祛洪災永久不
毀故曰法橋幽而冥途顯而陽界聖智凡愚普同霑濡至聖
恩澤玉帝放普照大光明現希有神妙相上照各界諸天四
梵六欲等天一切快樂淨土諸仙真神聖眾等覩見此大光
明悉皆雲台集會雲之台也倏忽滿空不知何來聖眾速集
如雲故曰雲集其光下照下方無極量世界俱同清微天玄
都境界近邇神接聯九宸上天光中靈風奏天妙樂如宮調
商音相和凡樂宮商等五音雖分清濁別五行天然之妙或

未易有帝天靈風妙和自然不啻凡樂是宮商相和激揚朗
震於雲庭皆成三洞寶章下方諸世界一切眾生咸臻集大
道玄化酆都獄鐵圍城長夜九幽一切地獄受苦眾生盡仰
承玉帝大光明法力皆生諸天宮得受快樂今日臣所散天
寶奇花旋繞結成華蓋徧覆冒法筵大會諸眾盡仰承天尊
玉帝大光威德神力臣清明天主等非止一世之幸遇此希
有千萬劫中多修良因又值九天嘉運聚會皇天至道蕩蕩
坦平重玄正法興行隆盛一云元始開化演最上法皇風沕
穆大道平時無旁門外道適正法興隆之際意亦可今日
慶霄是大吉辰諸界神人一切羣生咸得仰賴最玄功化一

道藏輯要

本行集經註解
卷上

矣

又箕集五
卷上

云咸欲仰希玄功俯陳道要亦可愚按人身雖小包羅天地
萬有悉具眾妙渾涵清虛靈氣分司六陽亦有高虛清明天
主若元神失御玄化未呈則趣溺恩波機沉苦海洪津巨浪
滔滔靡岸何以免淪沒拯昏墊也惟一人浸淫遂淪胥陷溺
悞已悞他固不足論其滯於小乘惑於旁徑行潦無源難免
枯涸又不足道間或濬靈源接道脉浸浸幾化矣而曰屯其
膏恩澤不降又非大成耳故有證四梵六慾之果不達九宸
七寶之境或受人中福報或作獄主魔王甚至沉三惡道淪
九幽界可哀莫大焉是以靈化不彰妙韻不露真經失轉瓊
花無彩由不作良因不信正法茲不能聞蕩蕩平平之道而

仰被玄功也能凝玄神奉天君清虛明妙之靈後機隨發則
通達曹溪吸盡西江融會金液誕登道岸苦海業坑永得消
滅超絕六慾高出四梵普會萬神照徹幽界靈風鼓真妙韻
絕品真經默轉以無停萬有蒙恩於不匱鄩都破圍九幽開
光地獄化天堂罪眾生淨土一身陰濁悉變陽明瓊花霞彩
蓋蔭眾妙實虛皇之靈元神之力也非積修素養正法篤信
何以聆皇道休風得仰玄功哉噫此身之妙真也視清明天
主後至法筵慶遇法橋稱聖化揚玄功謂道濟天地幽顯者
同矣而修良因廣妙行不求速化妙本自然又證聖真訣也
學道者味之自得

道藏輯要

本行集經註解
卷上

卷

又箕集五

神通品三十七章

是時

是法會聖眾咸仰玄功之時

高虛清明天主

解見前

以偈讚 玉帝曰

清明天主以偈語讚玉帝曰

金闕玄穹祖

祖一本作主字攷經意玉帝爲諸天主諸佛師御黃金闕爲
玄都穹蒼宗老故云祖或作主字是但以天帝言矣

高上玉皇尊

解見前

妙相冠諸天

諸天神人皆有美相或衰毀有窮或神通有限隨各居之天變化不能相兼色相容顏未甚超絕玉帝隨形妙好無量無邊色相奇妙獨冠諸天

慈光燭三界

大慈光明照徹上天下地人間故云普燭三界

真聖妙道師

真一至聖神妙大道玄師一云玉帝之行真聖玄妙道宗尊

道藏輯要

本行集經註解
卷上

矣

又箕集五
11811

師也

天人依仗師

玉帝爲天人教主萬神之君上天神聖世間人民皆宗依仰仗功化是天人師

大乘垂法語

道法三乘分上中下又有最上一乘不依階級高超三品並包無遺是爲大乘諸神法語各隨智見大乘希聞玉帝垂教明示真宗徹上徹下該括諸品羣生蒙誨悉得超脫是大乘

垂法語

真一指迷途

玉帝以真宗玄一妙理指明開悟迷途此直指單傳使人不落旁門小法卽指人以大路使之不陷邪徑也

功德若虛空

天下之物皆有窮盡惟虛空歷劫若是再無改移玉帝大功至德無量無邊如同虛空不可窮極諸神聖非無功德或遠或近或大或可以隨分比擬玉帝功德無有比倫故若虛空

讚揚無窮盡

玉帝功德若虛空稱讚難窮皈依莫盡讚揚無窮盡盛德不可名稱矣黃石公云高虛清明天主雖後會法筵眞見玉帝

道藏輯要

本行集經註解
卷上

竟

又箕集五
X111

妙化神景奇觀仰慕不已遂以妙演偈語讚揚玉帝昔宰我子貢有若善稱述推尊孔子爲智足以知聖人今清明天主稱玉帝功德如虛空讚揚無窮盡其他讚再無如是之切盡者卽宰我子貢有若之知孔子矣此偈可以謂之知言愚按人身元神浩劫不改四體眞主萬有之宗妙冠六陽慈護三元一已眞師神氣攸賴靈照光通法音最上直破迷途示我周行妙體玄功德之所被與虛空等讚揚何盡人不能反觀內照會此眞宗一身之至德不識玉帝功德又豈能知經功利益無怪其不秘悟實體也清明天主仰玉帝功德以妙偈讚固對揚天休亦詔人迴光耳果能契本眞知道力法天不

私與帝同功自不惑他岐弗喪天寶至聖可希矣志士最之

神通品二十八章

是空著主浩劫之尊妙見妙知無等無倫湛寂眞淨杳亡杳存
上聖上靈大神通光明藏大丈夫開化人天教導無窮大慈大
悲流煥法輪爲度羣生是號 玉皇穹蒼眞老妙圓清淨智慧
辯才至道至尊開度眾生故放是光爾時高虛清明天主說偈
讚已靜默而坐

魏伯陽云高虛清明天主皈揚玉帝功德不但有十句之讚
言此玉帝是穹窿蒼穆聖主浩劫之至尊凡劫之有數或億
或兆皆不可言浩玉帝歷來作萬天教主經歷劫運不可數

道藏輯要

本行集經註解
卷上

卅

又箕集五
×××

計廣大深遠難以尋窮故云浩劫之尊其遐照無遺神通妙
見徹明無礙大覺妙知再無與之同等與之比倫相類者瑩
徹虛明而湛然巍巍不動而寂然不二不息其道至眞無染
無論其德至淨杳若亡非眞亡迺虛無自然杳若存非執存
迺妙有無心杳若存亡不可明見難以測論矣仙佛諸神咸
尊玉帝是聖中最上萬神靈通無如玉帝是最上玄靈神化
六通超絕一切誠大神通普燭人照光潔不論愈出愈有無
滅無晦眞光明藏藏畜大光明無窮也至尊莫知道玉帝法
道自然最大難量莫有止極允矣大丈夫世賢以成身成性
正己物正範圍天地爲大丈夫玉帝化天地生民物不見其

始莫有其終聖中最尊神中最大丈夫孰甚焉開明乎化諸人諸天教成啟道無有窮盡覆愛萬有憫念眾生永無限量信大慈大悲轉流煥明法輪俾不滯不隱煥或作轉太拘了爲化度羣生是以稱號曰玉皇穹蒼之真元老大尊神妙圓通真清真淨大智大慧妙辯難窮才施不匱至道莫量至尊無比今開化拔度眾生故放是大慈普照光明彼時高虛清明天主說此偈讚已寂靜默然復坐愚按人身元神卽上天玉帝號曰元皇又曰真主又曰玄宗又曰祖真又曰天君又曰性宗又曰真宗祖又曰法性又曰妙明真心又曰正性又曰玄靈又曰真師又曰玄光又曰大柱杖又曰法王又曰妙寶又曰真根又曰佛性又曰真種又曰丹元一身真主靈妙絕倫明蘊無窮開化陰陽神智莫盡慈恤眾妙周應明通最尊最貴化機不窮默融精氣以孕真靈故真光時露妙機生善體此者自產神嬰與帝同功德道化無盡矣契清明天主讚帝之偈方云真知實悟耳不然真妙弗得帝化奚識清明偈語誦之若夢何以得經功獲實益噫性道在我真妙自足能會妙明真機是實對揚玉帝休光者

神通品二十九章

於是天尊復告四眾云是帝身卽道身也非常體也是無量功德之身是清淨自然之身是神明堅固不壞真空無上法身

威靈恢廓名聲周徧無幽不燭神妙巍巍難可稱焉

赤腳大仙云清明天主偈讚玉帝已復坐默然於此時元始天尊復告法會上四眾云是玉帝妙化之身卽大道身也非尋常形體也道本無形何以言身蓋道雖虛無無量無盡化萬有成始終鼓陰陽無間息真虛而有實體非徒空也玉帝功德若虛空與道同神故云帝身卽道身非常體耳是無盡量大功德之身是真清眞淨自然不拘之身功有限德有窮難言無盡玉帝化一切世界亘古不改何有限量者色象有拘滯非清淨自然玉帝永無染著得大道遙甯非自然是神通光明堅確永固不損壞之眞空最上無比之妙化法身天

道藏輯要

本行集經註解
卷上

圭 又箕集五
X-111

下之有象者悉壞惟虛空常存壞者非堅固非神明太虛既存則空迺至眞玉帝之靈通歷世無損玉帝之玄光浩劫不滅不但至神至明而堅不可磨固不可破永無毀淪終久不壞是常住之眞空不消散之妙體是無上絕倫妙法身也其威德靈光豈易窮探恢恢至弘廓然極大不可思議名號聲稱洋溢貫徹周徧十方光悉塵微無幽不燭神通玄妙巍巍莫量蕩蕩難名不可得而稱焉愚按人性靈明神妙自在三身足四智完浩然之氣眞一之精萬善眾妙何者不具統焉一身參位責成無間可息本非常體迺道身無量功德身清淨自然身神明堅固不壞眞空無上法身何世人恣縱虛負

此身心累神馳精耗氣散性道不明誰復至命道要茫然幻
身空盡枉過此生存亡若夢一無所知何由達化間有明德
盡性或不終保其成所以人不能窮神達化還虛成仙與道
合真至名不毀惟玉帝以道爲身功德無量清淨自然神明
堅固真空不壞無上法身凡初入聖流一間未達覲之不破
語之未悟心思未通乎性命不知其神之所以神學術未貫
乎天人不知其化之所以化委於天道之難知希觀通玄之
上士元始憐眾生之久迷言帝德之廣運盡啟世劫之龔蹟
以證神化之玄功真大慈深仁欲眾生入妙亦恢廓其威靈
周徧其名聲徽幽微神妙巍巍德難名稱天尊之大願也

道藏輯要

本行集經註解
卷上

三 又箕集五
八八三

奈世域漂沉人心陷溺不能順帝之則奚承元始之訓噫天
人一理聖凡同心不能希聖希天道法自然誠有愧於真經
大道父母生身已有志者勉之

神通品三十章

是帝非有爲功德之所熏修而帝昔雖下生人間多劫行化示
大神通而身清淨未嘗不在金闕分身變化應現隨方利濟羣
生超昇道岸普垂教法開悟後人依教奉行登真成道以斯功
德之所莊嚴是故光明常充諸天神智妙達莫可度量
妙行真人云是神妙巍巍難可盡稱之玉帝非有作爲勉然
功德之所熏積修證是帝往昔劫前雖下降受生於人間多

劫廣行教化顯示大神通行化如捨王位修行割愛學道行藥治病演道弘化忍辱喜捨位證金仙教度菩薩等劫故釋藏記生佛之因言自兜率天乘香象下降於摩耶夫人腹中遂生文佛是亦玉帝隨方設教之一化也他如赴浮黎會臨寶珠會化土庶身化道者身隨遇著靈普度不已爲諸天尊王神通莫量是多劫行化顯示大神通而法身清淨巍巍不動未嘗不在黃金闕內方元始將說玉經帝放大光卽分身徧十方諸大天宮一切世界上天下地人間悉覩光明各獲利益咸得快樂共聞大乘是分身變化應現隨方利濟羣生超昇道岸所著功德非止一時一地普徧垂示教法開度覺

道藏輯要

本行集經註解
卷上

古

又箕集五
八十八

悟後世之人若能遵依教典欽奉帝命自可以位登上真成全大道帝惟以此最大上妙功德之所莊嚴是故所放光明常充滿諸天至神大智靈妙通達莫可測度思量神智妙達則大光明非徒爾德盛而光妙也莫可度量則神智妙達非浮爾道妙而神彰也至是益見帝非有爲功德之所熏修矣愚按人之元神浩劫如故大神光妙未易名言豈有心作爲之所成哉聞見覺知行住坐卧食息語默應感酬酢雖隨機呈妙清淨本體未嘗不御丹闕卽凝玄妙產神嬰而眞眞如如未始他離千百億化隨方利濟誕登道岸廣宣靈蘊開化後天守秘持眞超凡證聖萬化悉成無果不就以此妙行莊

嚴則一露玄光充周莫禦性道奇驗寧可測度量計耶視玉
帝聖德神功不假修爲難以量度者不一致乎惟成性雖均
而暴棄甚眾使清淨正性爲淫惑障蔽如明鏡塵埋光明不
露故妍媸不見而妙意弗彰果刮垢磨光日新月盛應感無
心眞如自在金闕紫府永住元神常應常靜一無所擾妙察
則一以貫萬顯行則順應無情慈悲大願永不退轉萬妙莊
嚴難以數計積修無邊眞光自普功德不思議矣吁此道人
所固有也非有爲熏修亦非頑空可能不有不無善學者體
之

神通品三十一章

道藏輯要

本行集經註解
卷上

三

又集卷五
XIII

是身光明皆具妙號所謂大神通光大慈悲光大喜捨光大忍
辱光大平等光大柔和光大自在光大利益光大如意光大智
慧光大吉祥光大解脫光大歸依光大功德光大圓滿光大無
礙光無能勝光

大慧真人云是玉帝身所放大光明皆具上妙稱號光號云
何所謂大神通等十七大光玉帝普垂照攝妙行積證有大
威神具六通力神通光嚴徧燭一切此光號第一也次則帝
具大慈帝具大悲慈悲無量光妙弘明大慈悲光其二也再
次則帝眞喜捨喜捨無量妙光普明大喜捨光其三也帝之
累劫又大忍辱忍辱無邊光明莫遏大忍辱光其四也帝之

前修行大平等平等不已光明莫禦大平等光其五也帝之
往劫又大柔和柔弱安和浩劫不改普著光明不可窮盡大
柔和光其六也帝德安安超然自在恢霽光明終無窮極大
自在光是其七也帝仁浩浩兼濟永利利益不窮法輝普煥
大利益光是其八也帝之昔身超證妙覺清淨自然法王如
來又億劫始證帝位則最上功德妙出無心神化如意如意
光明永無極已大如意光是其九也帝有大智帝有大慧智
慧適種光明絕倫大智慧光爲十種矣帝本至善永大吉祥
以是光明徹燭無息大吉祥光乃十一矣帝夙了悟得大解
脫脫落自然金光永煥大解脫光乃十二矣帝同大道妙法

道藏輯要

本行集經註解
卷上

美 又箕集五
X 上 文

自然永劫正信不生退轉十方後世悉承欽承皈依道永
明不晦大皈依光光之十三也帝普度無量曲成不遺功德
最大光昭不置大功德光光之十四也功圓道備帝德圓滿
普光久麗以其成功大圓滿光光之十五也塵染夙淨妙通
圓明神化無礙帝光永昭大無礙光又十六號矣神中最貴
聖中最尊萬天主諸佛師浩劫法界一切無如玉帝是故光
明常充諸界神化莫可度量無能勝光非大光明之十七乎
如是十七大光明神妙義惟玉帝今見之神通夫豈可量哉
愚按人生世間以正性爲宗故仙傳實際以此爲大光明種
但眞種悉具而保眞無人故迷惑場中須作修洗功緣是以

有一種最上良因則有一等神妙光明玉帝積修無數妙行
難窮不止十七良因何爲十七大光明哉蓋機多難悟化繁
道晦帝十七光明卽佛現丈六身而頂放大祥光也況帝光
上妙一種超倫孰能追蹤妙行識十七大義乎噫是難能也
亦可希也道本在己怠則晦精則明勤修無爲不求速化道
自得之矣

神通品三十二章

是故汝等欲見是帝而不可得者緣以汝等尚於身口不捨結
習煩惱行業由是障故不能得覩是帝慈顏吾今爲汝法會眾
等宣示斷障之法汝等大眾宜各奉行時諸大眾不勝喜躍各

道藏輯要

本行集經註解
卷上

七

又箕集五
X川一

於至尊几前稽首作禮俱欲願聞

雷師皓翁云玉帝放十七大光明神通莫量是故爾高虛清
明天主等欲眞見是玉帝而不可得所以然者緣以爾等雖
無塵染證位天帝上妙大乘未眞了徹尚於身口不捨多劫
結習無明煩惱凡行愆業由是遮障之故不能得覩見玉帝
慈顏結習情慾塵凡一切迷累本不可貪因智慧不足執想
太重識念一起漸致染着物交繹引愈積愈深作爲結毒致
成習氣如人以繩鎖挽結一時難解熏習舊染一旦難除惡
種業根本源未淨習染物欲或畜煩惱或積愆行或植緣業
煩雜靡定惱亂未消累行諸業夙爲障蔽今雖統御梵天尚

未徹明弗悉重玄奚瞻最勝不能卽見玉帝以是故耳吾今
爲爾法會眾等宣明顯示斷除障滯之法汝等大眾宜各奉
持躬行時諸大眾不勝歡喜踴躍各於元始玉几前稽首俯
顙恭敬作禮俱欲願聞斷障秘論吾元始自謂也几案也愚
按人之生來各有夙因雖元會初開太和之氣而往劫修習
亦難頓忘故經以夙含業緣比之積毒誠有見也是以有善
緣者則異域同心爲惡緣者則對面千里莫言道藏功案釋
教錄記或指爲異端之論卽儒書中晏嬰之沮孔子先正歸
之命程蘇大儒分爲蜀洛之黨此亦緣之不偶也而相須之
殷不免於相遇之疎今古同以爲恨則因緣之說豈可盡廢

道藏輯要

本行集經註解
卷上

袁

又箕集五
人上

哉用是十識難盡五蘊難窮十有三徒二十五魔種七假三
合一切機括誰復易逃清明天主證帝位爲尊神雖脫塵染
浩劫夙積未盡超融境落高虛號著清明往昔善因未脫虛
無套矣虛明妙有如玉帝者豈能遽見釋經攷菩薩行尚有
覩面不見釋迦如來文佛演最上義菩薩獨獨以聽亦此義
也至聖豈易見身口結習之障豈易消耶然此理最難看見
帝非面見了知帝行徹契帝德如在孔子之門真得宣聖傳
授心法者一機心若孚則時異世殊其揆一也神交心會其
見迺眞茲聰明顏子尚未達一間清明天主不能覩玉帝又
何疑元始斷障之法瑩明夙行了驗心宗捍格旣融外有何

障自然親見玉帝矣所以眾欲樂聞吁起障破障一切由心
大通無碍自已元神對越不怠口耳粗迹弗爲滯障大道不
在我乎勉之

神通品三十三章

天尊言曰斷障之法當生大慧無起疑惑無起貪嗔無起姪慾
無起嫉妬無起殺害無起凡情無起凡思無起昏垢無起聲色
無起是非無起憎愛無起分別無起高慢無起執着

廣成子云元始天尊因清眾請問無障妙旨遂言曰斷除障
礙得覩見玉帝妙化光顏其道無他當生神智大慧篤信正
道無起疑貳惑亂之心大道至正真一不二本無可疑惑明

道藏輯要

本行集經註解
卷上

堯

又箕集五
X X X

不足以察其幾遂至持兩端無定見魔知通從既知大道在
我知明守固勿貳以二勿參以三更何疑焉不疑則無惑道
可從入故斷障融淨結習之大慧必先無起疑惑求道者不
可計功亦不可以他求嗔怒忿怨不平之心俱不可有斷障
之次無起貪嗔心專於道其衷自然滋私長欲妄念易生纖
毫淫逸嗜慾之意皆大亂真斷障之三無起姪慾道無所不
容賢不肖皆吾之師友若絲毫忌刻賢能或厭惡庸愚皆爲
大非斷障之四無起嫉妬大道至仁一不忍傷若因逆惡觸
萌剪滅之心背道亦甚斷障之五無起殺害陰符雖言殺機
只是說能照伏邪魔則至真自在若秋天肅殺而草木歸根

生機歛入見天地之仁處非世所謂殺也又云恩生於害亦復其見天地之心意耳非世所謂害也大道無爲情識不用一動凡意其謬無窮斷障之六無起凡情大道忘機諸想須淨一有塵思其弊無邊斷障之七無起凡思道本貞明清淨無染少涉昏昧塵垢喪我至真矣斷障之八無起昏垢道無聲臭以聲色求之去道遠矣體道者不惟外面聲色不礙與世無干道之影響畔岸一切不求不執故斷障之九無起聲色道本大同一是一非失太玄之本真矣斷障之十無起是非孟子雖云是非之心人皆有之大智若愚又何肯辨是非也道無取舍有愛惡則障真矣十一斷障之目一視渾忘無

道藏輯要

本行集經註解
卷上

全

又箕集五
八八上

起憎愛理本無二用智分別則非道矣斷障十二法無起分別見道分明高出塵外不屑世故一生慢心違道甚矣十三斷障之法無起自高輕慢之念大道活潑了不可得斷前三障而道得矣雖名得道實無所得一執任有着則理障未除爲法縛矣十四斷障法之終無起執着愚按道之在人本無障礙惟世爲事理二端所蔽遂至失道故元始慈示清眾斷障門品歷示諸端欲人奮志邁往不阻於難打脫事障更出法檻則玉帝光顏以我之妙明日與對越有何不見雖然脫二障入道之門也了悟神化重玄又在後論之

神通品三十四章

凝神澄慮萬神調伏心若太虛內外貞白無所不容無所不納
無令外邪亂其至道牽失真宗敗其靈根盜其至寶致爾萬劫
永墮凡流透入俗網萬魔來攻百千萬劫不聞妙法鬼神執誅
從生入死是故汝等應當志心善護真宗無令喪失如前所說
如是諸障汝等各當除斷之身得清淨超度諸難是名道寶
持法棟梁

劉海蟾云元始示斷障之法生大慧絕十四業趣矣其究維
何障斷蔽除則神明慮淨當默住元靈玄始凝元神澄徹諸
慮萬神和調而潛伏心如長空太虛內外貞固潔白凡法界
羣生萬有無所不含容無所不包納且定見定守終焉不渝

道藏輯要

本行集經註解
卷上

全 又箕集五
X 1 8

無令外面回邪亂其至正大道牽引喪失真正玄宗敗其至
妙靈根盜其固有無價不壞至寶致使爾等延積萬劫永遠
墮在凡流徹透入於塵俗之網萬種陰魔相接來攻伐爾百
千萬劫惑於魔業不聞最上至真妙法鬼神乘機得以執持
誅戮從生途而入死地是故汝法會眾等應當專志誠心善
自護持本來真宗無令捐喪亡失如前面所說疑惑等諸多
障礙汝眾等各當除滅斷絕之諸障十四障外邪生死等
一段事意俱在內既除斷諸障身得真清真淨超出昇度三
界輪轉業罪災厄諸多艱苦厄難是斷障之法名道之至寶
扶持正法之大棟梁樓閣塔廟殿宇門舍非棟梁則難構建

修道成真入聖超凡非斷障則難了脫斷諸障則終免毀淪
正法大行故天尊以斷障爲持法棟梁愚按人之正性元神
清淨無染萬劫不毀好靜怡怡未始不靈明與聖真不二若
明明不已玉帝神化妙光豈不親覩惟諸慮嬰心相襲不改
少知道者又冀速效所以結習難盡煩惱不捨帝光難見也
若真明玄通至健果決知性命之爲真識萬有之悉假始見
道而忘物繼行道而忘人繼得道而忘我繼成道而忘心繼
樂道而忘趣再忘忘以忘真事理雙融真假悉遣不落聖凡
相際何須五位主賓得之無得守之不守空而不空不神而
神則夙習瑩淨積業絕塵細染盡滅超入最上不必默朝上
道藏輯要

本行集經註解
卷上

全 又箕集五
八八八

帝與帝同神不必法道自然而與道合真何有於三乘何有
於諸品聖中至尊功德無倫人皆可爲但根塵之淨功玄而
行妙無作而無間矯假者固不能脫融之未至化之未神猶
爲入聖不優若玄中地仙釋教菩薩儒家大賢以上者今人
求道尚法至聖母以大乘爲已足

神通品三十五章

更當修奉是此經典如近是帝生尊重心注想尊容稱揚尊號
然後汝等得覩慈顏咸蒙護度普聞妙法親奉供養永無輪轉
東華木公云元始示大眾斷障之法旣云是名道寶持法棟
梁矣又以持久服膺之義示眾曰爾等清眾聞今正法更當

修持崇奉是此玉皇本行經文典章親誦此經如近玉皇尊
帝生尊敬保重之心知尊經則不褻天道知重經則不輕天
寶永久尊重則終無悖慢大道自得卽論語所謂畏天命畏
聖人之言也如遁是帝固非眞觀玉帝一時不能對越則一
時不能尊重矣注意格想玉帝尊容妙相此道非徒專在於
想像也儼然如在昭事上帝斯與天地合德而爲至聖耳稱
頌宣揚帝之至尊徽號然後汝大眾等得覩見玉帝大慈光
顏咸皆蒙受帝之護持拔度普徧聞夫無上至眞妙法得以
身親祇奉供養是帝是經永無輪滅轉移之失一云見此經
典聞此妙法觀是帝顏能親懇崇奉供養則永出塵凡不受
輪迴轉生之苦一說心永無退轉兼採之更通考疑云儒書
云神不可以思致道經云神化無心任自然佛經云若以色
見我以音聲求我是人行邪道不能見如來今言注想尊容
稱揚尊號然後汝等得覩慈顏元始玄祖斯言豈欺我哉此
言不是意思思存滯迹口耳合德於天孚神於帝渾化相忘
故古人云天威不遠顏咫尺敬恭而化不覺讚揚之至卽儒
書所謂言堯之言行堯之行是堯而已矣佛家所謂法身入
我性我性同共如來合道經所謂神與道合則道與身一也
惟如此然後聞妙法奉供養無輪轉若徒心存想口稱揚不
能皈身皈神命冥心會道則不可言眞供養焉得無輪轉至

無毀淪不遷轉則注想稱揚供養非世俗之謂可知愚按人生性命於天理無不具惟陷於俗流故沉於輪轉若經綸天下之大經能盡其性是真修奉玉帝經典能對越在天卽如近是帝小心翼翼祇事不違是生尊重心身代天工口代天言法天不私帝真時御是想玉帝容稱帝號得覩帝顏也德惟一動罔不吉盡已盡人盡物參贊化育皈命投誠踐形惟肖至誠無息悠久無疆是咸蒙護度普聞妙法親奉供養永無輪轉也噫人之有道須臾不離道之有經如行之有路踐彼周行行道者弗全不由此道何哉此孔子有何莫由道之歎元始言凡流不能見帝也果味是經有得焉自與玉帝齊肩矣

道藏輯要

本行集經討解
卷上

箇

又箕集五

神通品三十六章

是時四眾聞是說已歡喜踴躍歎未曾有

天官大帝云是說玉經時法會四眾人等聞元始道祖說玉皇本行集經清微天宮神通品卷分已竟聞帝生長之奇異多世之修因變化之無量功德之難窮神應之自然法力之最大侍衛玉女化自天真沙界浩劫悉賴經法明罪福之緣由聆斷障之妙旨十七大光明洞之有基億萬劫修真述之有要取法自在入聖無難慶塵業之已脫幸七所之易入悉皆歡悅喜樂忻騰踴躍同聲稱歎今遇法會良緣最勝奇逢

非偶此會此問是帝是經茲時茲訓歷劫以來未曾有也或云聞是說已專指斷障之法言太拘了元始道祖說經時神通品說已竟非是說了後又說雖分三卷五品因慈訓隨示品類故天真演經列三卷耳若將終卷稱歎意同他歎言看似爲未詳所以聞是說已當兼承上說看經者詳之愚按人身精神氣血聽命天君妙心洞然天籟發聲怡然理順油然而太和手舞足蹈快樂無方得道忘機舉世莫尙身亦有四眾聞說歡喜踴躍歎未曾有之義也但世溺利欲了悟無人入聖成真不數見耳若聞經默會身具太和心融神化帝功不在我乎

道藏輯要

本行集經註解
卷上

金 又箕集五
X 8

上卷分章攷義

元始天尊說玉皇本行集經諸天真請問帝化根由語雖不同皆在一時如何首卷分三十六章說經固在一時因問以答各有不同後不能明經旨趣洞至聖立訓故諸天帝神真五老帝君校錄於前天猷繼輯於後文昌帝君天樞上相各乘時有攷議評正以首分繫曰清微天宮神通品第一不分他品以帝神通無倫其居無上 元始此訓諸仙佛不能言也漢魏伯陽唐呂純陽元邱長春明羅念菴議之甚詳分爲章註首卷神通品得三十六章非輕析真語故使支分從三十六天之義以立章且截處有旨意相統承不至渙散觀誦者能澄心滌慮以體至

聖說經之意上真分章之趣務使神與聖真相孚會經血脉貫串則三十六章又何分說經之旨又豈不可得哉但泥文者多默識不厭者寡或以經爲無益或得一句以爲奇或執一字以爲病別靈寶高上之名無心聆神會之妙則因經不能悟道反爲文字障執又惑之甚者也噫諸經至語皆爲心印因文見道得道忘言玄穹秘論悉我固有經綸又何疑其難入至於輕謗一得輒幸哉贅此首末學者戒之

道藏輯

本行集經註解
卷上

癸

又箕集五
十一

重刊道藏輯要

高上玉皇本行集經註解卷之中

太上天光明圓滿大神咒品第二

神咒品第一章

爾時天地始祖五老上帝稽首長跪白

天尊言伏聞

高上玉皇慈念蒼生普放神光照燭法界六凡四聖普叨道蔭
竊以凡夫短景劫運將終正道宜行以濟兆民使修真之子有
期輕舉末代烝民俱獲壽考

爾時當元始天尊說盡神通品之時天地開始之祖五方五

道藏輯要

玉皇本行集經註解

一

真集六

靈五老上帝叩拜稽首俯伏長跪上白元始天尊言伏聞高
上玉皇大慈憫念世間蒼生普徧放出大神通無量真光照
燭三千大千諸天諸地一切法界天人魔獄餓鬼畜生等六
樣凡品以至最上一乘與夫上中下乘四等仙真佛神志士
之四聖普徧叨蒙大道慈光蔭庇竊以凡夫不壽世景短促
法界劫運將次告終仙真正道宜當傳行以濟億兆之民使
希仙修真之子有了脫之期得以輕身冲舉末代烝民無有
大折俱獲壽考夫人生世間命有定數三教聖人皆蛻骨塵
世顏子大賢三十二歲而卒皇經雖有利益豈能違大造之
數而使人長生哉是不然人之身可死人之生理不死道理

不明雖生世上其心已死偷生苟免何足言壽若明了道理
悟徹行成還虛脫化則朝聞夕死無復遺恨卽是長生故道
德經云死而不亡者壽孔子云人之生也直又曰仁者壽釋
經云若人了證涅槃卽見如來是名金剛不壞三教至人不
以死爲死以不明道爲死不以生爲生以了道爲生造化之
數雖生死難逃可拘常人而不可拘聖人玉皇尊經演自元
始最上一乘妙法三教之真宗萬法之玄訣法界之慈航生
死之要關成住壞空之秘旨傾劫之機括超證坦途度世妙
品解結拔罪之津梁也至尊若爲慈演經文烝民一蒙聖恩
承神光力皆得皈依正法不落邪徑生死無愧能令短命眾
生而得長壽是經神功有若此者

道藏輯要

玉皇本行集經註解

二

箕集六
XII、

右上卷神通品至聖天宮妙化三教聖真皆不易及故列
第一見傳此真經神化之旨

此卷首列神咒品以經中秘法語能度人錄仙制星制魔
制水鎮五方濟法界故曰神咒有神通而法語秘文若是
利益斯繼神通而第一云

神咒品一章

自昔 元始洞玄靈寶赤書玉篇真文生於元始之先空洞之
中天地未根日月未光幽幽冥冥無祖無宗無氣無象無色無
名無形無緒無音無聲混沌太無靈文晻藹乍存乍亡靈圖開

化玄象推遷結氣浮空乘機應會 玉帝真誥靈寶秘篆無上
大不可思議神咒於是存焉

天地始祖五老上帝言玉帝尊經之正道能令末代烝民獲
壽考因何有此大功效自昔元始洞玄靈寶大赤天書碧玉
琅篇之真文生於未立法界元始本初之先大空洞虛之中
兩儀不曾分太極無極之先天地未立根基陰陽水火不曾
肇孕未有日月光明混混茫茫何所分別幽幽冥冥而已萬
象未生孰爲之先不見造化之元是無祖無宗玄虛太空不
見其氣無有形象無著見之色無字稱之名無形影無端緒
無影響沖然漠然眾音何有眾聲何有無音無聲也無涯無

道藏輯要

玉皇木行集經註解

三

真集六
卷之三

際混沌太無元始洞玄靈寶赤書玉篇之真文靈秘文光晦
然雖不明見藹然文著端倪乍存乍亡非有也非無也非有
有無無有而未嘗有無而未嘗無也元始靈運玄圖開張萬
化玄元妙化之象推轉運遷結妙梵之氣徧浮虛空乘玄運
之機應天人叨蔭正道宜行之會玉帝寶誥靈寶秘密天篆
無上功德不可稱量大不可思議神咒於是顯秘著象而妙
法存焉

赤書玉帝真經妙有之文皆諸天太初梵氣結成字文廣長
一丈色光赤煥爲丹天大赤金書玉篇九天之上皆碧瑤之
篇元始洞玄靈寶之文寶霞玉潤故云玉篇生於元始之先

迺天地本初之先非元始天尊之先天地未根非天地無生
化之根天地生於虛無元始真文在三千大界未立之前浩
劫之先故未見天地肇分之根乍存乍亡存而不可定其象
亡而未嘗滅其真玉帝真誥皇經妙典慈濟無窮歷浩劫而
無量徧三千大千而莫盡諸天奉行三教遵依是傾劫法界
之誥命也靈寶秘篆天書雲篆非易聞見不可思議不可以
心思不可以言議言其量也於是存焉玉經真文在浩劫先
非自今日存也未乘機應會時道涵太虛夫有何形孰從而
見雖存而莫知其存也今正道宜行靈文彰秘神通光明於
昭炳顯故云於是存焉真經妙法之存乘機應會是難遇之
時也在斯會者肯自負而不求法誨乎

道藏輯要

本行集經註解

四

箕集六
卷六

神咒品三章

故天地得之而分判三景得之而發光靈文鬱秀洞映上清發
乎始青之天而色無定方文勢曲折難可尋詳元始鍊之於洞
陽之館治之於流火之庭鮮其正文瑩發光芒洞陽氣赤故號
赤書靈圖既煥五帝朝真飛空步虛旋行上宮燒香散花口誦
靈章是時天啟十二玄瑞地發二十四應上慶九天之靈輿讚
三天之寶明神風既鼓皇道咸暢元始登命太真按筆玉妃拂
筵鑄金爲簡刻玉爲書五老掌錄祕於九天靈都之館玉女典
香太華執巾金童侍衛玉陛朝軒九天玉書非鬼神所聞

惟玉經真文靈寶秘篆於是存焉故太極生兩儀清淨爲乾
濁凝爲坤天地得之而分判日曜輝月呈華星列張三景得
之而發光真經靈文鬱然浮其瑞光秀氣洞然光映上清境
界發乎始青最上之天而色無拘定方所靈文光曜之勢充
周曲折難可尋究測詳元始天尊鍊此真文於洞陽重玄之
館鎔冶此經於流火大梵之庭鮮其正文光耀無方鮮其大
正妙有之文瑩然騰發光芒洞陽妙氣溢丹流光純然大赤
故號赤書靈運玄圖既煥光明五帝朝元至真乘雲御瑞飛
空步虛旋繞行朝最上宮闕燒清淨自然真香布散天花口
中讚詠靈文寶章是時天不愛道元辰獻祥天啟十二玄瑞

道藏輯要

本行集經註解

五

箕集六

地不愛寶二十四氣粹顯佳禎地發二十四應上慶九天之
靈文與旨讚揚三天之寶章昭明妙興神通風教既鼓度世
之機皇道咸暢大法普惠一切元始登座錫命太真上仙按
筆以書玉女靈妃拂蕩法筵鑄不毀之金光以爲玄策秘簡
刻碧玉之玄霞以爲丹書五方五靈五老職掌謄錄秘藏於
九天太靈玄都之館玉女則典司天香太華真人則執持玄
巾金童侍側周衛瑤堦玉陛朝軒九天主字丹書非一切鬼
神所能聞

有天地而後有文字傳諸經今言皇經存而後天地分判人
聞此語多疑惑不省蓋道之自然相循不息迺爲真文道之

不壞迺爲真經元始在浩劫先皇經之理已在真文無字妙化不窮故天地自此判三光自此開景也此是實理又何疑文勢曲折有以文字作支字者非是鮮其正文有以鮮字作解字者非是瑩音盈或作巽字信字讀者非是玄經無象何云金簡玄光妙象傾劫不毀故云金簡玉書
玄文光瑞潤麗尊嚴故云玉書非鬼神所聞皇經玄秘鬼神不識非常聞非易聞非凡聞能知者

神咒品四章

道藏輯要

本行集經註解

六

六
X X 11
箕集六

故天寶之以致清地秘之以致甯五帝掌之以得靈三光乘之以高明上聖奉之以致神高靈尊之以致真五嶽從之以得鎮
天子得之以致治國祚賴之以致平實靈寶之妙德乃天地之玄根威靈恢廓普加無窮蕩蕩大化爲神明之宗其量莫測巍巍乎太空是時元始革運玄象開圖靈寶文經靈寶神表五方分判天地開化萬靈此玄宗之寶可得暫披於靈籙乎

九天玉書皇經非鬼神所聞妙法難聞若此教天位乎上也寶重此真經得真一以致常清地位乎下也秘持此真經得真一以致常甯五方五帝掌此秘文以得神通而成五靈日月星三光乘此真經妙法以崇高懸象著明上聖至人奉持此真經以至於聖不可知而神高靈神部尊崇此真經以至真聖之位五嶽名山聖帝從此真經之力而不崩壞以得安

鎮君天下之天子得此真經妙法以致四海無虞之治國家
祚業賴此真經以致安平實靈寶真宗之妙德乃天地之真
宗玄根此經天威靈通恢然莫量廓爾無際浩劫法界一切
利益無盡是普加無窮坦坦平平功化無象而無方誠蕩蕩
大不可量之神化爲神明之真宗其功量莫可測識無象無
宗巍巍莫及而太空是時元始天尊革太混之運玄光妙象
開闢靈圖靈文鬱茂光秀辨位化形神表東西南北中之五
方分判上天下地開化法界萬靈一切品類此重玄真宗秘
寶可得暫爾披瀝宸訓開闡無上真宗之靈韞乎

皇經道家語本以修證仙品不言齊治均平此云天子得之

道藏輯要

本行集經註解

七

箕集六
又目二十

以致治國祚賴之以致平何也蓋以道化成迺爲治平悟真
宗明大道則不言而信不動而變無爲而成德盛化神永利
無疆故云致治致平妙德本無所得不見施與自然功化無
窮故云妙德若夫玄根一切根皆有象道生天地雖有無極
太極生兩儀之圖太極本無象真者見不得言不得畫圖不
過假像教人天地之根有何實象雖無實象其實循環無盡
故曰玄根威靈三教聖神不敢慢妙化無邊故曰威靈神明
之宗諸聖宗法又云千神萬聖從此出也太空不見其前不
見其後恍惚不可爲象故曰太空革運或云革將終之運非
也此經在浩劫先是革太混運耳神表五方混沌本無分辨

方位別中外實道妙化故云神表五方

神咒品五章

今皇道敷暢澤被十方仰觀劫運眞風宜行臣心實欲使靈蔭八遐風灑蘭林寒條仰希華陽之繁朽骸蒙受靈奧之津明眞有格今當以行仰對元慈下伸丹懇惟願哀憫俯念蒼生不審靈寶玉篇眞文可得見授下教於未聞者乎

玄宗之寶冀暫披於靈韞以今時大道敷布暢達慈恩徧徹於四正四隅上極下極澤被十方矣仰觀劫數氣運正道眞風宜當推行臣心實欲使靈寶法惠蔭覆一切方所世界盡八遐之遠道澤惠風蕩灑蘭林寶香玄苑世間沈滯異類傍

道藏輯要

本行集經註解

八

箕集六

門天魔外道有情無情不聞正道者皆蒙眞經之濟如稿然無生意之寒條仰希和煦霑潤華陽之繁滋已枯使榮朽毀骸骨蒙受靈文奧典之津澤明眞上仙有度世金格今當以行世間仰對元始大慈下伸丹誠懇祈惟願聖慈哀憫俯念蒼生不審靈寶玉篇眞文可得見授世間下教於未聞者乎十方非此個小十方盡三千大千世界之十方劫運從劫至劫終始相循劫劫此眞經濟世非止一劫一運八遐盡三千大千之遠不止言目前八方之遠蘭林香寶華林天地人物有此正理皆有此林人物昧之而不見上聖眞仙此林寶光風灑惠浮此林恩及一切澤濟無方矣寒條人物神鬼不明

正法如同槁木聞真經了悟是枯木再榮朽骸人物神鬼不知正道雖生如死聞真經超脫枯骨再生靈奧之津迺潤澤之津明真玉帝明封諸真丹懇竭盡丹哀懇祈至聖蒼生以立首黃髮老而皓白蒼然無恒故言蒼又云蒼天所生之民又云蒼生眾也靈寶玉篇真文俱解見前見授祈天尊傳授此經下教法界一切神人鬼物而度拔未聞此經者可得見授下教於未聞者乎迺謙疑未定不敢執言恐至尊妙法不易傳授故先懇祈又作未定之詞以見求之切而尊崇之至也

神咒品六章

道藏輯要

本行集經註解

九

箕集六
又日廿三

於是 元始天尊撫几高抗凝真遐照觀時已至普爲時會一切真聖論定陰陽推數劫會移校河源檢錄天度選擇種人指拈太無嘯朗九玄念無開聽於陳辭有若閉礙求真之路是時五老帝君啟問不已良久 元始天尊乃垂盼背之容慨爾歎曰微乎深哉予今所扣豈不善乎此元始靈寶之玄根空洞自然之真文生天立地開化神明施鎮五嶽安國康民靈寶玄妙爲萬物之尊天啟玄瑞靈應自然

靈寶真文宜下教未聞於是時元始天尊撫循玉几卽寶座巍崇道體高抗不俯密凝至真默張大智遐照今昔過去未來定觀開度之時已至普爲時會六緣共際諸法界皆當吉

時佳會一切世界天真至聖論定陰陽貞元之會推生化自然之數大小劫運元會移校河源水帝檢察攷錄天數期度選擇修因善種之人指拈真玄太無嘯咏朗吟九品玄章念天地始祖五老上帝所陳懇祈傳法之辭若不開慈聽許有若閉塞阻礙修道求真之路是時五老帝君懇啟請問不已時過良久元始天尊乃開慈顏聖目俯燭垂盼皆之容慨爾嘆曰微妙乎淵深哉子今時所扣問豈不善乎此元始靈寶之玄根空洞妙化自然之真文生乾天立坤地開化諸世界一切聖真神明施鎮東泰南霍又名衡西華北恒中嵩之五嶽安歷代之國康平法界之民靈寶玄微奇妙爲萬物之最

道藏輯要

本行集經註解

十

箕集六

X日十三

尊天啟玄瑞地發禎祥諸靈效應皆出自然

撫几撫凭玄化玉几非几案也高抗非自高自抗以巍然道身玄範巍巍不動故云高抗遐照有刊作想字者非是論定陰陽推數劫會上真至聖非拘於數大道不容輕傳時本自然聖教無有強聒移校河源檢錄天度下自諸水上及諸天一切世界諸類羣生皆度也選擇種人非止說於善類教不揀擇以真經說與善類則諸類皆蒙恩指拈太無道本大無如何拈出元始至尊說此真經迺最上一乘三教真宗虛無重玄令人聞之了悟是云拈出九玄或作九九重玄亦通盼分目開眸垂光目際故云盼皆又云皆目睢也盼或作盼非

是元始至聖如何稱天地五老之問爲善請問真經知其利益時會智見深遠微妙故稱善開化神明道生諸仙神佛等其餘解見前

皆音妄
又音子

神咒品七章

今三天盤運六天道行雜法開化當有三萬六千種道以釋來者之心此法運訖三龍之後庚子之年雜氣普消諸天慶會吾真道乃行今且可相付當錄於上館未得行於下世玄科有禁不得妄傳子可詣靈都紫上宮聽天音於金格視俯仰於神王然後當使得受天文以總御元始之天也

盤魯
第切

真經若傳天啟玄瑞靈應自然今何時哉三氣丹天盤更氣

道藏輯要

本行集經註解

士

箕集六
X日X十X

運六六諸天一時道行雜說小法開度教化當有三萬六千種門頭道理以解釋來求道者之心此法運化已訖三龍龍漢等三劫之後庚子之年貞元會運襍氣普消諸天慶宵時會吾真道正法乃行今暫且可以相付當錄載於上玄天館未得行於下塵凡世玄科天律例有禁戒不得妄自輕傳子可躬詣太靈玄都紫微上宮聽聆天音旨宣金格傳度期數嚴重之勅視俯仰於仙神天帝將吏天王知此法典貴重利益然後當使得受真經天文以總御元始統化之諸天也

盤音立作盤字非是或作整字亦不是三天青赤禹餘三系之天六天欲色無色輕塵細塵輕染細染等天帝神人大中

小三乘演教各品道行雜說小法開示化度三萬六千種道
人身有三萬六千神氣清濁強弱不同有正信者有邪見者
根器各別學焉而得其性之所近故有大乘有小乘是有三
萬六千種道以釋來者之心應來求道者之心機一云應當
來之心機各就相投相信者以受持故了悟者言渙然水釋
是釋字無疑或作擇字者非也三龍龍漢初中末三劫一云
龍漢龍康龍微雜氣普消時將泰妖氛息諸天慶會諸天皆
當吉時盛會一云諸天喜慶法會玄科天津有自然之禁雖
道不擇人語非其人喪天寶且失言所以三教聖人得其時
得其地得其人迺說法傳道金格考較玄格功過等律也視
道藏輯要

本行集經註解

三

箕集六
X日廿又

俯仰於神王仰視仙真俯視天王神將總御元始之天總領
統御元始所化諸天一云視與示同示俯仰於神王示仰承
俯聽之義於神王統御元始之天統會諸天近御法駕於元
始最上之天二說俱通

神咒品八章

於是五老帝君與諸真聖清香執戒徘徊雲路嘯命十方上詣
上清太玄玉都寒靈丹殿紫微上宮受俯仰之格乃知天真貴
重難可卽聞還乃更詣元始道前諮以禁戒之儀遜謝不逮
聽天音於金格然後得受天文真經於是五方五老帝君與
諸天真聖清著真香執守道戒周步雲衢往還導度逡巡徘徊

徊雲路嘯咏宣命十方聖神上詣上清太玄玉都天宮妙界
寒靈丹陛寶殿紫微上清玄宮受領俯仰之格乃知天文眞
經尊貴嚴重難可卽得聽聞還乃更詣元始道前諮問以禁
戒之儀遜謝智見不及

清香適性眞天香清淨自然香無爲正妙道德眞香非世焚
香等也執戒玄範巍肅如對道祖守天尊法戒徘徊慈接無
窮玄光法駕周命十方雲路之際先儒云天光雲影共徘徊
卽此意耳非世間逡巡往來不止之比也嘯命十方嘯音笑
讀作勅或作秀字讀者非也蓋肅然出令爲嘯非吟笑之義
十方不言十靈寶但言十方神部爾上詣仙眞朝元受法玄

道藏輯要

本行集經註解

三

箕集六

光默昇恭聆玄誨非凡足踵躡踐登之義寒靈丹殿九天之
上無聲氣日月不能及天光自照廣而無量清而寒肅丹殿
太赤玉光故云然紫微上宮紫霄之上太微天中上清玄宮
也非日月天端世所稱紫微垣之宮太微垣之宮也俯仰格
解見前難可卽聞非云難以卽時得聞但言難以聞而卽知
一云玄都掌經者不使卽聞還迺更詣元始道前更回來九
天上謁元始至尊諮以禁戒之儀諮解見前請問天律禁戒
傳法受法之儀則禁禁令戒戒條也遜謝不逮非謝不能守
禁持戒但謙遜言身雖神眞法寶眞經素未悟入一時聞之
智見不逮此正天地五老眞知道法之尊處非自限止言不

堪受此也天下諸類皆有理皆可聞道故四靈之物各拔其
萃人爲萬物之靈神爲出世之品豈不能聞道乎故顏子平
日聆受夫子之教不違如愚相說以解卓立之後云雖欲從
之末由也已文殊諸佛傳釋迦正法真宗一事聞者默默與
此語義一般持此經者識得天地五老委曲推尊經旨之意
則知道矣

神咒品九章

是時 天尊慈顏愍諭靈關廓開登命五老帝君開洞陽玉館
披九光八色之韞雲錦之囊出元始靈寶赤書玉篇真文金書
玉篆微妙秘密運御乾坤大光明圓滿大神咒玉章宣付五老
帝君是時五老帝君拜受已及諸天聖眾稽首禮謝

道藏輯要

本行集經註解

南

卷六

天尊玉帝仰奉 道旨按法以傳

五老帝君與諸真聖既遙謝不逮矣是時元始天尊大慈天
顏矜愍誥諭靈關廓然開化登命五老帝君開玄天洞陽玉
館披開九霞光八景色之韞雲錦之囊出元始靈寶赤書玉
篇真文金書玉篆淵微玄妙秘密奧旨運化統御一切世界
乾坤無量太光明圓滿大神通秘咒玉章宣布付與五老帝
君是時五老帝君拜受此法已竟及諸天聖眾稽首禮謝天
尊玉帝仰奉元始道旨按此經金格正法以傳諸界神人
愍諭愍卽大悲諭開誘也或云當作和愉色非是靈關廓開

藏經之天丹靈玄關廓然洞開一說洞開聖衷開心見誠一說聖目流光靈關廓開俱通登命登進五老帝君使近前而親命之也洞陽玉館九天玄館大洞無礙永明無暗非瓦石土木玄光妙景虬文奇錯碧玉之章故云然九光解見前八色太青太赤太黃太白太玄葱蒼碧玉紫金等色也韞經之藏處玄光無邊際盡含於此也披開啟也雲錦之囊雲霞天錦道化自然光結非天孫之織錦也有底曰囊經注於此諸神不測故云然非人間布帛皮革比也靈寶至乾坤等五句俱解見前大光明三教真文俱稱法寶所在有光明諸教經書光明有限惟此皇經法徧三千大千傾劫不盡故曰大光

道藏輯要

本行集經註解

五

箕集六

明圓滿聖心慈濟無窮力不能及是有限量有虧欠故佛下不能化北極盧州上不能化自在天人難稱圓滿皇經包萬法貫諸乘功化無量無盡雖云道不瀆不強聒道化自然諸類終始循環無有不化於道者故曰圓滿神咒玉篇諸真法宗諸神玄訣度世要旨諸教神通皆不外此尊重莫踰故云然

一考人性悟道浩劫難忘如囊注物不漏悟入之初如囊口故注經言囊天尊有連上句讀者言禮謝元始天尊有連下句讀者言玉帝爲諸天之尊後說可從餘解見前

神咒品十章

東方安寶華林青靈始老蒼帝所受神咒誥命

東方九炁

始皇青天

碧霞鬱壘

中有老人

總較圖錄

攝氣舉仙

右度人錄仙青帝秘文二十四字書於九天元臺主召九

天上帝校神仙圖錄

歲星輔肝

角亢鎮眞

氏房心尾

四景回旋

箕主七辰

正斗明輪

承氣埔非

掃除災羣

右制星秘文三十二字書於紫微宮東華殿主召星官正

天分度

東山神咒

攝召九天

赤書符命

制會酆山

道藏輯要

本行集經註解

六

箕集六

束魔送鬼

所誅無蠲

悉詣木宮

敢有稽延

右制魔秘文三十二字書於東華玄靈之館主攝鬼魔正

九天炁

下制東河

溟海水神

大劫洪灾

蛟龍負身

水府開道

通逕百千

上帝赤文

風火無間

右制水秘文三十二字書於九天東北玉闕丹臺主攝東

海水帝大劫洪灾召蛟龍及水神事

東方九炁靈寶赤書玉篇眞文合一百二十字皆太上無上

大光明圓滿大神咒空洞自然之書一名生神寶眞洞玄章

一名東山神咒一名青帝八威策文

右 玉皇誥命以錫東方安寶華林青靈始老蒼帝九炁天君
令統御東方諸天諸地日月星宿名山靈洞水府泉宮上聖高
尊真仙聖眾一切威靈符命所臨如誥奉行

玉帝仰奉道旨按法以傳真經神咒其意云何五老帝君東
方爲首東方木德安寶華林青靈始老蒼帝所受神誥命
右東方九炁至攝氣舉仙六句迺度世拔人校錄神仙青帝
秘密靈文二十四字書於九天元臺主召九天上帝校神仙
圖錄皆仙梵秘言不敢細解歲星輔肝至掃除災羣八句迺
制星秘文三十二字書於紫微宮東華殿主召木德星君正
天分度東方神咒至敢有稽延八句迺制東方諸魔秘文三

道藏輯要

本行集經註解

七

箕集六
卷目上文

十二字書於東華玄靈之館主攝鬼魔正東方諸界九炁下
制東河至風火無間八句迺制東方諸水秘文三十二字書
於九天東北玉闕丹臺主攝東海水帝大劫洪災召蛟龍及
水神事東方九炁靈寶赤書玉篇真文合一百二十字皆太
上無上大光明圓滿大神咒空洞自然之書一名生神寶真
洞玄章一名青帝八威策文以上不可解故重書原文右玉
皇誥命以錫東方安寶華林青靈始老蒼帝九炁天君令統
御東方諸天地日月星宿山洞水泉仙聖一切威靈符命所
臨如誥奉行如誥者東方天地水一切神祇皆欽遵此命無
不奉行此玄章悉天地人物大德青靈之秘魔鬼喪膽度劫

免灾諸聖不敢違故永鎮東方諸界

神咒品十一章

南方梵寶昌陽丹靈真老赤帝所受神咒誥命

南方丹天 赤帝玉堂 中有大神 號曰赤皇

上炎流煙 三炁勃光 神仙受命 應會太陽

右度人錄仙赤帝秘文三十二字書於九天洞陽之館主

召九天神仙圖籙金名

熒惑輔心 并鬼守房 柳星張翼 統御四卿

軫總七宿 回轉天常 召運促會 正道驛行

右制星秘文三十二字書於三炁丹臺主召星官明度數

道藏輯要

本行集經註解

大 箕集六

正天分

赤文命靈 北攝酆山 東送魔宗 斬邪滅根

符教所討 明列罪原 南山神咒 威伏八方

羣妖滅爽 萬試推亡

右制魔秘文四十字書於西南陽正玉闕主制北酆正鬼

炁

南河水帝 太伯龍王 神咒施符 普掃不祥

洪水飛災 止蛟召龍 問時人惡 千道萬通

敢有干試 攝送火宮 赤書所告 莫有不從

右制水秘文四十八字書於西南陽正玉闕主攝南河水

帝大運交期洪水四出召蛟龍及水神事

南方三炁靈寶赤書玉篇真文合一百五十二字皆太上無上大光明圓滿大神咒空洞自然之書一名南雲通天寶經一名九天無上之上咒一名赤帝八威策文

右 玉皇誥命以錫南方梵寶昌陽丹靈真老赤帝三炁天君令統御南方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

東方誥文永鎮東方矣南方梵寶昌陽丹靈真老赤帝所受神咒誥命云何南方丹天至應會太陽八句迺度人錄仙赤帝秘文三十二字書於九天洞陽館主召九天神仙圖錄金

道藏輯要

本行集經註解

九

真集六

名熒惑輔心至正道驛行八句迺制星秘文三十二字書於三炁丹臺主召星官明南天之度數正南天之分野赤文命靈至萬試推亡十句迺制應秘文四十字書於西南陽正玉闕主制北酆正鬼炁南河水帝至莫有不從十二句迺制水秘文四十八字書於西南陽正玉闕主攝南河水帝大運交期洪水四出召蛟龍及水神事

南方三炁真文一百五十二字皆太上大光明圓滿大神咒空洞自然之書一名南雲通天寶經一名九天無上之上咒一名赤帝八威策文右玉皇誥命以錫南方真老赤帝三炁天君令統御南方諸天地日月星宿山洞水泉高仙聖眾一

切威靈符命所臨如諸奉行度人錄仙盡南方一切世界制
星盡南方一切天制魔盡南方天地人物一切魔制水盡南
方一切水帝神物以上制南方一切誥盡一切世界之南方
歷浩劫永鎮三教大聖亦不能違玄章秘不敢解原文重記
示尊崇玄秘也以此制心自得其秘以此虔誦默持悉有至
徵

神咒品十二章

中央玉寶元靈元老黃帝所受神咒誥命

中央總靈

黃上天元

始生五老

中黃高尊

攝氣監真

總領羣仙

典錄玄圖

宿簡玉文

道藏輯要

本行集經註解

三

箕集六

催運上炁

普告萬神

右度人錄仙黃帝秘文四十字書於太玄玉寶玄臺主召

神仙玉簡宿命總仙炁

鎮星輔脾

迴度北元

魁魁主非

截邪斬根

魑魍魎魘

掃穢除氛

迴正玄斗

明度天關

九天符命

金馬驛傳

右制星秘文四十字書於玄都玉臺主攝星官正天分數

中黃總炁

統攝無窮

鎮星吐輝

流鍊神宮

勅攝北帝

遏塞鬼門

剪除不祥

莫有當前

右制魔秘文三十二字書於玄都玉臺主攝北帝正天氣

檢鬼精

中山神咒

召龍上雲

制會黃河

九水河源

不得怠縱

善惡悉分

千妖萬奸

上對帝君

莫有干試

太陽激燼

赤書玉字

宣告普聞

右制水秘文四十八字書於玄都玉臺四壁以攝中海水
帝四泉之水洪災湧溢之數主召水神止蛟龍

中央一炁靈寶赤書玉篇真文合一百六十字皆太上無上
大光明圓滿大神咒空洞自然之書一名保劫洞清九天靈
書一名黃天大神咒一名黃帝八威策文

右 玉皇誥命以錫中央保劫洞清玉寶元靈元老黃帝一炁

道藏輯要

本行集經註解

三

箕集六

天君令統御中央皇天后土日月星宿名山靈洞水府泉宮上
聖高尊真仙聖眾一切威靈符命所臨如誥奉行

中央玉寶元靈元老中主黃帝所受神咒誥命中央總靈至
普告萬神十句四十字迺度人錄仙黃帝秘文書於太玄玉
寶玄臺主召神仙玉簡宿命總仙炁鎮星輔脾至金馬驛傳
四十字十句迺制星秘文書於玄都玉臺主攝星官正天分
數中黃總炁至莫有當前八句三十二字迺制魔秘文書於
玄都玉臺主攝北帝正天氣檢鬼精中山神咒至宣告普聞
十二句四十八字迺制水秘文書於玄都玉臺四壁以攝中
海水帝四泉之水洪災湧溢之數主召水神止蛟龍中央真

文一百六十字皆大神咒自然之書一名保劫洞清九天靈書一名黃天大神咒一名黃帝八威策文右玉皇誥命以錫中央保劫洞清玉寶元靈元老黃帝一炁天君令統御中央皇天后土日月星山洞水泉聖尊仙眾一切威靈符命所臨如誥奉行度人錄仙制星制魔制水秘文俱不敢解此文握盡黃帝之秘一切皆不能逃故歷劫永制中央諸靈

神咒品十三章

西方七寶金門皓靈皇老白帝所受神咒誥命

西方素天

白帝七門

金靈皓映

太華流氛

白石峩峩

七氣氤氲

上有始生

皇老大神

道藏輯要

本行集經註解

三

箕集六

總領肺氣

主校九天

檢定圖錄

制召上仙

右度人錄仙白帝秘文四十八字書於九天素靈宮北軒之上主召仙炁舉仙道

太白檢肺

奎婁守魂

胃昂畢蒼

主制七關

參總斗魁

受符北元

右制星秘文二十四字書於金闕玄窗玉攝白帝

星官正明天數

赤書玉字

九天正文

攝召萬炁

普歸帝君

右制魔秘文二十六字書於九天金闕三圖之館以攝

六天魔王

西山神咒

八威七傳

符水上龍

召山送雲

在所校錄

同到帝門

輔衛上真

斬滅邪源

若有不祥 截以金關 赤書符命 風火驛傳

右制水秘文四十八字書於九天金闕三圖之館主攝西海水帝及水中萬怪惡毒之精召雲龍以防水旱之災也西方七炁靈寶赤書玉篇真文合一百三十六字皆太上無上大光明圓滿大神咒空洞自然之書一名金真寶明洞微篇一名西山神咒一名白帝八威召龍文

右 玉皇誥命以錫西方七寶金門皓靈皇老白帝七炁天君令統御西方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

西方七寶金門皓靈皇老白帝所受神咒誥命西方素天至

道藏輯要

本行集經註解

三

箕集六
188

制召上仙十二句四十八字迺度人錄仙白帝秘文書於九天素靈宮北軒之上主召仙炁舉仙道太白檢肺至受符北元六句二十四字書於金闕玄窗主攝白帝星官正明天數制星秘文赤書玉字至普告帝君四句十六字書於九天金闕三圖之館以攝六天魔炁西山神咒至風火驛傳十二句四十八字迺制水秘文書於九天金闕三圖之館主攝西海水帝及水中萬怪惡毒之精召雲龍以防水旱之災也西方七炁真文合一百三十六字皆太上大神咒一名金真寶明洞微篇一名西山神咒一名白帝八威召龍文右玉皇誥命以錫西方七寶金門皓靈皇老白帝七炁天君令統御西方

諸天地日月星山洞水泉聖真仙眾一切威靈符命所臨如
誥奉行度人錄仙制星制魔制水盡一切西方之秘不敢明
解召山送雲召山之玄靈真氣或作止字者非也

神咒品十四章

北方洞陰朔單鬱絕五靈玄老黑帝所受神咒誥命

北方玄天 五炁徘徊 中有黑帝 雙皇太微

總領符命 仙鍊八威 青裙羽襪 龍文鳳衣

上帝所舉 制到玉階

右度人錄仙黑帝秘文四十字書於鬱單無量玄元紫微
臺北軒之內主召諸真人神仙圖錄

道藏輯要

本行集經註解

函

箕集六

北辰輔腎 斗牛衛屏 女虛危室 豁落四開

壁總七星 執凶糾非 卻災掃穢 明道動輝

右制星秘文三十二字書於天心北元玄斗中主攝北方
星官正天氣

北山神咒 激陽起雷 流鈴煥落 獲天振威

北酆所部 萬妖滅摧

右制魔秘文二十四字書於北方洞陰朔單鬱絕玄臺主
攝天魔北帝制伏惡神萬鬼事

九河傾訖 烏母羣飛 蛟龍通道 水陷洞開

赤文玉書 驛龍風馳

右制水秘文二十四字書於洞陰朔單鬱絕玄臺主攝北海水帝制水中萬精主召蛟龍興雲致雨事

北方五炁靈寶赤書玉篇真文合一百二十字皆太上無上大光明圓滿大神咒空洞自然之書一名本命紫微元神生眞寶明文一名北山神咒一名黑帝八威制天文

右 玉皇誥命以錫北方洞陰朔單鬱絕五靈玄老黑帝五炁天君令統御北方諸天諸地日月星宿名山靈洞水府泉宮上聖高尊眞仙聖眾一切威靈符命所臨如誥奉行

北方洞陰朔單鬱絕五靈玄老黑帝所受神咒誥命北方玄天至制到玉階十句四十字度人錄仙黑帝秘文書於玄臺

道藏輯要

本行集經註解

三

箕集六

北軒主召諸眞人神仙圖錄北辰輔腎明道動輝八句三十二字制星秘文書於天心北元玄斗中主攝北方星官正天氣北山神咒萬妖滅摧六句二十四字制魔秘文書於洞陰朔單鬱絕玄臺主攝天魔北帝制伏惡神萬鬼事九河傾訖驛龍風馳六句二十四字制水秘文書於洞陰朔單鬱絕元臺主攝北海水帝制水中萬精主召蛟龍興雲致雨事北方五炁眞文合一百二十字皆太上天神咒一名本命紫微元神生眞寶明文一名北山神咒一名黑帝八威制天文右玉皇誥命以錫北方五靈玄老黑帝五炁天君令統御北方諸天地日月星山洞水泉聖眞仙眾一切威靈符命所臨如誥

奉行度人錄仙制星制魔制水盡握北玄之秘故一切永不
能違授五方五帝真文永鎮一切世界三教萬類一切莫逃
永劫不壞虛無妙有秘不可窮玄之又玄神乎其神吾身之
五炁悉備是理志士達人徹性命之宗得萬法之源理數不
能違真經常在我神咒功化屬此矣

神咒品十五章

道言是大神咒者

元始之妙言玉皇之真誥上清自然之靈書九天始生之玄札
空洞之靈章上聖之秘語玉宸之尊典成天立地開張萬化安
神鎮靈生成兆民匡御運度保天長存上制天機申檢五靈下
策地祇嘯命河源運役陰陽召神使仙此至真之妙文神應自
然致天高澄令地固安保鎮五嶽萬品存焉

道藏輯要

本行集經註解

素

真集六

五方神咒妙化無窮何也道言是大神咒者元始天尊至玄
之妙言玉皇天尊至真之寶誥上清玄都自然之靈書九天
仙境始生之玄文仙札太虛空洞之靈章上極無上至聖之
玄言秘語紫極玉宸之至尊法典上成諸天下立諸地開張
萬有妙化總諸神鎮萬靈一生一成億兆之民匡輔統御劫
運化度之秘保諸天長存上制天覆大生之機中焉檢制五
方五靈下以策使地祇嘯命一切水府河源運化役使陰陽
召諸神使仙真此大神咒乃至真之妙文神化妙應惟出於

自然上位乎天得一以清高明悠久是致天高澄下結乎地
得一以甯博厚悠久是致地貞固永安保鎮五嶽、山、一切
萬有品類使永存焉

道言是五老上帝述道致讚述言故稱元始玉皇云云非元
始自讚也妙言至靈書等俱解見前九天始生玄札稱手書
曰札玉皇真經無象無聲大光妙音徹十方徧法界傾劫不
毀非手可書皆自然之文非言可傳皆心印之妙探之無始
在太虛罔象之先故曰九天始生玄札玉皇尊與天子所居
爲宸元始爲萬教至尊居玉清聖境玄化難窮故曰玉宸說
此真經各教經書皆不及此諸聖諸神皆不敢違天律金格
道藏輯要
本行集經註解
寶之甚重十方列聖衛之甚嚴故曰尊與安神令諸神不顯
神通安然無爲鎮靈令萬靈不露靈響敘其威靈匡御運度
終始法界掌持劫運化度無窮令其循環無端不傾不撓故
曰匡御運度下策地祇簡策旨命之也非策鞭之策運役陰
陽陰陽往來道實主之故云運役非言役使陰鬼陽神也召
神攝召一切神使仙仙爲上帝之賓何以言使元始說此經
迺三教真宗諸神欽承故云使仙天地有窮萬類易盡何言
萬品存焉從劫至劫生生不窮皆賴大道故云萬品存焉

神咒品十六章

玉帝昔授五老上帝是時五帝跪捧其章秘題靈都之館天真

皇人昔書其文掌之於上清真境太玄玉都寒靈丹殿紫微上宮累經劫運而其文保固天根無有毀淪與運推遷是大神咒混之不濁穢之愈清毀之不滅滅之極明大有之文天真所尊白光真名帝圖刻簡昭示來生斯文隱秘不得窺聞有得之子保萬炁長存勤行修奉克至神仙朝禮

帝君

大神咒保天地山川萬品存焉玉帝昔以此神咒授五老上帝時五帝跪捧此寶章秘密題此玄章於靈都之館天真皇人昔書此經本文掌之於上清真境太玄玉都寒靈丹殿紫微上宮累經劫數元運而其經保固天然妙化之根無有毀

道藏輯要

本行集經註解

卷

箕集六

八

壞淪沉與元運相推轉移是大神咒混之終不可濁穢之愈見其清毀之終不滅滅之則極精明大有玄妙之真文諸天真聖所尊崇自煥天光普張真名應受帝圖刻之金簡昭示當來生生諸品斯經文隱奧深秘凡常不得窺測聞見有得斯道之子保萬炁長存不毀勤行修習奉持克至神仙朝禮至尊帝君

跪捧長跪手捧寶章也經在天迺玄文非世文如何言手捧天神拱捧至敬之意秘題讚而書錄也天真皇人書經文皆玄光天書金玉篇字一丈之妙文也上清真境靈寶所居也經自元始天尊說傳之者靈寶故曰上清真境而其文保固

天根經之理歷劫不壞是保天然之玄根永固也或以爲保天之根使其悠久不可從蓋元會之後天不能長在故知非言天之根與運推遷劫劫長存混之不濁雜法渾亂正道常存終不能濁此經穢之愈清褻瀆此經者天有罰愈見其尊而清毀之不滅癡邪謗毀此經者此經終不磨滅滅之極明無道之世欲滅此經則經法流通大行於世愈顯其明大有之文歷劫常在處處不無非凡象迺妙有故云大有或以爲大有妙庭之文太拘昭示來生將來之萬生非一人之來生不得窺聞非至聖不知此經常人但誦其文耳邪魔不敢窺下愚不能聞有得此經中道理之子保吾之萬烝長存勤行

道藏輯要

本行集經註解

天
X日一X
箕集六

修奉自能至於神仙而朝禮上帝也或云朝五老帝君太拘了一云保萬化之烝長存亦通此言經之明效
功德品一續前十七章

玉皇功德品第三

爾時玉虛上帝白

天尊言惟願慈悲普爲四眾帝釋等及四梵天王一切諸天一切諸仙及未來一切眾生持是經人說利益事爾時 天尊告玉虛上帝言快哉斯問不亦善乎汝以慈悲愍念眾生故請問於我汝當復坐吾爲宣說

當玉帝授五老上帝此經時玉虛天之上帝上曰說經教主

大天尊言惟願至聖慈悲普爲世間四眾及諸天帝釋等及三界之上四梵天一切諸天一切諸品仙人及未來世一切眾生持是真經之人說利益之事爾時說經大天尊告玉虛上帝言快心哉斯問也不亦善乎汝以慈悲心愍念世間眾生故請問於我汝當復坐吾爲宣說經義

天尊指元始言或指玉帝者非是四眾解見前帝釋迺諸天帝及釋教諸佛菩薩等眾或以爲諸天主皆稱帝釋亦是若以玉帝爲帝釋天主此僧家之訛言故諸經妄以天主爲玉帝不知玉帝爲萬天之宗非止一天之主釋經云梵王帝釋爲星祥蓋言天佛之宗非敢言玉帝僧人任私謬解亦屬大

道藏輯要

本行集經註解

三

真集六
八日上三

過故併及之四梵天王三界上大梵天王也非欲界下天之王言梵天則盡上界不言種民諸天者種民之上皆至真大仙自然契此經故不言及一切諸天一切諸仙自梵天之下一切諸天帝神民一切諸品仙說利益事大道不言效如何玉虛上帝請言利益大道爲天地人物之宗本來皆有實益於人有自然之利天地四眾未知此經者不知其義罔敢信從遂輕大法悞自己大道恩慈不忍世迷故言利益以度人奈何愚迷者尙云此經亦微言渺論何益於人豈知此經生天地人物不可須臾離者處處人人當誦持劫劫相循有大利益迺出自然非徒歆人以效也不亦善乎非疑詞迺稱其

善問也我元始自謂也汝元始謂玉虛上帝也復坐命玉虛上帝復還聽經座位吾亦元始自稱宣說廣布爲宣告語爲說梵扶之切或誤作梵非也此請經之誠普利之心

功德品續上十八章

天尊言曰若有三界十方無量國土或兵戈並起疫氣大行水旱蟲蝗凶災饑饉是其國王大臣當發慈憫爲其黎庶遍勅國內州縣鎮宰令諸道流清淨嚴潔于其觀內設大齋醮六時行道爲轉此經當得國土清平五穀豐熟黎庶安泰

元始天尊既命玉虛上帝復坐聞經迺言曰若有天地人三界上下四正四隅之十方無盡量一切國土或動軍戰而兵

道藏輯要

本行集經註解

三

箕集六

又川上

戈並起或天災流布值疫氣大行或年歲荒歉而水旱蟲蝗凶災饑饉是其國國王大臣當發慈憫爲其黎民臣庶遍勅國內州縣鎮宰令諸道門之流清淨嚴潔於其觀內設大齋醮白晝六時行道爲轉此真經當得國土清平五穀豐熟黎庶安泰

或云三界不可言天恐與國土兵戈字有礙不知天魔與諸天主爭衡亦有鬪戰各有分界故知三界言天地人也兵戈並起只言各處兵起互相戰爭非言兵戈兩樣並起也刀鎗之屬皆兵器戈戟也此固不可言並起或言兵作人人戈並起亦非正義或疫氣大行天道安常災則稱變疫氣大行時

癘之作亦災異也此經救除之水旱蟲蝗水溢旱乾諸蟲害
禾羣蝗傷稼皆災異也凶災饑饉歲不熟民物不安則爲凶
異常爲災穀不熟曰饑菜不熟曰饉此皆災異也黎黔黎庶
庶民也遍勅遍與徧同州縣鎮宰或言州縣統鎮百姓之官
或言鎮爲軍鎮之官又言鎮爲督撫官之大者皆是是其國
王大臣如是等地方之國王大臣道流全真正一清微靈寶
等派道流清淨嚴潔內外肅然身心無二衣壇整飭恭敬莊
嚴終始如一如是清淨嚴潔觀觀也神之所在瞻者起敬是
誠大觀故曰觀設大齋醮齊內外一眾志齊其不齊爲齋祈
謝神祇酬報天地合德於神依科遶福爲醮六時行道非如

道藏輯要

本行集經註解

三

真集六
卷八

今時沿途行道不過依科遶神轉經念道而已或云晝夜十
二時奇時動偶時靜六時當作子寅辰午申戌或云子至巳
一云白晝六時俱通轉經心與道合持真經國土無厄艱得
清平稻黍稷菽麥五穀俱豐熟各國各界黎民無災艱永得
安然定泰然樂

功德品連上十九章

若復有人入諸山林遇毒惡獸但能存想一念真經山神衛護
猛獸自退終不害己若入江海採寶求珍值遇惡風如法持念
是此真經風浪頓止安穩達岸

真經之利豈特消天災豐歲年令黎庶安哉卒然之變山水

風波之厄亦有不能害者若復有人入諸山林中遇毒猛惡獸但能存想一念真經不忘此寶章妙法山神保衛佑護猛獸自然退去終不傷害持經入山之己身若人入諸江海採寶物求珍玩值遇惡風漂其船舫如經中誦受之法持念是此真經大風自息波浪頓止安穩達岸持經人船終無傷害山林險阻猛獸毒蟲勢不可近一旦遇之必至傷害存想一念真經不過暫與道合如何猛獸便退蓋人物之生本一元氣但分清濁全偏天地之初人物混處沕沕然穆穆然一切毒蟲惡獸原不害人後人心漸假去害蟲獸所以蟲獸害人若常行好事存好心敬信真經念念不忘是大善人入山

道藏輯要

本行集經註解

三

箕集六
ノリ

林自不遇毒蟲惡獸若平日庸常無有善功入山適然遇著毒蟲惡獸不貪生怕死不惶懼不欺心惟信正法專一無二操存默想一念真經心與道俱山神衛護毒蟲猛獸自然退避蟲獸道中之蠢物性雖毒惡好傷殺各有所敬有所畏有所忌是以鷲鳥尊鳳猛獸朝麟蛇蝎蜈蚣諸毒蟲等畏鶴鵠鶴鵬滅跡不施其毒仙真達生化之機明尅制之源一咒語一符水尙能制蟲蛇毒解虎狼厄返風回天况皇經爲萬法之宗天地之祖萬物生殺係於天地本於大道一念存想此經不懼蟲獸法寶光諸神衛蟲獸雖蠢性亦尊道畏天懼神自然退避江湖河海風波危險迺天之怒數似難逃此經爲

萬法之王風雷電皆天之妙用神威也如法持念此真經同於天同於道天亦爲之霽威風息浪止船安然達岸

考證

易云履虎咥人凶子曰暴虎憑河死而無悔此經云存想一念如法持念此真經蟲獸退風浪息道德經言合於道者鷲鳥不搏毒蟲不螫虎兕無所投其用藏牙伏爪避不敢傷人多疑與儒道相悖及考禹過江黃龍俛首而逝劉昆守江陵返風滅火守弘農虎北渡河伊川過江主敬風息則知易經孔子所言無道妄行者也皇經道德所言尊經合道也經功尙可以脫獸趣拔毒業持經者豈行陸齊出毒哉

道藏輯要

本行集經註解

函

寶集六

功德品續二十章

若在軍陣戈戟既接兩刃相交存心默念是此真經是諸惡賊悉自退散

真經之利豈但解蟲獸風波厄哉若在軍陣兵器俱舉戈戟既接兩軍之刃相交存心默念是此真經是諸陣上侵我之惡賊悉自退散

考證

兵凶器也戰危事也衝鋒禦敵矢石之交兵刃既接如虎之鬪勢不可解存心默念此真經不過心與道俱如何惡賊便退兵法云三軍可奪氣將軍可奪心默念真經攝其神魄其

魄妙典神功敵人喪氣無殺心無鬪志格惡從善自然退而散去軍陣非言萬二千五百數爲軍軍勢成列爲陣止言戰而陣成相攻之際戈戟非重文接與交無大分別不過順經文言兵刃相交耳存心默念真經不爲苟免殺伐專心致志甯死而不畔於道耳諸厭也惡賊或言惡指惡人賊爲賊黨如此分者非也不過言惡逆之賊耳悉皆也退散退而自迴散而各歸也

解疑

老君化胡于闐國以兵圍之天帝居天宮天魔舉兵以爭衡佛在舍衛國歌利等六王爭叛孔子化天下伐木於陳削迹

道藏輯要

本行集經註解

三

箕集六
X川上

於宋此皆大聖人道身法身常轉真經觀是若有賊害之者其後老君布道光于闐飯依帝顓天光天魔斂跡佛運法光六王歸化孔子著德光拔琴三唱三和匡人解甲是自退散嘗考賊多有誓不殺害善人者善人多有臨危不死者或又疑宋徽欽之好道受辱漠北梁武帝好佛餓死臺城以爲經功不效然三主之好道釋但有虛名非真好也情欲未絕不能以道治天下故有此難若真體道正信經力匹夫匹婦亦可免難若疑死難節義不信經言則謬矣吁稱完節所以勸世述經功所以鼓舞人爲善也要知經旨不外吾身性道遇六根之賊作亂一心于道則六賊斂迹由是遇兵天爲解難

老君曰甲兵不能害觀音云刀尋段段壞理之必然者語豈欺我哉

功德品續二十一章

若在牢獄枷鎖之中淨心定慮存念是經冤枉自伸卽得解脫此經利益豈止令賊兵自退哉若誤犯罪過在牢獄枷鎖之中清淨其心志安定其念慮存念是此真經冤枉自然伸明卽得解脫

考證

牢獄所以繫罪人福善禍淫天道之常既犯罪在獄便不能遽出如何云存念是經卽得解脫夫所謂冤枉自伸其人平

道藏輯要

本行集經註解

美

真集六
X2011

曰必定是善的或宿世冤愆今生運限或誤失過失他人罣誤或先亡連逮救人被陷一旦繫獄俱是冤枉不怨天不尤人素患難行平患難絕無意想是淨心定慮存想真經矣天相吉人冤抑自白不必分辯自然伸理不必曠日持久天下無久屈之理卽時便得解脫牢獄繫囚曰牢待對曰獄今之監倉舖廩輕重之獄不同大率止以罪人之居者爲言二字非有兩樣分別枷鎖拘繫罪人罹之者爲有罪迺變故也或云牢字從牛獄字從犬不食牛犬牢獄永免不過令人不殺生勿縱口而以味招禍也此經外之意附記之經大利益冤枉自伸卽平日有過犯罪時悔過自新絕無怨望經力拔濟

久而不忘亦必解脫文王得道而聖者也姜里之囚修易經而被宥免公治長希道而賢者也縲紲之拘尋亦得出徐神公張紫陽成道而仙者也昌邑之囚三配之苦以其篤修至道妙傳悟真俱得解脫不惟聖賢愚人若能除去雜念永信真經牢獄之厄自解脫

解疑

太古無罪人無刑獄軒轅捕蚩尤制極梏畫地以禁刑獄之義起三代後刑獄之制全經在浩劫之先元始說於天上如何言牢獄蓋劫劫處處有善有惡惡自有孽獄之理已在經包萬法永利羣動理無不具預言拔罪之效耳釋經云念彼

道藏輯要

本行集經註解

三

卷六

觀音力枷鎖早離身儒書曰君子懷刑大易云無妄之災何嘗不言獄則知經非近世之言矣迺無始立章也要之一念理則福堂一念私則業獄慾妄滯而不除一身業坑牢獄在矣孟子云人之異於禽獸幾希牢從牛獄從犬制字者有深意焉今人與未來世著力永信此經劫劫處處牢獄俱免

功德品續二十二章

若爲邪精鬼賊眾苦所加如法持念是此真經眾邪遠避自然安穩

玉經神功豈但解牢獄厄哉若爲一切邪魔精怪鬼賊眾苦所加如法持念是此真經眾邪精鬼賊皆遠遁避去自然安

穩無事

考證

若爲卽云如爲也邪精鬼賊凡不正者皆爲邪通靈而逞妖異者爲精陰之靈者爲鬼傷人害物曰賊或云賊當作人之惡者前段已云軍陣惡賊悉自退散如何此賊字又作人看大抵邪魔妖精鬼怪乘間伺隙因人之不正以入其來也不知何從其去也不知何歸暗施殘害令人不測故曰鬼賊上自天魔下至土精山魃魍魎水怪異木魅金精火妖草異禽獸之精米炭之怪魍孽鬼靈邪屬甚眾眾苦拋磚擲瓦驚雞弄狗要求祭祀惱亂家宅或令人顛倒精神恍惚狂亂無端奔

道藏輯要

本行集經註解

卷

箕集六

走哀號迷頑不省戲跳嘔惡咆哮淫孽醉癲損衰寢食不安日夜惶惶生非平安死有繫滯是爲眾苦加以殃來加人也如法持念是此真經既云邪精鬼賊眾苦所加焉能如法持念真經此云如法非能易乃慮一乃心與道合真誦此經但依諷經之法瞻拜禮誦一切邪精鬼賊皆遠避去一云如法持念真經令道人替被苦者念經皆除眾邪遠避去自然安穩不待符水驅縛藥餌告逐聞經遠避受苦者自然得安穩無眾苦嘗聞祖天師以法伏諸魔玄帝修真滅諸精邪治人鬼薩真人闡道除邪魔老君伏天魔佛梵咒降魔先儒范文正公宿戰場止聞小雞聲鬼不爲妖程子伏大頭鬼又任眾

鬼移牀心如如不動鬼皆潛伏故云道高龍虎伏德重鬼神
欽如法持念真經秘密法典至聖真言了鬼神覷不破之機
邪精鬼賊有不遠避者乎

解疑

要之人身三尸五窮七魄七情六欲禳念妄想種種陰趣皆
邪精鬼賊若了悟虛明慧劍誅妖欲盡而邪精鬼賊遠避矣

功德品二十三章

若人爲求嗣息如法尊重持念此經 帝勅天曹明檢丹籍九
品之內四果仙人運應數合降謫下生爲其作子才辯明慧人
中尊貴

道藏輯要

本行集經註解

卷

箕集六
X。上

經功豈但能伏諸邪哉若人因孤苦無子爲求嗣息如經中
尊重經典之法持念此經上帝卽勅天曹明檢查丹書仙籍
九品之內四果仙人運應輪轉數合臨世降謫下生爲其作
子與無嗣誦經之人爲子多才善辯聰明智慧得人中尊貴
之果求祈祝禱神以求也或令人或自求有無子息命係於
天若不可求不孝有三無後爲大不可不求况人資血氣以
生凡有血氣者皆可生育或虧損陰德獲罪於天或陽差陰
錯命犯孤寡或胎中虛偏或欲怒自傷因而無子人定回天
至誠感格無不有子故嗣息可求嗣息繼續曰嗣或云嗣系
也繼祖宗之統續如系相接也又云嗣司也司傳家之業繼

口續開也息子以繼先如人之喘息呼吸相繼不絕也且人之眞息生死之根息住不絕氣有子不絕祀故云息大抵息自心也有子萬事足可以少息此心故曰息三教聖人皆有子人何不知子息之重如法尊重是重經或云自己尊重者非也天曹造命掌仙籍者也九品上三乘中三下三共九品也釋經云九品蓮花爲父母佛菩薩圓覺聲聞阿羅漢四禪亦是九品四果仙人須陀洹斯陀含阿羅漢阿那含降謫下生仙佛以生人間爲下凡故曰降謫才才藝出眾辯口辯超羣明無不照慧無不悟人中尊貴非卽爲君爲相爲師有德有道爲完人白子則尊莫尊乎道貴莫貴乎德天子不得而

道藏輯要

本行集經註解

早

箕集六

臣諸侯不得而友參贊位育裁成輔相萬代瞻仰三界推尊故曰人中尊貴如法尊重持誦此經或自己或令人求嗣雖有明效不可計日指望惟知尊經首罪謝過終始如一對此經如見玉帝至誠敬此法寶則靈章神功默運造化回天易命嗣息自有世間功臣猶得膺子大善人信眞經轉法輪爲天地之功臣甯不克昌厥後乎若尊重此經而嗣息不建必其誠有未至終始不能如法耳世人勉之慎之自驗經之神效

功德品續二十四章

若婦人臨難之月如法持念是此眞經卽得母子平安生福德男女人所愛敬

經法神功豈但可以廣嗣續哉若婦人生產臨難之月如法持念是此真經卽得母子早分平安無事生福相有德之男人人所愛親而敬重女子已嫁夫家則稱婦人臨難之月當生產之際性命所關與死爲隣故曰臨難如法持念真經或未生產時自己齋虔念經或生產令人念經卽得母子平安該生產之候無有留難卽時降生母無損傷子亦順利平坦安康兩有所益福富貴康壽吉相之人德聖賢忠義孝友有德之人男女或男或女皆有福德人所愛敬可親而不可狎可敬而不可玩人樂就之稱之羨之如是曰愛然望之而畏心生卽之而忘心息不言而信不動而敬是曰敬

道藏輯要

本行集經註解

聖

箕集六

解疑

男爲人所愛敬可也女如何爲人愛敬若福相全德行好不唬不戲端重寡言少動不嬉笑少而老成長而嚴潔老死不變人皆愛之如親戚敬之如尊長愛非有狎心羨其福德世之罕有也

考證

母子平安詩經生民之章贊姜嫄生后稷曰先生如達無災無害姜嫄有德故首生如羊子之易不災害母安子亦安釋經云母子早離身道經云臨盆有慶坐草無虞誦經功德其應如響今皇經盛行世間誦者亦有婦人生產或半產不及

月或災害或危亡或鬼胎或妖異或刑剋母子平安者固多不能兩全或兩不利者亦有或以爲誦經未必有益不知正法難遇世人或不知此經尊重此經利益不聞其名者有之聞名不知重者有之或虛敬而不持誦或持誦而始勤終怠或脫落混淆或怠污顛倒字誤句差解會失當雖有懺謝之文難得全經之利皆人自誤不遇經功遂以爲誦經無益是爲謗法嗚呼正法宜行親恩難報救難利生學道者之急務也若教化世人敬誦此經則母子安產難免生善男善女世間皆福德相正道永流傳矣功德最大觀經者勉之

功德品續二十五章

道藏輯要

本行集經註解

聖

×日三

箕集六

若爲求官進職爵祿亨達貴遇人君如法持念是此真經卽得職務遷轉子孫榮貴世世不絕

玉經之利豈但有益生產哉若爲求官進職使爵祿亨達貴遇人君如法持念是此真經卽得職司事務陞遷轉進子孫榮貴世世不絕

求官無官而求得官進職進陞進也職位微小營求遷轉陞進高位美職爵命官爲爵祿俸給曰祿亨亨嘉逸樂貞吉悅利達稱意遂心謀望通達貴遇人君出常曰貴爵祿亨達且得君行政受人主之知遇君臣相遇自古爲難貴而遇人君則臣不虛貴方爲亨達一云遇明君智主也是此文非重句

法宜云爾職務職有官守職事各有所司故曰職務政務也
轉轉授美缺或易閒散作清要也子孫榮貴或世官世祿或
廕子廕孫安富尊榮光前裕後且榮且貴世世不絕雖非等
天地永世守慶流後代福澤綿遠相承不絕雖數世亦云久
遠若孔聖人之至德祖天師之神化子孫歷朝受封是真榮
貴不絕封爵詔祿出自天朝官職若不可求資格相循遷轉
若不可謀况又須讀書武要知兵學問功勳假借不得如何
求進夫官授有德祿以養賢大德者必得其位必得其名如
法持念真經誦法言守聖訓心與天合動與道俱是大善人
或以言揚或以行舉無爵而贈官無職而贈祿或有官職而
陞轉此用賢之常理以德招採若或求之廣成尹壽巢由嚴
光或爲帝師或爲國賓與之弗受豈善人不可得爵祿乎若
漢之孔明晉唐之旌陽李泌海蟾皆修道而官者也經云求
官又何疑焉要之天爵良貴吾身固有超凡入聖進德有階
神化登仙歷劫不壞道德經云死而不亡仙傳云子生孫兮
孫又支夫道尊德貴仙傳無窮不慕世名浮利修天爵良貴
由凡希聖出塵登仙永延不絕是真能如法持念真經

功德品續二十六章

若人欲求資財殷富如法奉持是此真經卽得財寶充溢衣食
自然慶流子孫傳之後代

此經利益豈止遂求官之謀哉若人欲求家資財用殷富如法奉持是此真經卽得財貨寶玩充滿盈溢衣食豐潔自然充裕餘慶流及子孫傳之後代資用也身家所需曰資一云資賴也言人賴此利生也與貨義同財財貨也亦財用也殷實也充實之義富家道極豐財用充足曰富奉持欽崇曰奉持守看誦財寶財貨財之財寶貨貝也金銀珠玉珍奇玩好采帛希有貴重之物皆稱寶充充足也溢豐盈也衣食自然不費心力自然豐足也慶流子孫慶吉祥也福澤綿遠奕葉相仍故曰慶流子孫傳之後代不止及一世之子孫代代相傳後人永享安榮之福

道藏輯要

本行集經註解

器

箕集六

解疑

孔子云富而可求也雖執鞭之士吾亦爲之如不可求從吾所好甚言富之不可求如何此云欲求殷富如法奉持此經卽得富足慶流後代是言富若可求子夏曰商聞之矣富貴在天富雖可欲有命存焉天實主之如何可求然富雖有命先儒云富貴福澤以厚其終所以報有德如法持念此經口誦天言欽若昊天是令德獲福者矣詩云樂只君子福履綏之此之謂也或又云大禹聖者也菲飲食惡衣服卑宮室惟甘儉約道家云學道須學徹骨貧此言持經足以致富似以利歆人者禹之自奉儉聖人不私己之心也道家之學貧心

無物累也求富可得迺設言持經之效佛經云所求如意皆得滿足兩教法門大開方便福利無邊有求輒應無願不成若疑惑閒斷始勤終怠口應心非無正信堅固圓滿心無至誠以感之則雖求亦不得矣觀經者善體之

嘗考萬物皆備於我本有不資而富者在奈何世人馳逐名利競浮華嗜情欲以假作真貧者戚戚不能持大道誦真經富者侈蕩不能棄智利奉法言甘至老死自喪固有之富老君曰金玉滿堂莫之能守富貴而驕自貽其咎戒人之逐外忘內也今言求富持經之效欲人改易求富之心以重經耳噫持經誠有效也若無誠敬且招徠矣觀經者慎之

道藏輯要

本行集經註解

聖

箕集六
四十四

功德品續二十七章

若人被諸惡星之所照臨困苦牀枕如法持念是此真經是諸惡星返降吉祥

是經利益豈但求富者遂哉若人生命流年被諸惡星之所照臨困苦牀枕睡眠不安如法持念是此真經是諸惡星化凶爲吉返降吉祥

赤松子云生民熒熒各戴一星然星之所照有吉有凶吉則十祥凶有咎徵在三光之下者常避忌惡星凶星也如羅睺計都天破天哭天敗天退等星是矣照臨或生命分度或流年值遇或宅遇分野當生當照統屬分臨困所如不遂鬱而

不伸也苦貧厄疾患危迫切身也困苦牀枕只是困危無聊
臥不安席伏枕不甯之意一云牀枕有驚是諸惡星所該者
廣凡天上凶星命運宅遇當照一切凶星是也返降吉祥惡
星照臨多凶無吉如法持念此經靈章運化凶曜呈祥凡所
被照臨惡星不惟不見咎禍返默錫福祉降吉祥星之照臨
命運分野本有一定如何持經惡星降吉祥天人一理上下
相通感應之機捷於影響宋襄公有君人之言三熒惑退舍
不惟君也孝婦含冤而致三年之旱賤臣叩心而飛六月之
霜匹夫匹婦皆可以感天地動鬼神但恐不至誠耳一誠感
格片言可以孚神明不言亦可以運造化況真經爲天地之

道藏輯要

本行集經註解

巽

箕集六
卷上

宗三景得以開光如法持念真經奉至聖之玄章悉貞明之
秘要凶星散吉祥生返禍爲福矣人一也惠迪吉從逆凶中
誠經云星之照臨吉凶惟人自召作善則星光大善則尤顯
無善無惡其光微小過其光散大過其光滅惡星之臨人有
過則惡報應無過則咎微免善則凶去福臨矣傳云一念之
惡爲妖星厲鬼一念之善爲景星慶雲休咎之徵係一念之
善惡真持此經雖險災大難亦當退去而困苦牀枕適然之
厄有不盡消耶大甲曰天作孽猶可違亦此意矣夫人能弘
道贊化育若默轉真經入神達化則與天地合其德與日月
合其明與四時合其序與鬼神合其吉凶斡旋造化永超凡

塵且鬼神覷不破生死不相關星辰豈能拘限哉觀是經者勉焉

功德品二十八章

若人命過應入地獄注名惡籍父母師長夫妻男女當爲亡人持念是經或安置道場旛花供養卽得亡者鬼籍盡除神生淨土同苦罪眾咸蒙濟度承斯勝利皆生天上

是經功德不但免在生之咎若人命過死去時魂魄應入地獄注其名於作惡之籍其父母師長夫妻男女當爲亡人持念是經或安置超拔道場旛花供養卽得亡者鬼籍盡除神生淨土同獄同亡同籍受苦罪眾咸賴經功得蒙濟度承斯

道藏輯要

本行集經註解

聖

箕集六
X 日 三 八

最勝妙法利益皆生天上命過命過其數而死也應入地獄或夙世今生有罪應當入地獄受罪報地獄若酆都鐵圍九獄十八獄二十四獄三十六獄七十二獄無間等地獄注名惡籍注錄其名在惡業簿籍中以施報對也父母師長或亡者之父母或其師傅或其尊長夫妻男女亡者或是婦人或人必有其夫其妻在卽夫妻不在或有子孫或有親屬之男女在當爲亡人持念是經其見在親屬當爲亡故之人奉持誦念是經或安置道場或安立布置道場遵道法拔罪業故曰道場旛花供養旛稱讚聖號不盡書之長旛懸豎竿端以風四表揚寶光花獻所有奇花以迓聖神上天揚法有

自然旛蓋旌幢天花綯采以彰休光世間但以旛置道場示莊嚴迺神庥供養供亨獻也養以飲食供奉也天上以清靜妙法爲食天廚妙供惟道惟恭今世之五供養十供養不過空五有除五苦禁五樂去十惡念十眞住十信以敬共神明欽崇正法奉持寶章是眞供養今但以飲食花果珍奇供之而無恭敬之實抑末矣經所云供養者是誠心天然之供也卽得亡者鬼籍盡除神生淨土一轉此經或立道場卽得使亡故者出幽冥削黑業鬼籍惡業盡得除去神生清淨樂土同受地獄苦之罪眾一切咸得超脫蒙受經法慈濟拔度咸皆也承斯勝緣法利皆生天上斯此也夫天福雖有盡一持

道藏輯要

本行集經註解

哭 箕集六
X 日 8 3

念是眞經或立道場卽除亡人並同苦獄魂之罪使生天上若永遠奉持功德豈有窮盡耶噫地獄無門惟人自召天堂有路昧者難行況生來正性卽帝眞經常持不念地獄天堂一切不染永證玄眞矣方云善持經者

功德品續二十九章

又此經所在之處常有十天至眞大聖無極飛天神王侍衛供養持是經人當得自稱爲正一眞人是人在處自得十方至眞至聖金剛力士潛護其人如護己身若出若入遊行之處百邪避路魔鬼殄除精靈伏藏一切災殃不能侵近是持經人命欲終時更不見諸地獄惡相卽見天宮玉女持幢下迎而生天上

如天福盡下生人間卽得千生萬生中常爲國王大臣聖賢慶會國土清平人民樂業常得宿性通明遵奉大道展轉修持至登道岸是持經人獲福如是

是經功德豈但利益生死哉又此經所在之處常有十天至真大聖無盡量飛天神王侍衛供養是持經人當得自稱爲正一真人是人在處自得十方至真至聖金剛力士潛護其人如護己身若出若入遊行之處百邪迴避持經人所走之路魔鬼殄絕除去精靈潛伏收藏一切災殃不能侵近是持經人命欲終時更不見諸地獄惡相卽見天宮玉女持幢節下迎而生天上如天福受盡下生人間卽得千生萬生中常

道藏輯要

本行集經註解

咒

箕集六
X 186

爲國王大臣聖君賢相明良相慶聚會一朝國土清甯平定人民安然樂業常得宿性通明遵奉大道展轉修持至登道岸是持經人獲福如是十天十方諸天飛天神王飛身遊護諸天之神王也侍衛侍立拱衛也正一真人至正無私真一不二之人也金剛力士兩教護法皆來護持經人潛護其人暗中護持經人如護神明自己之身見諸神保護之切也其持經之人或出或入遊行之處一切邪妖魔鬼精靈遠避伏藏殄絕除去殄絕也盡也災咎禍殃不能親近是人命終更不見諸地獄種種惡相天宮玉女一本作天官者非也幢非旛非旌大法幢也下迎接導上天耳千萬生爲國王大臣世

世尊貴如佛千八世爲王世子玄帝千世爲王千世爲宰臣
老君歷劫爲皇帝王者之師共安長樂且宿性通明大智大
慧不昧歷劫良因遵守崇奉大道反覆展轉進修操持至登
道岸道岸得道如濟海岸也佛云到彼岸大雅云誕先登于
岸此之謂也一云畔岸持經功德時刻有益或利生或利死
或少或眾或久或近隨願皆成化誠神矣必千生萬生遵奉
無二展轉修持始登道岸可見大成之難也觀經者恒其志
可入最上

功德品續三十章

又若有持是經人若雨下時起大悲心如法向空念此經三卷

道藏輯要

本行集經註解

手

箕集六

一徧其兩所霑面所向方一切眾生五逆十惡一切重罪悉皆
消滅一切重病自得痊愈是諸眾生命終之後不墮地獄神生
淨土蓮花化生何況持是經者又若有持是經人或行於道路
值大風起吹是持經之人觸身之塵是塵所霑一切眾生一切
惡業悉皆消滅更不墮於三惡道當生天上故知持經功德不
可思議

此經功德不但利一身也又若有持是經人若雨下之時起
大悲度世之心如法向虛空念此經上中下三卷週完一徧
其兩所霑濡面所向方隅一切眾生五逆十惡一切重罪悉
皆消散除滅一切重病自得痊愈是持經人所向方之

諸眾生命終之後不墮地獄神生淨土不假淫穢蓮花化生
何況持是經者其功德詎可量耶又若有持是經人或行於
道路值大風起吹是持經之人觸身之塵土是塵所需一切
眾生一切惡業悉自消滅更不墮於三惡道中當生天上故
知持經功德不可思議

考證解疑

持經人無處不慈悲非但雨下風起有大悲心推言若雨下
風起時也甚言持經之效大悲憐憫哀矜恤念世間一切也
釋教云婆心太切詩云哀此癯獨又云矜不成人道經云大
悲覺世持經者憫世人業苦故起大悲心五逆不忠不孝不

道藏輯要

本行集經註解

至

箕集六

慈不睦不義一云不敬天地君親師不敬三寶不持戒律不
修德行不明心性一云滋縱財色名食睡十惡殺盜邪淫兩
舌妄言綺語惡口貪嗔癡一切重病痊癒痊安可也愈平愈
也蓮花化生佛家言西方極樂世界蓮花生入道家云青華
長樂界蓮花化生又云欲生因蓮花言居世出世不染一塵
妙法生生無淫穢心又如天地之初自然化生成人也儒者
多以兩教爲妄伊尹生於空桑獨非儒者之聖人乎且人心
如蓮知蓮生則心宗印矣善哉周子觀蓮雖愛其處泥不污
亦必別有真見也故爲學道之宗三惡道地獄魔鬼畜生不
可思議不可以心思不可以言議見功德莫量也夫道之濟

世真經利人法雨浸濡普潤一切響徹十方利盡法界儒家云有如時雨化之者又曰樹之風聲又曰不疾而速所過者化所存者神民口遷善而不知爲之者故周公生而無烈風淫雨海外向化人能修至道持真經無論雨水所需風塵所及卽風雨所不及水塵所不霑三千大千世界永霑法利矣故曰持經功德不可思議

功德品續三十一章

是持經人若經涉於江河淮海沐浴其身是身所需之水其中眾生魚鼈黿鼉一切水族是諸惡業悉皆除滅盡此一報之身命過之後不復更受胎卵溼化一切等身是持經人口出一切言語音響一切邪魔外道聞者皆是清淨法音是持經人若遇諸廟能爲其神誦詠是經是諸鬼神得聞是經卽脫鬼趣登證仙道恭敬是人如奉是帝

道藏輯要

本行集經註解

至

箕集六

言語音響一切邪魔外道聞者皆是清淨法音是持經人若遇諸廟能爲其神誦詠是經是諸鬼神得聞是經卽脫鬼趣登證仙道恭敬是人如奉是帝是持經人功德不但及於人也若經涉於江河淮海沐浴其身是身所需之水其中眾生魚鼈黿鼉一切水族其前世所造是諸惡業悉皆除滅盡此一世見在報應之身命過之後得證妙果不復更受胎卵溼化一切等身是持經人口出一切言語音響一切邪魔外道聞者不知爲世間言詞聲氣皆是清淨法音是持經人若遇諸神廟能爲其神誦詠是經是諸鬼神得聞是經卽脫鬼趣登證仙道恭敬是持經人如奉

是說經之帝經涉經歷過也涉濟渡也一云徒身過水曰涉如呂祖朗吟飛過洞庭湖達摩折蘆過江是也要之凡過水不拘徒身舟船皆曰經涉江河海皆注水之通名淮淮河也沐浴其身以水澡洗其身也其中眾生水中一切生物鱗者魚甲者鼈龜鼉等一切水生族類諸惡業悉得除滅盡此一報而已死後不復輪轉畜業若羽若毛若鱗若甲若介胎卵涇化一切等身人雖胎生此胎字不指人說只言獸屬蓋龍爲水族之尊尙稱業報其下水族又可知矣眞持經人身口悉出金光故言音所及一切邪魔外道聞者皆是清淨法音爲神說經神脫鬼趣神雖靈響露威光彰報應尙有趣在聞

道藏輯要

本行集經註解

卷

卷

寶集六

此眞經脫其識根拔其趣意所謂融盡宿習也登證仙道上證眞仙之道也神與仙之分別等階神雖有功德而功勳顯赫俱在雖大神亦然卽大賢未融形迹與入聖而不優之類也仙則空五蘊淨九識遣能所融事理雖分五品比神鬼則高出矣夫聖人出萬物亨山不童川不涸鳥獸魚鼈咸若持經人沐浴之法水水族親霑又不啻聖王之功化也龍得法而高悟法水均霑有不超脫哉此野狐之所以得法復人身也若說經度神鬼脫其趣如薩祖師度王靈官普禪師之度關聖賢令其斂神威忘宿念也故至今二聖之恭敬不衰

功德品續三十二章

若人在世不孝父母不敬三寶殺生偷盜邪淫妄語作種種極重罪業將命終時若有道心正信善男善女於亡者未氣斷時起大悲心于其頭邊念 玉帝尊號七遍或二七遍三七遍四七遍乃至百遍千遍是其亡者生前所造諸不善業悉得消滅更不墮諸惡趣神昇九天何況受持是此經者又若復有人自從往劫乃至今身輪轉人天漂沈世域積千愆萬過在於己身若遇是持經之人形影暫映其身如爲帝光之所攝受或與同語或聞其聲如奉帝言道語之所慰諭彼人罪障永得除滅經之功德不特下及物上及鬼神也若人在世不敬三寶殺盜淫妄作種種極重罪業將命終時若有道心正信善男善

道藏輯要

本行集經註解

音

其集六

女於亡者氣未斷時起大悲心于其頭邊念 玉帝尊號或一七二三四七乃至百千等遍是其亡者生前所造諸不善業悉得消滅更不墮諸惡趣神昇九天何況受持是此經者又若復有人自從往劫乃至今身輪轉人天漂沈世域積千般愆尤萬種過失在於己身若遇是持經之人形影暫映其身如爲上帝道光之所攝受或與同語或聞其聲如奉上帝法語道言之所慰諭彼人罪障永得除滅三寶道經師也道爲三教之宗萬有之祖經爲度世津梁師爲人天眼目不敬所以有罪殺生偷盜邪淫妄語大犯者大罪萌一念亦有罪種種非一端之言不能盡記正信至正誠信一無所爲

也一七二三四七千百遍或云言道周天功化亦是不墮諸
惡趣有善根無邪念故不墮法華輪轉人天或人間天上之
福一云人中福爲人天漂沈世域生死無常如萍水浮漂業
趣難脫似水中沈溺世域同界域也形影暫映持經人形
影暫時照映造業人身如同帝光之所立攝神受受或作授
言帝光授與者非是大抵光臨人則肅然敬心無念故曰攝
受我受其光之法利也同語聞聲造業者或與持經者共語
或聞持經者聲音道語大道玄語或云道祖之語太拘慰諭
慰善言撫慰諭教誨命令也罪障除滅一切夙世今生罪皆
釋往劫今生障礙皆除也夫經之神功存亡受益利及一切

道藏輯要

本行集經註解

垂

箕集六

惟正信人有是功可見以至誠心爲本利亡者利他人如此
持是經者功德又豈可量哉觀者勉之

功德品續三十三章

又若持是經人造作長旛書帝名號於其旛上懸諸長竿或在
觀宇或在家庭是旛被諸風吹所指方面一切眾生皆霑勝利
一切惡業悉得除滅又若有持是經人書帝名號在一切有聲
物上或鍾或磬鈴鐸鐃鈸一切道具法事之屬或以道場或因
戲擊或被風觸是聲出時或遠或近一切眾生聞是聲已所有
罪障悉得清淨

此又申言持經功德也長旛書帝號長竿俱解見前觀宇觀

中殿宇前觀觀也神在無他心惟一誠觀之故神居曰觀家
庭家之庭前所指方面風吹寶旛所指方位面尚也勝利解
見前鍾磬鈴鐸鏡鈸皆法樂金屬也一切道具法事之屬除
金石絲竹匏土革木等樂與有聲物或一切道家所用法事
之具道場用法具鳴帝號可也戲擊如何亦有功此戲非狂
蕩耍戲或演習法樂或幼小無知者或凡愚不知誤鳴法器
及有聲物或閑時喜樂鳴有聲物書帝名號非帝之名帝號
歷劫不磨通常往大名故曰名號今讚佛云洪名聖號亦此
意風觸聲出被風吹觸響物聲出也遠近眾生聞聲罪障悉
得清淨不拘遠近一切眾生凡聞有帝號之聲者罪障消除
悉得清淨

道藏輯要

本行集經註解

美

箕集六

考證

古人制樂所以諧神人和上下况帝號爲玄祖榮名聞者肅
然法音一振神功無邊大舜作樂百獸率舞何况於人人聞
兵器則威聞戲具聲則嬉聞琴則和何况法音一切有聲戲
具無論也法具樂器所以敬共明神齊一眾志又書帝號故
聞者敬而罪滅夫罪障所以報惡人也聞法音音心勃然故
罪障悉滅得清淨今雷震一聲聞者敬畏可以作證
解疑

今世懸旛及書帝號於法樂道具法事其一有聲物上者

甚多聞見者亦不少罪障不除何也書號者非真有正信持經之心聞見者以爲故常頑心不除甚至輕慢浪戲謗瀆自無善心何以釋罪嗚呼經法帝號功德難量先真持經度自己則不動而敬不言而信更以帝號度人自永利矣

功德品續三十四章

又若有持是經人了悟生死深入山林修真學道或時登臨上山顧望目所及處山林溪谷含生品類有形無形胎卵溼化蠢動飛潛種種物類所有罪業皆得除滅身心清淨命終生天何況受持是此經者當知是人卽是道藏功德身也

此復申言持經之效了悟生死生死事大最難明依父母

道藏輯要

本行集經註解

卷

箕集六

之精血得天地之理氣生也所以生不可知精耗氣散神去形枯死也所以死不可知未知生未知死雖能達事變觀物理明於言不昧於行未爲了悟若有持經人絕聖去智除二障斷諸惑融宿性成大覺證三元登最上了悟生死根源卽佛家云徹悟也深入山林昔人云小隱居山旣云了悟高山平地總屬道場修行何必入山林大隱居市理固有然名山勝景地靈人傑眞修者雖無志於山林幽山茂林天造地設以成仙境也故逸人入焉修真學道人生正性至眞無假性道自然不待學問自情慾日滋知誘物化眞者漸假性道不明了悟者於山中林下默加修持以返天真參學大道了脫

生死道德經云絕學無憂此云學道何也彼云絕學絕學之名象意識此云學道學曠然無爲之道也夫佛家以了悟爲最上此云了悟方入山修真學道則兩門之品階可知或有時學道人登高臨水遊歷勝境上山四面顧視觀望目力所及之處若山若林水溪澗谷谷山之溝壑虛深曠空者也含生品類含大造生意諸品諸類有形無形有形已生者無形未生者亦有生而不見形者若胎生若卵生若因水因土汙下溼生若無中生有化生蠢動飛潛大造之生蠢然者物含生運動高而飛躍深而潛藏介飛潛之間走者種種一切物類所有今昔罪業皆得除滅身心清淨無有繫累命終悉生

道藏輯要

本行集經註解

庚

箕集六
X日二十

天上修真目望所及物類超濟若此何況受持是此經者當知是持經人功德難窮卽是大道玄藏不可稱量大功德身也夫學道之人心大慈悲無不仁愛未見聞者心不可見目望所及一切物類念其蠢動含靈俱有法性一意慈悲默然神度救拔出世故濟一切有如是功德儒書云致中和萬物育焉又立靈臺望氛祲察災祥曲成萬物裁成輔相天地之所不及使人物生死順受正命返歸化源又有何罪業贊孔子者曰當年不能窮其學累世不能殫其蘊聖不可知之謂神今贊修真學道者曰道藏功德身亦言其大無不包深不可測稱讚難窮耳觀經者有得焉方知是義

功德品續三十五章

爾時

天尊謂玉虛上帝言今我略說未盡其妙若廣說之凡流邪見疑惑不信是經功德窮劫難言

爾時解見前天尊元始至尊也謂告語也元始告玉虛明皇天之上帝言一云玉清玄虛上帝今我略說未盡其妙今元始指說經之時而言也我元始自己稱謂也略說稍說大略也未盡其妙未盡言道之要妙與夫最上功德也若廣說之此經言持經功德利人利物利存利亡利有形利無形利己利他利天利地亦云廣矣猶云若廣說之凡邪不信此所言

道藏輯要

本行集經註解

堯

箕集六
又五川

者一世界人物今昔天地存亡若三千大千無量世界從劫至劫無量數劫一未來世一切未來世無始之始無終之終若有知若無知若聞見若不聞見若思議若不思議若有盡量若無盡量一切功德俱在是經與持經者若爲廣布宣說其妙凡流邪見疑惑不信凡凡世庸人流流俗之類如同流水不能拔萃也邪見偏邪之見不正大也疑智見不決兩可未定惑私意起紛紛縈縈是非莫知雜亂無準見故不信此經有無盡量之利益也是經功德窮劫難言窮無量劫數亦難盡言一云窮盡歷劫言不盡大抵元始永在劫數無盡經功難窮大道莫量終是言不盡夫大道無言妙法無象真經

無字可施可受可見可聞可言可得皆第二義耳故我太上
化生無量數劫說法萬二千天厯度遐方著經億萬一化千
七百年譚經九萬餘度猶云吾不知其名強名曰道孔子繼
往開來啟蒙萬古迺曰無知也釋迦佛說法四十九年譚經
三百餘會著經律論三藏且云我今略說無力說盡顏子卓
立心齋坐忘亦云雖欲從之末由也已此經爲萬法之宗其
功德果然說不盡最上功德說也說不得說了人亦明不得
故儒家之無爲而治道家之真玄功德佛家之身命布施西
來正義皆不可以言傳者矣善乎斷輪之妙得心應手莊子
三教之宗匠也故六合之外存而不論六合之內論而不議

道藏輯要

本行集經註解

李

箕集六

卷之八

非不能言言易起人之惑不如無言卽夫子罕言命性道不
可得聞之意也佛氏迺言許多世界景色分諸事理姑不論
其茫茫無稽卽有所據言不能盡者尙多也從其教者以爲
佛說人所不能說妄以爲高不知佛生外域殊俗異類要荒
小國環之者眾釋氏就其見言之中國不知妄云佛見之廣
試觀中華百里不同風燕越秦齊山川風化不徧厯者不能
知况西域之遠可詳考耶卽有史冊亦風聞雜記甯保無差
乎人好異者多不究是非使佛果周知如何所著經典不造
唐文入中國三番譯迺成章耶旣不知唐言唐文所言者必
其所隣之國或效莊子之設喻言道亦有之矣人不細考謬

言高下何其好異之過也噫不言諸界不滋人之惑略言功
化以敗人之蒙示真意顯正法此道之所以爲實益也學者
尙悉心究之

功德品續三十六章

于時玉虛上帝聞是說已心生歡喜不勝踴躍瞻仰慈顏稽首
讚歎而作頌曰

九天之上

謂之大羅

玉京金闕

雲層峩峩

中有天帝

仁慈惠和

至道無敵

降伏眾魔

天寶靈符

玉律金科

神仙億萬

幢幡眾多

聞者罪滅

永出愛河

是號玉皇

穹蒼真老

道藏輯要

本行集經註解

卷

集六

妙圓清淨

智慧辯才

至道至尊

三界師

混元祖

無能勝主

四生慈父

高天上聖

大慈仁者

十號圓滿

萬德周身

無量度人

拔生死苦

爾時 玉虛上帝說是頌及十號已諸天聖眾異口同音歎未
曾有

此言聞經欽受喜慶之義于時于天尊說此經神咒功德品
已竟之時玉虛上帝聞是說已心生歡慶喜悅不勝歡騰踴
躍瞻仰玉帝慈顏稽首讚歎而作頌美之辭曰九天之上謂
之大羅玉京金闕俱解見前雲層峩峩巍然高峻也大

羅金闕法雲祥光層覆無極巍然巍崇峻廣莫量采和云玉
京宮闕高嵯峨中有天帝金闕中有萬天教主之玉帝仁慈
惠和大仁大慈至惠至和惠不是愛利歷劫生化人物各足
無所不與故言惠至道威德無敵降伏一切眾魔天寶靈符
諸天寶崇玄靈真符也一云寶作珍奇不可從玉律金科玄
戒天律金格也神仙億萬侍宸聖眾百千萬億法幢寶旛以
爲儀衛眾多莫量聞名號法音者罪盡消滅永出愛河眾生
萬有諸業易斷惟愛難割歷劫漂沈未能頓出永出愛河業
根斷矣是號玉皇解見前穹蒼眞老玄穹無極蒼空莫量無始眞老妙圓清
淨奇妙圓滿眞清眞淨智慧辯才大智大慧妙辯宏才至道至尊至道無極至尊無對三界

道藏輯要

本行集經註解

奎

真集六

師天地人三混元祖無始之先天地未分世界未有帝無能

勝主三教萬法一切聖人無能比肩皆四生慈父四生胎卵

帝德以生以成善始善終並以道濟故曰四生慈父高天上聖諸天無如大羅天高諸

日高天大慈大仁十號圓滿自穹蒼至仁者十號

上聖無盡量者萬德周身帝德無邊此云萬無盡量度人拔一切生

死苦爾時玉虛上帝說是頌及十號已諸天一切聖眾異口

同音歎未曾有聞此妙法聖號至德歷劫難逢故聖眾同稱

歎未曾見此希有也一云歎世間未曾有此夫帝之功德若

此以億億劫修證始之觀經者大悟眞修斯不愧矣

高上玉皇本行集經註解卷之中

重刊道藏輯要

高上玉皇本行集經註解卷之下

天真護持品第四

護持品一章

爾時

昊天上帝聞說經法從座而起長跪

帝前白言惟願聖慈普爲大眾及諸天人持是經人說利益事
于時

玉皇上帝與方便意開利益門宣玉匱科傳靈寶法告於 昊

天上帝曰汝今諦聽當爲汝說受持功德扶危拔苦利益存亡

道藏輯要

本行集經註解
卷下

一

箕集七

神妙之事眾真稽首俱發聲音臣等今日幸聞湛然常住之法
莫不上福諸天徧周三界三塗五苦咸得消滅惟願慈悲愍臣
等故演斯妙義

昊天上帝昊天大高玄天帝非時稱昊天也大眾一云諸天聖
眾聽聞經者一云世間大眾天上本無世人經廣度三界浩
劫二說俱是此經皆玉笈琅函珍藏上天故云宣玉匱科人
性靈明不垢不淨無成無壞不昇不沉本自湛然常住知誘
物累自取滅亡漂沉輪轉盲昧不明不能湛然常住鬼有趣
神有識報盡復輪亦不能湛然常住今聞經法功德利益宿
性得融根塵淨盡拔業識除罪障堅固圓滿是聞湛然常住

之法曠世奇逢豈不幸乎三塗天塗地塗水塗五苦色累苦心愛累苦神會累苦形身累苦魂華境苦精夫此經爲最上妙法故有如是功德昊天上帝不求妙旨而請利益非以效歆人此經一言一畫亦無量法寶知其效而真心奉持斯無負說經之慈悲

護持品二章

玉帝告曰若有眾生孝養父母恭敬三寶竭忠於君不殺不盜不姪不妬不嗔不恨不驕不詐奉戒持齋冥心大道生尊重心持誦是經我卽勅下周流法界徧傳十方無極世界勅命東方東華帝君青騎神仙兵馬無鞅數眾悉令下降覆護受持是此

道藏輯要

本行集經註解
卷下

二

箕集七
x b f

經者勅命東南扶桑大帝與其部眾神仙兵馬無鞅數眾悉令下降覆護受持是此經者勅命南方朱陵大帝赤騎神仙兵馬無鞅數眾悉令下降覆護受持是此經者勅命西南太華元老與其部眾神仙兵馬無鞅數眾悉令下降覆護受持是此經者勅命西方皓靈皇老白騎神仙兵馬無鞅數眾悉令下降覆護受持是此經者勅命西北皇天上帝與其部眾神仙兵馬無鞅數眾悉令下降覆護受持是此經者勅命北方紫微帝君黑騎神仙兵馬無鞅數眾悉令下降覆護受持是此經者勅命東北冲虛天君與其部眾神仙兵馬無鞅數眾悉令下降覆護受持是此經者勅命西方天皇大帝崑崙蒼老黃騎神仙兵馬無鞅

數眾悉令下降覆護受持是此經者勅命下方來和天君名山
大洞神仙兵馬無殃數眾悉令下降覆護受持是此經者

覆護保重護持也持經者敬奉帝言道語與天合德與道合
真是大道身道之所在神人共崇故帝令十方聖眾覆護然
必於忠孝恭敬戒淫殺盜妄者持經以德行為本冥心於道
道自歸之或云道流出家不近君親以為不忠孝不知道門
玄戒極嚴守持操修不敢犯戒虧體辱親至誠堅固先報四
恩何嘗忘君親不忠孝哉故許真君著淨明忠孝經以見道
之真忠孝也

護持品三章

道藏輯要

本行集經註解
卷下

三

箕集七
六四二

勅命十方一切金仙四眾八部及諸眷屬悉令下降覆護受持
是此經者勅命十方天真大聖飛天神王三官四聖二曜九星
北斗南斗東斗西斗中斗二十八宿周天眾星金剛力士神王
等眾各與部眾悉令下降覆護受持是此經者

金仙諸佛菩薩也四眾非世人四眾陰陽神眾將卒四眾也
八部解見二卷眷屬四眾八部之姻眷屬類也十方天真大
聖十方諸天眾真大聖也飛天神王解見前三官天地水也
四聖天蓬天猷翊聖佑聖二曜日月也九星金木水火土月
孛紫炁羅睺計都也二十八宿角亢氏房心尾箕斗牛女虛
危室壁奎婁胃昂畢觜參井鬼柳星張翼軫

攷證

經是帝勅朝命所頒三公四相兩京九卿羣有司百執事貴戚異姓億兆蒼赤罔不欽奉玉經有眾神之覆護受持者帝命旌賢輔有德也人身有三元四象二氣九宮五行及二十八宿之度數周天經緯水火真志大慧操修力行妙法善功與眾神等故人之一身身體毛髮皮肉血髓筋骨神氣精華經絡輔我正性真氣命寶存焉夫正性真氣卽帝真經三萬六千神氣八萬四千毫孔真光卽十方仙真金剛力士星曜神王部眾消災經云卽有天真眾聖金剛力士各百億萬眾護衛是經卽此意也夫經不在言語文字真意在吾心神不

道藏輯要

本行集經註解
卷下

四

箕集七
×二二

在十方世界而在吾一身持心修身不在誦讀披閱而在一誠默運至誠無私精神氣全聖可學天可希道可入動罔不吉神其佑之三藥耗一真喪自己之神衰氣弱精不充徹與天違逆神豈佑之噫人一也君子修之吉小人悖之凶故經云覆護持經者則知天福有德矣帝德無疆經利最大惟人之敬受何如

護持品四章

勅命降魔力士四天門王五嶽四瀆及諸名山四海九江十二河源山林川澤一切主者悉與眷屬覆護受持是此經者諸險惡處令得安穩命命所在一切土地靈官并溝渠等神及一切

諸大力鬼王皆令覆護受持是此經者

四天門王東西南北四天門王也五嶽東泰南衡西華北恒
中嵩也四瀆江瀆河瀆淮瀆濟瀆之神也四海東西南北四
海九江洋子錢塘漢陽潯陽混同錦江湘江烏龍鵬緣等一
切江也十二河源黃河爲世界之脉若崐崙禹門星宿海火
墩腦兒及尾閭發瀉河水等根源也一云論黃河之源崐崙
有九井七泉不止二十二河源蓋禹疏九河及汝漢淮水
泗水爲十二也九河徒駭太史馬頰覆釜胡蘇簡潔鈎盤鬲
津汝漢淮泗爲十二河源黃河則河之總神若涇渭沂汶溱
洧滹沱興洽弱水等及一切諸河皆河之屬也山林盡世間
道藏輯要

本行集經註解
卷下

五

箕集七
八三川

山林川澤盡世間川澤水流曰川澤水澤也無水注曰溝有
水曰渠帝經法旨諸仙寶崇諸佛受持諸天奉行諸神欽仰
諸人誦讀魔鬼自伏實惟山得以鎮靜水得以流長所在衛
護惟嚴也持經者旣爲諸神之護又烏可慢哉一慢則過深
罪重矣善乎孔子曰小人不知天命而不畏也狎大人侮聖
人之言知此爲小人觀斯經尙戒勉之

護持品五章

令諸魔外道悉皆懾伏潛形遁跡高飛海外遠避他方如是山
林社稷祠廟血食之屬一切鬼神當自消滅五方行病瘟疫鬼
帥諸惡鬼神并風王水怪孽音業龍妖神土精木魅盡自消滅五

虛六耗夢寐乖常野道呪咀蠱毒之類皆自消滅是持經人心
欲願者一切如意皆得滿足

攝音

諸魔天魔地魔魔王魔民魔女外道淫辭邪說僻行雜法旁
門小術私技三千六百九十六種三萬六千等是也悉皆懾
伏悉盡也懾驚畏心服也伏收斂歸伏也潛形遁跡潛藏也
藏其形象不敢顯露遁逃避也逃其影跡不敢停止也諸魔
之形雖外若妖艷幻象奇美真態實阻不可見人此經真法
破鬼之膽碎魔之心諸魔難逃其鑒心畏法言玄律丹勅自
不敢留恐露醜質外道之言欲以亂真正道行而邪說息大
道尊而旁門廢帝命一宣自不敢容高飛海外魔行無跡可

道藏輯要

本行集經註解
卷下

六

箕集七

以飛言外道人耳何以言飛格心易慮向化忘私高騰海外
卽俗語言魂飛天外魄散九霄耳遠避他方不敢居其故地
也山林解見前社土神稷穀神祠司也祀也神之司臨祀而
祝之也廟朝也接神於廟而朝祭也血食享牲醴之祭者也
以上鬼神皆宜祀者也如何令自消滅神邀祭祀必爲不直
民謠鬼神必爲不正故薩真人收伏王靈官改禁城隍西門
豹守濟州投巫於水以禁河神况邪有假神以惑人人有崇
邪以誑俗故胡穎經畧廣東毀幻佛而殺妖姪杖僧人以脫
愚俗今云一切鬼神消滅奉經旨不作禍福安然無威聲也
五方行病瘟疫鬼帥諸惡鬼神惡鬼神非行病鬼帥迺世之

厲鬼強神也并行風之王水中之怪作孽暴龍妖異邪神土
精木魅盡自消滅五虛六耗精神氣血身五虛六脉衰耗夢
寐乖常魂魄不甯一云五虛六耗如天哭破敗喪門太歲大
耗小耗飛廉空亡黃幡豹尾九梁赤口白舌惡厭神殺凶星
作禍神鬼之屬一切等事野道邪法咒詛妖語或咒或誓及
蠱毒厭昧之類皆自消滅是持經人心欲願者一切謀望趁
心如意皆得滿足無有違逆夫道德之士鬼神欽重凶邪盡
消祥桑之死梓潼驅瘟旌陽伏蛟祖天師伏魔薩祖禁鬼皆
有明效噫王彥方烈士也盜願刑戮不令彥方知則驅魔伏
外道誠有德之必然者但人之三尸五累七情六欲九識十
惡爲害斯不能正己伏邪除凶人能正心進道斬三尸除五
累情欲盡識惡除已障盡而外邪消凶散吉臨矣

護持品六章

或有未能遵依科教修崇齋醮但能清淨持戒專一信受尊重
敬慕是此經典並同修齋護持淨戒者是人功德坦然無礙自
在逍遙號人中聖德慧長新同諸真人

持戒專一持守道門戒律或五戒八戒十二可從戒十八戒
二十四戒三十六戒七十二戒百二十戒百八十戒三百大
戒女冠六百淨戒專心致志持此戒品專一堅固無二信受
尊重者信受奉行欽嚴尊重敬慕誠敬仰慕坦然無礙坦平

也寬廣也心有二則功德不實戒不持於功德有玷心身清
淨持戒專信受切尊敬經典心無染心無二無有虧欠縈繫
功德真實自是坦然又有何礙自在逍遙人性生來無拘無
困客感物累忙忙苦苦無復自如焉得快樂清淨正信無復
物累得大自在常樂逍遙人中聖者不惟爲逍遙之人清淨
正信高出人儔號人中聖人德慧常新者習與智長化與心
成聞見真而智慮融物累忘而性真湛德日新慧日明同諸
真人清淨正信者同持經得道諸天真入夫所謂清淨持戒
專一信受尊重敬慕非有計功之心爲人之意無所爲而爲
絕無虛假間斷卽孔子所謂造次終食顛沛無違卽中庸所
道藏輯要

本行集經註解
卷下

八

箕集七
八二川

言無入而不自得莊子著逍遙之旨海蟾著快活之歌佛家
所謂大自在儒典所謂日新溫故而知新皆自然之效也豈
有所假借又豈有勉強襲取之義哉噫清淨正信雖不依科
教修齋醮有是自然功德可見道旨玄科惟在實體經義科
教齋醮普法品以演道化耳陳希夷諷度人經成道蓋真持
經旨耳今之齋醮無明效者有盛儀無真修也若清淨正信
更修齋醮則功益大無齋醮有真誠功亦神若無真誠則齋
醮皆文具矣甯無過乎

護持品七章

爾時

昊天上帝聞是說已卽於

帝前稽首歌曰

大哉至道 無形無名 渺渺億劫 黃道開清

神清朗耀 九炁吐精 玉虛澄輝 太霞高明

玉皇開化 溥度天人 三元道養 二象攝生

朽樹故根 已枯使榮 蠢動蛭息 長生化形

懷胎含孕 俱得生成 亡者命過 魂歸三清

魄受鍊度 南宮飛昇 今日大吉 皆得光明

五帝鑒映 普告萬靈 天神地祇 及諸河源

五嶽四瀆 及諸名山 洞玄洞虛 洞空洞仙

道藏輯要

本行集經註解
卷下

九
箕集七

無極大聖 至真尊神 無窮無極 溥監度生

惡根斷絕 玄都記名 眾真班列 咸聽帝言

經是帝勅 保誦持人 至度道岸 無使災侵

我奉帝命 一切咸聽

大哉至道大莫可量至不可及也無形無名不見不聞名亦
強稱也渺渺億劫無始無終厯劫無數也一云十萬曰億要
之舉大數言實無數耳黃道開清吉時慶會天道開通也神
清朗耀神風永清朗耀光明也九炁吐精融炎演昊景道混
洞浩等九炁也吐精黃道開炁慶消九炁呈輝吐精炫瑞玉
虛澄輝玉光虛明澄然清輝也一云玉虛天呈輝太霞高明

太玄霞光大高至明也玉皇開化開度教化也溥度天人溥
徧也盡度一切天上地下人也三元道養天生地成人教化
之爲三元道養也二象攝生乾坤造化生成人物終始宰制
故云二象攝生一云陰陽陶鑄爲二象攝生俱是正論朽樹
故根朽壞也故死也已枯使榮枯稿也已乾枯使再發榮蠢
動蛸息長生化形蛸飛蠕動蠢類生不夭折俱得脫其本形
也懷胎含孕俱得生成人物胎孕不傷不墮俱得安然生長
而成也亡者命過魂歸三清死者不經地獄皆歸天上也魄
受鍊度南官飛昇死者七魄受大慈真人鍊度魂神飛上南
宮也今日大吉指說經時言也皆得光明人物咸濟幽暗開
光也五帝鑒映五方五帝照鑒光映也普告萬靈徧告一切
鬼神也天神地祇及諸河源五嶽四瀆及諸名山洞玄洞虛
洞空洞仙玄虛空洞一切仙帝神佛將鬼也無極大聖至真
尊神無窮無極無盡量也普監度生溥徧監臨度化羣生也
惡根斷絕永除人物惡根也玄都紀名玄都丹臺紀功德名
也眾真班列朝班侍列也咸聽帝言玉帝言也經是帝勅此
經是玉帝勅旨也保誦持人保護誦持經法之人也至度道
岸登升道岸也無使災侵一切災難不侵也我奉帝命奉玉
帝命也一切咸聽一切人物鬼神皆聽也此申全經功效

護持品八章

于時 昊天上帝說是歌已告大眾言此玉皇妙法語諸聖祕
密言路絕道斷微妙難思巍巍大範爲神明之宗保鎮國土拔
度生死爾時 昊天上帝說是語已法筵清眾咸仰道言溥得
開悟

諸聖諸至真聞受此經皆寶重不敢輕洩故曰諸聖祕密言
路絕道斷最上一乘法非常間修真要路入聖周行情欲幻
妄到此拔根愛念凡思無復滋蔓輪迴轉生一刀兩段故言
路絕道斷一云七聖皆迷人所難行亦是微妙難思深微玄
妙神不可以思致難以思入人心思所不易到也巍巍高大
妙範仙章爲神明之真宗心印一說言玉帝道範爲神明宗
道藏輯要

本行集經註解
卷下

十二

箕集七
川文

師太拘了法筵法會華筵清眾清淨聖眾也道言指玉帝言
或以爲仰昊天妙法等言溥得開悟盡得悟也
攷證

夫子之言性與天道不可得而聞也文始經云聖智造迷鬼
神不識佛在靈山說法菩薩獸獸着耳聽玉皇法語路絕道
斷微妙難思有何疑哉爲神明之宗鎮國土度生死亦自然
之效矣

解疑

天下無道外之人亦無人外之道人物幽明皆道也人性全
真萬物皆備一切化育世界始終皆吾性之真也玉帝道身

也經爲道旨也惟道則全功神化妙本自然人與同性也甯不可以持經耶知道在身一心體道生生世世無二則聖真在我已

護持品九章

於是 天尊而說偈曰

玉帝功德大 玄理極幽深 生於浩劫前 運化於古今
我今說妙經 愍念諸有情 此誠極妙法 功德中功德
名號最上乘 無比爲第一 大光明王尊 威德世希有
能破暴惡魔 皆令心降伏 能滅極重罪 皆令得清淨
若人聞是經 或聞帝妙號 稽首生恭敬 一切罪消滅

道藏輯要

本行集經註解
卷下

三

箕集七
川上

| | | | |
|-------|-------|-------|-------|
| 十惡四重罪 | 五逆於父母 | 信心一稱名 | 隨聲盡消滅 |
| 保護人天眾 | 四相與五衰 | 三塗極重苦 | 人間凡厄難 |
| 凶年饑饉喪 | 毒藥及魘魅 | 刑獄與冤家 | 軍陣鬪戰苦 |
| 山林惡道中 | 虎豹豺狼眾 | 江海毒龍類 | 迅雷風雨雹 |
| 水火及盜賊 | 蠱毒中心腹 | 失志發狂亂 | 蛇蝎毒惡蟲 |
| 邪魔凶怪神 | 伺求人便者 | 由持是真經 | 普皆自散滅 |
| 惡病久纏綿 | 夢寐亦不安 | 非理欲殘命 | 殄滅不爲殃 |
| 緣遇是經故 | 安穩得自在 | 所有希求願 | 財寶及富貴 |
| 以此經功德 | 如意皆稱遂 | 神威自在仙 | 諸天十一曜 |
| 三十二天主 | 二十八宿星 | 靈妃玉女等 | 天神及地祇 |

三界虛空神 江海諸龍王 水火及風神 宮殿與宅舍
山林樹木眾 溝渠井泉神 由持是經故 一切皆擁護
衣食常自然 子孫臻富貴 出言人希聞 所至皆推敬
若爲求男女 持誦此真經 帝詔下天曹 落籍天仙人
降謫生其家 爲其作男女 顯貴人崇重 七祖得超昇
光大慶門戶 延及父母親 吉祥常熾盛 災障不能侵
是故我今說 大眾宜諦聽 慈悲度一切 皆令達上清
大光明王尊光明無量覺王至尊威德世希有玄威妙德世
間無有四重罪一云魔獄鬼畜一云雷擊災疫盜賊刑獄五
逆於父母孟子所謂五不孝情四肢博奕飲酒好貨財私妻
子從耳目之欲以爲父母戮好勇鬪狠以危父母一云不恭
信孝順守禮爲五過信心一稱帝號隨聲滅罪五衰珠冠碎
身屈頭俯眼淚鼻噴身無光天衣敝影露神運不靈通凡數
運會遇也冤家前業冤相遇也迅疾雷也雹冰雨也伺暗候
人空便爲害七祖父祖曾高傳支之祖開林之祖立姓之祖
爲七祖熾勝大光顯也此偈元始著玉帝玉經功德令人欽
持也

護持品十章

於是

天尊普告四眾凡人持念此經受誦帝號皆道根深重宿有善

道藏輯要

本行集經註解
卷下

三

箕集七
川文上

緣此經尊妙普度天人但精心恭奉家國安甯保命度災掃除
不祥天子王侯得奉之者致國太平凶寇自夷邊域不爭兆民
歌唱普天興隆運推數周正道當行有得之者天真敬重寶之
秘之

人持念此經受誦道根深重卽儒家所謂資稟清且厚佛家
所謂根器好宿有善緣夙世往劫廣植陰德預有良緣蓋至
道難聞法會難遇慶宵難逢有歷世不聞正法有聞而不信
不悟不周完不蒙實益者皆根器之淺緣分之薄今值法會
聞正法蒙實益皆是歷劫修持道根深重宿有善緣保命度
災者保命延生度災消厄自古聖賢有生有死災厄常有何
云保命度災蓋保天命而全正氣素患難而日坦然生順死
安吉凶無二是持經之保命度災也掃除不祥經法所在凶
厄潛消吉人天相災難永除無有不祥天子王侯天下之君
曰天子曰皇曰帝周則稱王近世稱藩封一國之君曰王分
符世臣曰侯古之侯分封百里凶寇自夷夷平也國有道內
順治外威嚴凶人賊寇不作自然夷平四夷來王天下晏然
邊域不起兵爭兆民厭庶歌謠唱樂太平普天下興隆富庶
乂安運推數周貞元會運推遷時數已周一運正道當行於
世有得經法湛然神化之道者天真敬重寶之祕之此經尊
重寶之可也普度天人迺云祕之不幾於私天道哉蓋大道

道藏輯要

本行集經註解
卷下

齒
X 6 文
箕集七

雖然普濟不信者不可輕傳佛之正法眼藏不安示人孔子
曰中人以下不可以語上也上達必由心悟輕之則爲褻天
經云祕之觀者慎之自知經義

應驗品續十一章

報應神驗品第五

爾時慈悲度厄真人尋聲救苦真人濟生度死真人萬福護身
真人俱從座起越班而出俱白 天尊言若諸末世凡夫雖宿
有善緣得遇是經被諸邪障所隔本末疑惑不信是經功德如
是之人見在未來於諸地獄得何罪報惟願聖慈說其報應惡
趣之苦

道藏輯要

本行集經註解
卷下

五

箕集七
X 一

凡夫被諸邪障所隔已之邪見人之邪說偏性拘妄事障理
障一切隔礙本末疑惑者始不能信後不能悟上下扞格不
能融通終始本末不得徹契本末疑惑不信是經功德如是
之人見在未來今世未來世也報應惡趣之苦人物業識各
有意趣或善或惡輪沉難脫大聖至真融宿習拔根塵淨識
業絕諸趣障執盡脫不受輪迴無諸罪報大賢菩薩小仙小
聖神將鬼靈善者以作福爲趣惡者以作業爲趣善者無論
惡者自沉業獄報應種種欲出無門欲免無計報盡轉生捨
此入彼業緣牽累復迷不悟歷劫顛倒相循不止此等業趣
實可憫憐四真人上乞天尊說其報應惡趣之苦迺大慈悲

度世心切也兩教言報應儒者以爲不然太甲曰天作孽猶可違自作孽不可活傳云福善禍淫又云天人之應捷於影響何嘗不言報應哉夫子曰君子懷刑又曰畏天命故自不爲惡道義悅心自無他趣歷朝於鄉飲禮射而講讀律令教兆民惟格人非心匡翼其善心耳兩教之言報應刑獄無非拔其業趣使爲大善也噫惟聖人神道設教而億兆服玉帝功德最大故經明示報應拔人惡趣不爲詭眾若自不修真但以禍福眩人是欺眾也觀經者絕欲成真免一身之惡獄而後可以濟世度人矣

應驗品續十二章

道藏輯要

本行集經註解
卷下

共
X
一
箕集七

是時

天尊謂四真人云若諸世間剛強暴惡不善眾生終日竟夜對諸道像無恭敬心出誹謗語是罪當墮五無間獄若得值遇是持經人設諸方便誘引開導如是之人能滅惡心信向是經彼人罪業淨盡無餘

不善眾生言行不善一切眾生終日竟夜竟亦終也盡也盡日盡夜出誹謗語誹以言非之也謗以言毀之也是不敬道像誹謗神聖的人其罪當墮五無間獄五獄冥司大獄也非聖者無法故墮此罪試觀誹謗妖言之陽律則知謗神之罪值遇彼此時候適相會逢也慢神謗法之人業根深重一意

執迷無有信心持經人大慈悲方便啟誘接引開發化導顯
彼良心生其善念信向是經者信心皈依專向是經彼人罪
業者彼指慢神謗法之人所在罪業淨盡無餘業消罪滅報
對悉盡永免冤愆不入輪迴常清常淨惡報永除再無不了
之業也無間地獄業若難消一心信向真經惡根立斷諸塵
盡滅有何牽繫根塵立盡業淨無餘夫神德經功利益最大
兩教甚言罪福切示慢神謗法之罪儒者每戒諂瀆鬼神豈
儒不敬神不尊經哉詩云無忝爾所生張子云不愧屋漏爲
無忝又曰存心養性爲匪懈兩教所言敬神尊經使其存心
修行無愧於天地神明尊信法言體道成真也儒者言不媚

道藏輯要

本行集經註解
卷下

七

箕集七
X61

神戒其邀福妄瀆耳事天畏天希天尊先王之法言對越駿
奔嚴敬不苟儒與兩教一也若祭無益敬不足行天命不足
畏此敝言也儒者亦切責之甯獨二氏乎噫善惡敬怠一切
由心能絕情欲去智識空五蘊除五累則不在五行中天地
不能拘五無間獄又何遭哉佛云稱佛名號火坑變作蓮池
孟子云誦堯之言行堯之行是堯而已矣則真善功效立見

應驗品續十三章

又若有邪見愚執惡人覩持是經生諸惡逆偏眼邪視乃至起
一惡心發一惡言妄生謗讟持經之人其罪深重命終之後墮
大地獄永無出期不惟慢神謗經罪重

目見曰覩生諸惡逆有不信心故不知經爲道語法言持之
利益阿慢輕忽厭惡謗毀生諸過惡悖逆偏眼邪視不喜見
經並持經人無有正眼定觀輕藐憎厭謗毀也持經作善
本不可毀邪執惡人不知緣業罪福不知持經之善妄自生
謗毀謗詈之言加持經之人命終之後終盡也墮大地獄無
間獄也永無出期永終也長也妄謗正法業根深重故墮地
獄難出夫識見一也見之不正則爲邪人一也執迷不悟則
爲愚爲惡心一也生惡念則爲逆眼目一也偏眼邪視則爲
過一念至微也起一惡心爲業根一語無幾也發一惡言爲
罪本君子成人之美嘉人之善持經者當稱讚也妄生謗詬
是自作孽人生本無業自惹其罪深重是大可哀命終是還
造化舊物也固無拘迺一謗法墮大地獄死亦不安其過如
何永無出期天心仁愛上帝好生惟神正直不掩沒人今罪
者無出期豈天拘之哉孽自己作定業難逃欲除已業還須
自信至善不回業根脫矣噫刑獄天討法本無親慈父不能
庇其子孝子不得私其父至公者神豈消自致之業哉信經
向法自懺前業如世人出首信誠免其罪犯也人生世間聖
愚無二卽不能出言有章聲爲律幸勿出訛言而爲惡口不
能行無過動身爲度幸勿行惡事而造身業不能心無妄想
守至眞幸勿起惡意造心業不知大道勿謗道不能解經勿

非經不能持誦勿謗人不明鬼神生死因果勿起毀言一心正信久自明道漸成聖真又何罪業之有

應驗品續十四章

至若在世男女得遇是經不生敬仰穢手污觸葷口讀誦床榻不淨便將安置或誦是經講習俗語共同戲笑以爲常典如是之人命過之後墮無間獄永無出期殃緣九祖受考酆都累及子孫害纏後代是人於地獄中歷無量劫受大苦惱縱遇聖教累承救拔罪惡小減又遇上聖殊恩得離地獄生餓鬼中歷千萬劫不聞漿水之名鬼報得盡生畜生中畜生報已若生人中復生邊夷外域而復女身貧寒困苦癰殘百病受無量苦人所憎棄求生不生求死不死輕斯經故獲罪如是

道藏輯要

本行集經註解
卷下

五

箕集七
X81

此甚言慢經之報不生敬仰不敬重仰慕也穢手污觸不淨之手或請捧經卷或披閱指點污觸輕犯此經葷口讀念誦持食五葷五辛三厭之口也床榻不淨棹几牀榻座器不淨便將此經安置供放九祖始祖四昭四穆爲九祖受考酆都考考察過失也吏作拷掠之拷此卽小兒犯事罪坐家長之義累及子孫害纏後代積不善之家必有餘殃受大苦惱罹大罪苦煩惱無限遇聖教累救罪惡小減卽蒙經功法力咸遇上聖殊恩上帝恩赦也得脫離地獄苦報餓鬼腹大咽喉微小飲食難下黑獄羅酆不見漿水亦不聞名生類莫蠢於

物鬼報盡生畜生中其業尙在人世雖一中國難投男身難得生邊夷外域而復女身人中之不美也貧寒困苦貧賤凍餓困苦艱難癰殘百病衰損殘廢百病縈纏受無量苦言不盡之苦人所憎惡厭棄求生不得安生求死不能卽死皆以輕慢此經之故獲罪業如是之重亦可哀哉夫人生參天地爲三才此身貴重親賴以繼光前裕後道賴以傳所係匪輕一慢經法殃及已身緣祖先禍後代受業報何其愚之甚也又觀三教書言男女法性無有分別在在處處皆爲樂土中庸云富貴貧賤夷狄患難素位而行無入而不自得今言外域女身病難之體爲人憎棄何也蓋無分別皆自得者道也

道藏輯要

本行集經註解
卷下

三

箕集七
×

分等類言罪福者報也報應明人斯爲善矣嗚呼人一也皆可爲善人也尙勉力進道勿造業而爲人所憎

應驗品續十五章

又復有人初雖信受後復慢易善惡童子上奏三官黑簿書名青編減算身歿之後拘閉幽牢往復三塗無由解脫或於見世受種種病疥癩癰疽以爲果報憂悲苦惱日夜相煎或身被橫惡所加或牢獄繫鎖或非命自害毒藥所殘或被虎狼毒蛇之所噉食或爲冤債之所牽引或行一林值遇惡人被他人割推落崖岸或被邪精魍魎之所殘害或值水火之所焚漂或被刀兵之所橫誅輕斯經故橫喪六年獲如是果獲如是報可不悲

歟可不痛歟

善惡童子紀錄世人善惡之童子黑簿錄過之簿也書慢易經典之罪青編減算減慢易經者之算輕斯經故獲如是業果報應可不悲歟可不痛歟既悲哀其苦又痛惜其愚此見天尊之大慈也

証疑

夫後一慢易此經罪報無窮則尊道信經貴有恒也久道化成經功全驗盡被其德領其效矣人惟無恒始勤終怠無怪乎罪業之及也抑自古及今不才者間出不持經不聞經者甚眾獲罪厄患者每有豈皆盡慢經者耶蓋經以言道不信

道藏輯要

本行集經註解
卷下

三

箕集七

川上八

道而無德卽慢經者也無德有罪卽慢經之罪也欲尊經消罪當進道修德

應驗品續十六章

汝宜殷勤依此奉行勿生邪念若諸念不生萬緣頓息塵沙惡業隨心消散一切灾魔自然殄滅此經功德不可思議是誠無比最上妙法諸經之王有大利益非人勿示

諸念不生者無善念無惡念無無念無無念萬緣頓息者空五累除九識離四象絕百非空萬有忘一無外緣內緣業緣福緣空定妙緣宿世今生攀援未來一切斷絕悉盡根塵塵沙惡業隨心消散者世上塵恒河沙不可稱數如是眾業

隨信經心悉皆消散三教萬法一切無可比此誠爲最上妙法兩門之經儒之書皆不及此爲三教諸經之王道雖人人可學不信不敬者不可傳非人勿示非重道之人不傳示也解疑

儒者不教自暴自棄之夫佛不度無緣之輩道法最尊豈強不信之人哉噫信心進道之基眞志成聖之要不信不可以授經人當至誠勵志以爲受經入聖之本

應驗品續十七章

若諸天人五衰四相輪迴侵逼能捨除妄想受持是經坐招自然天福益固身度三界與道長存此經至尊不宜妄示人矣

道藏輯要

本行集經註解
卷下

三

箕集七

XIII 8

天人者欲界六天尙有欲樂色界十八天常有色象無色界四天以空定爲樂大梵四天知空知無雖無冀樂靜福有數諸天之外最上種民四天無輪迴成壞以前諸天等義不同在種民下有成有壞四相非人我眾生壽者福相盛衰德相盛衰分四相也一云生壯老盡爲四相一云不威儀不神通不快樂不精健爲四相輪迴侵逼者欲色梵無色三十二天久暫不同其天人福盡轉生人間皆有定數故云輪迴侵逼能捨除妄想者逐緣妄生或想福或想慧或想壽或想空或想定或想上昇或想轉降言所不盡心所不窮皆名妄想捨除雜念一緣不生空空無無是捨幻念除妄想坐招自然天

福益固者不待思求自然坐致欲界色界無色梵界皆自所
居而得超脫永不輪轉無毀淪得大堅固不入輪迴身度三
界者能出欲界於色界及無色梵界天地人出三有象高度
上霄玄境與道長存者與道合真浩劫長存觀天人寶經之
效則世人可知矣勉之

應驗品續十八章

是此經典無與等無能勝是大威德大神咒能令一切枯槁便
生枝葉花果茂盛能除眾生極重苦惱能令短命眾生而得長
壽此經功德不可思議歎莫能盡

無與等者一切諸經諸法皆出其下無與等倫無能勝者一

道藏輯要

本行集經註解
卷下

三

集卷七

文

切諸經法利皆不及此是大威德者或除邪或輔正功德不
能相兼不名威德今經法除邪滅罪扶正成真是神功妙德
恩威莫量故名威德能令一切枯槁便生枝葉花果茂盛者
諸草諸木奇花異菓瑞芝靈香凡榮秀生類不能暢達茁育
一切乾枯槁損此經便令復生枝葉花萼果實暢茂繁盛能
除眾生極重苦惱者此經消諸業利人之生拔諸罪利人之
死除魔難保人快樂歷劫寃愆終身煩惱最重苦寃累世難
消者此經便除其根能令短命眾生而得長壽者世人之生
七十甚希此經保命延生能令世間夭折短命眾生益算延
年而得長壽或云顏子亞聖年止三旬是道德無益何云經

功延壽蓋死而不亡者壽卓爾見道顏子不死經云延短命之壽蓋令眾生見道死而不亡也歎莫能盡稱歎不盡也噫冠公忠義枯竹成林田氏孝友稿荆復生聖人在上比屋可封死生快然會大道之全功德無類不及也觀經者勉焉自有最上功德

應驗品續十九章

若不宿植道本廣種福田乃至經名尙不得聞何況得見是經此經功德無盡矣宿夙也預也植立也樹也種也道本漸次進修入道根本道經云大道無名精修則成孔子云下學而上達佛經云從聞思修入三摩地三教皆重學問爲成道本

道藏輯要

本行集經註解
卷下

五

箕集七

×××

然道雖頓悟須假漸修實非一蹴能盡可不宿世今生預加修習先植道本福田積功有效如種田等故曰福田外功則修宮觀寺院庵廟堂祠塔閣社宇橋梁道路行藥治病助國救人符濟祈禱廣嗣利生除邪去難拔苦拯貧內行則慈悲喜捨忍辱和光普惠無私堅固圓滿粗行則施財物衣食祕行則念道思真絕欲養神積精累氣入聖超凡種種不一無量福田皆廣種之種世田者時歲旱澇人事不齊或不成收種諸福田小則小成大則大效陰德種種若人不知若說不盡功德無量若不種諸福田無德無福不聞經名見此真經卽爲道眼夫人之分量不同承受亦異有福無德富貴而愚

有德無福清貧而聖德福並懋祿位壽名若遇王法知見了脫非歷劫修習功德無量不能至是佛會百萬正法付之迦葉孔門三千一貫付之曾參道門法眾億萬萬萬繼太上心法文始而已觀者勉之

應驗品續二十章

蓋是經依三洞真格八萬劫一傳此清都至真上聖所寶祕於玉京金闕甚爲微妙難可得遇如宿有仙骨當爲九天真仙之人得遇斯文承斯緣故後當齋金寶從師告盟受之方當承機應運乃可付焉不得輕泄敬之慎之

三洞真格者洞真洞玄洞神此三洞品載天律金科真格自

道藏輯要

本行集經註解
卷下

五

箕集七
XXII

然之數八萬劫一傳者經八萬徧元會運世之劫一云人生於寅盡於酉八時共八萬六千四百年計大數八萬餘年每年生長成收一次亦謂之一劫沙塵數也八萬劫一傳此經普轉大法非常遇也前說近是清都上清玄都玉京金闕非云玉帝之居迺太玄寶藏帝經之閣難可得遇不易遇此經也宿有仙骨宿世進修有成道分骨相合仙也九天真仙之人九炁天真上仙品也承斯緣者承此當作仙遇經之良緣齋金寶從師告盟受之者非但齋持世財金寶告天立誓受經獻至誠無私永劫不改之心盟心天日如白日青天無有點塵足真金寶不毀者也方當承機應運者方始也始當乘

機會應時運付傳付此人泄洩也不得輕易泄漏經旨言不傳非人也敬之慎之者尊敬此經不可輕忽慎守此經不可妄傳噫知此經之重人人當修良緣以爲受經之地既受永劫不可輕也寶之勉之

應驗品續二十一章

於是 天尊重宣此義而說偈曰

| | | | |
|-------|-------|-------|-------|
| 設使江河水 | 波浪能生蓮 | 慈烏毛能白 | 如經故難遇 |
| 設使龜生毛 | 堪採爲衣服 | 夜月能消冰 | 如經故難遇 |
| 設使蚊蠅足 | 堪構爲橋梁 | 能載一切重 | 如經故難遇 |
| 設使黃雀口 | 能啣諸大山 | 擲之他方界 | 如經故難遇 |

道藏輯要

本行集經註解
卷下

三
X。二
真集七

| | | | |
|-------|-------|-------|-------|
| 設使一葉舟 | 力能載崑崙 | 浮度於大海 | 如經故難遇 |
| 設使諸水蛭 | 口能生巨齒 | 其大如象牙 | 如經故難遇 |
| 設使蓬蒿葉 | 能覆無鞅界 | 瘡底崑崙山 | 如經故難遇 |
| 設使烏梟類 | 同樹一巢棲 | 啣食共反哺 | 如經故難遇 |
| 設使兔生角 | 堪用爲梯磴 | 上窮有頂天 | 如經故難遇 |
| 設使鼯鼠等 | 緣於兔角梯 | 至天能食月 | 如經故難遇 |
| 設使驢顏唇 | 色如蘋婆果 | 復能作歌舞 | 如經故難遇 |
| 設使蠅蟲等 | 能飲鍾石酒 | 迷荒而沉醉 | 如經故難遇 |

江河水深洶流巨浪不能生蓮烏鴉生來純黑不能曰今言烏白江有蓮花以見絕無甚言經之難遇龜本無毛月本太

陰今言採龜毛爲衣以夜月消冰只是以絕無者見經之難
遇至於言蚊蠓足構橋梁載諸重言黃口小雀啣諸大山擲
他界言小舟載崑崙神山度大海水蛭生象牙之齒蓬蒿葉
覆無量界廕崑崙山鳥梟同巢共食反哺兔角爲梯上天鼯
鼠步兔角梯至天食月驢顏唇如蘋婆果色復能歌舞蠅蟲
飲鍾石酒迷荒沉醉以上皆事之所必無理之所未有歷歷
言之以見經之難遇夫大道人人有真經個個全愚人蠢物
皆有正性悉可化度何至如此類所絕無者擬經之難遇豈
終不傳耶蓋法品不同此經最上傳之者未必如元始之眞
受之者未必契玉皇之祕扞格偏執全經難曉或不聞不見
或徒聞徒見功德實效語之茫然未獲全益信乎其難遇矣
不畏難之難至誠有恒經功自遇

應驗品續二十二章

爾時

天尊宣說偈已普告四眾世間若有持是經人名功德身一切
有情被其蔭故持是經人名神通身一切吉祥咸臻集故持是
經人名清淨身是諸惡業不能侵故

普徧也四眾解見前有利於眾爲功有益於眾爲德利人利
物曲成不遺名玄功妙德之身一切有情者世間動植凡有
生之屬雖土木金石情性精魄在者皆有情覆冒日蔭持經

道藏輯要

本行集經註解
卷下

七

箕集七
×118

者利己利他利人利物若有知若無知普惠共濟一切被其
慈蔭人雖至靈無有神通經中妙法至玄至神大通無礙持
是真經名神通身咸皆也臻至也集萃聚也持經人爲己則
順而祥爲人則愛而公爲天下國家則無所處而不當自致
之福千祥攸萃天不愛道地不愛寶人服其化物效其靈一
切吉祥皆集也不染謂之清無累謂之淨持經人萬緣俱息
一疵不存名清淨身侵逼害也自作之業天降之殃宿業今
愆先亡連逮時歲之咎命運之滯星居觸犯魔鬼侵凌人言
物厲一切千傷是諸惡業皆化凶爲吉不能侵凌夫有道之
士範圍天地曲成民物福履禎祥天保勿替吉人天相無災

道藏輯要

本行集經註解
卷下

三

箕集七
××

無害真功德神通清淨身也人亦有身而非功德神通清淨
亦不真持經耳勉之自可以證其功效

應驗品續二十三章

持是經人名威德身天魔異道不能攝故持是經人名無等身
上帝遙唱萬神敬故

天魔異道諸天魔王魔王魔女陰暗魔鬼及阿修羅唵嘶羅
魑魅魍魎精邪怪祟世人詭誕外道旁門妖孽艷異等不正
道攝招伏親服也魔異侵入人迷服不覺云攝如佛門阿難
被摩登伽女攝入淫房鞠愛撫摩幾毀戒體今持經人了明
心印無私無爲默持真經法力周完道高德重威德赫奕不

可稱量鬼妖喪膽精怪亡形一切邪魔豈敢侵正故天魔異道不能攝阿難非不持戒一念動於摩登伽女是未悟心宗持經間斷故伽女攝入耳若非佛楞嚴經力焉復全體此皇經諸經之王也受持威德甯不萬倍於他經哉無等身無等倫儔類之身言真持經者最上無與比卽釋經云一切無如佛儒書云夫子之不可及也猶天之不可階而升也上帝非玉帝也諸天上帝也遙遠也唱樂世有進道之人天音宣贊也一云謠唱是作歌謠之謠於理未安不可從蓋世間生男萬神唱恭生女萬神唱奉上帝好生諸天稱慶有道之人誠格天地動鬼神與天合德諸天帝歡慶但諸帝甚尊與他神不同萬神非一神所指者廣一切諸神雖有崇卑皆重道典遇真持經有道之人故無不敬也夫人性剛明中和比肩元始本有大威德無等倫也惟不禁情欲故邪入而神不敬也吁子夏賢者也出見紛華勝麗而說非夫子真儒之教焉能成高弟哉人能一真無僞永成道矣

應驗品續二十四章

持是經人名堅固身惡劫大難不能損故持是經人名道藏身口出語言鬼神仰故

世人生死無常輪迴不知或小功小德福緣身世或小根小乘果位有限或明而未了易蔽易欺或行而未成易得間斷

或度人濟物分量易窮身如萍燭難當風浪非堅固也真持經者心不退轉名堅固身惡劫大難者或小劫中劫大劫元會運世三界滅轉之劫物絕人盡地傾天壞四輪相觸五行並尅水火風災侵壞世界萬象空諸法盡諸乘果四禪界三階九品官神將吏悉入輪迴蒙再造難真持經者得大堅固超出劫數永不退轉惡劫元運宿業災魔意外大難毫不能侵貞達常變億世如一不能損也藏藏也藏也道無所不包無往不善道藏無有不載無用不藏人身雖有限性無不備但不盡道所以不成道身真持經人淵存海含法藏中包無量世界故名道藏身答述曰語自言曰言人亦有言鬼神不

道藏輯要

本行集經註解
卷下

辛
入
一
箕集七

仰蓋詞不誠口過生尤且不免何以感人神鬼神乎真持經人言焉誠信出之有章不躁不隱不失人不失言或一言續千真之脉或一言開萬代之傳或一言拯人物之溺或一語破死生之關或一言盡天地之道或一語括萬法之玄或一言悉鬼神之情狀或一語明劫數之升纏一言而滅罪福一語而露金丹三教真宗在經一言人物共寶鬼神所不識也誰不欽仰哉鬼神仰故云爾已矣夫三教大聖人歷劫不退轉言語天人所共崇堅固道藏之旨可徵已一持經者何遽至是蓋一得永得理之實驗人惟不真持經耳真持如何心齋爲本神化成之

應驗品續二十五章

持是經人名慈悲身六道眾生賴其善故

大仁大惠濟度無窮迺名慈悲人惟物我異念久暫殊心不能普濟永利有失慈悲卽有所惠有所度有限難久亦非慈悲身故分人以財謂之惠教人以善謂之忠小惠私恩非普濟真持經人非常身也大慈身也大悲身也六道一天道高高在上其福清長不見所生奚云其眾惟天雖高猶有三界欲色無色俱有成壞縱福有長短之期除各天主外信正道可久存其諸天人一切所有天上品類俱非常住有始有卒皆名眾生二人道人爲萬物之靈雖贊化育弘道法貴賤異

道藏輯要

本行集經註
卷下

三

箕集七

位男女殊形夥然繁以庶億兆林林不可勝計是名眾生三魔道天之魔王魔民魔女精邪怪異妖孽難窮是魔類眾生四地獄道五無間獄九幽惡獄十八大獄三十大獄七十二獄冥塗苦惱獄類一切眾生五餓鬼道陰豐溟瀆大力鬼王鬼使足長首大腹廣喉微千萬劫中不聞漿水如是餓鬼眾生六畜生道胎者卵者濕者化者羽毛介甲鱗蟄形色蠢然泐然畜業一切眾生悉荷持經慈恩超濟覆護固天人之福解人中之厄除魔獄之淪滅鬼畜之報一界千萬界三千大千諸世界六道一切眾生除業增福賴其善故是三慈悲夫語六道則盡類矣言眾生則盡眾矣諸界皆然則無始前無

盡後不可思議稱量者皆賴此真持經之善矣信乎大慈悲也噫先自度而後度人欲濟六道眾生尙永持真經以成至善而後可也

應驗品續二十六章

持是經人名大道身出入所在無怖畏故

道本無形人身有象人性備道之全得天地之理得天地之氣若云道身人人有道人人不盡道則父母生身謂人之身可也四大易散云幻身可也物而不化云凡身可也醉生夢死云無知身可也朝暮忙忙甘至老死云業身可也不修不學輪迴難脫云罪身可也秋香易度華表無多云色身可也

道藏輯要

本行集經註解
卷下

三

箕集七

男女殊形老少異狀云無常身可也大限到來六親難顧云獨夫身可也風雨寒暄切迫肌膚云受苦身可也此世人無有道者也真持經人得法成真是道身也非凡身也名大道身怖驚憂畏恐懼也惟持經人出則坦然入則無累或出或入清淨脫灑無不泰然何憂何懼凡其所在無怖畏故

解疑

儒者云戒慎乎其所不覩恐懼乎其所不聞戒慎恐懼非畏乎況喜怒哀思悲恐驚七情在人箇箇不無此示出入所見無怖畏故若於戒慎恐懼相反也是不然戒慎恐懼逼人欲存道真也七情之具見人性體用全備欲人懾情歸性也若

怖畏之心內見未定生於外患有所恐懼不得其正也故夫子云內省不疚夫何憂何懼出入所在無怖畏身與道一觸處泰然何畏之有儒者云見大心泰與此互相發夫持經者出入無怖畏皆自然也非強制也強制則告子之不動心終非見道自然則夫子之不惑從心孟子之不動心皆與此經義同善乎兩教之言心學曰如如自然巍巍不動神化之道具是矣若勉強把捉不需自化持之不永效之欲速雖不怖畏亦非此經義也

應驗品續二十七章

持是經人名良醫身善行妙法安樂人故

道藏輯要

本行集經註解
卷下

三

箕集七

醫者宜也藥與病宜除其疾障也世醫察形辨理愈人之疾拯人之急以藥去病利人之生有神聖工巧之名真持經人非世醫也無凡醫也不言海上之方也金針默度名良醫身人生氣質雜揉者眾氣失其平有生來之疾有有形之疾有無形之疾有一身之患有一家之患有一國天下之患有一世之患有累劫之患疾苦牽纏相循無盡父母所不能訓聖賢所不能化王法所不能禁醫之無藥救之無方持是經人不詭異不强瀆妙用適宜良法當可不苦口不逆耳不違汝心不累汝身不强人以難不詭隨以縱善行妙法妙法一行聾者開聰再則盲者目明三則瘖者能言四者跛癆積逮起

行五則久病痼疾一時復形六則髮白返黑齒落更生七則老者壯少者強八則婦人孕鳥獸胎已生未生皆得生成九則地藏發泄金玉露形十則枯骨更生皆起成人消一切災度一切厄魔與冤債永不侵凌九祖六親往劫未來人我安平幽無對繫物阜身輕不但起人之沉痾抑且消變於未形誠未藥而有喜永保命以延生非一方一技安樂人一身之醫天醫最良眾生慈父善行妙法安樂人者矣夫此經登真之大道淑世之奇方人人本有自迷不悟者也善持真經有得宜濟世矣何末代自私念起稍得一二不慈人物如秦越肥瘠兩不相關始不教世終以自誤暫明復蔽不能成道甚

道藏輯要

本行集經註解
卷下

誦

箕集七
X8X

可惜也噫知經不度世非也不知強以爲知好爲人師妄自傳度又大過也能除二病勉力了明此經斯可以普度

應驗品續二十八章

持是經人名光明身常爲帝光所攝受故

人性虛明無所不照氣拘物蔽昏掩其明眞持經人性天朗耀心地開通光明常顯命蒂精融如太虛之無雲如日月之代明浩然充塞盛大流行誠光明身非汚暗者也帝王帝也帝光普照無所不及人自卑汚難以承受今持經人履踐天光丹耀金庭宇泰定而天光發上帝昭格光映玄空持經仰受太和景明帝光攝入保護持經持經蒙化永保常清光明

交映與天合德日月合明嘗聞天道下濟而光明本無私親人受天之明命本大光明然性本無染心貴虛明人貪欲樂不能使靈臺無物如日月薄蝕雲霧蔽空若不文其過絕欲還理一時之暗旋即廓清四通八達明者益明天光有不煥帝光有不臨末之有也人乃自暴自棄念頭營營晝作夜息心無少停爲者既妄念復不清與天相悖故昧真經稍然有覺過成業生罪報森然輪受不輕不能速改以辭文之則天不可欺神不可瞞人之視己如見肺肝此性何在忍欺心若是也所以天命之佑帝光祥護必在真持經修道成真之人真持經名光明身爲帝光所攝受也噫人一也明德同也人道藏輯要

本行集經註解
卷下

三

箕集七
八〇〇

何不持經盡道克當上帝之心

應驗品續二十九章

持是經人名自在身天宮妙境神能遊故持經功德說不可盡自在身者三災四殺五行六害七傷八難九星厄十惡業一切無牽永除業根證三元空五蘊離四相絕百非除萬有超載劫真解脫大自在身天宮妙境神能遊者是持經人立功如意身得自在凡諸天宮一切妙境碧路瑤堦虬壙彩壁玉京金闕紫府黃房瓊樓玉宇閬苑瑤池玄都上境祕院丹臺寶林香徑神室絳宮法橋錦檻皓殿赭庭及瑤草琪花冰桃雪李交梨火棗丹饌瓊漿道光玄瑞彩霞雲祥神輿法駕法

寶天人諸品奇英神遊定觀悉應勝遊非常人所及持經功德說不可盡甚言功德大也夫所言持經功德種種人物幽顯存亡今昔一切並利邪魔伏帝光臨神遊諸天尙言不盡則功德無量矣說經至聖又何如哉噫經功最大當至誠永持矣

應驗品續三十章

又若道士志人能結壇誦經著新淨衣於夜半後闌寂之時獨處清淨室叩齒九通東向端坐誦詠是經於是時也天真御几玉妃拂筵萬神班列諸天臨軒三界侍衛五帝司迎

道士修道人玄之通名志人有志之人也或作至人非也蓋

道藏輯要

本行集經註解
卷下

三

箕集七
又

得道成真方名至人觀經者但以後有天真玉妃萬神諸天三界五帝御班侍迎等句以爲當作至人看不知經是帝勅所在諸神拱衛遇持誦者卽愚夫凡婦衰叟蒙童神敬是人如奉是帝持經誠敬福德無量怠慢則咎殃立至諸神侍迎敬其持真經不必至人況結壇新衣夜半靜室叩齒東坐此學者誦經之常規非所以論至人故知爲志人無疑天真御几者諸天至真臨御法几玄案玉妃拂筵者靈妃玉女拂清法筵拂蕩也欽敬清肅之意非拂逆之拂筵法席也世間帝王勅令所在羣臣班列皇經爲玉帝祕言元始法旨志人持誦卽讀宣帝勅一般萬神悉皆班列拱奉軒玄案也三界天

界地界水府界三界諸神將吏侍列護衛一云志人誦經三界當作天地人然夜半淨室定無人在爲天地水部三界無疑一云欲色無色三界亦不是五帝五方五靈五老上帝也一云五嶽尊帝也以前有萬神三界字中有五老此當作五嶽萬神三界中有五嶽此作五老是也經中有五老啟問故開經五老司迎道祖司主也承也迎迓也覲禮虛皇之義一云司迎持經之神昇玄亦是夫觀誦經之處諸神備護則不誠諸神鑑報必有之矣見聞經者當凜然恭持不見聞者當惕然求遇嚴若諸神之臨不求應見之效無思無爲密密持真一身之神森然永保我真經矣勉之忽怠

道藏輯要

本行集經註解
卷下

三

箕集七
××上

應驗品續三十一章

又能閉目靜思存想是經不覺身處三色雲氣之中俄見其身光明赫奕上昇天宮眾真下迎心有所請一切應奉仙丹妙寶隨意自得宜當依科冥心奉行

五蘊之害色爲第一色之亂心目實受之奉持真經身心宜淨閉目以靜心自大定然道之玄微非思不入妄思又所以亂真閉目靜坐不見可欲使心不亂默嘿思索密入深機此誦經之大要也今言靜坐者兩目半垂簾不全閉恐作鬼窟活計不知陰趣雜念是曰鬼窟若心清淨閉目何害時人心不決烈閉目疑生故半開眼不着睡魔疑心耳若善惡兩忘

無無亦無真道自入閉目何妨垂簾之論玄師防無志者魔惑耳且半垂簾義閉目不觀內有真照心法惺惺光明不昧如垂簾聽政雖不觀看當應者無不周知也此修道之機括故論經而併及之存想是經不是招攝經中景象功效對此法品如見玉帝念道思真不敢輕易徒口誦經靜存此心密密研窮經中至理體之身心也雲氣蒸成於天地思經大定與天心合念念真善慶雲迺生不覺身處青黃白三色雲氣之中心身靜正龍虎蟠旋故有是三色雲若修真成則五色雲擁九霞光泛又不同耳俄少頃時也俄見身光煥發盛耀炳蔚心有所請者至天宮心有所請求一切應奉仙丹妙寶

道藏輯要

本行集經註解
卷下

三

真集七
×リ

隨意皆得者一切應當奉獻元始玉帝仙丹妙寶隨意請求自然皆得不可言求實應奉自身依科遵依科教也夫經本人性之真默悟永持可也以存想言之似落第二義儒書云恍惚不見之圖儼然無形之視又云洋洋乎如在其上豈亦第二義乎噫上智者少中人最多若不操存求不聞之亦式焉能盡人合天超凡以入聖耶學者思之

應驗品續三十二章

此經乃至三世金仙十方大聖皆從此經依科修奉故得超證無上妙道是茲

玉帝諸天之師眾聖之王

三世金仙過去世見在世未來世金仙金丹不毀太玄真仙也十方大聖四正方四隅方上下方十方靈寶尊神至真無極大聖超證無上妙道者進修不同成就各異證道階品未至不爲無上如神人地鬼等仙如欲色無色天神如菩薩聲聞羅漢佛乘如化大英信善人賢者等儒皆非其至如天仙文佛聖不可知神儒方名最上金仙大聖依科專奉此經與帝真合故得成最上仙超脫高證無上至真妙道不落諸天福德之果茲此也三十三天三十六天萬二千天三千大千世界一切諸天皆從皇經而證大道玉帝迺諸天之師化成眾真者也諸仙諸儒聖諸佛諸天諸神一切眾聖修讓其德

道藏輯要

本行集經註解
卷下

三

真集七

度讓其功證讓其尊浩劫欽崇眾聖之王也噫人有天君泰然則道可得若不修心了悟與天合德虛崇上帝抑過矣戒之思之

應驗品續三十三章

是故凡夫值遇是經精一修奉乃至五帝輔翼召使羣仙御役神官運導陰陽千靈敬仰萬神攝伏百邪避路羣魔東形命遇之後卽得南宮受鍊飛步上清逍遙自在與道長存

五老上帝不指五嶽輔助其進修翼加其不逮召使令而役之羣仙如命也御役制而驅之神官供役經云修道志人中可以役鬼驅神雖凡夫精一持經仗道法力自能召仙役神

運導陰陽惟精惟一允持此經自以幹運造化開導陰陽千
靈敬仰千靈恭敬瞻仰萬神攝伏攝驚畏心服伏斂神默伏
也萬神攝伏不待作持百邪避路百邪遠避道路不敢觸犯
羣魔束形諸魔束斂其形不敢顯露南宮朱陵府度魂鍊魄
之宮也受鍊受南宮鍊度也飛步上清飛神步上清天界此
非上清境但言昇天耳逍遙自在者不經地獄不受業報無
拘無繫與道長存者初受持經雖非至真精一修奉心契於
道無滯無牽魂神清淨不復毀淪此道典之所謂死而不亡
佛經之所謂一悟便了也夫一凡夫精一持經其驗如此則
知至誠之功效雖下愚亦可以盡道也觀者勉焉

道藏輯要

本行集經註解
卷下

早

箕集七
明三上

應驗品續三十四章

又復世間眾生得聞是經心生渴仰能於家庭擇清淨處畫帝
尊像日夜虔虔晨昏濟濟香花燈果尊重供養稱讚聖號瞻禮
誦經是人當得三十種上妙功德

一者諸仙讚重

二者先亡生天

三者宿殃解脫

四者所往通達

五者無盜賊事

六者所求遂心

七者除水火厄

八者橫事潛消

九者夜夢吉祥

十者疾病不侵

十一者智慧聰明

十二者人見歡喜

十三者衣食豐盛

十四者子孫榮貴

十五者六親見喜

十六者門族和睦

十七者除三惡報

十八者轉女成男

十九者形容端嚴

二十者爲國大臣

二十一者生爲帝子

二十二者鬼神欽仰

二十三者得宿命通

二十四者諸神護念

二十五者九族受蔭

二十六者處世長年

二十七者有情賴善

二十八者魔王保迎

二十九者決超三界

三十者白日上昇

諸仙讚重讚歎欽重也先亡生天先亡宗親悉生三界也宿

道藏輯要

本行集經註解
卷下

里

箕集七
川上二

殃解脫者宿世業殃解脫永不牽纏所往通達者向往進修
悉得通達所求遂心者求謀盡遂潛暗也子孫榮貴非必榮
華富貴賢而清不惡賤天便好宿命通宿業盡命長通利諸
神護念護持讚念持經奉玉帝之人九族受蔭九族高曾祖
父已身子孫曾玄一云父三族母三族妻三族也有情賴善
者世界有情賴其善功白日上昇諸仙昇化不同非必白日
肉身昇天體同大虛神遊玉京是白日上昇尊經敬帝雖有
此功先要絕盡私欲不求效驗亦不間斷心與天合然後有
效卽無效亦不害爲善也若一覬效非善傳帝經矣觀者辨
之

應驗品續三十五章

爾時

天尊復告四眾曰此經功德能碎鐵圍諸山竭苦海水破大地獄拔諸罪苦降暴惡魔護諸國土能滅一切惡鬼能除一切重病能解一切惡毒能離一切惡人能伏一切毒獸能摧一切邪道一切諸天皆自尊敬其餘功德說不可盡

竭苦海水者迴頭登岸苦海波乾破大地獄者屏息妄緣拔諸罪苦者絕斷業根永無罪報降暴惡魔者降伏剛暴猛惡邪魔護諸國土者悉使清甯富國安民能滅一切惡鬼者除滅兇惡陰鬼除陰惡趣能除一切重病者除盡諸染能解一

道藏輯要

本行集經註解
卷下

三

箕集七
川文止

切惡毒者解除世諸惡毒解身大嗔惡毒能離一切惡人者或不相遇或惡人見我彼即遁迹能伏一切毒獸者馴伏世諸毒獸又修真之人陰氣化諸毒龍猛獸巨虬獅子各百億萬眾護我真經令自馴伏永護於我能摧一切邪道者摧破世諸邪道摧已邪妄迷執此經功德消難消之變除難去之毒無所不化無所不利大方便最上法品也雖至聖之微言實性分之能事勉之則功自成

應驗品續三十六章

爾時道場大眾金仙菩薩真聖眷屬聞是說已歡喜踊躍稽首敬禮而作頌曰

大哉至道

無宗上真

上度諸天

下濟幽魂

上無師祖

惟道爲身

丹臺紫府

金闕玉京

祕此妙法

溥福含靈

滅我萬罪

增我遐齡

萬神朝禮

魔王保迎

功德昌盛

黃籙書名

渺渺億劫

使我長存

于時會眾說是頌畢稽首皈依奉辭而退

大哉至道大不可量至不可及也無宗上真無本無始最上至真也上度諸天化徧於上也下濟幽魂化徹幽冥滯魄盡昇也上無師祖無師無祖也惟道爲身頌讚此經以道爲身也丹臺紫府太玄妙境也金闕玉京解見前祕此妙法祕珍

道藏輯要

本行集經註解
卷下

三

箕集七
川文

藏也溥福含靈徧福一切含靈或以福作溥度也滅我萬罪經能滅一切罪也增我遐齡經能延年也萬神朝禮欽重此經也魔王保迎尊持經者也功德昌盛功德盛大周徧悠長也黃籙書名玄都仙籍金簡黃籙以書其名也渺渺億劫渺渺寥廓遼遠億數多劫也使我長存便持經有道者長存也高上玉皇本行集經卷下終

至心皈命

金闕玄穹主 高上玉皇尊 諸佛聖師 萬天帝主 演三

卷五品之妙法 周十號萬德之洪名 放十七大光明 示

三十種功德 拔度生死 運化古今 一萬二千三十六字

洞玄靈寶高上玉皇本行集經

夫此經探之無始莫知其先推之無終莫知其後大包三千大千莫知其大細入塵沙渺冥不見其小覆盡諸天不知其高利盡諸地不見其下福度一切人物不見其繁包諸法括萬有不見其雜任劫數昇沉無分無合任化機推遷無間無緒消盡邪魔不示神通度盡迷執不見勞費化無窮不恃功德普仁慈不拘品類究之無際稱之難窮誠三教之真宗浩劫之永寶要之爲吾性之固有天命之本然也一切人物至誠脫悟全得經功眞得之基存乎一心因附心印

道藏輯要

本行集經註解
卷下

圖

箕集七
二

玉皇心印妙經

此玉帝傳心聖聖相承以心印心明悟了證皆宗此旨三教莫違故云心印

上藥三品

最上妙藥有三品卽三般

神與氣精

非金石土木靈芝玉屑及外藥凡藥乃元神元氣元精凡藥可以愈疾所及有限此藥保劫度世化濟無窮一切莫比故云上藥

恍恍

道藏輯要

本行集經註解
卷下

墨
一
上
上
上
箕集七

似有非有

惛惛

似無非無

脊脊

似遠非遠

冥冥

似近非近若不見聞似有見聞

存無守有

祕存虛無默守妙有

頃刻而成

上藥一得立躋聖域

迴風混合

迴旋巽風混合百神

百日功靈

三月基就功漸玄靈

默朝上帝

宇泰貞定祕禮元皇

一紀飛昇

十二年丹神飛昇一云歷脫十二相屬乃昇

知者易悟

道藏輯要

本行集經註解
卷下

吳

箕集七

真知者易悟上藥之基

昧者難行

愚昧者難行存守之義

履踐天光

宇泰定天光發而足攝天根

呼吸育清

真炁往來滋育玄清

出玄入牝

知天谷元神而出玄入牝

若亡若存

不散亡不强存若亡若存

綿綿不絕

默默綿綿終始不絕

固蒂深根

性根命蒂妙培深固

人各有精

各人皆有至真真精

精合其神

真精妙合元神

神合其氣

道藏輯要

本行集經註解
卷下

畢
箕集七

元神妙合真氣

氣合體真

元氣妙合吾體至真

不得其真

不得身之至真

皆是強名

自云得藥便是強名

神能入石

神入金石無礙一云穿山透石無不到之謂也

神能飛形

煉神還虛身自飛昇

入水不溺

有道者水不漂溺一云諸欲不染爲不溺

入火不焚

有道者火不能焚一云怒妄不生爲不焚

神依形生

形成而神至故云神依形生

精依氣盈

氣滿則精全故云精依氣盈

不凋不殘

道藏輯要

本行集經註解
卷下

冥
箕集七

神氣精全絲無耗散而不凋不殘

松柏青青

永無衰變如松柏青青

三品一理

三品上藥共根一理

妙不可聽

重玄至妙非可聞聽

其聚則有

善存默守妙聚則有

其散則零

妙意渙散倏忽漏零

七竅相通

耳目口鼻七竅內焉相通一云七竅在內

竅竅光明

風雲發洩竅竅光明一云各有天光寶明

聖日聖月

身之眞陰眞陽永明不毀故云聖日聖月

照耀金庭

光映丹臺紫府云照耀金庭

一得永得

道藏輯要

本行集經註解
卷下

晃

箕集七
一十三

眞得實益永不毀淪

自然身輕

身輕回陽換骨還虛非徒體健也

太和充溢

太和眞氣充滿洋溢

骨散寒瓊

黃中通理骨竦神怡翠落瓊珠金筋玉骨

得丹則靈

是藥得丹易凡而靈

不得則傾

不得正丹藥喪身傾

丹在身中非白非青

非肺白非肝青

誦之萬遍

默轉真經萬遍非口誦也

妙理自明

此經妙理自然明白

無上玉皇心印妙經回向懺悔文

回心向道

龍章鳳篆已殫歌詠之誠鶴駕鸞輿重冀鑒觀之惠臣謹炷

道藏輯要

本行集經註解
卷下

辛

箕集七
川三川

真香重誠奏啟

道經師寶元始萬神玉光會中一切聖真

恭望 恩光重垂證鑒臣向來爲某人某事看誦玉皇本行
集經幾部敬保某人某事云云所宣經典罔敢不虔其奈業
力障魔神志錯亂所立根鈍自然想來脫畧混淆顛倒重疊
臨文狗意字誤句差乖清濁之正音泥解會之邪見事奪其
志心不在經問對起居斷絕隔越久誦懈怠因事忿嗔嚴潔
或涉於垢塵肅敬或乘以瀆慢身口服用之不淨衣冠禮貌
之不虔供弗如儀處非其地卷舒揉亂墜落脫傷不專不恭
大慙大愧伏願慈悲憐憫赦釋罪愆庶使誦持得臻感格所
祈所願如志如心尙慮經中傳授或誤刊寫多訛其師其人

悉皆懺悔仗道威力願罪消除常轉法輪普度羣品爲如上
緣稽首稱念

太上無極大道

至真三十六部尊經真文寶符

太上三尊十方眾聖玄中大法師

玉經中無缺數眾神仙不可思議功德

道藏輯要

本行集經註解
卷下

三

箕集七

萬天至尊金闕玉皇上帝勅命曰於戲天道無親惟佑善人人道貴華必隆賜予古今不爽於茲爲烈況以大勳既集世道攸關吾典垂成人心有賴太平之兆行見有基國家之興由茲綿遠天清地寧人和三才建極儒典玄宗佛教三門同興仗鈔典以爲之樞筭釋有道幸真法旣已觀成剗剗莫遲庶幾早回人心速移世道有志者得遂青雲無緣者亦通懺悔朕心早慰諸天於是咸安道法重新萬地因而共泰非同小可莫辭煩勞此日加意小心奉命惟謹他時施恩破格受福無窮今特命吾殿前天猷大元帥佑聖真君前來奉勅示諭好生加意小心謄錄成帙陸續可付刊刻朕准爾等下方有好善矢誠之士幫助凡

道藏輯要

序

一 箕集八
人上之文

矢志幫助速完刻本之人准其功名卽速成就後福漸次增加爾等無妨以此大緣勸諭善人共成天事共受天福流行之處一方俱准免瘟癘受持之士卽速免其本身災星臨照惡病不纏一家福惠一人受持一家免難一家受持一方免難在位之人受持俱令其所治之地若一方若一國若天下若四海皆得刀兵永息瘟癘永免太平百年受持之人不惟一身受福准將來度上南宮受鍊進位天階勅命一下天上地下神員勿得違慢若有疑惑不信謗毀經文並疑惑爾等侍演執筆之事其人卽刻身體困倦惡病纏染若有疑惑加意謗毀並改真本以從俗本者著令雷部嚴察先斬後奏爾壇中人俱宜加意小心勸

戒惟謹其有不信是經者爾等不必與之爭論但須拭目俟之
看其受災受報又此經所在之處著令雷吏護衛是經是人一
切惡魔不得侵近有違之者朕命所至化爲飛塵永無超生又
或儒宗士子執其偏見慢易是經俱准神員令其功名滯塞永
無上達衣食坎坷窮困終生子孫無發達之期死後有考掠之
咎隨其生平作爲超生受報又或立宗只信俗本不信真本其
罪更宜嚴重此爲明知故犯理所不容又或禪宗疑惑不信是
經者俱准打入魔道永失正覺又或謗毀是經者其罪與十惡
不善者同科其罪不通懺悔天律不赦如或有人戲侮吾像其
罪尙可懺悔赦除若戲侮此經及戲侮傳經傳法之人其罪猶
如戲侮謗毀吾金闕至尊真身永無解免之條再無懺悔之路
又此不信之人非是與經爲難實是與朕爲難所在一切神祇
嚴肅治之不必奏聞此等罪報祇須年終彙奏可也凡爲朕之
人民者宜自愛而勿蹈此罪焉欽哉

乙丑十二月二十日戌時諭

道藏輯要

序

二

箕集八

重刊道藏輯要

太上洞玄靈寶紫微金格高上玉皇本行集經闡微卷上

玄蘊咒

大哉

元始無量度人演清淨教登引天真玄座說法寂然無聲

玉帝放光喜慶難言是爲心傳亦曰天根大圓滿咒瑤章洞文集以成書敷落神真臣今東向誦願與天齊并存亡俱證果永度愛河津

清微天宮神通品第一

道言

道藏輯要

皇經闡微

三

箕集八

元始天尊昔在清微天中玉京金闕七寶玄苑

玉皇宮殿昇光明座與無鞅數眾宣說靈寶清淨真一不二法門

應運說法章第一

天師張真人曰 元始天尊無上法王是道祖也卽祖炁

也 玉皇上帝總握萬天卽 元始祖炁之所發皇大

道之真身法門之主宰無鞅靈聖之宗師也其實 元始

祖炁 萬天宗主是一是二故在 天尊說法之時

玉皇宮殿與七寶玄苑清微天宮互相輝映然非由

靈寶清淨妙道不能透此玄機入斯妙境蓋清淨則真一真

一則不二不二乃入法門躬朝 上帝而道契 玉清
至尊無上粵義開宗高著眼孔至理重重

箋釋

正陽帝君曰 玉清一現卽是 玉皇氤氲祖炁發爲
休祥照耀天地一十七光清微天上巍峩帝鄉玉京山內時
有天香玄玄寶座恒演天章這般妙理若個親嘗天樞上宰
闡發輝煌羣真奉命再爲發皇真機秘密口訣精詳引彼後
學直達天堂流傳不息後嗣必昌

白祖仙師曰 玉帝 玉清本一家清微妙有兩光華
真機秘訣傳 元始道範德輝被海涯金闕巍巍爲

道藏輯要

皇經闡微

四

箕集八

帝座玉京朗朗散天花法門無上超無上足下生雲絢彩霞
海蟾帝君曰讀得 尊經做得仙 玉清 玉帝盡
通玄法門不二歸真一至德無缺總萬天 靈寶瓊書參
祖炁清微 帝座復先天天師代代真人出妙法於今要
徧傳

文昌帝君曰玉京金闕本巍峩 上帝 天王妙理多
萬有羣生歸太極瓊編玉笈隱天和靈臺淨處通靈寶愛慾
無沾出愛河莫道文光揚七曲 帝光無盡 道君哦
孚佑帝君曰玄座說法妙無倫大羅天上選羣真超然無上
真風徧其數無缺 帝座人一部 尊經全付汝萬端

妙義盡通神往代天師重演法

聖朝留得億年春

斗母天尊頌曰

大道無言

三教咸尊

經傳元始

朝帝有門

是時

玉皇尊帝與諸真聖飛天大聖無極神王靈童玉女九千萬人清齋建節侍在側焉

乘機與會章第二

天師張真人曰

玉皇尊帝

元始之分身總握萬聖

還與萬聖尋源返本依然從祖炁而來其實諸真聖眾又爲

玉皇尊帝之分身靈童玉女依然爲

玉皇尊帝諸

道藏輯要

皇經闡微

五

箕集八

眞聖眾共有共具之眞靈眞秀眞陰眞陽故一齊皆從清微
天宮聽法九千萬人不嫌其多咸集 元始會下尙嫌其
少清齋建節禮儀輝煌逐隊成羣忠貞不二蓋 元始以
心印 玉帝 玉帝卽以心印諸聖自然嬰姪同靈老
陽生生是誠天地開闢以來第一法會讀經者當默會此玄
機

箋釋

玄天上帝曰

玉皇尊帝萬聖之宗皆從

元始稟具

金容汞爲玉女鉛是靈童八十一數妙義重重其光晃朗其
氣和融紛紛紜紜惟 帝是從返本還元清微天中

元始說法卽在爾躬清齋純一建節崇隆諸眞聖衆久侍瓊宮
上帝招攝恩惠無窮俱在 帝心祖炁之功惟

皇建極廣博無窮會萬歸一聽法來同九千萬人總一蒼穹
天尊演法妙有真空高高證果永播眞風

正陽帝君曰 元始說經 玉帝聽靈童玉女盡神靈
本來一道源流合莫怪羣眞拜舞慙建節揚旛揚至德清齋
仰道仰明君九千萬人皆會集一心一志頌鴻文

麻祖元君曰誰爲玉女與靈童自己家珍莫看空但使九千
萬人集乃知十七 帝光同清齋建節從天道聽法參玄
爲我躬一部 尊經何人受帝主分明在絳宮

道藏輯要

皇經闡微

六

箕集八

文昌帝君曰

元始分身是

玉皇高高無上十七光

靈童得處從神女眞陰永駐結元陽書傳妙有層層奧氣播
坤輿處處香悟得 帝身歸祖炁手攀丹桂狀元郎

孚佑帝君曰此身卽是

帝分身

帝身還從

玉

清神上蟠下際皆吾道食德飲和盡聖人聽法慙懃還建節
清齋專一試捫心九千萬人皆 元始童是眞陽女是陰

斗母天尊頌曰

結得陰陽

讀得瓊章

九九數合

咫尺帝鄉

於是

玉帝知時欲至卽於會前舉六通力放大光明徧照諸大無極

梵剎一切境界皆大震動十方無極一切世界俱同琉璃玻瓈
無有隔礙

知時放光章第三

天師張真人曰 玉皇尊帝會 元始之座聽 元

始之法卽現 元始之神通而照耀 元始之法界何

莫非 元始無礙之光明夫 帝身卽道身卽 元

始之分身不可以常身論然非由常體不能顯露真體彼在

常體能轉六識爲六神通則圓融無礙自然洞徹三界十方

上天下地不隔一塵佛國天宮自然感動况 玉皇尊帝

會 元始祖炁無極大道之金身建豎乾坤首出庶物之

道藏輯要

皇經闡微

七

箕集八

德範其光明自然昭著如慧日之照臨如青天之圓湛究之

無聲無臭無色無相乃是 玉皇尊帝真體穆穆深遠泯

厥思慮豈有言詮然而包舉六合之力量收攝無極世界之

光明自不能掩所以隱顯隨時動正由心其卷而歛之也則

渾然一炁不露其端其放而露之也則灼然萬象瑩徹無礙

帝德所至之處卽 帝光所到之處有何境界可以

障礙者乎於戲覩此光明已令人欣歎不已而猶未竟其靈

通也有欲近 上帝之琉璃玻瓈光者請從是經讀起

箋釋

正陽帝君曰皇矣 上帝大道之樞神通無上照耀坤輿

六牕無塵六洞皆虛六根清淨六塵難拘如中天日如出海
珠光明一現萬里無殊琉璃境界亦比玻瓈十方梵剎一氣
連枝神力扶天何況羣黎德光返照三境相齊何況十方國
界東西或南或北十極穹廬不能收攝同體而居圓明無礙
帝德規模知時不違心手相符浩氣包含玉體光敷默

朝 上帝捧讀瓊書

何祖元君曰 帝有真身現六通光明無礙十方同知時
乃與真機應光被無非祖炁融梵剎三千金世界王居百萬
玉帡幪三才萬象歸皇極個個發生雨露中

白祖仙師曰惟 帝高居白玉京上通 元始下蓬瀛

道藏輯要

皇經闡微

八

箕集八

西天境界歸南極北海鯤鵬到 太清總無一物相隔礙

都由 聖力太充盈地軸天關輕舉處往來變化任遊行

文昌帝君曰稽首吾 皇十七光光明放處燭無疆八境

八極歸皇極萬炁萬方總上方南北東西金色界木金水火

玉龍堂六通 聖力神明德證得琉璃到 帝鄉

孚佑帝君曰 帝有真身顯六通我憑至德玉光融不染

一塵 彌羅境真歸三境太微宮琉璃本相玻瓈映身世

真修色象空上天下地遙相接誰云無分步玄穹

斗母天尊頌曰

聖力開天 神光燭地 妙境分明 真經壽世

十方來眾並乘五色瓊輪琅輿碧輦九色玄龍十絕羽蓋麟舞鳳唱嘯歌噫噫靈妃散花金童揚烟讚謠洞章浮空而來

十方來集章第四

天師張真人曰十方之眾皆自 元始一炁分形本與

玉皇尊帝同具妙體然而一實萬分則萬有不齊萬殊各異雖與 帝同體而流派各別安能返本還元一白

帝降恩光普攝無窮於是十方皆能返照聖眾皆能復性乃知 玉皇尊帝卽體以攝用十方聖眾卽用以歸體一理流通一氣招攝一光煥朗自然脫去凡塵離彼繫滯且能默運斗車潛轉天輪御九陽之真氣蔭十方以慶雲由是鳴鸞

道藏輯要

皇經闡微

九

箕集八

噫噫祥麟隊隊金童爲之揚紫氣玉女爲之布絳華凌空步

景浮游三界上天門而朝 玉皇尊帝歌洞章以頌

帝力於何有是顯用歸體之時非 帝光被及不能讀是經者有不欲親近 帝光者乎猛省猛省

箋釋

玄天上帝曰三界十方不知其數聖眾紛紛來集何故爲因

有形秀靈全賦 玉帝同光 玉清理具物蔽氣拘漸

失故步 上帝好生天光滿布招攝無窮示光明路見光

而來返還本處萬殊會一體正用彰咸朝 帝座倍有輝

光麟舞鳳唱盡發休祥金童玉女皆服瓊裳鈞音振響逸韻

琳琅乘雲爲馭輦道非長飛蓋揚旌已到 帝鄉共歌聖

德拜禮 元皇瞻雲就日遇此慈航延億萬春尋我真常

天尊訓語捧讀莫忘

觀音世尊曰西天佛子到南雲只爲天光布處均一德輝煌
無盡劫十方來集 帝庭春金童玉女神通大瑞鳳祥麟

氣象新寄語學人須鄭重本根原與 帝同神

正陽帝君曰十方無盡更無邊跨鳳乘龍到 帝前不有

金童歌法曲安能玉女產真玄鳳麟皆是靈機毓乘駕莫非

正氣傳大洞真風歸 帝典十方來集十方仙

文昌帝君曰 玉皇總握萬天中光被無邊拜舞同總爲

道藏輯要

皇經闡微

十

箕集八
川上之文

一元無別物自然一日會瓊宮祥麟自可招鳴鳳金女必須
接聖童君聖臣賢歸有道九天無處不春風

孚佑帝君曰十方久已共蒼虛今日何因返 帝廬總爲

色塵傷墮落當從光照覓安居金童玉女皆和協威鳳祥麟
入畫圖那怕雲程隔萬里瓊輿來往似通途

斗母天尊頌曰

遙遙帝京 不隔雲程 十方來集 乃見真情

是時

梵天一切金仙大乘菩薩四眾八部承斯光照皆乘碧霞九靈
流景飛雲玉輿慶霄四會三辰吐芳飛香八奏旋遶道前雨眾

妙花如雲而下徧覆會前

金仙普至章第五

天師張真人曰 梵天爲釋教歸宿之所金仙卽其所證之體尊重之爲大乘明非二乘之所能及普濟焉爲菩薩明非獨善之所能仰四眾卽其支流派別八部卽其護衛維持似與玄教無涉嗚呼分門別戶三教不能歸宗交謗互嘲一道徒興刺謬泥乎語言文字誰能返本還元不知性命兼修爲大道仙佛同體爲口訣何爲大羅之金仙何爲大乘之法寶本同而未異殊流而滙源故三教之道合之則是離之則非何況乾體金剛卽金丹之本體金身丈六卽金丹之發現

道藏輯要

皇經闡微

十二

箕集八

所以步九光之霞舒三辰之華八極飛香四維布彩禪理清淨何故層層皆是玄家妙用况 帝身卽是佛身菩薩之心必契 上帝之心光明洞達之時自然兩相照耀天花繽紛如雲雲駕浮游來會一氣感通一道同居有深信者自然與 毘盧遮那印合

箋釋

伯陽魏真人曰梵天釋教號曰如來如如不動好結靈胎金花布彩可上蓬萊金身丈六直上瓊台金蓮萬朵捧獻金階金容有喜選佛場魁休哉 帝光照耀八垓三世諸佛咸曰善哉承光覲揚圍繞千迴凌霄殿上許坐無猜本來一理

元始栽培 毘盧現在孔孟道該擎天玉柱平地良

材是真佛子何用徘徊金門出入九棘三槐娑羅樹下

帝德當懷

達摩祖師曰妙有雲宮

古佛場老僧也去觀

恩光

萬二千言真妙典一十七種太輝煌三世諸佛相印證大千
沙界共吉祥莫道枯禪難入聖西天不隔白雲鄉

正陽帝君曰百種修爲百種殊徒笑空門四果徒豈知

上帝心相印自爾朝天理不虛照耀未空佛子國袈裟飛錫
聖人都不有金丹宣丈六人身乾體本非誣

文昌帝君曰七曲衡文古大儒也從玄釋做工夫法場選佛

道藏輯要

皇經闡微

十三

箕集八

掄元手

帝座昇仙奪錦徒九十七化宏三教百千萬種

護

皇都

尊經法席傳真道定慧如來卽是吾

孚佑帝君曰圓通文尼是道身禪理精微妙無倫雲盡水窮

傳真諦西天南國播

皇仁一家何用分玄釋十地盡能

外紫宸寶馭雲車朝

帝座本來不是外邊人

斗母天尊頌曰

帝總三教

何分玄釋

大乘菩薩

咸通玉籍

是時其光徧照諸天下燭下方無極世界同玄都境凡彼人間
上近九天通接交連至親至邇凡彼下方無極世界山陵坡坂
溝澗溪谷緬平如掌六合至邇三境非遼天寶臺殿星羅人間

瓊瑰羅列朗耀雲衢七寶欄楯以界道路玉樹仙花蓓燦珠寶
景秀丹田芝草覆綿時彼下方皆見諸天鈞天妙樂隨光旋轉
自然振響又復皆見鸞嘯鳳唱飛鳴應節龍戲麟盤翔舞天端
諸天寶花零亂散落徧滿道路

光照下方章第六

天師張真人曰是卽 帝光徧照之處極其量而言之其
奧妙處上數章已明可知 玉皇尊帝總握萬天主張造
化下通萬地生成民物近其光者皆得長生得其光者皆入
妙境是以上下有交通之象遠近無隔越之時坡坂山陵皆
關道妙草木鳥獸盡啟玄機三境卽在人間城國如在天上

道藏輯要

皇經闡微

十三

箕集八

六合遼遠不異掌上觀紋萬象森羅皆是天心發現一時人
民何慶何幸遊此景化之中不異胥華之國鈞天樂奏皆是
一德自然宣揚天寶奇花皆是一德自然秀實所以諸天稽
首萬聖踟躕凡彼下方曰在堯天舜日之中不識不知順帝
之則須當信及自己一點靈光原與 玉皇尊帝天懷不
隔心香朝謁朝乾夕惕欲淨理純之時自然透此景象乃知
帝光時時照耀人間處處樂國人人化宇無窮奇異盡
在當前

箋釋

九天應元雷祖天尊曰惟 皇上帝一十七光上天下地

莫不輝煌一時民物皆在

帝鄉耳聞已覩靈異非常險

夷一致道路皆香鳥含奇花獸舞天端玄歌妙樂一時發皇
人間天上一掌平觀三田珠煥七寶爲欄鏡光圓徹世界平
安億人兆人 帝賜寶丹各承 帝澤就日非難九光

龍戲五色麟盤和氣所布發育胥殫自己心君保固須完然
後契合 上帝恩光白可乘雲上謁 天皇莫負這種

栽培恩長雷尊所示讀者參詳

正陽帝君曰

上帝光明世界通人間盡在玄都中緬平

一掌蠶叢陷景秀丹田玉樹紅鳳唱麟盤和氣應花飛樂奏
道機融無量度人恩無盡光圓寶鏡與誰同

道藏輯要

皇經闡微

古

箕集八

白祖仙師曰六合同春帝子家

恩光煥朗被無涯欄開

七寶弦須合芝呈三秀鼎生芽珊珊玉骨鈞天樂灼灼珠光
滿路花莫謂塵凡隔天境分明分得 帝光華

文昌帝君曰盡在堯天雨露中堯天舜日兩相融耕田鑿井
民生遂摩義漸仁物性通擊壤歌中皆祝華卿雲爛處盡呼
嵩中天泰運當前是拜舞八方格被同

孚佑帝君曰讀得

尊經做得仙仙家景象倍生妍天光

顯露民生泰

帝德加臨壽算延但使三田芝結秀自然

七寶路生烟玄都妙境高瞻處六合成家上下連

斗母天尊頌曰

六合三境

本是一家

文明照耀

處處瓊霞

是時凡聖駭異幽暗開光天人悅慶踴躍懽忻凡夫學士盡得飛昇仰觀劫初寶臺俯眄紫雲彌羅是諸世界一切人民咸臻道炁白首面皺皆得化度紺髮朱顏少壯幼穉轉得形容光澤美好苦惱痊平普蒙解脫安樂快然天下歌謠欣國太平

神通感效章第七

天師張真人曰

帝光無盡

帝德無盡也

帝之

神通無盡

帝之恩澤無盡也試觀六合之內何處不是

帝力運轉

帝道含宏發現處卽是生機沾被處卽

成靈藥雖蠅飛螻動亦荷天光何況稟

元始祖炁以成

道藏輯要

皇經闡微

十五

箕集八

人者靈秀獨鍾清明不闕本與

帝心聯屬有不近廓落

之光而有明效大驗者乎是以老者換顏幼者潤身爲士者直上天階求玄者早登雲路由是俯仰皆煥朗之光歌謠樂太平之世然上帝度人無量本欲盡十二類眾生而共爲接引乃自礙其光明因自外於上帝之光明本原皆差真性難復則滿地荆棘舉步榛莽本予以解脫之法自己少安樂之曰則夫忽焉駭異忽焉悅慶忽焉快然者當於自己身中領取斯不辜負上帝放光嘉會

箋釋

正陽帝君曰巍巍

帝境卽在人間紫雲常覆惡劫永刪

日月交煥仙聖清閒卽是三境卽是靈山清明元氣被及千般食其光者皆得換顏近其光者災劫不干從此解脫萬載平安上蟠下際皆大還丹寵錫大資承受非難不可自悞背日求寒要當悅慶智慧求完自與 帝光交映萬端讀是經者永度急難

麻祖元君曰 上帝神通有萬端神通到處卽平安蟠蟠鶴髮還成少怯怯童年已得丹天下如身歸有道太平無地不平寬清光復處天光合化度飛昇本不難

白祖仙師曰惟 皇恢漠大神通明效般般世界同老幼平安歸化曰天人悅慶坐春風玉爐璀璨天光協金鼎輝煌

道藏輯要

皇經闡微

十六

箕集八

道化融滿目生機須記取一分雨露十分紅

文昌帝君曰天開地闢盡生人形體雖分不異神神與

皇天非濶絕光分 上帝自懽忻性情既定容顏換雨露

無偏世界新總是陽光頻照耀凡夫學士一家親

孚佑帝君曰本是家親當外人可憐墮落幾千春自非

上帝光明現安得人間雨露新老幼不分皆化度天人同體

盡歸仁欣國太平緣有道天下分明在爾身

斗母天尊頌曰

帝德昭明 法界充盈 人無智愚 被者長生

當爾之時神風遐著萬炁揚津天震地裂枯骨更生沉尸飛魄

皆起復形鄩都鐵圍長夜九幽卽時破壞地獄眾生化生諸天
三惡道苦一時解脫時諸罪輩以斯光力得生十方諸大天宮
枯朽化生章第八

天師張真人曰 帝光無盡不惟能引聖離凡並能轉凡
爲聖不惟能發生有情之物並能發生無情之物不惟能接
引清淨無塵之體飛昇天上並能化度罪業滿盈之輩而直
上天宮蓋由鄩都鐵圍眾生造成桎梏長夜九幽眾生自趨
黑暗乃得 帝光照臨則神風遐著而不遺萬烝揚津而
得度一時頃間刀山劍樹盡變爲羽蓋霓旌馬面牛頭倏轉
爲靈童玉女罪孽雖積若邱山已消黑簿善功雖小如涓滴
道藏輯要 皇經闡微 七 箕集八

皆記瓊書所以沉尸飛魄皆復本體朽骸枯骨知返眞元天
關震動而陽神出現地戶崩裂而陰濁普消於是全體皆金
妙用同天朝元日到延億萬年化生十方諸大天宮不過返
自己家園然非由 帝光一點金丹駐鼎何能枯木生春
陰魄變神有志登雲而求金丹大道之士可自外於 上
帝之靈光明德而空言爐鼎者乎

箋釋

九天應元雷祖天尊曰 帝光下臨萬物皆春沉尸飛魄
起復爲人枯朽老病面貌若新鄩都山陷鐵圍城崩九幽長
夜俄頃光明地獄罪輩得上瑤京蓋有眞體與 帝無分

真風遐著點石成金萬炁歸元陽體無陰天宮超證地獄無
因更生永活萬劫千春學道之士勿錯用心佳哉 帝光
沾被功深金鑑有此寶鼎有根朝謁無虛是 帝最尊

尊經一部一念存存 帝恩深重許爾朝元

正陽帝君曰堪嗟世上物芸芸死到臨頭不返根 上帝

好生光普被金丹有分命歸元萬炁雖紛今得度真風遠播
體皆存九幽長夜莫愁苦返照分明道是門

何祖元君曰命由自己亦由天天光照處己身妍真風遐著
歸真一萬炁揚津證萬仙志氣清明無地獄身軀朗潤結芝

田三惡道中無名姓只因叅透 玉皇篇

道藏輯要

皇經闡微

六

箕集八
川上

文昌帝君曰真風一到氣歸源結得靈丹自返元長夜九幽
除死籍天宮三境茂生根沉尸也有飛昇日枯骨重逢化度
門 本行真經卽妙藥羣生點活盡存存

孚佑帝君曰 佛爲三界大醫王 上帝靈丹更有光

一十七般隨錫予百千萬姓要親嘗死期已至猶能活枯樹
逢春也有香從此斷除三惡道乘雲跨鶴到天堂

斗母天尊頌曰

煌煌帝典 句句丹經 濟生度死 隨用隨靈

爾時

玉皇卽分其身徧於十方諸大天宮令諸天宮自然化現白玉

爲京黃金爲闕七寶玄苑大光明殿具光明座幢節幡蓋異寶
奇花徧布是處

分身化現章第九

天師張真人曰 帝德光明普攝一世事亦奇矣而其悲
願猶未止也而其神靈猶未竟也於是游戲三昧大顯神通
以一德而恢宏爲萬德滿諸乾坤之內卽以一身而分爲眾
身圓全天地之數分合由心變化無窮夫以十方諸大天宮
分理萬方國邑城郭其數可量乎而玄範總於十方斯又奇
矣乃復於十方天中各各化現白玉天京黃金寶殿各各俱
有七寶玄苑光明寶座一身貴重則百億化身自然莫不貴

道藏輯要

皇經闡微

十九

箕集八

川上三

重一方如是治理則千萬方亦當如是治理究之玄境無爲
輝煌徧布皆自 上帝天心中成就 帝德如是圓通
帝光如是照徹而 帝力亦復如是神運要皆一元
大道之妙用如是 帝身卽道身豈不信然讀是經者其
深參之

箋釋

玄天上帝曰 上帝神通無所不有變化隨心般般美好
黃金爲闕白玉爲京金容玉體隨地而分光明座上處處分
明幢節幡蓋種種充盈萬殊一本一可萬端十方治理萬地
皆安萬幾曰理惟仁惟寬隨用皆靈隨予皆真栽培傾覆馭

物惟均六龍御天處處生春眾生稽首夙夜惟寅隨方化現
邇室彌親自己絳宮 帝降威神十號圓滿普應十方志
氣清明默朝 玉皇在 帝左右親近 帝光現身
之處不斷心香吾總玄天蕩魔天尊亦是如此玄妙之門時
時鑒察惟此爲真我卽 上帝金闕化身

觀音世尊曰三十二應是吾身真心早與 帝同神金闕
玉京分處處朝天禮 聖白頻頻恩光南海西天普德範
瞻雲就日親無盡芸生無盡惠十方萬地一時均

正陽帝君曰人人各有一天君靈異俱從 上帝分

上帝分身無盡藏天宮萬化不紛紜馭物隨心能變化御天

道藏輯要

皇經闡微

三

箕集八
川上支

有道更神靈寶幡絳節誠心供一點丹心達 帝庭

文昌帝君曰大道神靈在 帝心 帝心靈應更淵深

全憑一理生天地總有真機作鑒臨信手方方生白玉因時

處處長黃金莫云金闕太遼濶化現諸天爾室尋

孚佑帝君曰信是 天皇有異能十方化現十方承玉京

處處朝儀鳳金闕高高引大鵬九萬里程風助力百千種道

我歸真我亦化身千萬億方方稽首 帝威神

斗母天尊頌曰

清微天中 大顯神通 帝身無量 處處瓊宮

爾時

玉皇卽以所分之身徧於是處白玉京中黃金闕內七寶玄苑
大光明殿光明座上普爲十方演說清淨解脫之道

分演妙道章第十

天師張真人曰大道一元塞滿天地渾渾淪淪流爲民物乃
芸芸衆生曰遊行於大道之中而自離於大道之外蓋自拘
於形氣蔽於物欲濁而不清穢而不淨所以不能解脫自在
遊行且三惡道中淪墮無休可憐苦海無邊何日登出頭之
岸煩惱萬端何在非投網之慘解脫之難言也久矣幸哉
帝恩無盡 帝德難名 帝身無盡 帝之度人
亦無盡所以一身說法猶恐不能徧及必須化現多身一境

道藏輯要

皇經闡微

三

箕集八

說法猶恐不能徧度必須化現無量之境然而 帝身與

帝境雖曰無窮無盡而所示之妙法只是此一元之大
道是道之體本來清淨必不染一塵者方能復還能復還一
元大道者卽真解脫既能解脫則陰陽不能拘形體不能囿
且將與 玉皇尊帝異體同神然非 玉皇尊帝金口
宣揚誰能迴光返照識認自己真體而超昇解脫欲聞法者
從後叅觀

箋釋

彌勒世尊曰靈鷲山中我 佛說法芸芸衆生得大解脫
千萬億身皆稱正覺我在梵天主治兜率 佛治大羅巍

巍金闕是曰 玉皇無上 帝尊萬天教主總握乾元
度人無量 佛願周圓不遺一人個個成仙道身無量

佛法無邊十方度盡皆示真傳性是菩提命更幽玄解脫
之道惟此爲先千經萬典十聖三賢舍此一法難脫遮邇乃
在前曰妙理昭宣今日吉慶又啟法筵一理三教大道無偏
我 佛說法拈花微笑綱舉目張無非奧妙我得 金

旨顯在當來略說半偈助緣成胎我是真佛不必徘徊在此
說法多寶指開 毘盧遮那歎曰善哉

觀音世尊曰這般大緣非容易彌勒尊佛到此來只爲

釋迦卽 玉帝遂令真 佛下雲階龍華勝會他爲主

道藏輯要

皇經闡微

三 箕集八

解脫法門今又開得此佳緣還不悟說法先爲歎幾回

正陽帝君曰解脫門開度有緣無緣怎得讀瓊編誠心感得
靈山佛妙法重興 玉帝筵 金口宣揚猶不信蒼生

煩惱苦徒煎 玉皇慈憫方方顯若個得成上上仙

文昌帝君曰我說三家本一家學人都笑語言差不知解脫
歸天道總在神明無障遮清淨無爲私欲淨經書實踐性情
和闡揚玄道關三教莫使吾 皇歎奈何

孚佑帝君曰真經真法在吾家句句精微理不差不二法門
全是道 天尊大闡信無遮良緣會合傳丹訣一氣清明
返太和赫赫 王言須跪聽君還不信奈君何

斗母天尊頌曰

帝坐瑤京

悲憫羣生

分身說法

解脫功成

時化

玉帝各以無量天真大聖妙行真人靈妃玉女侍列左右是諸玉女顏容姝妙端嚴奇特天珍異寶莊嚴身相言音清徹眾所樂聞如是諸女其身復出微妙解脫自然之香是香芬馥周徧諸天極妙樂土及餘大地一切福處六道一切眾生聞是香者普蒙開度所謂天道人道魔道地獄道餓鬼道畜生道若諸天道一切天人或有能聞是此香者五衰四相永得除滅轉增天福若諸人道王臣兆庶或有能聞是此香者即得人天長壽之樂身或滅度即得脫殼尸解之道若諸魔道一切諸魔或有能聞是此香者安處天宮鬪戰之苦各得休息若諸地獄道一切眾生或有能聞是此香者離地獄苦得淨土樂若諸餓鬼道一切餓鬼等或有能聞是此香者即得飽滿無饑渴惱若諸畜生道一切畜生或有能聞是此香者脫畜生苦得智慧樂

聞香解脫章第十一

天師張真人曰 玉帝化身徧滿虛空既以神通化現妙境復以神通化現種種嚴飾且各有一切侍宸賢聖未嘗缺少法音一時周徧萬天天香一時芬馥萬境異哉至德發皇如是奇特至道精微於此可會矣蓋一元大道之精神命脉

道藏輯要

皇經闡微

三

箕集八
XII

現爲 玉帝大道之精華孕毓現爲眾聖故化 玉帝
神通卽能令諸聖化身 玉帝所現之處卽諸聖所現之
處且諸聖所在之處何莫非 玉帝鑒臨之處體用交輝
源流互顯道本如是 玉帝之神通如是諸聖之化身亦
如是也然 聖德發揚之光卽 聖德太和之氣光能
普徧照耀氣自流動充滿和祥之極馨香之至矣 德光
既能變朽回春則德馨自能轉苦爲樂試思世間沉檀諸品
不過土木和氣所發且能感召天神融洽肢體何況 上
帝至德所發玉女同體太和有不能徧滿乾坤而超脫六道
眾生者乎天人安處天和靈蠢同遊化宇上下一德幽冥交
濟德光與道炁共被於無窮非吾 天尊上帝何能充滿
其量如是

道藏輯要

皇經闡微

雷

箕集八

箋釋

玄天上帝曰巍巍 聖主至德發皇郁郁奇氣至道宣揚
太和充溢處處吉祥馨欬珠玉吐屬馨香眾生有緣決不荒
唐飲 帝之和被 帝之光食 帝之德挹 帝
之芳玉女同心道味開張至哉坤元乾德彌彰眞風鼓盪丹
桂同揚何欣蘭蕙何愛沉檀聞者得生嗅者皆安鼎爐有此
可結金丹諸天同道左右盤桓神通互顯救度無難六道眾
生災永不干從此超證度出惡灘酬 帝之德拜舞天端

正陽帝君曰動有奇光靜有香乾坤總是 帝休祥道機
翔洽同蘭蕙德味縈迴徧廟廊六道眾生咸感仰諸天萬聖
久深嘗神風再著真經顯撥動天和萬世芳

麻祖元君曰 帝坐天宮總道機神通種種更玄微香焚
案上金童掌香散人間玉女飛寶鼎溫溫看火候旃檀處處
示真機輪迴六道無窮苦得共諸天侍 帝幃

文昌帝君曰玉女能揚 帝德芬諸天侍列擁祥雲生機
處處馨香達元氣霏霏世界薰六道安寧皆證度天宮瑞靄
總氤氲桂香寶殿歸吾手也是吾 皇身上分

孚佑帝君曰諸天爲 帝久揚芬故此朝朝現彩雲玉女

道藏輯要

皇經闡微

三五

箕集八
川文

坤貞乾道協奇香天應地興薰道意淵微春發育德馨流布
氣氤氲桂子蘭孫今接踵清芬須向 帝光分

斗母天尊頌曰

至德馨香 學者親嘗 精神煥發 瓊籍流芳

爾時諸生天罪眾旣得生是勝天宮已緣承慈光攝受之故便
得覺悟各各明了罪福因緣與諸眷屬作天伎樂來詣

帝前是諸眾等各各含悲俱發聲言前後經千劫萬劫不見三
光常處黑闇三惡道中多受苦惱伏蒙

玉帝方便放光愍救我等皆生天上是諸惡業悉皆滅盡無諸
繫滯皆得往生仰胡

玉帝各到道場是諸生天一切罪眾說是語已稽首復位

承香覺悟章第十二

天師張真人曰悲哉眾生大道之分形稟上帝之神以

爲神承元始之炁以爲炁乃不能振拔復還遂令千萬

劫中常處黑闇三惡道中常爲繫滯苦不可言何望解脫至

是乃明了罪福因緣不亦晚乎然以後來之眾生論則猶尙

爲早也至於眾生生天則天中人矣神矣仙矣聖而賢矣佛

菩薩矣而猶未免含悲聲言似乎不必乃真情發露自然心

酸若至今日則又當以含悲自己者爲後來之眾生含悲遂

不禁大聲疾呼聲言於眾曰爾等何爲千劫萬劫不見三光

道藏輯要

皇經闡微

三

箕集八

墮落惡道何時出離吾當示爾眾生以解脫法門須各受持

玉皇本行集經一部以爲生天復位之本肯深信否猛

省猛省

箋釋

九天應元雷祖天尊曰雷祖發聲大眾齊聽千生墮落萬劫

伶仃三光不見長夜晦冥呼天不應叫神不靈永無出期坐

卧寒冰若要漿水對曰不能上帝慈憫幽闇生光廣施

恩惠密布馨香盡出地獄直上天堂一念回轉萬惡深

藏一念真誠萬善咸彰全體陰濁變成純陽記名仙籍侍列

玉皇此等眾生復位天宮志氣神異清明在躬聖賢仙

佛早早成功後來眾生性命與同切莫再墮三惡道中留心
經法朝禮蒼穹自有天尊鑒爾丹衷接引提拔妙境無窮
文殊世尊曰可歎幽陰苦眾生人間世上不知名幸從
帝力生機轉遂使靈臺善念盈依舊蓮花泥不染至今寶殿
座無塵真心一現含悲意迴首當年悞萬春

正陽帝君曰因何墮落萬千春一念差遲苦不伸 帝光

照鑒真光現道氣薰蒸善氣純有腳春回昇 帝座無笙

曲唱運洪鈞從茲不必含悲意俯視羣生眉又顰

文昌帝君曰總爲蒼生繫此心此心悲憫深復深三塗墮落
無春夏上界昇遷少信音一白 帝光通十極遂從和氣

道藏輯要

皇經闡微

三七

箕集八

脫寒陰因緣自古無差錯善士升兮惡士沉

孚佑帝君曰地獄餓鬼與畜生這般苦楚何時平陽光動處

天香發惡念消時善果成方寸靈臺通 帝座當前迴首

卽 瑤京證到瓊宮無上位 御前猶自表真情

斗母天尊頌曰

明明帝前 赫赫經筵 回心皈命 離苦生天

爾時

玉帝出大妙音普告十方諸天聖眾汝等諦聽此諸罪輩曠劫
以來縱無明性造十惡業六塵徧染三業縈纏肆意任心曾無
覺悟陰罪陽過日積月深背道違真順邪棄止舉心運念動結

愆尤遂使命過之後身落三塗不得解脫若非今日遇是法筵何由出離

妙音開度章第十三

天師張真人曰 玉皇尊帝以 元始祖炁神通發爲
光明融爲馨香抑且動爲聲音是大妙音卽是一元大道之
鼓動太和初治之節奏矣故被是光者性體自然昭融聞是
香者生機自然勃發則聽是法音者心地自然智慧可知蓋
此眾生歷劫墮落六根三業日積日深陰罪陽過愈趨愈下
總忘卻自己本來面目甚且漸消漸磨將太極一點靈光散
盡嗚呼背覺合塵舍正歸邪一團黑氣自斷本根 上帝

道藏輯要

皇經闡微

天

箕集八

好生實所不忍所以普度無窮 神力大顯放光不已引
以德香天香普播不已猶必明宣 天旨啟 金口指
示因緣宣秘傳明開生路不得已而自道其實曰若非今日
遇是法筵何由出離爲已得生天之眾生歎乎實欲彼未得
復位之眾生共聞也讀是經者曾覺悟否

箋釋

正陽帝君曰 天尊上帝最神最靈放光普度法界熒熒
布香大覺聞者開明人人解脫俱證玉京君臣一德相慶

帝庭 天顏有喜出妙音聲諸真稽首肅敬咸聽言言
金玉句句分明要清三業要淨六根十惡永斷真性存存立

命有基入道有門瓊霄證果紫炁朝元昔何愚蠢今亦聖尊
惟時眾聖有歎無論迴首思惟不覺心驚 帝恩深重報
答惟誠昔曾自悞再無悞人 天尊睿訓爲眾敷陳聞者
須信莫悞自身萬劫留傳此言是真

觀音世尊曰十惡三業並六根千秋萬劫盡沉淪迷津不渡
何人渡心地常昏性不昏妙音朗徹三千界眾等超昇十二
門維 皇指示分明在那用靈山問世尊

白祖仙師曰墮落幽陰不計年今朝也得到青天若非
帝力歸 元始那得凡身做上仙十惡斷時三業淨六根
空處五行全 天尊金口明明示萬劫千秋永正傳

道藏輯要

皇經闡微

三九

箕集八
川文

文昌帝君曰 帝坐瑤京理萬方人歸地府失眞陽寒冰
惡浪層層陷劍樹刀山處處傷一念回春憑 帝力三田
毓秀得天香度人無量 恩無盡誓欬於今震十方
孚佑帝君曰諸眞聖眾用心聽 上帝宣揚句句靈若要
瑤京通名姓可曾靈府轉幽陰法筵得會憑 天力寶鼎
生春結紫金吩咐眾生須學我瓊編秘語用功深
斗母天尊頌曰

大道無言 於穆帝尊 羣生開度 口訣爲門
爾時諸天化身

玉帝卽以神通不動其所移接天人皆令得至清微天宮玉清

聖境

元始會下是諸眾等不覺不知是時

天尊眾會見是十方

玉帝化身普皆來集

天尊會前如無邊明鏡照諸影像互相容入時諸大眾稽首瞻仰

玉帝化身聖中最尊增長清信益加志樂心無退轉起大堅固時諸天人邇得生天忽覩

天尊勝會道場清淨第一無爲功德之所莊嚴踊躍歡喜一時作禮歎未曾有

道藏輯要

皇經闡微

三

箕集八

顯露法性章第十四

天師張真人曰 玉帝卽道體也旣已化現妙身自然承載法性大放光明性之現也大布馨香性之和也大發妙音性之節也則夫普度無量移接天人皆是性眞力量諸眞聖眾於是皆復其性矣蓋諸眞聖眾以 玉帝之性爲性超昇妙境則是還性本原不知 玉帝又以眾聖之性爲性能攝受眾聖以歸其體則用中之體盡歸元矣此理奧妙竊恐眾聖不知故於 天尊會前卽以化身顯露眞身眾身顯露全身體用交輝性光互映居然寶鏡瑩徹彼此通融虛

明之體靈湛之用未曾隔越惟時眾聖乃悟自己根原與夫
玉帝光明普現馨香四達聲音朗徹皆一性之所發現
卽皆人人一性之所咸具者也見此景象倍生覺悟方悔往
日十惡三業障礙靈明無限今幸滴滴歸源得歸正覺起大
堅固永無退轉說法度人少報 上帝普度深恩

箋釋

白祖仙師曰性之一字上古未聞降衷恒性乃有真文

尊經古奧渾而不言儒家闡發成性存存佛家參悟見性爲
門吾家玄妙性命爲根性在命中命因性定性命雙修虛靈
神應天師慈憫示人真傳特標法性以明先天 玉帝化

道藏輯要

皇經闡微

三

箕集八

身靈異百出明鏡周圍互相容入以體攝用卽用顯體體用
交輝精微玄理大千世界皆在鏡中纖塵不隔彼此交融復
還性體快樂無窮 上帝開化以身示教法性周圍

尊經妙道惟爾學人眾聖爲師承 帝之光祖炁爲基飽

帝之德定爾心思聞 帝之音絕妙言辭得未曾有
再莫差遲我來箋釋觀者信之

正陽帝君曰法性圓融處處通光明無盡亦無窮無邊寶鏡
含沙界一片瓊蟾朗萬空本體既真無滯礙千般作用總歸
宗羣真何幸逢嘉會周旋琉璃佛光中

長春杜真人曰性是儒門真實理分明三教共根宗光明無

礙天光妙色象莫粘萬象空一月普照千江水萬水還涵一
月中玄理玄玄何處顯 帝光處處見圓融

文昌帝君曰性是菩提處處融無邊明鏡照虛空但能體用
相輝映乃信乾坤闢混蒙萬象虛明含滿月一真顯露協蒼
穹玄玄妙理人難識 玉帝分身顯一宗

孚佑帝君曰體用歸源要性空十方化現十方同交光互顯
重重月無礙生明處處通總是先天真景象要看神室透蒼
穹乾坤一鏡相涵入妙旨真傳 帝座中

斗母天尊頌曰

先天後地

煥朗通圓

總歸性海

萬鏡高懸

道藏輯要

皇經闡微

三

箕集八
川文川

爾時十方諸化

玉皇俱復一體從法席起北向長跪天尊言曰往昔去世有國
名號光嚴妙樂其國王者名曰淨德時王有后名寶月光其王
無嗣嘗因一日作是思惟我今將老而無太子身或崩歿社稷
九廟委付何人作是念已即便勅下詔諸道眾於諸宮殿依諸
科教懸諸幡蓋清淨嚴潔廣陳供養六時行道徧禱真靈已經
半載不退初心忽夜寶月光皇后夢

太上道君與諸至真金姿玉質清淨之傳駕五色龍輿擁耀景
旌陰明霞蓋是時

太上道君安坐龍輿抱一金容身諸毛孔放百億光照諸宮殿

作百寶色幢節前導浮空而來是時皇后心生歡喜恭敬接禮
長跪道前白

道君言今王無嗣願乞此子爲社稷主伏願慈悲哀愍聽許爾
時

道君答皇后言願特賜汝是時皇后禮謝

道君而乃收之皇后收已便從夢歸覺而有孕懷胎一年於丙
午歲正月九日午時誕於王宮當生之時身寶光燄充滿王國
色相妙好觀者無厭幼而敏慧長而慈善於其國中所有庫藏
一切財寶盡將散施窮乏困苦鰥寡孤獨無所依怙饑饉癯殘
一切眾生仁愛和遜歌謠有道化及遐方天下仰從歸仁太子

道藏輯要

皇經闡微

三

箕集八

父王加慶當爾之後王忽告崩太子治政俯念浮生告勅大臣
嗣位有道遂捨其國於普明香巖山中修道功成超度過是劫
已歷八百劫身嘗捨其國爲羣生故割愛學道於此後經八百
劫行藥治病拯救眾生令其安樂此劫盡已又歷八百劫廣行
方便啟諸道藏演說靈章恢宣正化敷揚神功助國救人自幽
及顯過此以後再歷八百劫亡身殞命行忍辱故捨已血肉如
是修行三千二百劫始證金仙號曰清淨自然覺王如來教諸
菩薩頓悟大乘正宗漸入虛無妙道如是修行又經億劫始證
玉帝說是語已法筵清眾異口同聲歎未曾有

發明本行章第十五

天師張真人曰 玉帝以道化身自然而然不假修證何
有本行蓋道無定體以大生廣生之羣生爲其體 帝有
全身卽以萬物萬形之萬體爲真身所以歷劫行化劫劫分
明從實度人實實踐履以一身入萬身之中而爲之質幹卽
以一炁融羣形之內而爲之主宰所以治理平成經綸不歉
醫療教化泛應兼長作止因時隱顯有道接待則貴賤平等
貧富一心且忽焉化現王公忽焉化現修士忽焉舍庫藏而
不惜卽捨血肉而不吝乃一心不退於多劫苦行歷徵諸百
世通萬古如一息顯真常於億劫今者總握萬天無爲致治
高居 金闕壽量無疆迴憶降生之年直如前日事也雖
道藏輯要 皇經闡微 三言 箕集八
曰三千二百劫不過略說其苦行之規格而已可易量其度
人無量之實際乎至於抱送金容則表其從道而來國王皇
后則表其毓秀天地光嚴自然妙樂至寶允矣月光夢覺表
感召於無形胎孕表生成之有候丙午則陽德全亨光燄則
金花滿地於是九廟之世德享獻無疆兆庶之歸仁依怙有
託斯皆道化實際非我 元始天尊何能明示根原於是
眾生復位之諸真聖眾愈信 上帝之神通妙化先天地
萬劫以前後天地萬劫以後真無聖人焉能幾之矣

箋釋

正陽帝君曰大哉

帝身大道流行既靈既秀亦神亦靈

乃文乃武可權可經龍威鳳彩象力雷精扛舉天地生成兆
民允恭克讓惟寬惟仁多劫演道歷世化身 帝德廣運

帝力難名千萬億劫實踐躬行所過者化所存者神乾

坤鍾毓 金體全真光燄燭天功德在人朝野上下莫不

尊親普明山中異蹟猶存丹爐俱在風景常溫不貪萬乘勵

志修行今總萬天早證大乘歷歷可記劫劫堪徵 元始

天尊指示原因朝 帝者證眾聖諸真

觀音世尊曰三千劫證法王身這話須當嚇煞人豈料

御天從億劫曾於沙界救生民功修八百還嫌少祥發王宮

不計春本行經傳須八萬惟有 天王識 帝真

道藏輯要

皇經闡微

三五

箕集八

何祖元君曰 玉帝法身卽道身曾經億劫與千春

釋迦文佛親修證 元始天王顯妙因五色雲中龍鳳輦

普明山裏鼎鑪金經傳本行層層實讀者真參要用心

文昌帝君曰妙樂國內毓 真王普明山裏建法場進退

唯時全是道往來無礙早垂裳 道君而下誰知聖毫孔

之間也放光億劫以前真本行羣生歷歷早聞香

孚佑帝君曰道身無證亦無修本行真居上上頭捨已何曾

惜血肉爲人也費好春秋當年苦志寒山雪滿願高居白玉

樓劫後劫前如一劫至今猶錫度人舟

斗母天尊頌曰

無窮無盡

惟皇本行

今日真叅

當年實証

爾時眾中有一玉女名曰夜光從座而起嚴整衣冠從容雅步長跪道前白

天尊言臣宿昔何幸仰侍御前親奉供養已經億劫三清境界金闕玉京寂淡逍遙快樂自在嬉遊聖域餐聽法音未嘗見此希有之事不審向來光內所現十方諸天變現聖境皆有

玉帝應化法身天真大聖妙行真人靈妃玉女以爲侍衛是諸玉女相貌端嚴形體姝妙出眾妙香無與等者復蒙

玉帝神通移接今皆普集在清微天未審今此玉女以何因緣得證如是無上色身恩惟聖慈示以未悟爾時天尊謂夜光玉

道藏輯要

皇經闡微

三

箕集八

女言汝固初入聖流雖有智慧未能明了此諸玉女乃自往昔無量劫中修諸妙行具解脫門同清淨信同清淨解同清淨念同清淨行同清淨身同清淨心同清淨意同清淨果同清淨報同大慈心同大悲心覆護眾生如母撫念愛於赤子奉戒專一冥心大道清齋弘誓千萬劫中尊奉

玉帝此諸玉女非實是女皆天至真爲度羣生現玉女身是故身色神通智慧隱顯變化與

帝同焉爾時夜光聞是說已心得開悟稽首歡喜默然復位

表示貞一章第十六

天師張真人曰

玉帝法身本從道化道爲太極本具陰

陽二體而陰陽固無始也本含動靜兩境而動靜固無端也
然陽主長養陰主生育動爲流行靜爲貞一貞一含流行之
機流行歸貞一之體入道者不主於流行而主於貞一蓋貞
則永固一乃精專有此力量乃能歷劫常存萬載如新試觀
天行運轉不息則生氣乃行地體敦良常寧則生質乃定夫
天地本於大道天地之體如是則大道之體亦是也大道
之體如是則 玉帝之法身亦是也故 帝以發育
萬物者致其用必先以凝靜一致者立其體昔在普明山中
修行已曾從先天之坎離配先天之夫婦復還先天之乾坤
再立先天之天地結成至寶光明灼天馨香被吻妙音震動
自是而後十方行化而真身晏坐 玉京真一妙道靈應
如是 天尊乃因 帝座之玉女化現之天真歷劫苦
行與 皇躬千載一心萬劫一德身色神通智慧隱顯變
化一致無殊者點明妙旨可謂精微無比矣夜光當日亦是
從此證人必待 天尊指示乃能開悟則自夜光而下者
可知讀者當著眼觀

箋釋

正陽帝君曰大道永貞一體流行生育長養地寧天清赫赫
皇躬生而神明靈變百端發育羣生行健卽天安敦卽
地清淨無爲誰與同志一息萬載誰識真意奇哉玉女道本

於坤凝然至靜貞一永存歷劫修行具解脫門順承天命發

帝德馨天香法界樂國天庭始終一德與 帝同靈

職何以故昭事專精赫赫金容亦有神通色相妙好種種從

同惟時夜光反起疑惑同具女根彼更安樂明啟 天尊

乃見真確感歎良久自悟根因億載侍宸爲 帝臣鄰希

天有志致主以身明德馨香夙夜惟寅 尊經要旨明告

斯人

觀音世尊曰我是妙莊國王女也曾證過帝王身竺落皇伽

天中主端嚴色相世間親說經 元始傳真法入聖夜光

識本因億劫以前原有我至今事 帝亦心真

道藏輯要

皇經闡微

三六

寶集八

麻祖元君曰莫笑麻姑是女身九重天上本天真誠心奉

主經千劫立志希天有萬春同氣猶如真父子一堂還是

古君臣 尊經修證堪承受 帝有神通也與人

文昌帝君曰有志希天要用心當前莫負好光陰馨香達處

田生玉血氣通時體有金具解脫門天道顯同清淨信聖功

深天真化現因慈惠男女能修死不侵

孚佑帝君曰陰陽皆是道之精男女能修自著靈奉事多生

同苦志神通無量在天庭夜光疑惑 天尊釋玉女功夫

上帝臨說到真修人不信乾坤鼎內有黃金

斗母天尊頌曰

先天一炁

純陽根陰

抽鉛添汞

帝光照臨

爾時高虛清明天主與諸天眷屬馭八景鸞輿蔭九光寶蓋奏
玄歌妙樂詠無量洞章散天寶花噴天真香飛步遊空來詣道
前承

天尊

玉帝威神之力是諸寶花卽於空中化一寶蓋蔭覆大眾無不
周徧是時高虛清明天主見此希有稽首長跪白

天尊

玉帝言賤臣懈怠後會法筵今日吉慶興此法橋幽顯聖凡普
霑聖澤放大光明現希有相上照諸天四梵六慾一切樂土諸

道藏輯要

皇經闡微

三九

箕集八

眞聖眾覩此光明悉皆雲集下照下方無極世界同玄都境近
接九天靈風奏樂宮商相和激朗雲庭皆成洞章一切眾生咸
臻道化酆都鐵圍長夜九幽一切地獄受苦眾生盡承光力皆
生諸天得受快樂今日所散天寶奇花旋結成蓋徧覆大眾盡
乃斯光威神之力臣等千劫良因九天運會皇道蕩蕩正法興
隆今日大吉咸仰玄功是時

高虛清明天主以偈讚

玉帝曰

金闕玄穹主

高上玉皇尊

妙相冠諸天

慈光燭三界

眞聖妙道師

天人依仗師

大乘垂法語

眞一指迷途

功德若虛空 讚揚無窮盡

是穹蒼主浩劫之尊妙見妙知無等無倫湛寂真靜杳亡杳存
上聖上靈大神通光明藏大丈夫開化人天教道無窮大慈大
悲流煥法輪爲度羣生是號

玉皇穹蒼真老妙圓清淨智慧辯才至道至尊開度眾生故演
是光爾時

高虛清明天主說偈讚嘆已

寶蓋陰覆章第十七

天師張真人曰高虛清明天主九天生神上帝之一稟承

天尊 王帝道命主治生人承其治者靈光不斷肢體

道藏輯要

皇經闡微

單

箕集八
川三

永存壽命綿延根性煥朗荷 玉帝之光聞 天尊之

法而來諸天皆其眷屬左右最多嚴飾咸集 帝前各伸

供養八景九光俱是法天象地威儀妙樂洞章俱是履中蹈

和節奏寶花現彩皆性體之精英馥郁天香總性真之密布

以此伸供養於 天尊 上帝之前得未曾有矣乃

天尊 上帝卽以其人之道還治其人之身以性證性

卽以神通永命所以萬華團結蔭覆大眾無不周徧居然萬

法歸一生成兆庶無所遺漏夫 元始爲道之根 上

帝爲道之主高虛清明又爲生生之主性命合一自然發生

萬彙不料放光之後又有此一段光彩天主那得不盡情吐

露極力發皇而呈獻頌揚之辭要之舉一天主則凡 上
帝之所化度十方之所來集與夫億劫無盡之所解脫者亦
莫不如是讚揚之語廣博淵深其精察之

箋釋

玄天上帝曰高虛清明主治九天生神不息性命克全眷屬
極多個個金仙 元始法會 玉帝經筵光明感召飛
步而前蓋蔭九光上法天圓乘輿八景下擬地方乾坤建立
來往吉祥真風顯露樂韻琳瑯炁洞達皆成洞章手散天
花口噴天香輝煌雲路來朝 天王 天王恩重綬錦
聯芳如天蓋覆萬象含藏性體歸源永保無疆大哉 帝

道藏輯要

皇經闡微

聖

箕集八
XO—

力道顯其光觸手生春無不發揚凡具性者不必慌忙朝元
有曰保守無傷寶蓋會中與子偕臧誰人信及直下承當朝
夕受持如是瓊章

正陽帝君曰九天帝主能生神個個人民乃有身圓蓋方輿
安爐鼎妙樂天花返性真德澤如天能廣覆神通動手卽生
春萬華寶蓋 天王用付與 玉皇福萬民

麻祖元君曰崑崙山上建雲宮寶傘莊嚴覆無窮那比瓊花
連朶朶天然生炁擁重重性光乃與天光合萬理還歸一理
中讚偈莫非陳供養生神聊以報蒼穹

文昌帝君曰清明天主會金筵一路生光顯碧天錦繡層層

杼玉蕊續紛處處湧金蓮眞吾既返眞宗室性體全歸性海
源至此方知天上澤九州萬國總春溫

孚佑帝君曰萬劫千秋惠不窮十方八極一帡幪青青寶蓋
咸瞻仰朵朵名花少異同萬姓如星還拱北一眞同水必朝
宗 昊天原有開天力頌揚難盡惠重重

斗母天尊頌曰

萬劫生神

萬聖歸宗

萬華蓋下

禮頌從容

天尊普告四眾云是

帝身卽道身也非常體也是無量功德之身是清淨自然之身
是神明堅固不壞眞空無上法身威靈恢廓名聲周徧無幽不
道藏輯要

皇經闡微

聖

箕集八
川上文

開神奇堂堂難可稱焉是

帝非有爲功德之所熏修而

帝昔雖下生人間多劫行化示大神通而身清淨未嘗不在金
闕分身變化應現隨方利濟羣生超昇道岸普垂教法開悟後
人依按奉行登眞成道以斯功德之所莊嚴是故光明常充諸
天神智妙達莫可度量是身光明皆具妙號所謂大神通光大
慈悲光大喜捨光大忍辱光大平等光大柔和光大自在光大
利益光大如意光大智慧光大吉祥光大解脫光大歸依光大
功德光大圓滿光大無礙光無能勝光

光明徵實章第十八

天師張真人曰

元始天尊歷歷宣說

玉帝本行神

通變化靈驗之事至矣盡矣於此章乃特標明之曰是道身也非常體也再明之曰是無量功德之身是清淨自然之身是神明堅固不壞真空無上法身為 玉帝之體讚乎卽

爲一元大道之體讚也讀經者至此當知顯權歸實從流探源攝萬會一將前數章所說之種種功能種種力量種種功德三界十方之所攝受千生萬劫之所化度者其根原皆神明顯露矣蓋惟其爲道身乃能有功德無量清淨自然及神明堅固不壞真空無上之體段乃能有普徧之種種光明而或以常身疑之謂其假於熏修假於有爲功德之所莊嚴可

道藏輯要

皇經闡微

四三

箕集八

乎 天尊恐人不明此旨故因高虛清明天主讚揚之後不覺觸動 天懷再爲稱揚實爲品題著其體則歷叙種種法身著其用則歷叙種種光明又合體用而著之曰下生人間多劫行化而身清淨未嘗不在 金闕非所謂充滿法界普現羣生之前應感咸周不離菩提之座者乎有不知一元大道者當卽 玉帝法身以觀之有不知 玉帝法身者當卽 元始宣說以觀之

箋釋

九天應元雷祖天尊曰一元爲道在 帝之身顯道爲法歸 帝之神道惟光明有 帝敷陳道最靈應惟

帝爲能大哉至道今古誰承大哉 玉帝卽道光明一十

七種厯厯分明照鑒萬天萬地晶瑩照燭萬劫鑒影日光

帝惟有此法體輝煌巍巍無上不壞真空神明堅固功德

無窮清淨自然誠哉道身無幽不顯所度在人神通變化馭

物惟靈化現萬方詎離 帝庭大哉 元始法語叮嗑

宣揚 帝德大眾齊聽禮 帝金容讀 帝真經命

根性主 玉帝 玉清從今叅悟大道分明

正陽帝君曰十七光明在 帝身照萬方今度萬人名聲

周徧神通廣功德周圓本體真妙道真空原不壞有爲作意

那能神 天尊慈憫明明示依按熏修作 帝臣

道藏輯要

皇經闡微

四

箕集八

靈佑帝君曰 帝身靈異本非常功德神通不可量法性

圓融周法界真空不壞乃真常乾坤重泰春秋永日月交輝

十七光往者紛紛來者眾優游化宇 帝垂裳

文昌帝君曰十七光明是 帝庥淵淵穆穆坐瓊樓真機

顯露 三清境妙相輝煌四部洲道有全身 皇極建

尊無二上 聖功優自然堅固真空體不假作爲不假修

孚佑帝君曰從今識得道機深始悔當年錯用心無上光明

頭上顯先天景象後天尋幸從 元始聞真法惟向

瑤京覓好音妙號重重非譬喻熏修自可結黃金

斗母天尊頌曰

大道何在

一段光明

一十七種

法體難名

是故汝等欲見是

帝乃不可得者緣以汝等尙於身口不捨結習煩惱行業由是障故不能得覩是

帝慈顏吾今爲汝時會眾等宣示斷障之法汝等大眾宜各奉行時諸大眾不勝喜躍各於

至尊几前稽首作禮俱欲願聞

天尊言曰斷障之法當生大悲無起疑惑無起貪嗔無起淫慾無起嫉妒無起殺害無起凡情無起凡思無起貪妒無起聲色無起是非無起憎愛無起分別無起高慢無起執著凝神澄慮

道藏輯要

皇經闡微

聖

箕集八
川上文

萬神調伏心若太虛內外貞白無所不容無所不納無令外邪亂其至道牽失真宗敗其靈根盜其至寶致爾萬劫永墮凡流透入俗網萬魔來攻百千萬劫不聞妙法鬼神執誅從生入死是故汝等應當志心善護真宗無令喪失如前所說如是諸障汝等各各當除斷之身得清淨超度諸難是名道寶持法棟樑更當修奉是此經典如近是

帝生尊重心著想

尊容稱揚名號然後汝等得覩

慈顏咸蒙護度普聞妙法親奉供養永無流轉是時四眾聞已歡喜歎未曾有

斷障見帝章第十九

天師張真人曰 元始祖炁化現 玉帝並化現一切

大眾故大眾莫不各有道體法身但能道體法身莫不顯露
則 元始 玉帝精神已通當前明現自然移接

瑤京聽法 清微得大解脫起大堅固天尊聖果程功超
證奈何明明道體一墮人間種種諸障牽連而起卒使道身
墮爲披毛戴角之身法體淪爲痛苦傷殘之體萬劫幽陰三
光不見萬重羅網何日出離悲哉然而 天尊慈憫普示

妙法 上帝好生開度無盡因於放光顯瑞寶蓋蔭覆之
後卽厯厯稱揚 上帝功德猶恐入道者心不堅固離道

道藏輯要

皇經闡微

四六

箕集八
川、又、八

者心不速悔於是再爲四眾開示斷障之法夫障有多般道
無二致心含一道塵去則鏡自明沙去則水自清障斷則道
自現道現則法身顯而本體明矣本體旣明則真宰無爲自
理祖炁復還不失由是乾金剛大之體重建頂天立地朝
上帝而證位 玉清是亦道體也是亦諸真聖眾也是
乃真見 帝光親聽法音實聞妙香而朝夕悅慶於天花
寶蓋之下果有誠心尊奉是 帝則當佩服 天尊法
言勿以斷障爲難

箋釋

玄天上帝曰悲哉眾生惡貫滿盈牽失真宗黑籍書名敗其

至寶永隔蓬瀛斷其本根滅性流情往來惡道徒苦哀鳴籠
中刀上誰管怨聲何以至此可憐眾生總爲一障濁而不清
牽連滋長愈障愈深宜有貞白惟墮幽陰愈趨愈下異類傷
心今幸覺悟得聞妙法 元始金言率履無越如是諸障
當實斷之心君爲主一善爲師昭事 上帝再莫差遲默
想 金容誦持 寶號境若太虛神明來告萬炁調伏
一眞獨抱 上帝鑒誠明傳法要親見是 帝超證道
妙急早回頭終須有靠悲哉眾生誰皈 聖教

何祖元君曰障礙百千悞我身致令萬劫受沉淪 天王
慈憫諸天少 上帝光明普世仁至寶維持誰敢盜眞宗

道藏輯要

皇經闡微

卷七

箕集八
XII

調護不留塵

金容觀想

徽稱熟斷萬魔兮伏萬神

正陽帝君曰離道都由障礙多慾心妄想動邪魔重重陷阱
重重網步步冰霜步步波口訣留傳須早斷 帝恩深重
轉天和眞宗至寶眞心護煞鬼毒龍奈我何

文昌帝君曰鬼國魔山幾萬重隔住靈光永絕蹤

帝境

崇高何日到先天悠遠那年通陰雲掃盡看紅日蔓草難圖
仗劍鋒縱有樊籠須跳出乘鸞跨鶴是英雄

孚佑帝君曰 帝心原與我心通障礙千層不少空劖斷
靈根因愛慾原無悔意叩蒼穹虛言寂待庚方月妄想高乘
閬苑風勇決當天發誓願纖塵不染出樊籠

斗母天尊頌曰

靈根毓秀

皇路聯登

全憑慧劍

斬斷葛藤

太上洞玄靈寶紫微金格高上玉皇本行集經聞微卷上終

道藏輯要

皇經聞微

卷八

箕集八

太上洞玄靈寶紫微金格高上玉皇本行集經闡微卷中

太光大光明圓滿大神咒品第二

爾時天地始祖五老上帝稽首長跪白

天尊言伏聞

高上玉皇慈念蒼生普放神光照燭法界六凡四聖普叨道蔭
竊以凡夫短景劫運將終正道宜行以濟兆民使修真之子有
期輕舉末代烝民俱獲壽考

表揚五老章第二十

天師張真人曰一元大道卽 元始也穆處無爲而付其

權於 玉皇上帝則 帝又爲道之主矣所以總握玄

道藏輯要

皇經闡微

咒

箕集八
X。X

綱推數劫會生成民物其政治俱歸之 大羅金闕然尊

無二上何以復有五老上帝物無兩大何以又有天地始祖
嗚呼玄教之精微在是矣夫大道一元劫終不變劫始不遷
卽萬劫以前之萬劫萬劫以後之萬劫俱是不搖不動但卽
現在之劫而言混沌之後忽焉生天忽焉生地忽焉生人生
物有何具乎蓋道本一理中有動靜道本一氣體分陰陽動
靜互爲根陰陽兩相濟有動靜乃有消息終始元會運世年
月日時刻分之循環有陰陽乃有寒暑燥濕清濁高下剛柔
健順顏色骨肉之分四時五行之數人能外此五行乎五行
根乎陰陽陰陽根本乎道彼元始祖烝道也陰陽五行之祖

也陰陽五行又爲天地之祖也不有陰陽不有五行有天地
乎是故言道者不知天地之始祖在陰陽在五行又何以結
撰五行交會陰陽而建立天地以立性立命故於此經發揚
主宰大道之 帝種種神靈不測化理有經旣於上卷極
力敷揚因於 紫微金格中提出 上帝當曰宣付五
老妙旨以明經理天地之大道而特標之曰天地始祖五老
上帝乃知五老卽五行之精神實爲穹蒼真老運御乾坤之
大臣所以慈憫眾生與 帝同德代眾求請問法救濟而
願 玉皇上帝時時普放神光

箋釋

道藏輯要

皇經闡微

卷

箕集八

九天應元雷祖天尊曰五老上帝五行之精主治五方最神

最靈根本

元始稟治

帝庭乾坤以正氣運不停召

龍止水保劫延齡順序三辰幹運萬星各安職守興國太平

法會放光常繫厥情爲眾悲憫代眾經營進叩

元始奉

法施行蒸民永濟運會常享真機將轉道運將興兆民有主

上帝有臣神咒流行天下同仁經標意旨叅悟在人傳

經教主大法將伸乘時校正以濟斯民吾爲箋釋學者良因

正陽帝君曰五德乾元亨利貞五行金木水火土雙修性命

有真傳烹鍊鼎鑪要真主

玉皇本行經最微天地始祖

悉皆歸五炁朝元今有日啟問

天尊啟慧機

麻祖元君曰五老原從一老來乾坤得此永無災清寧合撰
民生泰上下歸真意氣偕南北東西歸 皇極木金水火
會天階惟有 天尊知奧妙真經啟問莫疑猜

文昌帝君曰信是 天王會說經五方五老叩天庭地天
交泰星辰序金土無差水火寧妙法須參圓滿凡真機全在
玉皇經蒸民壽考當千劫化度光明感眾靈

孚佑帝君曰因何感得眾真來舊日天光尙繫懷解脫方方
皆錫福政權處處不生災真功圓滿真言另道妙機關道祖
裁總爲蒸民維劫運天門進叩爲君開

斗母天尊頌曰

道藏輯要

皇經闡微

垂 箕集八
川文

五氣流精

天地清寧

赤文當顯

再請帝庭

白昔

元始洞玄靈寶赤書玉篇真文生於元始之先空洞之中天地
未根日月未光幽幽冥冥無祖無宗無氣無象無色無名無形
無緒無音無聲混沌太無靈文蒼雷乍存乍亡二儀待之以分
太陽待之以明靈圖革運玄象推遷乘機應會於是存焉

赤文妙蘊章第二十二

天師張真人曰赤書玉篇真文卽顯露一元大道之精蘊也
著其光彩則曰赤書至陽之氣本赤條縷可會則爲書著其
秀靈則曰玉篇至粹之精如玉實有片段則爲篇著其體用

則曰真文至靈之理有信莫不結構以成文是道也卽

太上洞玄靈寶之所掌者也生於 元始之先空洞之中

可知其玄妙獨出精光獨顯莫先於 元始而猶居其先

則又 元始之所以爲 元始劫終而不見其終劫始

而無與爲始者矣浩浩難名渺渺誰說自非五老上帝親身

歷證孰能知之然難名而必欲名之難說而必欲說之則但

想諸天地未根日月未光之際只有一幽幽冥冥氣象而是

赤書玉篇真文已存乎其中卒之微妙難識把捉無據似有

似無誰聞誰見是先天之景象也無極之義理也太無之機

緘也混沌赤文今古罕聞無迹可見微渺何存冥冥無光空

道藏輯要

皇經闡微

卷三 箕集八

洞無根旣無方所惟有推遷與矣妙矣靈焉神焉參悟到此
乃契玄玄大哉赤文吾道精傳

箋釋

正陽帝君曰赤書玉篇天下之文微妙難識精蘊誰聞大道
體段雲篆氤氲乾坤正氣默運流行幽幽誰見蕩蕩難名無
終無始亦充亦盈全無迹象惟有真誠先天之先後天之後
主宰維持自然結構順理成章金石能透撰於 玉清宰

於 玉帝宣於五老包乎天地時時發現世人罔識罔識
其機入道無力無力入道 聖文遂隱經旨明標振袞絜
領玄門奧義最上上乘參悟實見 帝境可昇

無量洞空天帝曰平地成天一卷書最尊最貴是文儒性情
已正陰陽合倫理無虧志氣殊手訂赤篇今尙在 帝傳
雲篆古無虛水精之子衰周出五老同叅定世符

長春杜真人曰玄教明明闡赤書儒家惟此是工夫五經四
子皆天道玉軸瓊編是 帝符天文煥爛人文顯 帝

德輝煌 帝世熙本行 皇經標要旨 先師明証

五老知

文昌帝君曰儒典佛經總是書 天王秘授更同符昌明

文教遵經寶貝葉文傳護 帝都五老宣揚傳道妙萬方

歸極仰 皇謨先天景象從茲見混沌赤文存太無

道藏輯要

皇經闡微

五三

箕集八
川三上

孚佑帝君曰當年曾讀數行書歸宿玄門也不殊實證先天
赤炁顯秘傳口訣玉文符象天象地存真象無色無名隱太
無這段機關人不識也虧五老闡靈圖

斗母天尊頌曰

先天奧妙 總在赤文 根原顯露 誰見誰聞

玉帝授臣靈寶秘篆大不可思議神咒故天地得之而分判三
景得之而發光靈文鬱秀洞映上清發乎始青之天而色無定
方支勢曲折不可尋詳

元始鍊之於洞陽之館治之於流火之庭鮮其正文瑩發光芒
洞陽炁赤故號赤書靈圖既煥萬帝朝真飛空步虛旋行上官

燒香散花口詠靈章是時天降十二玄瑞地發二十四應上慶九天之靈輿讚三天之寶明神風旣鼓皇道咸暢

元始登命太真按筆玉妃拂筵鑄金爲簡刻書玉篇

五老掌錄秘於九天靈都之館玉女典香太華執帟玉童侍衛玉陛朝軒九天上書非鬼神所聞

雲篆功用章第二十二

天師張真人曰雲篆卽赤文也赤文言其實雲篆著其用實本乎道用發於人昔在元始天王立於天地未生之前觀於日月未光之會尋得其詳知洞陽之炁赤達玄象之推遷上清洞映色無定方天地因之而分判日月因之而光明

道藏輯要

皇經闡微

齋

箕集八
八八八

於是摹其靈紋播爲靈圖取其光芒法其規模鍊之於洞陽之館治之於流火之庭成爲秘篆凝聚靈秀惟時陽光煥發陰德安貞乾體高明瑞氣布於二六之辰坤體博厚祥光映乎三八之節品物因之而毓秀鬼神不得而知聞秘之靈都之館藏之無上之宮五老上帝曾受之於穹蒼真老至

是又欲行於下世故特表其功用述其因由以傳來學乃知雲篆之文如是貴重如是神奇識之者神明煥發得之者造化在手其實微妙難言玉清貴重上帝鑒臨當會

之於言思擬議之表不可忽視赤書玉篇本無正文摹爲雲篆煥朗氤氲演爲神咒流傳古今尊爲誥命一畫千金

箋釋

九天應元雷祖天尊曰赤書煥發赤炁光明赤心一點通達

三清其妙難識其理難名先天之象秘在瑤京惟茲雲篆品節分明支勢曲折功用神靈五老而外誰傳其精

元始摹繪顯於始青掌於上帝品物咸亨三辰照耀天

地清靈性直妙用大道真形洞陽之館流火之庭鍊筆成圖

役使萬靈字皆一丈藏之杳冥色無定方象有定體參悟在

斯實關倫理玉皇寶誥惟是爲真玄玄神功妙用惟人

正陽帝君曰千古誰識雲篆文光輝朗耀氣氤氲乾坤日月

真形體神鬼魔冤敢聽聞分判陰陽同五典維持義理過三

道藏輯要

皇經闡微

五五

箕集八

XIIX

墳安爐立鼎丹房內安鎮方隅要用君

虛靖天師曰龍虎山中別有春丹房丹竈曰相親鍊成至寶

同雲篆冶就黃金獻玉宸元始洞陽施彩筆先天

赤炁在真人維持王化全歸我五老薪傳佩服神

文昌帝君曰虎符龍券總吾身大洞法錄更覺神總是先天

雲篆結再看五老授圖真乾坤自此無災劫元始而今

錫是人妙用神功當識認氤氲流布萬年新

孚佑帝君曰妙用神功歸雲篆氤氲繚繞鎮乾坤不因

元始瓊宮鍊誰識吾家玄道尊玉律金科同奧妙馬圖龜書

民言論維持王化憑真一五老真傳要秘存

斗母天尊頌曰

洞陽赤炁

篆就法雲

攝歸靈府

絳華揚芬

故天寶之以致浮地秘之以致安五帝掌之以得鎮三光乘之以高明上聖奉之以致神高尊賞之以致真五嶽從之以得靈天子得之以致治國祚享之以太平實靈文之妙德乃天地之玄根威靈恢廓普加無窮蕩蕩大化爲神明之宗其量莫測巍巍乎太空明真有格今當以行是時

元始革運玄象開圖靈文鬱秀神表五方分判天地開化萬靈此太宗之業可得暫披於靈韞乎今皇道敷暢澤被十方仰觀劫運真風宜行臣私心實欲使雲蔭八遐風灑蘭林寒條仰希道藏輯要

皇經闡微

壬子

箕集八

華陽之繁朽骸蒙受靈奧之津仰對元慈下伸丹懇惟願哀憫俯念蒼生不審靈寶玉篇真文可得見授下教於未聞者乎
玄根妙德章第二十三

天師張真人曰凡物莫不有其根故自天地之大以至一民一物之細必有恃以爲堅固依憑之本而後各安其位各效其神獨是萬物正性命於天地之中則其恃天地以爲根也可知然天地又何所恃乎知天地之所恃則上如三辰之煥朗凡麗乎天而以氣相屬者下如山嶽之聳峙海湖之淵渟凡麗乎地而以形相托者與夫鍾毓發生於天地之中而效靈呈異者莫不分明蓋天地所恃者道也卽其玄根也其實

皆一氣也儒家卽彝倫修道雖言窮理盡性至於命而養氣之學遵之者少禪家卽空性言道惟從靜修頓悟入門又決不言氣惟我玄家所重在氣蓋有氣則精可固而神可存再立性命而與天地同體與大道同符故學者當養氣以求復性不可遺氣而空言性夫天地之大不過大道一元之靈氣運建真氣生發炁炁主宰浩炁流行在昔 說經教主或

表爲赤文或摹爲雲篆或演爲神咒莫非指是洞陽之赤炁示人欲其恃爲根本能固之則爲立命能全之則爲復性本來尊貴本來神靈本來鎮安本來真實順之則治逆之則亂凝之則久傷之則暫得之者尊失之者賤具之者靈剝之者

道藏輯要

皇經闡微

卷七

箕集八

蠢天無此何以輕清上浮健行不息地無此何以重濁下凝而永貞不墜言天地則聖人可知矣天子可知矣國祚可知矣吾於此章特標是義以明赤書雲篆玄根之實際閱者珍之天地玄根靈寶妙德赤炁靈文寶哉勿失陰陽真精五靈毓秀立鼎安鑪乾坤依舊 尊經明闡入道有門極玄玄學極玄玄根

箋釋

玄天上帝曰玄教廣大儒釋同歸流及後世或依或違忘其根本採其枝葉本根旣忘枝葉亦失愈趨愈下墮落愈遠性命不知色身不穩理氣不分工夫盡紊三教學人何以言修

試觀天地厥有玄根玄玄常運玄玄常存玄玄無上玄玄無
淪何以玄玄本於先天先天之炁後天附焉氣本浩然流行
萬古氣爲真機萬靈之主果有真氣修爲有基盡性至命保
固維持天地之根惟此爲真聖賢所恃爲靈爲神充塞宇宙
安鎮萬春保劫御極興國太平煌煌天經赤文雲篆前御五
方功勳無上五行真精是曰五老求請靈圖爲民頌禱根原
是陳再立坤乾暫披靈韞安固延年維斯經旨八萬劫傳返
求鍊己自契玄玄

關聖帝君曰天地生根聖有根頂天立地鎮存存全憑浩氣
行千古先有丹心到孔門一部春秋清亂本九重 聖主

道藏輯要

皇經闡微

五

箕集八

總乾元赤書雲篆先天炁鼓盪充周命不淪

正陽帝君曰三教聖人歸一理全憑正氣保無疆法雲慧力
通三世文教英風正五常道啟玄元揚赤炁經傳奧妙放天
光玄根玄處先天體天地清玄在洞陽

文昌帝君曰乾坤日月皆吾炁赤炁揚輝處處靈爲有玄根
同太極自然煥發合天經流行萬古兼千古合撰清玄永太
玄 靈寶洞陽敷妙德真機運動不留停

孚佑帝君曰浩然之氣大而剛充塞乾坤顯一陽自此昇平
千萬世恒安熙皞樂無疆赤炁靈圖皆煥發瓊書雲篆善鋪
張天地有根因有此玄玄妙妙見真常

斗母天尊頌曰

天道玄玄

地道安安

根原不朽

一氣周完

於是

元始天尊撫几高抗凝真遐想觀時已至普謂時會一切真聖
論定陰陽推數劫會移校河源檢錄天度選擇種人指拈太無
嘯朗九玄永無開聽於陳辭有若閉礙求真之路是時

五老上帝啟問不已良久

元始天尊乃垂盼眄之容慨爾歎曰微乎深哉予今所即豈不
遠乎此

元始

道藏輯要

皇經闡微

五元

寶集八
川一八

靈寶之玄根空洞自然之真文生天立地開化神明施鎮五嶽
安國康民靈寶玄妙爲萬物之尊天發玄瑞靈應自然今三天
盤運六天道行雜法開化當有三萬六千種道以釋來者之心
此法運訖三龍之後庚子之年雜氣普消諸天慶會吾真道乃
行今且可相付當錄於上館未得行於下世玄科有禁不得便
傳子可詣

靈都紫微上宮視天音於金格取俯仰於神王然後當使得備
天文以總御

元始之天也

真文顯運章第二十四

天師張真人曰至真之文卽赤書之字雲篆之篇爲天地之
玄根亦卽 元始 靈寶之玄根與運推遷而主持劫
運因運顯晦而保持運會是故運逢其會則與運俱興會非
其運則與運偕藏甚且爲之轉移匡正維持安益乃見真文
之妙用夫真文卽真道也卽正氣也真道興則一切外道皆
絕正氣運則一切雜氣皆平夫邪正不兩立真僞不並行顯
晦不同時治亂不同機究之反否爲泰易危爲安移亂爲治
回死作生者卽真道也正氣也卽總御 元始之天之真
文也 天尊慨然興歎鄭重其辭非吝於開度而靳乎流
傳也惟恐違時則流行無機非時則功效無準是故論定陰

道藏輯要

皇經闡微

卒

箕集八
×リト

陽推數劫會移校河源檢錄天度選擇種人皆所以重乎真
文而進退必俟乎其時也至於昌期一轉大道流行時會一
新正文絢爛學道者尙其因時而動見機而作應運而興乎
則真指拈太無嘯朗九玄生天立地開化神明爲萬物之尊
握玄科之禁掃清雜法待五子歸庚之時而親受 元始
之真文矣穆穆玄宗蕩蕩 皇風一真無僞終始皆同應
運而顯開闢混濛靈圖靈書福惠無窮

箋釋

正陽帝君曰吾門大道惟有一真真宗誰啟 太上
玉宸真風誰主 金闕聖君真機何在無見無聞真文何

在雲篆氤氲是曰靈圖亦曰靈書傳得真訣與道而居做得
真人大乘大儒真氣運動真理無虛康濟兆民真意如如無
所不真立天地根總御 元始爲聖中尊五老啟問撥轉
天門真心參悟真性存存太真御几永不沉淪

麻祖元君曰真心真性是真人獨抱一真在我身去妄存真
真乃得借假修真假亦親真陽一動生天地真陰至靜孕黎
民真文指示立玄道 元始 先天辨假真

觀音世尊曰世上萬般皆是假靈光一點認真身山河大地
終須壞星月燭天無久因生機不斷通三世活佛修成度萬
民 本行集經真訣示真文無體自然神

道藏輯要

皇經闡微

卷

箕集八

文昌帝君曰世間何物不歸真大地山河總一仁活潑生機
康世界纏綿至性協疎親詩書禮樂躬行實草木禽魚艷麗
春順理成章雲篆秘先天氣象被無垠

孚佑帝君曰斗室周遭坐萬神問君爲假與爲真一誠感動
連三界一氣流行延萬春應運真文當世出 先天妙法
後來陳 尊經與義還須闡五老靈圖救世人

斗母天尊頌曰

吾有心傳

秘在先天

靈圖既煥

顯露真詮

於是

五老上帝與諸真聖清香執戒徘徊雲路囑命十天上詣上清

太玄玉都寒靈丹殿紫微上宮受俯仰之格乃知天真貴重難可卽聞還乃更詣

元始天尊諮以禁戒之儀遜謝不逮是時

天尊慈顏愍喻靈關廓開登命五老上帝開洞陽玉館披九光八色之韞雲錦之囊出

元始

靈寶赤書玉篇真文金書玉篆微妙祕密運御乾坤大光明圓滿大神咒玉章以付

五老上帝及諸真聖使依玄科按法以傳

玉篇祕受章第二十五

道藏輯要

皇經闡微

卷三

箕集八

天師張真人曰玉篇隱密玉篇尊貴天地之至寶仙聖之性命三教聖賢之真傳古今 皇王聖帝之治統而興國太

平 大羅三境東海西極洞天福地一切瓊仙之真訣然而祕在形山知之者少得之更難所以 上天愛惜不許

輕傳準時擇人必也當其時則一傳得其人則祕受而非至誠純真內外真白毫無塵垢游心希夷精神協太和之元會悟在無言無說無音無聲無色無象無思無慮之表純是先天之境契合 元始之心如是至人不妄傳也故惟祕藏

洞陽玉館之中鑄之金簡載在錦囊衛以九炁之祥光護以八方之正色團結成雲絢爛成霞藏是玉篇之處真意如春

真機契道時時天樂宣揚八威鼓舞光燭萬天香遍法界乃
知 上天至寶不易窺聞在昔 元始天尊祕撰成書
授之 玉宸道君維持天地運御乾坤開度萬方普福萬
世我 道君本紀所稱度人有如塵沙之衆者恃乎此也
靈寶之稱有自來矣 五老上帝慈憫世人願深化
度欲覩太平同符大道故在 元始會下求請再三復傳
禁戒於 上清乃見 紫微之金格於是 玉皇真
誥出現於世清香執戒雲路徘徊嘯命十天靈圖廓開微妙
秘受親手携來瓊編法嗣從此瓊臺

箋釋

道藏要

皇經闡微

卷三

箕集八
XOX

玄天上帝曰太玄玉府 玉宸所居上清真境總握靈圖
承命 元始保固坤輿抱送 玉帝發祥之初如是玉
編親授非虛主張大道永秘玄都天下太平億載唐虞茲當
聖朝泰運臨諸大道降真當播瓊書 玉皇妙典校
正無疎 靈寶金格箋釋朗如以彰道法以啟鴻儒三教
重光謗議當除護國愛民慈念有餘北極玄天勅命非誣法
筵降臨有道之廬猶憶往劫五老帝君遵奉玄科求請靈文
玉清秘訣不易窺聞按法以傳瑞現卿雲五方氣正萬
物歸仁 尊經妙旨事理皆真金科玉律告爾世人
正陽帝君曰玄門妙道不輕傳傳者飛昇治九天朝謁

三清三境上調和萬氣萬方圓無思無慮金書得宏道宏仁
玉笈全五老 玉清親授受真風又播校經筵

白祖仙師曰 玉清 五老會天宮秘密真機印合同

聖種自堪承 聖法 皇經由此播 皇風金編顯

處乾坤位玉字輝時氣運通萬國九州堯舜曰不知不識

帝光中

文昌帝君曰 元始真文皆秘授何人再得契 天心

天心清淨 天心契天道昭明 天道深 五老傳

書皆赤字兩儀會集結黃金億年又見 皇風轉寂閭之

時遇好音

道藏輯要

皇經闡微

畚

箕集八

孚佑帝君曰玄都玄境有玄文可歎閭浮不得聞 五老

抒誠經旨授 大羅秘義玉編真蒼生赤子延生命化曰

光天有日新順 帝之則忘思慮這般妙道授於人

斗母天尊頌曰

大羅玉篇 義蘊幽玄 天尊憫世 得人而傳

是時東方安寶華林青靈始老蒼帝所受神咒誥命

東方九炁始皇青天碧霞鬱壘中有老人總校圖籙攝炁舉仙

右二十四字青帝秘文書於九天元臺主召九天上帝校神

仙圖籙

歲星輔肝角亢鎮真氏房心尾四景迴旋箕主七辰正斗明輪

承炁捕非掃除災羣

右三十二字秘文書於紫微宮東華殿主召星官正天分度
東山神咒攝召九天赤書符命制會酆山東魔送鬼所誅無蠲
悉詣太宮敢有稽延

右三十二字秘文書於東華玄靈之館主攝鬼魔正九天炁
下制東河溟海水神大劫洪災蛟龍負身水府開道通徑百千
上帝赤文風火無間

右三十二字秘文書於九天東北玉闕丹臺主攝東海水帝
大劫洪災召蛟龍及水神事

右東方九炁 靈寶玉篇真文合一百二十字皆 太

道藏輯要

皇經闡微

奎

箕集八
川一

上無上大光明圓滿大神咒空洞自然之書一名生神保真
洞玄章一名東山神咒一名青帝八威策文

東方青帝符

靈寶九炁天文化生赤帝炁

三天九真太空尊神

東方安寶華林青靈始老蒼帝符命日月以定山林以開三天

大慶羣真徘徊

元始青帝真符

直符區更生無上大真

咒曰元上青精九炁大靈神光遐散流映東青華景鬱勃灌我

身形官府安鎮寶魂自生洞達八朗飛昇玉庭

東方安寶華林青靈始老蒼帝三元符命

九駕命天龍符保真多川災水不敢彌天

中山神咒易爲神臣度人命籍萬災不纏

西山上王命爲保真一人有道位事九真

右

玉皇誥命以錫東方安寶華林青靈始老蒼帝九炁天君令統御東方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

南方梵寶昌陽丹靈真老赤帝所受神咒誥命

道藏輯要

皇經闡微

卷

箕集八
川川

南方丹天赤帝玉堂中有大神號曰赤皇上炎流烟三炁勃光神仙受命應會太陽

右三十二字赤帝秘文書於九天洞陽之館主召九天神仙

圖錄金名

熒惑輔心井鬼守房柳星張翼統御四鄉軫總七宿迴轉天常召運促會正道驛行

右三十二字秘文書於三炁丹臺題於西南正陽主召星官

明度數正天分

赤文命靈北攝鄧山東送魔宗斬滅邪根符教所討明列宰原南山神咒威伏八方羣妖滅爽萬試摧亡

右四十字秘文書於西南陽正玉闕主制北酆正鬼炁
南河水帝太伯龍王神咒流行普掃不祥洪水飛災止召蛟龍
開除水徑千道萬通敢有干試攝送火官赤文所告莫不有從
右四十八字秘文書於西南陽正西闕主攝南海水帝大運
交期洪水四出召蛟龍及水神事

右南方三炁 靈寶玉篇真文合一百二十五字皆

太上無上大光明圓滿大神咒空洞自然之書一名南雲通
天寶靈經一名九天無上之上咒一名赤帝八威策文

南方赤帝符

靈寶三炁天文化生黃帝炁

道藏輯要

皇經闡微

卷七

箕集八

王事司斗正屯己身

南方梵寶昌陽丹靈真老赤帝符命玉音吐炁素奏以御保命
定仙玉歷定封

元始赤帝真符

直符昌中上道統御

咒曰 丹華流映寶芝生光神精徹幽散靈八方直符攝炁嘯命
朱童三精敷煥注我絳宮赤神安鎮五香溢充洞映形外表裏
發光身生水火烟步飛行

南方梵寶昌陽丹靈真老赤帝三元符命

正一命人長生上天

萬川洪流符吏永母竭焉

日月力出王平山東火災不起人民臣

右

玉皇誥命以錫南方梵寶昌陽丹靈真老赤帝三炁天君令統御南方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

中央寶劫洞清玉寶元靈元老皇帝所受神咒誥命

中央總靈黃上天元始生五老中皇高尊攝炁監真總領羣仙典錄玄圖宿簡玉文摧運上炁普告萬神

右四十字黃帝秘文書於太玄玉寶之臺主召神仙玉簡宿

道藏輯要

皇經闡微

卷六

箕集八

名總歸仙炁

鎮星輔脾迴度北元魁魁主非截邪斬根魑魍魎掃穢除氛
魑正玄斗明度天關九天符命金馬驛傳

右四十字秘文書於玄都玉臺主攝星官正天度數

勅攝北帝遏塞鬼門剪除不祥莫有當前

右十六字秘文書於玄都玉臺主攝北帝正天炁檢鬼精

中山神咒召龍上雲制會黃河九水河源不得怠縱善惡悉分
千妖萬奸上對帝君敢有干試太陽激熾赤書玉字宣告普聞
右四十八字秘文書於玄都玉臺四壁以攝中海水帝四界
之水洪災涌溢之數主召水神止蛟龍事

右中央一炁 靈寶玉篇真文合一百四十四字皆

太上無上大光明圓滿大神咒空洞自然之書一名寶劫洞
清 九天靈書一名 黃天大神咒一名黃帝八威策
文

中央黃帝符

靈寶一炁天文化生白帝炁

山陽之日正斗炁一有物子申爲上仙元

中央高皇玉寶元靈元老皇帝符命總召天地九天以制同係
五炁上帝遙觀

元始黃帝真符

道藏輯要

皇經闡微

李

箕集八

直符中非三天靈文

咒曰 總元高靈回神四鄉黃上散花五帝交芳流精散漫十二
重光混合我形萬神相迎安鎮黃脾養氣中方保齡度劫永鎮
無窮

中央高皇玉寶元靈元老皇帝三元符命

天徊月移劫運無衰

丁訥有命勿句存攬爲無育見乾坤出陽入陰壞山川九土欲
崩符不聽頽

右

玉皇誥命以錫中央寶劫洞清玉寶元靈元老皇帝一炁天君

令統御中央皇天后土日月星宿名山靈洞水府泉宮上聖高尊真仙聖眾一切威靈符命所臨如誥奉行

西方七寶金門皓靈皇老白帝所受神咒誥命

西方素天白帝七門金靈皓映太華流氛白石峩峩七氣氤氲上有始生皇老大神總領肺氣主校九天檢定圖籙制召上仙右前四十八字白帝秘文書於九天素靈宮北軒之上主召仙炁舉仙道也

太白檢肺奎婁守魂胃昂畢觜主制七關參總斗魁受符北元右前二十四字秘文書於金闕玄窓主攝白帝星官正明天度

道藏輯要

皇經闡微

七

纂集八

赤書玉字九天正文攝召萬炁普歸帝君

右十六字秘文書於九天金闕三圖之館以攝六天鬼炁西山神咒八威七傳符水上龍召山送雲在所校得同到帝門輔衛上真斬滅邪源若有不祥截以金闕赤書符命風火驛傳右四十八字秘文書於九天金闕三圖之館主攝西海水帝制水中萬怪惡毒之精召雲龍以防水旱之災也

右西方七炁 靈寶玉篇真文合一百三十六字皆

太上無上大光明圓滿大神咒空洞自然之書一名 金

真寶明洞微篇一名西山神咒一名 白帝八威召龍文

西方白帝符

靈寶七炁天文化生黑帝炁

上止五道乙勿人迴遊兆子三天門

西方七寶金門皓靈皇老帝君符命策駕五老西盼九都億劫
同會明定九河

元始白帝眞符

直符曲正洪災度人

咒曰 金靈七炁素華流芬金精童子首建元巾帶符攝炁萬神
會門寶光奕奕照我命根安鎮肺華萬劫長存

西方七寶金門皓靈皇老帝君三元符命

西方注鬼煥乎九天醜力難逼斬以金關

道藏輯要

皇經闡微

主

箕集八

日爲正王陽生三斬殺萬魔雲龍間上盈事已人身三道在一

一保人身

右

玉皇誥命以錫西方七寶金門皓靈皇老白帝七炁天君令統
御西方諸天諸地日月星宿名山靈洞水府泉宮上聖高尊眞
仙聖衆一切威靈符命所臨如誥奉行

北方洞陰朔單鬱絕五靈玄老黑帝所受神咒誥命

北方玄天五炁徘徊中有黑帝雙皇太微總領符命仙鍊八威

青裙羽襪龍文鳳衣

上帝所舉制到玉階

四十字黑帝秘文書於鬱單無量玄元紫微臺北軒之內
主召諸真人神仙圖錄

北辰輔腎斗牛衛犀女虛危室豁落四開壁總七星執凶糾非
卻災掃穢明道動輝

右三十二字秘文書於天心北元玄斗中主攝北方星官正
天炁也

北山神咒激揚起雷流鈴煥落獲天鎮威北酆所部萬妖滅摧
右二十四字秘文書於北方洞陰朔單鬱絕元臺主攝天魔
北帝制伏惡神萬鬼事

九河傾訖鳥母羣飛蛟龍通道水陌洞開赤文玉書驛龍風馳

道藏輯要

皇經闡微

卷三

箕集八
川人上

右二十四字秘文書於洞陰朔單鬱絕元臺以攝北海水帝
制水中萬精主召蛟龍興雲致雨以負身

右北方五炁 靈寶玉篇真文合一百二十字皆 太

上無上大光明圓滿大神咒空洞自然之書一名本命紫微
元神生真寶明文一名北山神咒一名黑帝八威制天文
北方黑帝符

靈寶五炁天文化生青帝炁

三炁高王易遷川人司萬言

北方洞陰朔單鬱絕五靈玄老帝君符命羅天北斗定會九期
景散八極明石玄灊

元始黑帝真符

直符尹豐開道赦鬼

咒曰北上太玄五炁徘徊寶華五重流光煥暉雲景鬱香洞映太微仰注我身腎府鮮開安鎮靈宅萬神總歸身生羽服舉形自飛

北方洞陰朔單鬱絕五靈玄老黑帝三元符命

上王適月命天仙戊己多力士辟水源

三命正戌入力人任曰遣惠無爲君

適百百九君有臣三千此度己身

右

道藏輯要

皇經闡微

三

寶集八
四〇一

玉皇誥命以錫北方洞陰朔單鬱絕五靈玄老黑帝五炁天君令統御北方諸天諸地日月星宿名山靈洞水府泉宮上聖高尊真仙聖眾一切威靈符命所臨如誥奉行

帝誥御世章第二十六

天師張真人曰 太上大光明圓滿大神咒皆 上帝

之誥命也誥命到處星辰順度神祇安寧魔鬼潛踪水旱木作災疾不干天清地寧國泰民安此皆天地自然之正氣所結絢爲雲篆結爲赤字序爲真文合爲玉篇集爲赤書表其感應不爽轉移最神應時如心符合天地之機大道之運則曰大神咒此神咒玉字皆一元赤炁所結非臆說也有人伐

木中有楷書天皇太平四字其體獨堅不受斧刃觀者異之
以此知天地秀靈之氣何所不有陰陽造化之妙何處非奇
是故天文絢爛則如星雲地文璀璨則如流峙人文光華則
如詩書況赤炁生成天地其精神煥發更必有萬倍神奇者
不能絢而成文乎夫人民何自而生聖賢何自而成不知自
己之立根安能知天地之立根不知自己之赤炁安能知天
地之赤炁且自己不能有太光明圓滿之願安能知天地大
光明圓滿之大神咒 天降殊恩妙法流行校正經文諸
天詮解普福一世利益後人請勿詫異篤信受持以完全自
己之赤炁立根斯不負 上帝所錫之大光明圓滿大神
咒天地有心民物生成聖人有願世道太平經功圓滿大道
流行真言在處帝放光明

箋釋

藥師瑠璃光王世尊曰天下有四聖教有三萬理以定萬國
所瞻各有志願明說一番示爾眾生信吾法門四大部洲統
於一元三家聖賢學者宜遵教雖分門共此根源聖同此心
滿願誰論願在安懷儒者本根願在救度佛子本原菩提慈
心超絕語言 玉皇上帝我佛世尊立綱總握運御乾坤
三教之主下定崑崙治四天下億載無更慈心廣大億兆生
生靈哉 帝子治世太平梵炁融結梵唄音聲梵天宗仰

梵典流行梵王功大拜上

瑤京口誦靈章逸韻誰磨

訶般若畔泮分明集大神咒圓滿吾心藥父神將護持功深
瑠璃光中 帝鑒慈忱同心救度災劫不侵吾有真言

帝有妙音舌根圓滿教化至今三教經書莫非神咒萬理
歸源不遺不漏本行集經超乎宇宙包盡文章團結靈秀一
切語言誰出其右順星治魔留清去垢諷誦真言人天護佑
諸天詮解經旨獨透我降靈壇不先不後賜以箋釋禪關誰
扣 毘盧家風依然靈驚神咒流行 帝光依舊我是

藥師琉璃光王觀照世間同

帝恩光一十七種十二大

願交朋互發無虧無欠稽首皈依莫尤莫怨成仙成佛總要

道藏輯要

皇經闡微

卷五

箕集八

大緣誦誦神咒福惠自天今日吉慶又啟法筵聖賢仙佛咸
應百千觀音勢至文殊普賢 先天準提定慧光圓各抒
妙解各示真傳神咒圓滿世界三千讀是經者吾爲摩頂受
記不遷必來指引一切咸聽凡夫短景速證速修大羅天境
吾願如是爾誠必秉敬奉 帝書夙夜凜凜詮經說法醒
乎不醒留示後人當躬深省

正陽帝君曰佛門立教重威音音宣梵唄音思深真傳普作
真言誦神妙秘於神咒吟圓滿 帝光開聖教宣揚赤烈

正天心

毘盧秘旨

藥師授

五老傳來度古今

觀音世尊曰從聞思修義理深聞處分明有道臨青吐青蓮

傳佛法潮平素月見天心輪王日日宣神咒 帝座明明

說梵音經傳五老觀音釋大悲心契無絃琴

文昌帝君曰願心圓滿何須咒功不圓兮咒必真尊勝楞嚴

徵佛力靈書赤字頌 皇仁聲音顯處光明現效驗靈時

梵唄神三教從來歸一理詩書誦讀道歸身

孚佑帝君曰真言也放大光明圓滿 皇心處處行一十

七般皆秘咒百千萬世坐 瑤京有聲不似無聲好無效

都由有妄生五老真傳傳世上木金水火永無傾

斗母天尊頌曰

金石琳琅 宣揚帝光 保持劫運 圓滿瓊章

道藏輯要

皇經闡微

卷六 箕集八

道言是大神咒者

元始之妙言

玉皇之真誥上清自然之靈書九天始生之玄札空洞之靈章

上聖之秘語

玉宸之尊典成天立地開張萬真安神鎮靈生歲兆民匡御運

度保天長存上制天機中檢五靈下策地祇嘯命河源運役陰

陽召神使仙此至真之妙文神應自然致天高澄令地固安保

鎮五嶽萬品存焉

咒力圓滿章第二十七

天師張真人曰至哉神咒大哉咒力奇矣妙矣真乎絕矣無

以復加矣詮經者至此安能再贊一辭惟當泯厥言論無思
無慮默會

元始立說之心神遊天地未根日月未光之
際安固本根可也又安敢浪費紙墨徒供後人覆瓿之用災
梨禍棗徒供後人謗議之資然既說到此處既無說亦當勉
強立說雖有說亦仍如無說這般大道到底教吾從何處說
起雖曰詮經半部於此大道尙只說著三分讀經者至此試
觀 說經之聖於此大道不得已尊爲神咒又解之曰此
元始之妙言 玉皇之真誥 上清自然之靈書
乃復又明之曰九天始生之玄札空洞之靈章上聖之秘語

玉宸之尊典不嫌言重語複亦爲於此大道無窮無盡

道藏輯要

皇經闡微

七七

箕集八

無可執捉渾渾淪淪無可攀援至神至妙無可贊美挂一旣
恐漏萬分疏不勝繁多由是可知道之爲道矣由是可知道
之神力矣吾於此章勉強分 玉宸之尊典以上數句爲
表揚神咒成天立地以下數句爲表揚神咒之力上制天機
以下數句爲表揚神咒之圓滿以下總讚之拘牽文義不可
說道天語渾淪略指其要赤文玉字 帝道愈光功圓行
滿力量無疆

箋釋

九天應元雷祖天尊曰 天尊憫世下降宏文文本赤炁
縹緲氤氲輝煌絢爛結篆成雲迴環字勢團結縈紋集字成

書是播靈圖有用則靈力量有餘上中下際三才同居保劫
禦災處處宜諸是大神咒秘在 帝都有得之者處處安

居度人無量功德深醕綿彼 皇祚享億萬春太平立見

生成兆民丹室有此丹道通神爲民福主爲 帝名臣神

力獨運本量無垠鬼精破膽 聖道彌真天機秘密制御

清寧五方之神安固其形地祇紛紛呵護莫停山林永鎮河

海淵滄陰陽太和仙聖效靈萬有萬安咸會 帝庭靈意

玄札天地之根靈圖秘語至道之門讀是經者契協乾元神

咒流行普掃不祥五氣調和萬範開張天威不測天道咸彰

既全天德佩服天章天功浩大天語煌煌 上天恩重瑞

道藏輯要

皇經闡微

卷

箕集八

啟南天天開文運天啟法筵本行集經解釋成箋雷從地起

雷祖在天詮經而下天語雷傳是經神妙受持無遷神

咒力量護持無偏雷尊有願保護聖賢得是經者各宜勉焉

關聖帝君曰立德立功學聖賢修真修佛與昇仙全憑自己

無窮力卓爾英雄孰敢先赤字玉章皆助道真文秘語絕言

詮數揚無盡神通廣舉地安人更補天

正陽帝君曰舉鼎移山更負舟這般力量不爲優開天闢地

憑雙手引聖生仙據上游自此羣生知 帝力須教苦海

變瀛洲分明神咒神通大何不歸家自己修

文昌帝君曰扶得乾坤做得人無虧人道做仙真仙真力量

無窮盡力量周圍絕垢塵玉字赤書卽我性制天策地卽靈
神這般力量真然少 元老法燈五老薪

孚佑帝君曰學道何須力量強全無力量配柔剛無爲無作
先天體若愚若呆壽命長試看 尊經揚玉訣只憑赤炁

顯陽光這般力量君須記圓滿之時佐 玉皇

斗母天尊頌曰

神咒力强 保制功高 處處周圍 不缺絲毫

玉帝昔授五老上帝是時五帝跪捧其章秘題靈都之館天真
皇人昔書其文掌之於上清真境太玄玉都寒靈丹殿紫微上
宮累經劫運而其文保固天根無有毀淪與運推遷是大神咒
道藏輯要 皇經闡微 壬戌 箕集八
混之不濁穢之愈清毀之不滅滅之極明大有之文天真所尊
自無金名帝圖刻簡來生斯文隱秘不得闕聞有得之子保萬
炁長存勤行修奉刻致神仙

妙道體相章第二十八

天師張真人曰不圖爲說之至於斯也道本難說而 說
經教主竟自明明說出種種光彩種種真實並種種神異居
然日月星雲煥文章於碧落山嶽河漢佈境界於坤輿何文
不顯何理不明前章已言至矣盡矣不能讚一辭矣乃讀至
此章殊覺神志清虛明見先天之體神思煥發實闕祖炁之
根可以上會萬劫以前之萬劫下知萬劫以後之萬劫莫遠

於四大部洲舉目若在當前莫微於太末小蟲回觀皆我分
內乃知聖賢千經萬典三教正說喻說皆我心中本有者也
尙不早思解脫固我天根速讀 聖經保此赤炁 天
恩深重不可辜負自身重大要當愛惜吾卽此一章經文而
論之 玉帝昔授五老明此玉文赤炁原有主宰之

帝必須 帝宰降臨而後五帝順治一元密布而後五德
歸宗一氣清寧而後五行發育爲之溯其本原則皆自先天
祖炁而來故說於開天首出之 元始而傳於 太上

靈寶之玉宸証以神明天縱之皇人心心印合而猶必秘藏

上清真境太玄玉都之內寒靈丹殿紫微上官之中可

道藏輯要

皇經闡微

全

箕集八
X888

知明有本原凝會之所並非虛擬其曰保固天根無有毀淪
則自天而下之根可知矣與運推遷則其運之長短久暫時
刻秒忽可驗矣大哉大有之文莫過於神咒神咒之真卽所
以傳此赤炁混之不濁穢之愈清明其體之真實也毀之不
滅滅之極明明其體之堅剛也合併讀之曰混之不濁穢之
愈清毀之不滅滅之極明則體用交輝本源顯露彼凡得此
赤炁以爲根者其體段亦當如是可知孰意藐哉一身具此
玄微奈何任意戕賊自撥本根況天真所尊則人不得不重
之矣自無金名則萬理萬端萬有萬真隨取隨攜隨用隨顯
不拘一格難定文字卽 太上道君所謂吾不知其名強

名曰道者也斯文隱秘不得闕聞則聞修秘悟惟有一段天機而非泥乎語言文字亦非假乎言語論說者也果有保萬炁長存者乎則當勤行修奉如是之大神咒吾知天真皇人薪傳不替 毘盧古佛可以受記 元始天尊金書立至矣道卽赤文千聖一門三才建立惟是爲根一得永得永不沉淪

箋釋

北極玄天上帝曰嗟爾眾生原有天根奈何不悟萬劫沉淪天根何在赤炁存存得此炁保爾千春萬載不息以靈以神爲民福主爲 帝大臣天宮尊貴清淨絕倫自然快樂

道藏輯要

皇經闡微

全

箕集八

煩惱無因旣無惡魔亦無凶人賢聖往來左右羣真雲嘯樂奏逸韻堪聽祥麟鼓舞瑞鳳齊鳴前執絳節後擁霓旌星輶鶴駕玉殿金城佛國無異極樂無邊玄妙境在大梵天奈何不悟自惹連遭墮落無盡迴首何年 上天憫世傳示

玉篇民歲臘曰吾降經筵

尊經與妙開闡有仙箋釋經

義世有大緣果能尊重如是經文如是神咒修奉更勤吾必默佑衛以慶雲災殃永斷惡劫不臨青雲路上報爾真心天官妙寶隨意而獲舉步安車隨處樂國爾等試思樂好苦好死好生好人好禽好凡好仙好自己心驚速尋好路勤奉真經如此 金言句句神靈況有箋釋開導分明世界眾生

俯首咸聽吾卽金闕 上帝化身好生救劫來此度人是
亦神咒謗者必嘆雷部聽令念佛不神

九天應元雷祖天尊曰一聲震動卽回心枉把千經萬典尋
到此乃知神咒力從茲不敢一塵侵皈誠向道天根固去濁
留清萬劫存修奉勤行如是法維持護衛有雷尊

正陽帝君曰正陽帝果吾修證保得天根萬劫存任爾穢污
清更顯隨人毀滅體難淪 尊經修奉得神咒金格流傳
顯道門法嗣從今天下出當遵妙旨復乾元

文昌帝君曰吾自天香殿上來天香隨我正縈迴闡揚神咒
真機透開導羣生 元始偕去濁留清功已久生明少穢

道藏輯要

皇經闡微

全

卷八

福當加瓊林宴上誰居首當代哲人吉士家

孚佑帝君曰人世從來不信神分明 帝主語言真既有

天香爲後驗當憑神咒助前因不生不滅禪機透萬炁萬年

至道親幸有真心還赤炁再從七曲觀 皇人

斗母天尊頌曰

至道淵微 體相分明 帝圖修奉 萬載生生

洞玄靈寶玉皇功德品第三

爾時玉虛上帝白

天尊言惟願慈悲願爲四眾帝釋等及四梵天王一切諸天一切諸仙及未來一切眾生持是經人說利益事

爾時

天尊告玉虛上帝言快哉斯問不亦善乎汝以慈悲愍念眾生故請問於我

天尊言曰若有三界十方無量國土及國王大臣或兵戈並起疫氣大行水旱蟲蝗凶災饑饉是其國君后妃太子宰輔大臣當發慈悲爲其黎庶遍勅國內州縣鎮宰令諸道流清淨嚴潔道藏輯要

皇經闡微

全三

纂集八

於其觀內設大齋醮六時行道爲轉此經當得國土清平五穀豐熟黎庶安泰

請經保國章第二十九

天師張真人曰

天尊憫世

上帝度人說此經法傳

斯妙道有道乃有經則求道於其經經在則道在故讀經以明道持經以修道從來法不孤起教無往授故我元始

天尊

玉皇上帝高處天宮晏坐無爲皇皇穆穆巍巍蕩

蕩依然天地未根日月未光時氣象雖曰玄機默運潛孚萬方其神明則度人無盡而足跡要未嘗有所偏著力量未嘗有所震動體相未嘗有所滯礙又何假於言說自非有誠心

向道進求秘密者專懇之忱迫爲肫切指示則何處又尋大

藏法寶來

玉虛上帝親與法會見

上帝之光聞玉

女之香胎

上帝之法音於寶蓋會下至是又見

五

老上帝爲眾心切求請經法與聞神咒之力量本原惟恐已入門者或生退悔未入門者難起信心故欲以修奉力指利益功庶乎道不虛行經不虛讀惟時

天尊感動爲眾說

法於是

玉皇功德品著矣夫經以演道道在經求道以

救人人惟求經其實經者經也道之階梯也讀經而不知道

經又何爲故凡讀經之士當明經旨何在經語何爲是此經

也卽是此道也昔阿難尊者於佛將涅槃時請問結集經文

道藏輯要

皇經闡微

卷

箕集八

首置何言佛云但置如是我聞四字試思語尙未發如是二字果何所指乎我聞者又何在乎妙哉佛乎可謂善於立言矣非卽指此不能說而又不可不說之道乎非卽指此人人共具一人各足之道乎不然吾門經首所謂道言者此道字將何所指一切道經中所謂轉誦此經者豈在口中喃喃之語乎哉且所謂國土清平黎民安泰轉禍爲福轉死爲生者豈口中喃喃遂足以致之乎所謂轉之云者運行之謂也所謂此經者卽言語中所指當身中所具之奧妙也然則經可不必轉誦乎非也誦之者求其理也轉之者詣其實也今於請經保國章特明此意以爲讀經者之勸試觀經云十方國

土遇災逢劫爲轉此經必云先發慈憫又曰六時行道果何所指即云圓滿大神咒神而且靈所謂圓滿者何在也神而且靈者何在也知吾此說則讀此經得之矣即讀三教之經亦得之矣不然舍本求末反曰經之言不驗可乎至於真經保國自然之事不必疑惑

箋釋

協天大帝關聖帝君曰一部

尊經

玉皇心印以順

氣機以順時令以御乾坤可神感應故誦之者宜昭誠敬悲此眾生舍本求之經言義理不肯修持惟徒口誦爲衣食資建立道場愈滋疑惑託言祈年託言祝國或以禳星或以祛

道藏明要

皇經闡微

全

箕集八

疫聚歛貨財充己私橐假公濟私何嘗有益虛名動眾全無誠心徒延法眾酬經以金福利不得災禍已深不知聖人立說立經總爲度人共樂 帝庭災劫不作國土清寧正道

既興五穀豐登一心皈善樂境必昇示諸眾生度之無量成就保持終超無上善心圓滿秘語如神要知此義讀誦無愆

天師慈憫發此言詮經旨大明是爲真傳吾是漢代關聖帝君德可協天天威共聞保持國土扶助黎民災難我救冤抑我伸我還扶助孝子忠臣功在萬世心在億人詮解

尊經教訓皆真不是偽撰信念當純讀是經者我皆降臨保佑到底不負真心讀是經者凜我法音

阿難尊者曰山海慧自在如來一切佛書親手裁可恨世間
徒口誦遂令天上共悲哀 毘盧又闡 釋迦行妙典

今傳神咒開說不盡 玉皇功德稽首經筵歎善哉

正陽帝君曰仙聖當筵欲哄堂一點真誠動十方解到天機
皆爛熳自然法界普馨香從來三教難歸一由此千真永不
忘總在昭昭明明處窮經共見 帝輝光

文昌帝君曰七曲山中著述多胥疑偽造奈人何不知皆自
天經出從此堪平苦海波救劫真心今道出延年妙道
咒非訛 聖君賢相同修治如意揮時轉太和

孚佑帝君曰孚佑帝君慈願多說經救度又如何真言秘語

道藏輯要

皇經闡微

全六

箕集八

傳沙界保國安民絕險波今朝詮解咸歸一後世聽聞自不
訛全是天真靈性發天香鼓動播天和

斗母天尊頌曰

心誠願滿

國泰家安

煌煌天語

運轉通靈

若復有人入諸山林遇毒惡獸但能存想一念真經山神衛護
猛獸自退終不害己若入江入海採寶求珍值遇惡風如法持
念是此真經風浪頓止安穩達岸若在軍陣戈戟既接兩又相
交存心默念是此真經是諸惡賊悉自退散若在牢獄枷鎖之
中淨心定慮存念真經冤枉白伸即得解脫若爲邪精鬼賊眾
苦所加如法持念是此真經眾邪遠避自然除愈若人爲求嗣

息如法尊重持念此經

帝勅天曹明檢丹籍九品之內四果仙人運應數合謫降下生
爲其作子才辯明慧人中尊貴若婦人臨難之月如法持念是
此真經卽得母子平安生福德男女人所愛敬若爲求官進職
爵祿亨達貴遇人君如法持念是此真經卽得職務遷轉子孫
榮遇世世不絕若人欲求資財殷富如法奉持是此真經卽得
財寶充溢衣食自然慶流子孫傳之萬世若人被諸惡星之所
照臨困苦床枕如法持念是此真經是諸惡星返降吉祥若人
命過應入地獄注名惡籍父母師長夫妻男女當爲亡人持念
真經或安置道場旛花供養卽得亡者鬼籍盡除神生淨土同
道藏輯要

皇經闡微

卷七

箕集八
ノノノ

苦罪眾咸蒙護度承斯勝利皆生天上

濟生度死章第三十

天師張真人曰人生世上何事爲大生死爲大夫生死人之
常也生則隨之而生死則隨之而死生有何歡死有何懼但
恐生也徒生則生爲虛生死也徒死則死爲浪死斯真無歡
而有懼矣何謂虛生以大道全具之身不能信及自爲戕賊
旣不肯忠主孝親廣行慈惠由義居仁動循典則而所行者
皆是殘忍詭譎貪饕貨利害眾成家謀人利己之事是舍天
地之生氣而取天地之敗氣矣如是之人生爲虛生而猶自
鳴得意不知死則浪死而猶望好處託生蓋人以爲浮浪而

死消歸烏有故生前任意作孽不知其生也有因其死也有果既不能勤於修持參悟大道則還元無日何處出頭背覺合塵全歸情念蓋人有性情道分情想節情乃能復性純想乃能無情故禪家亦謂九情一想則墮落純想無情則大覺純想者念念不斷純真九情者節節全流愛欲故 聖人說經指出種種景象種種境界種種法則無非欲人收此放心消磨情愛斯可守一而還貞留清而去濁則生氣勃發生機活潑生命延而鬼路絕矣故曰但能存想又曰一念持經皆是欲人心上洗滌心君有道五官順令萬神調伏萬魔退散一身之萬神調伏萬魔退散則外來之神自然調伏外來

道藏輯要

皇經闡微

卷八

箕集八

之魔自然退散此亦明義理之自然以見經功之浩大山神衛護風浪頓止內則氣固血榮外則水陸胥安也惡賊退散冤枉解脫內則惡念消而鬱氣伸外則惡人退而直道行也母子平安福德男女職務遷轉子孫榮遇內則十月功圓脫胎神化無位真人天爵寵錫外則德門善人嗣續不絕也財寶充溢返降吉祥內則德可潤身道乃富有善氣迎人外則令聞廣譽災難不干也凡此皆由死致生生而順其生死而得其安者也惟經能濟之至於注名惡籍神生淨土同苦罪眾護度生天內則敗氣不存本命延長快樂無邊百體胥安外則煞鬼退避族類康榮同度善道也惟經能度之

箋釋

正陽帝君曰堪嗟世人不了生死形山不顧死而後已苦海無邊浮游還喜刀劍叢中快活過日枉道徇人也爲色身羅刹鬼國出離無因生死不明卑賤爲榮忘身事人願財豐盈雖足衣食慶退災臨惡星纏度惡籍書名同苦罪眾同墮幽陰三光不見直到於今甚至淪墮爲獸爲禽要想解脫再無信音大哉 帝力妙哉神咒一念轉移回心向道持念真經脫離有靠或驅猛獸或除毒龍或伸冤抑或避羣凶或退眾邪求子保宗資財充溢貴遇人君死者欲度生者求榮皆如所願道協人情皆由經力諸難皆平千祥百福性命咸亨

道藏輯要

皇經闡微

卷九

箕集八

生死受賴

恩自瑤京悲哉眾生速速轉移得此至寶出

離有資殷勤遵奉匪勉修持如志如願不必驚疑經功浩大我爲證見神咒流行 上帝默鑒布告學人光陰有限

觀音世尊曰一念吾名百難平况讀

尊經念 帝名

咒顯大悲悲觀遠書留赤字字光盈箕風畢雨人殊好怕死貪生世共情到此方知神咒力教君如意自咸亨

麻祖元君曰世人情念太繁多萬種千般是網羅一念精誠消眾念心魔退散遠邪魔總由 上帝真經力何怕閻羅

記姓訛有願皆償生共死不畛大道奈君何

文昌帝君曰不知死也不知生生死皆爲富貴營採寶求珍

求顯達逢魔遇鬼遇災星償他萬種千般願方信赤文玉字
靈案有 尊經卽樂土迴光誦讀莫留停

孚佑帝君曰無窮無盡願欲繁舉世因之障道門生死惟知
貪富貴營求還欲庇兒孫 皇天有靠終如願寶訣多靈
不待言何似當初學大道玉虛門下不勞煩

斗母天尊頌曰

上帝威靈 栽培傾覆 如願相償 讀經去垢

又此經所在之處常有上天至真大聖無極飛天神王侍衛供
養持是經人當得自稱爲正一真人是人在處自得十方至真
至聖金剛力士潛護其人如護己身若出入遊行之處百邪

道藏輯要

皇經闡微

卷

第八

避路魔鬼殄除精靈伏藏一切災殃不能侵近是持經人命欲
終時更不見諸地獄惡相卽見天宮一切玉女持幢下迎而生
天上如天福盡下降人間卽得千生萬生中常爲帝主令國土
清平人民樂業兼得爲王獲宿命通遵奉大道展轉修持至登
道岸是持經人獲福如是

保登道岸章第三十一

天師張真人曰茫茫大道並無津涯故佛曰性海曰香水海
曰七寶池或曰海會一切功德法力皆以海名儒曰逝者如
斯不舍晝夜盈科而進成章而達遊於聖人之門者難爲言
亦必觀於海也吾門清淨不受一塵所謂混之不濁穢之愈

清毀之不滅滅之愈明者非性海乎非香水海乎非七寶池乎一切經文卽總池之海會矣然又何曰道岸蓋眾生淪於愛河墮於慾海實安身於此岸之中而不知有彼岸之樂

上天不忍涕泗無從將欲拔諸污穢寒冰之處而置諸高明清淨之天故 太上 元始化現萬天以待學人化

號萬方以教學人又以一理分爲三教隨方化導因風氣以立科條因性情以廣接引是故中國爲文明之地降生

孔聖以廣詩書禮樂之傳以正倫理以立性命或爲聖賢或爲忠臣孝子浩氣充滿於宇宙之間正氣扶助乾坤之體安懷一世黼黻 皇猷以開太平繼往開來永千聖之薪傳

道藏輯要

皇經闡微

卷一

箕集八

而宏仁於萬世如是以登道岸西方天竺稟天地之金氣爲

多其地尙音降生釋迦而以梵音立教所傳諸經諸咒神靈無比故曰威音又曰雷音又曰一音蓋耳根洞達徹乎三界本體分明感應自然言爲心聲吐於廣長之舌六通洞達音韻爲多由是泰悟以登道岸吾門爲大道之宗而 尊經

又爲一切典籍之宗故赤文播爲文教玉音卽是梵音神咒統乎真言所以 帝光無所不被寶蓋無所不覆佛門以華嚴爲圓教儒門以義易爲通靈吾門則以 皇經爲圓滿本於大洞開乎道德黃庭千經萬典千法萬門而宏廣大度人之願如是以登道岸所以 玉經尊貴無比供養之

處千真侍衛受持之人惡魔遠避萬聖維持命終之時玉女
下迎受生之劫尊貴無比國土清平獲宿命通輾轉修持至
登道岸則是經真苦海之慈航迷津之寶筏矣正一自稱豈
虛言乎

箋釋

九天應元雷祖天尊曰

天師奉

勅降校

尊經

神來法席理契天庭周旋萬聖左右千靈共詮

帝典言

妙理精法傳當世義本始青三才會集三教一家世人不信

毀謗誼譁豈知世界皆

帝光華國王帝主富貴無加學

士大臣聲勢交加民生年歲

帝澤休嘉莫非

上帝

道藏輯要

皇經闡微

卷三

箕集八

主持幽遐所以世界安樂千春讀書士子須養性真不究根
本不固真身泥於文字謗毀斯頻金章闡發大稱吾心吾爲
箋釋一字千金遵循福至毀謗罪深莫聞莫見動有雷霆各
遵教法各固本根各養性情莫泥語言生順死安光大其門
保爾後來道契立元道岸必登位列十天見是經者修誦誠
虔雷祖保護在爾身邊一念歸正如在 帝前一念邪妄
歛火卽傳性命難保何言昇仙天尊指示記在心間諸真詮
解不可妄刪言言口訣大道攸關應接不暇如在寶山空手
而回道岸何攀吾言不謬信者勉焉

玄天上帝蕩魔天尊曰欲往靈山拜世尊不知

帝典鎮

玄門包含三教無窮理總括千真萬聖言真言秘語咸持受
度死安生再不淪北極玄天爲保護巍巍道岸大真人

正陽帝君曰上天一理分三教此語人間孰信之詮解真經
明闡發精微妙道斷羣疑地天泰運從茲轉教化文明自此
基道岸先登安國土明明 上帝是嘉師

文昌帝君曰吾爲三教大宗師典籍經書盡總持賴有

尊經爲明証幸從詮解去人疑巍巍道岸誰先入處處天心
爾自知正一真人非浪許天經聖典不差池

孚佑帝君曰天經妙義誰能識解釋紛然孰信之豈料筆花
飛爛熳皆從天性作根基人稱正一人人愛字刻瓊瑤字字

道藏輯要

皇經開微

卷三

箕集八
×川一

宜吾願化身千萬億接登道岸總無疑

斗母天尊頌曰

法性無邊

藏諸壬癸

渡出迷津

最尊最貴

又若有持是經人若雨下時起大悲心如法向空念此經三卷
一遍其雨所霑面所向方一切眾生五逆十惡一切重罪悉皆
消滅一切重病便得痊癒是諸眾生命終之後不墮地獄神生
淨土蓮花化生何況持是經者又若有持是經人若行於道路
值大風起吹是持經之人觸身之塵是塵所需一切眾生一切
惡業悉皆滅盡更不墮三惡道當生天上故知持經功德不可
思議是持經人若在江在河在海沐浴其身是水所需其中眾

生魚鼈龜鼉一切水族是諸罪眾悉得除滅盡此一報之身命過之後更不受胎卵濕化一切等身是持經人口出一切語言或善或惡一切天魔外道聞者皆是清淨法音是持經人若遇諸神廟能爲其神誦詠是經是諸鬼神得聞是經卽脫鬼趣登真仙道恭敬是人如奉是

帝

有象圓滿章第三十二

天師張真人曰此與下章皆是發明經功圓滿判此章爲有象圓滿判下章爲無象圓滿蓋因 帝光圓滿則 帝德圓滿神咒圓滿則 帝力圓滿故經在處則其功德自

道藏輯要

皇經闡微

卷四

箕集八

必圓滿而此圓滿之功德不能盡說下章所謂雖窮劫難言者也於是先卽有象者以形之夫持經者得昇道岸則其入之心卽 上帝之心其人之身卽 上帝之身其人之瞻顧動作與夫服用器具無往非 上帝之運用矣是以到處皆神用處皆靈執持履涉之處皆霑勝利存思想望之時莫不圓滿先卽有象者論之雨霖降處皆 帝恩澤而持經者迎機運法自然潤澤下土生活焦枯則謂雨所到處卽 帝澤之所到 帝澤所敷之處卽持經人惠利所敷之處可也然則雨可盡乎經之功德可盡乎至於風動之塵細小輕微何關乎撮土又何論乎大地而卽風動之輕塵

莫非人間之福利則撮土於大地可知矣持經之功德可盡乎若夫水更普遍更非雨澤之涓滴輕塵之微細繁多無比彼夫天一之精能載坤輿萬彙滋生則皆 帝之恩波也

而持經者隨身挹注霑被無窮澤及水族則人可知矣夫雨也塵也江河海也猶有形之有定者也若言語則可聽而不可執且隨時隨地隨用而不可盡矣而恩澤又被及於無形之靈異經之功德可盡乎然則天下雖大盡乎有形者而皆利益可知地水火風皆 上帝功德之具胎卵濕化皆由

上帝功德化形何論乎人何論乎持經之真人以此形容功德之圓滿則真處處圓滿矣若從丹理佈置則須彌甘

道藏輯要

皇經闡微

卷五

箕集八

露起死回生也戊己運於真氣生生不斷也天一華池真精布滿運動皆春卽四生業盡也口訣秘傳逆順合度吐屬皆金卽語言或善或惡六道輪迴永脫也經義無窮正說喻說皆精闕者其深叅之

箋釋

正陽帝君曰妙哉 聖經最神最靈功德圓滿盡乎有形雨雨風風皆施福惠刹刹塵塵仁深品彙江河淮海拔出風波一切水族胥霑太和胎卵濕化可憐四生魔趣鬼趣六道咸亨一切惡業除籍勾名盡此一報返本還原當生天上或極樂國況持經人不能脫卻一切鬼神皈依大覺如奉是

帝尙且誠恪況在其人一家眷屬比問姻黨國邑眾族不能福惠予以安樂令其皈依勿滋疑惑同修善道同讀靈書同近 帝光同到 帝都得是經者不可糊塗勤行修奉功德非虛有形有象普度非誣經功圓滿無量無邊我許是人巍巍上仙

觀音世尊曰四生六道一光中直到而今度不窮 帝勅靈書傳世界還原返本盡和融山河大地皆春雨言語得聞盡惠風總是持經功不盡得丹圓滿證圓通

白祖仙師曰化雨和風處處施恩波流到楚王祠語言誦詠

宣 天勅人鬼神祇普 帝慈盡此一身還苦報遂離

道藏輯要

皇經闡微

卷六

箕集八

惡業步天梯經功到處皆圓滿正一真人福惠齊

文昌帝君曰明有人兮暗有神總多惡業染埃塵春風春雨生機轉魔苦魔身脫殼新全要 天經爲解釋乃能

帝座勢嶙峋從今莫慢窮經上出語浴身係上真

孚佑帝君曰誰稱正一大真人一部 尊經玩味真出語

浴身皆係道四生六道認爲親有形有象全沾惠無量無邊

廣播仁如此方能天意合功圓行滿不沾塵

斗母天尊頌曰

有形有象

處處生機

經功圓滿

普錫銖衣

若人在世不孝父母不敬三寶殺生偷盜邪淫妄語作種種極

重罪業將命終時若有道心正信眾生於其亡者未氣斷時起大悲心於其頭邊念帝尊號或一七二七三七四七乃至百遍千遍是其亡者生前所造諸不善業悉得消滅更不墮諸惡趣神昇九天何況受持是此經者又若復有人自從往劫乃至今身輪轉人天漂沉世域積千愆萬過在於已身若遇是持經人影暫映其身如爲

帝光之所攝受或與同語或聞其聲如奉

帝言道語慰諭彼人罪障永得除滅又若持是經人造作長旛書

帝名號於其旛上懸諸長竿或是觀字或在家庭是旛被諸風

道藏輯要

皇經闡微

卷七

箕集八
川又上

吹所指方面一切眾生皆霑勝利一切惡業悉得除滅又若有持是經人書

帝名號在一切有聲物上或鐘或磬鈴鐸鐃鈸一切道具法事之屬或以道場或以戲擊或被風觸是聲出時或遠或近一切眾生聞是聲已所有罪障悉得清淨又若有持是經人了悟生死深入山林修真學道或時登臨上山顧望目所及處山林溪谷含生品類有形無形胎卵濕化動植飛潛種種諸類所有罪業永得除滅身心清淨命終生天何況受持是此經者當知是人卽是道藏功德身也

天師張真人曰此章發明無形無象者經之功德無不圓滿甚矣無形無象其誰見乎其誰聞乎其誰可得而言之乎又何以圓滿功德無怪讀道經者詆吾門爲虛無之學將

太上指示先天氣象杳杳冥冥之語亦爲訾議嗚呼誤矣夫大道一元其體爲先天其用爲後天先天之境不容思慮自然而然只可默會而不可以言傳卽儒經所謂隱也後天之用生發開舒化形造有錯雜紛紜呈露於宇宙之間卽儒經所謂費也然後天不能離先天之體先天不能不發後天之用故洪濛未判之景象至今猶在卽祖炁也卽赤炁也夫旣曰炁可得而見之乎卽神也卽機也其可得而言之乎然以

道藏輯要

皇經闡微

卷六

箕集八

不可言不可聞見之處而經功無不被及則 玉皇之功

德爲何如圓滿乎持經之人至於無形無象之處亦運慈心而普惠利則持經者之功德其圓滿又何如乎於是舉心運想無非普 上帝之恩光指顧周旋無非揚 玉皇之

道妙啟口皆運靈機持行無非妙義所謂信手拈來頭頭是道隨心動作處處生春游戲散爛熳之天花行坐擁高虛之寶蓋維持有力聲音笑貌盡含生轉移如神聲歎語言皆作福隨人予返魂之神香隨地施延齡之妙藥金丹一點滿地皆金春光乍回盈園布錦斗柄移而璇璣自轉朝曦出而萬戶皆溫駕無象之慈航拯眾生出離慾海灑無聲之甘露蘇

萬彙活彼枯株所以造罪無邊之眾生死期將至之惡業皆遇之而得生皆逢之而得果山林溪谷品類含生動植飛潛色身復性居然攝受以 帝光而爲 帝言之所慰諭前章云正一真人非卽此道藏功德身乎然而功德無盡效驗神奇歷劫難言正說不盡反從積惡眾生以形持經者之境界則其神驗當何如以是有象無象二意釋經功之圓滿則真隨取隨攜隨用隨靈既不遺於一息亦不懈於百年既不遺於一物亦不有間於天地則真無不圓滿之經功無不圓滿之神咒無不圓滿之 帝光矣

箋釋

道藏輯要

皇經闡微

梵

箕集八
卷之三

正陽帝君曰大道無形精微奧妙大德無窮淵默爲要况此氣機更覺幽微捉執無物境界何歸不可目見不得耳聞其實運動春意氤氲無色無象無形無名來焉不覺去焉不明不識不知自然發生潛移默運品物咸亨妙哉經功如是如是持經之人同歸一致登臨顧望四境吉祥山林溪谷品彙含光建壇梵唄寶蓋長幡鐃鈸法具鐘磬笙簧但書名號

高上玉皇聞者罪滅見者吉昌或與同語觸彼衣裳身形暫映流連徬徨如 帝同語如近 帝光如聞上界不斷天香經功圓滿福被無疆可知 帝號如是輝煌可知

帝典必須頌揚誦是經者德不荒唐無象圓滿有象愈

彰功德至此惟滿惟圓不可思議 帝澤無邊

觀音世尊曰無形無象亦無名奧妙天經是梵聲受持圓滿
功須證微妙機緘物亦生性是菩提潛運用氣因神咒更安
寧游戲登臨皆佛事真空至理更神靈

麻祖元君曰誰訾吾道是虛無無象居然太極圖不見不聞
機自轉造形造色理偏殊語言動作皆天道游戲登臨奉

帝書只要虔心書 帝號潛移不必費工夫

文昌帝君曰性靈開處筆生花天道回時世界嘉只要一真
通萬界自然海角會天涯天香密布無形影大慧發生那障
遮可信先天圖奧妙 帝經靈驗不爭差

道藏輯要

皇經闡微

一百

箕集八
川三

孚佑帝君曰詮解 尊經景不同一番和氣一番風無形
無象先天合成象成形妙道融彩筆贈君堪奪錦天香啟慧
自生紅無邊迹象何曾著妙悟決然處處通

斗母天尊頌曰

先天大梵 赫赫無象 品物流行 恩施浩蕩

爾時

天尊謂玉虛上帝言今我略說未盡其妙若廣說之凡流邪見
疑惑不信是經功德窮劫難言爾時玉虛上帝聞是說已心生
歡喜不勝踴躍瞻仰慈顏稽首讚歎而作頌曰
九天之上謂之大羅玉京金闕雲層峩峩中有

天帝仁慈惠和至道無敵降伏眾魔天寶靈符玉律金科神仙億萬幢幡眾多聞者罪滅永出愛河是號

玉皇穹蒼真老妙圓清淨智慧辯才至道至尊三界師混元祖無能勝主四生慈父高天上聖大慈仁者十號圓滿萬德周身無量度人拔生死苦爾時玉虛上帝說是頌及十號已是諸天眾異口同音歎未曾有

帝號圓滿章第三十四

天師張真人曰 上帝之德無不圓滿則 上帝之號

自然無不圓滿何以至此處而始曰圓滿夫 天尊明明

說出今我略說未盡其妙若廣說之凡流邪見疑惑不信是

道藏輯要

皇經闡微

百

箕集八

經功德窮劫難言試思窮劫難言者非道乎我以為 玉

帝之功德亦是窮劫難言若廣說之人即見信亦自說不能

盡不惟我一人說不能盡即千經萬典任其橫說直說正說

喻說或多言說或少言說亦說不能盡也故 天尊玄座

說法可謂無不詳盡而猶以為我略說之夫 天尊尚自

以為我略說之則必無有能盡說之者矣然則 玉帝之

功德可易量乎不可量而必欲廣說之則雖獻一萬二千三

十六偈讚不為多頌揚 法號符乎一萬二千五百當暮

之數符乎十兆九萬五千九百四十二之數猶以為少而僅

獻以十號可乎不知此即略說之意也約略說之則稍舒敬

獻之忱稍明臣子之意略序其萬分功德中之一分而已我
於是卽 玉虛上帝所獻之十號而略明之所謂 穹
蒼眞老者至誠無息莫出其右其功德上繼乎 老君而
下開乎五老也妙圓清淨者玄微通融無僞無雜其功德若
天體之充周天光之明潔也智慧辯才者明無不照睿無不
入宣萬變之理以開化萬方制萬幾之宜以臨御萬天也至
道至尊者全備一元之理以歸於神化總握玄綱之運而極
其崇高也三界師則千眞萬聖皆受法混元祖則天地日月
不能先無能勝主言攝伏乎萬魔修羅四生慈父擬惠育乎
崑崙四部高天上聖則巍蕩之德同乎 元始大慈仁者

道藏輯要

皇經闡微

百一

箕集八

則好生之德洽於萬世具天地生成之數於無疆則曰十號
圓滿說不能盡而總該之曰萬德周身則合聖賢仙佛之道
而全盡無量度人拔生死苦乾元不息大生廣生卽略說之
而已廣大充周如是安能盡言斯眞大無不包小無或遺遠
無不到近無或忌者矣我故曰 帝號之圓滿可以明

帝德之圓滿

箋釋

正陽帝君曰大哉 帝主妙哉 帝經功德圓滿積於
無形有形有象倍覺神靈無量無邊窮劫難言可知大道無
有言說能說之者卽非道德但在眾生成性存存經功到處

遍滿乾坤人物各正滴滴歸元經功如此 帝德玄焉所以感戴出於諸天普放神光救度周圍寶蓋會下被覆無偏神咒流行普示周全 帝德無盡 帝號無邊處處充滿處處周圍天經奧理叅悟真焉拔生死苦度人無量約略說之已超無上可知道法惟在心悟心體清明不失故步自無魔擾敦樸守素吾言不煩後人謹記

白祖仙師曰從來 帝力最通神成地開天事事真十號聲稱說不盡千靈敬仰頌皆誠任君廣說無窮劫由爾朝叅億萬春說經 教主猶略說存心默朝免傷神

何祖元君曰饒君聰慧過顏閔不斷冤魔也徒然 帝德

道藏輯要

皇經闡微

一百三

箕集八
X。X

在身千聖保天心莫亂萬般圓濟生度死無私意滿行圓功慶 昊天從此靈臺須潔洗虔恭侍演聽真詮

文昌帝君曰學真志士莫輕言一念差失悞入門既奉天經爲秘旨須除妄念滙心源千真傳法非容易十號周天也不繁可是一真無百偽 穹蒼真老許歸元

孚佑帝君曰萬般世事靠於天天道十分人要全天縱神明猶要學真身大道總無偏 皇經秘義君叅得外道邪魔那許纏不是千真同在坐空遭毒手又何言

斗母天尊頌曰

十號圓滿

帝德無邊

速修速證

玉軸金編

太上洞玄靈寶紫微金格高上玉皇本行集經闡微卷中終

道藏輯要

皇經闡微

高

纂集八
冊上

太上洞玄靈寶紫微金格高上玉皇本行集經闡微卷下

天真護持品第四

爾時

昊天上帝聞說經法從座而起長跪帝前白言

玉帝願爲大眾及諸人天持是經人說利益事爾時

玉皇尊帝興方便意開利益門宣玉匱科傳靈寶法告於

昊天上帝言汝今諦聽當爲汝說受持功德扶危拔苦利益存

亡神妙之事眾真稽首俱發聲言弟子臣等今日幸聞湛然常

住之法莫不上福三界諸天下消三途毒害惟願慈悲愍臣等

故演斯妙義

道藏輯要

皇經闡微

三皇

箕集八
川文

請常住法章第三十五

天師張真人曰此爲天真護持品首章前兩卷闡發 玉

皇上帝放千載常煥之天光發萬劫不散之妙香宣億年有

韻之法音橫則結三百六十五度四分之一之寶蓋以蔭覆十

二萬九千餘年之天人而暨則傳萬劫以前萬劫以後大光

明大圓滿之大神咒以爲天地之玄根不朽仙聖之薪傳誠

所謂混之不濁穢之愈清毀之不滅滅之極明者也不得湛

然常住之法何以至此凡一時在 天尊玄座聽法

上帝光明座下稽首者若夜光玉女高虛清明天主五老上

帝玉虛上帝莫非寂淡逍遙以經億劫周徧十方不損一毫

是皆得湛然常住之法者一時大眾雖聞 天尊說持經
功德之圓滿而猶欲 上帝之俞允故 昊天上帝常
機啟請猶恐不知說經本意遺卻指歸眾真於是為大眾對
越 上帝而特申明之曰今日幸聞湛然常住之法欲大
眾迴光返照須從自己湛然之心源以歸湛然之性海而永
住於清淨泓之境則凡傳玉匱科得靈寶法者可忘卻自己
之光明乎

箋釋

正陽帝君曰 天尊憫世垂此宏文諸天大眾何幸得聞
放光發慧 帝乃分身妙音宣布寶蓋庇人圓滿神咒功

道藏輯要

皇經闡微

二頁

箕集八

XO

德胥真是玉匱科是靈寶法湛然光明常住不滅 尊經
奧旨一言包括畫龍點睛一網千目既舉宏綱眾條皆悉道
本玄微功必歸一亦不險怪亦不神奇心源瑩湛保守無虧
玄根自固性體維持永劫不壞三途不迷不負 天尊諄
切提撕 昊天上帝殷勤啟請 金口宣揚乃得要領

天尊上帝開利益門受持功德明示元元眾真稽首俱
發聲言請演妙義普福無垠告播天下共樂長春惟斯功德
何以為報惟有誠心遵奉 聖教教導斯人皆歸道妙爾
等眾生洗滌心思勤行修奉天真護持

麻祖元君曰 昊天稽首 玉尊前利益門開福萬天

不有光明湛體安能億萬百千年家常言語皆精蘊永住
蓬萊是正傳說到西天成佛事畫龍畫餅豈真傳

白祖仙師曰今古何人得正傳從赤松遊億萬年玉匱金科
靈寶法守先待後子孫賢門開利益誰人信 帝普慈悲

示爾立說到西天吾不許自今再莫妄談禪

文昌帝君曰理學通明古大儒何須佛地覓安居真空雖是
先天體精實方得象罔珠靈鷲雷音多喻說金科玉匱範真
吾 玉皇寵錫天言秘希少慈悲報有餘

孚佑帝君曰人間惟有道爲尊這段佳文爾屢言誤入虛空

羅剎國何能真實我家門金科 靈寶傳真法玉匱

道藏輯要

皇經闡微

一頁 箕集八

天王總一元萬法千門歸一是從今方寸滙真源

斗母天尊頌曰

金科玉匱 上帝心傳 湛然常住 普福無邊

玉帝告曰若有眾生孝養父母恭敬三寶竭忠於君不殺不盜
不淫不妒不嗔不恨不驕不詐奉戒持齋冥心大道生尊重心
持誦是經我卽勅下周流沙界徧傳十方無極世界我勅東方
東華帝君青騎神仙兵馬無鞅數眾悉令下降覆護受持是此
經者我勅東南扶桑大帝與其部眾神仙兵馬無鞅數眾悉令
下降覆護受持是此經者我勅南方朱陵大帝赤騎神仙兵馬
無鞅數眾悉令下降覆護受持是此經者我勅西南太華元老

與其部眾神仙兵馬無鞅數眾悉令下降覆護受持是此經者
我勅西方皓靈皇老白騎神仙兵馬無鞅數眾悉令下降覆護
受持是此經者我勅西北皇天上帝與其部眾神仙兵馬無鞅
數眾悉令下降覆護受持是此經者我勅北方紫微帝君黑騎
神仙兵馬無鞅數眾悉令下降覆護受持是此經者我勅東北
沖虛天君與其部眾神仙兵馬無鞅數眾悉令下降覆護受持
是此經者我勅中央天皇大帝崑崙蒼老黃騎神仙兵馬無鞅
數眾悉令下降覆護受持是此經者我勅上方來和天君名山
大洞神仙兵馬無鞅數眾悉令下降覆護受持是此經者我勅
下方一切金仙四眾八部及諸眷屬悉令下降覆護受持是此
道藏輯要

皇經圖微

頁

箕集八

經者我勅十方飛天神王飛天大神三官四聖二曜九星北斗
南斗東西中斗二十八宿周天眾星金剛力士神王等眾各與
部眾悉令下降覆護受持是此經者我勅降魔力士四天門王
五嶽四瀆及餘諸山四海九江十二河源山林川澤一切主者
令與眷屬覆護受持是此經者諸險惡處令得安穩我勅所在
一切土地靈官并溝渠等一切諸大力鬼王皆令覆護受持是
此經者令眾魔外道悉皆僵伏潛形遁跡高飛海外遠避他方
如是山林社稷廊廟血食之屬一切鬼神當自消滅五方行病
瘟疫鬼帥諸惡鬼神並風王水怪孽龍妖神土精木魅盡自消
滅五虛六耗夢寐乖常野道咒詛蠱毒之類皆自消滅心欲願

者一切如意皆得滿足

覆護圓滿章第三十六

天師張真人曰前章 天尊所示種種經法廣大無比神驗無比至奇至妙要不過教大眾各各完全此一段湛然性體以永住真常永不墮於生死苦海中以致淪於異類卽

玉帝之玉匱科靈寶法也彼不知湛然常住之法者爲之奈何如有一旦覺悟知色身無常而欲尋湛然真常之性體又或愛慕 天尊所說經功圓滿之神驗於是信向是經擔當承受持守真修雖其人真心求道知必不爲效驗然而天真之護持所必加也卽由愛慕效驗而後持此經則天真

道藏輯要

皇經闡微

二頁

箕集八

之護持亦必如其願也夫 上帝 金口宣揚 龍

章勅命千靈默護萬聖保持利益無窮神妙無比若廣說之歷劫難盡今略就 上帝金言而論之或問吾何以判此章爲護持圓滿蓋大道本來圓滿故 帝之光明圓滿

帝之功德圓滿經之光明圓滿經之功德亦圓滿則受持此經者其功德亦無不圓滿可知於是乎護持之功德亦圓滿矣所以覆護盡十方之聖眾保持盡眾聖之眷屬可謂一氣感通所在如意且能魔鬼消滅心欲願者一切如意皆得滿足則覆護尙有遺漏而不圓滿者乎至若 帝曰生尊重心持誦是經必曰孝順父母恭敬 三寶竭忠於君以

敦人倫又曰不殺不盜不淫不妒不嗔不恨不驕不詐以淨其身奉戒持齋冥心大道以淨其心似乎持經之人皆得遵守又何必分言之不知人持 帝經則已能置其身於

帝光赤炁赤文之中是

元始祖炁

帝宰無上之

功德已合而爲一己之性與命亦合而爲一矣斯時也真炁歸體真理歸元則十方之真炁自蓬蓬勃勃而歸於我故五色交輝無非水火金木土之彩主與眷屬象五德真精華采之殊騎按五色顯五氣萬神之布悉皆下降真炁自天上而來退散諸魔則死炁從地祇而滅由是至寶歸鑪朝元有曰斯真傳玉匱科靈寶法者非實行忠孝清淨諸條又何以至此乃知所謂經者卽道也卽靈丹也是經道理廣大任人深用淺用皆可故下章又就眾生根器而淺說之非我所謂覆護圓滿者乎

箋釋

伯陽魏真人曰

靈寶玄科金笈玉匱秘於

上清掌

於 玉帝金口宣揚覆護眾生眾生有幸處處咸亨十方聖眾勇騎良兵眷屬不少來會 玉京悉奉 帝命覆

護安寧蓋以是人受持

帝經

帝經功大最神最靈

四方響應四維來庭天上地下一切咸聽不敢怠慢左右無傾惡魔永斷鬼籍無名從此保守可達 三清昊天

道藏輯要

皇經闡微

二章

箕集八
人〇文

上帝叩請維誠

帝宣玉勅布散紛紜保護維持悉覆慶

雲心欲願者咸許如心一切滿足不吝加臨可知是人功德最深我是漢代伯陽仙翁爲釋 帝經特下雲中言雖淺

近心與

帝同慈憫斯世勸諭由衷要愛性體太和冲融

湛然清淨無翳無蒙真常乃固稽首天宮持經證道福利無窮切莫自誤戕賊其躬吾言雖繁穆如清風大眾遵守舉頭蒼穹明明照鑒必報爾躬千真護持太和冲融

正陽帝君曰真炁真文天上來有人得此性真回十方神聖皆歸我八景冠裳盡結胎已注生門離死戶高超人類超天懷 玉皇勅命紛紛下許爾爲鹽和鼎梅

道藏輯要

皇經闡微

五

箕集八

白祖仙師曰曾爲天上狀元來且向人間往復回爲奉

帝書傳妙道保君赤炁結靈胎神仙兵馬無鞅眾外道邪魔敢入懷衣鉢親傳親覆護高高穩取上林梅

文昌帝君曰上林梅子一枝紅得者終須入

帝宮給爾

七騶通御道看人一路笑春風干戈平靜烽烟息魔鬼潛藏

覆護同總是

帝經無盡德自然安穩太虛中

孚佑帝君曰未曾箋釋笑嘻嘻秘語人間總不知校正

尊經宣玉匱聯登雲路漸天達十方兵馬神仙眾無數歸來覆護宜從此人間宏福澤邪魔懾伏露生機

斗母天尊頌曰

玄玄帝宰

惠及十方

赤炁降臨

精邪滅亡

是持經人或不依科教未能修齋未具淨戒以能信受尊重景慕是此經典并同修齋護淨戒者是人功德坦然無礙自在逍遙號人中聖德慧長新同諸真人

功德無礙章第三十七

天師張真人曰此章亦是覆護圓滿中事就此章言愈見覆護持經功德之圓滿夫入道者必依科教必修齋醮必具淨戒而今皆無之似無與乎道矣乃以信受尊重景慕是此經典并同修齋護淨戒者經之言毋乃任人之褻侮乎非也蓋人之入道而成聖者心也既能景慕是經則其心已具信根

道藏輯要

皇經闡微

聖

箕集八

尊重是經則其心已具卓識特見而有超然無上之想信受是經則已承受實行是其人本體湛然真常可以永住以視夫徒依科教修齋以祈福持守規戒以安身者遠矣况得見是經實有大緣勤行修奉自登道岸所謂舍末而圖本棄流而尋源遺跡而求真者故與修齋護戒者同其功且在修齋護戒之人果能一誠無偽感格 皇天純是清淨乃爲法器不然則無功有過尙懺罪之不暇又何功之有反不如專一信受敬慕是經者矣 上帝恐人疑惑是經功德故再說此章爲持經而不修具文者明告之曰是人功德坦然無礙可知受持是經之不拘何人也自在逍遙號人中聖可知

覆護是經之同一格矣德慧長新同諸真人可知持經功德之同一圓滿也其曰并同修齋護淨戒者可知同一覆護并不禁人之修齋護淨戒矣總之天之爲天因材而篤栽者培傾者覆果能信受是經則大道有根 上帝自必培之原不拘乎具文也不然人中之聖不易稱同諸真人亦不易致而可輕以許人乎總之以是經爲湛然常住之法以勤行修奉求爲人中之聖同諸真人自不遺於天真覆護之圓滿者已是之謂功德無礙又前章八方及上方之說人無疑惑惟下方二字人猶不解蓋大道一元充滿天地天包地下地居其中則天體上下皆是一色日月星辰運行或上或下皆在

道藏輯要

皇經闡微

三

箕集八
X X 8

空虛之處上方有神下方亦有神故佛典有從地湧出寶塔之事是之謂十方以此言覆護則真圓滿矣則真無礙矣

箋釋

玄天上帝曰經垂明訓 聖有真傳真傳不朽明訓無邊何爲明訓訓者皆明何爲真傳傳者皆真真爲心法真爲秘訣秘訣授人比訓更切有心信受心志當決大哉妙經尊重無比得讀之者緣大無比受持之者功德無比誠格 皇天覆護無比信受景慕是此真經心田清淨性體熒熒湛然常住必到 帝庭其功甚大坦然無礙其德已全逍遙自在號人中聖神化無倫三界十方同諸真人乃知修道不在

修齋遵依科教必求本懷能具淨戒必結靈胎靈胎是道團
結乃來道爲何物卽是赤炁赤炁赤文先天一致讀是經者
心在 帝前修是經者道全先天先天無礙功德圓滿圓
滿功德巍巍無上 上帝好生發大慈心興方便意處處
遙臨說利益事爲世功深凡爾眾生聽吾法言治世福神勸
教宜遵誦是經者各求本根必來接引朝覲 天門
正陽帝君曰修道修心那在齋修齋那得結靈胎靈胎皆是
先天物經旨全將赤炁該覆護無窮無所礙持行有德有仙
來功圓行滿同成道個個堪攜到上臺

麻祖元君曰修齋個個誦 皇經那個知得義理精神咒

道藏輯要

皇經闡微

葛

箕集八

赤文何所指神仙兵馬便欲臨心君有道方方應命體還丹
處處熒 玉皇玉旨須遵奉清磬木魚自此停

文昌帝君曰 皇經不誦不爲仙科教徒遵也枉然但使
真心求赤炁何難 帝勅下諸天勤行修奉人中聖眞行
滿圓地上仙自在逍遙無礙日方知覆護不虛傳

孚佑帝君曰到底 皇經讀不讀忽然撒去木魚聲總因
俗見忘根本遂使眞人變性情赤炁赤文皆是道 玉清

玉帝本同行人中稱聖諸仙合自在逍遙達 上清

斗母天尊頌曰

天有大道 人求玄根 眞參實證 帝啟天門

爾時

昊天上帝聞是說已卽於

帝前乃爲歌曰

大哉至道無形無名渺渺億劫黃道開清神清明耀九魂吐精
玉虛澄輝太霞高明玉皇開化普度天人三元道養二象攝生
朽樹故根已枯使榮蠢動蛸息長生化形懷胎含孕俱得生成
亡者命過魂歸三清魄受鍊度南宮飛昇今日大吉皆得光明
五帝鑒映普告萬靈天神地祇及與河源五嶽四瀆及諸名山
洞玄洞虛洞空洞仙無極大聖至真尊神無窮無極普監度生
惡根斷絕玄都記名眾真班列咸聽帝言經是帝勅保誦持人
至度道岸無使災侵我奉帝命一切咸聽

道藏輯要

皇經闡微

聖

箕集八

頌揚帝勅章第三十八

天師張真人曰 昊天上帝 玉帝分身主治天下名

號同新體用交徹互顯其神樞機並運普度天人懇懃啟請
利益無垠 帝乃鑒誠宣勅金庭普告萬聖慰諭眾靈龍

章寵錫鳳詔莫停布告天下與道同貞蓋此大道咸在眾生
類有萬品一理而分奈何不悟不慕玉京墮落萬劫何日三
清仁哉福主 昊天上帝爲民迎祥 天言宣示大哉

王言如綽如綸天書 帝謂恩溥乾坤 帝勅在經覆

護法門上天下地仙聖神明手捧瓊章下觀太平保誦持人

億載咸亨眾生當知大道無名無迹無象得者長生蓋能持
經以結金丹圓滿神咒赤炁歸垣天根永固會合三元真陰
真陽至此同原天上地下黃道開清神明煥發九炁吐精魄
受鍊度魂更神靈死者忽生枯者忽榮乃知金丹大道留形
形有光明揚於王庭十方五帝萬聖千靈山河大地朗朗熒
熒普監度生萬炁歸身先天景象處處皆真別有天地上帝
仙人 昊天上帝受 帝心傳開化來學普賜真詮大
道如是丹道更玄金丹卽道本性周圓真功真候本命如天
性命雙修道妙無邊切莫自誤謗議招愆切莫墮落苦海萬
年頌揚 帝勅接引羣仙是言不謬印證 帝前以開

道藏輯要

皇經闡微

真

箕集八

來學信受無遷可知大道人人本有既已覺悟卽當保守保
守在身卽是還丹丹卽赤炁固結盤桓丹卽真性全卽復還
丹卽真命流炁保安丹卽大道一陰一陽細縕化醢萬物光
昌交媾凝結億載吉祥道在 尊經經卽丹法廣大浩瀚
正說喻說橫說豎說更覺溥博以事顯理理明事彰以言屬
事奇事奇言以明大道包括乾坤以顯金丹句句口訣經籍
奧妙至此路絕最上上乘無有言說吟咏此章層層明白
勅命無虛率履無越天師保任必朝 金闕

箋釋

正陽帝君曰大道無名品物滿乾坤之內金丹無象陰陽歸

鑪鼎之中七返九還不過復本來之面目千經萬典莫非是入聖之玄功慨自吾道不行妙法指爲虛無之說天光欲轉

尊經必須校正相同開龍藏之寶函求秘旨於洞玄金格闡金丹之秘旨降神咒於紫微上官理有源流其淵

源必歸諸帝載義分本末其根本咸宰之蒼穹昔焉授受無虛萬聖永薪傳於不絕今也差訛必正千真揚道化以俱通念啟教於昊天復傳於昊天上帝頌錫恩於

高上必酬乎高上皇躬帝勅傳來莫匪

是金丹之口訣帝歌宣處要皆望大道之專攻惟爾學

人當知火候工夫不易從茲入室居然懷胎含孕相融蓋自

道藏輯要

皇經闡微

聖

箕集八

赤文成輝憑黃道之開清爲主太霞朗映斯九魂之歸正皆

紅二象三元攝歸靈府故根朽樹皆遇春風由是萬炁朝宗

蠢動蛭息皆活三清受度身形魂魄同豐由是大地山

河神靈獻瑞玄都日月享受非空列衛千真幸天心之歸有

道保安萬劫知帝勅之錫大功歌曰我奉帝命一

切咸聽俱信王言之不謬解曰天師保任必朝金闕同

明至理之由衷誦經者當知人身之難得入道者須憑祖炁

以爲宗切莫視爲閒言自干罪戾何難超出三界實受褒崇

麻祖元君曰帝勅傳來聽帝歌言言字字播天和

先從黃道回真性必自南宮斷死魔二象三元通九炁故根

朽樹沐恩波芳名記在玄都早大地神靈無奈何

白祖仙師曰大地千真奉 帝靈傳來 勅命要咸聽

從茲不違真人命自此常隨 上帝經總爲金丹融赤炁

遂令身畔有雷霆歌傳 帝子皆真訣讀者實修證紫庭

文昌帝君曰讀得 天皇一部經神通廣大役千靈三元

二象皆歸我玄苑南宮早記名至此方知丹道妙自今九炁
亦流精太霞朗映三清境大地光明大地盈

孚佑帝君曰詮經法席有神靈議論風生瑞氣盈讀得

帝歌知 帝勅開清黃道卽黃庭三才會集三元協二氣

光明二象形朽樹故根皆可活九魂那得不揚精

道藏輯要

皇經闡微

冥

箕集八
川上八

斗母天尊頌曰

無窮道化 光明層藻 秘訣真修 千春不老

爾時

昊天上帝說是歌已告大眾言此玉皇妙法語諸聖秘密言路
絕道斷微妙難思巍巍大範爲神明之宗保鎮國土拔度生死
爾時

昊天上帝說是語時法筵清眾咸仰道言溥得開悟

開悟秘密章第三十九

天師張真人曰前章 玉皇以天真覆護無量地靈皆絕

惡機明持經者之功德圓滿是湛然常住之妙法語諸聖之

秘密言也蓋以事顯理卽權徵實卽效驗爲工夫學者當卽言以見道在諸聖則恐致輕褻之咎故惟秘密而傳幸得

昊天上帝保鎮國土拔度生死之念切啟請 上帝得

聞如是之妙法語然而言辭廣大義理幽深聞者須驚參者難悟於是譜爲歌音藉頌揚之微權以發幽玄之實際其實際已於 上帝法語 昊天頌揚中略爲指示學者閱

之自明今但卽此章而論之當知 玉帝與 昊天一庭授受開悟無窮有韻清詞寄託更遠 上帝所傳者爲

妙法語非徒然鋪張神驗 昊天所歌者爲秘密言非徒

然極力頌揚况復爲之叮噓諄復惟恐法筵清眾之不悟也

道藏輯要

皇經闡微

亮

箕集八
人々々々

而明解之曰此 玉皇妙法語也此諸聖秘密言也路絕

道斷則在千經萬典中爲最上乘無有能出其右者矣微妙難思則非閉戶參求盲悟卽可入室不待真傳口訣卽可登真者矣是誠巍巍大範雖有靈文不能出其軌則神明之宗雖有妙悟亦當奉爲楷模以此理爲之保鎮則一人有道而四海同風以此理爲之拔度則遐齡頻增而苦海永離一時法筵清眾不覺開明悟入方知諸聖所傳者此也 玉帝

所示者此也此卽金丹大道也此卽湛然常住之道也此卽神咒種種圓滿之道也此卽法會放光分身救度妙香薰染妙音宣示寶蓋覆庇之道也其實皆赤炁也是法筵清眾之

所咸有卽四天下之人之所咸有也咸仰道言則溥得開悟
矣夫世人之情厭故而喜新惡常而好奇喜聞秘密之言不
欲聞真實之語若讀此經則以爲常道可也卽以爲真實可
也卽以爲神奇秘密之言亦可也含無盡之真機示生民以
法眼雖有瓊編吾不敢請矣亦惟讚之曰路絕道斷微妙難
思巍巍大範爲神明之宗

箋釋

正陽帝君曰教啟玄元

太上傳金丹之旨書藏金格

紫微秘赤炁之篇良以天地玄根非赤炁不能建立鼎鑪
妙藥外赤文那得成仙可知赤炁卽先天之祖炁金丹求祖

道藏輯要

皇經闡微

享

箕集八

炁於先天祖炁凝時大地山河盡赤先天返處一身形體皆
乾初則取坎填離全由於留精保氣繼則法天象地當賴乎
添汞抽鉛看月出庚方卽是陽生之候喜日昇東海運諸黃
道之間戊己真精與丙丁同歸皇極木金不合驅龍虎並伏
法筵由是正炁歸於五方萬神敬仰赤文命諸天上萬界皆
圓十月功成詫丈夫之有孕九宮門啟驚雷鼓之忽宣由是
死裏逃生嬰兒現相人焉入聖毛髮皆研變化如龍隨心應
手虛空皆碎擁霧乘烟壽量綿延清閒似鶴身軀廣大坐臥
俱蓮天詔下臨上蓬萊東華考校立功遠被登金闕上
帝瓊編語皆秘密事更幽玄昔在帝前稽首之歌有據

今臨法會開明之語當傳微妙難思允矣巍巍之大範道途卓絕誠哉上上之真詮神明之宗有在真常之道勉旃

麻祖元君曰路絕道斷有真傳聞者俱登上上仙大範巍巍包萬象靈機秘秘透千天拔死度生安國土清言咸仰悟幽玄自今證果何人力心印相傳 上帝前

白祖仙師曰 玉帝金言秘宣 昊天於是永真傳

保安國土歸皇極開悟羣生坐法筵玉軸金編包括盡神明大範道途玄分明一部尊經裏口訣真機句句圓

文昌帝君曰巍巍大範是玄宗玄理幽深總不同天地一元壺裏會陰陽萬象掌心融真經玉訣須秘授 元始真機

道藏輯要

皇經闡微

卷二

箕集八

也暗通說到真修原不易真言開悟要真功

孚佑帝君曰吾家處處播皇風大範巍巍此是宗微妙難思天道現真靈開悟道機融最上乘法超最上無窮義更妙無窮皈誠稽首 黃金殿如是秘言處處通

斗母天尊頌曰

秘密真機

難思難議

開悟羣真

皈依上帝

於是

天尊而說偈曰

玉帝功德大玄理極幽深生於浩劫前運化於古今我今說妙經愍念諸有情此誠極妙法功德中功德名號最上乘無比爲

第一大光明主尊威德聖希有能破暴惡魔皆令心降伏能滅
極重罪皆令得清淨若人聞是經或聞是帝名稽首生恭敬一
切罪消滅十惡四重罪五逆於父母信心一稱名隨聲盡消滅
保護人天眾四相與五衰三塗極重苦人間見厄難凶年饑饉
喪毒藥及厭魅刑獄與冤家軍陣鬪戰苦山林惡道中虎豹豺
狼等江海毒龍類迅雷風雨雹水火及盜賊蠱毒所中心失志
發狂亂蛇蝎毒惡蟲邪魔凶怪神伺求人便者由持是真經普
皆自散滅惡病久沉綿夢寐亦不安非理欲殘命殄滅不爲殃
緣遇是經故安穩得自在所有希求願財寶及富貴以此經功
德如意皆稱遂神威自在仙諸天十一曜三十二天主二十八
道藏輯要

皇經闡微

卷三

箕集八

宿星靈妃玉女等天神及地祇三界虛空神江海諸龍王水火
及風神宮殿與宅舍山林樹木眾溝渠井泉神由持是經故一
切皆擁護衣食常自然子孫居富貴出言人希聞所至皆恭敬
若爲求男女持誦此真經帝詔下天曹落籍天仙人謫降生其
家爲其作男女顯貴人崇重七祖盡昇仙光大慶其門延及父
母親吉祥常熾盛災障不能侵是故我今說大衆宜諦聽慈悲
度一切皆令達

上清

元始偈讚章第四十

天師張真人曰天地卽道體也而必本於先天之祖炁

玉帝卽道身也而必本於 元始之立德故 元始之

道非 玉帝不能主宰流行而 玉帝之道非 元

始無從稟承印證所以 玉帝則天地之玄綱 元始

則天地之玄根此品於 玉帝親示妙法之後 昊天

上帝爲親傳妙法之嫡派法筵開悟之清眾則爲 玉帝

親傳妙法之流衍故於前章述 昊天上帝歌音以明與

玉帝印合之意故其證果必與 帝號相協歌中所

示之妙法與 玉帝所示之妙法不異至此章又述

元始之偈讚明 玉帝之道不異於 元始而 元

始之道盡傳於 玉帝兩相印證同歸一道此義不待

道藏輯要

皇經闡微

三

箕集八

玉帝自明而 元始早已爲之闡發矣且爲之極力歌

詠而讚揚之矣爰讀其偈而深究之偈中之意分作兩層首

四句讚揚是正說然言簡意該已覺至矣盡矣其曰 玉

帝功德大玄理極幽深則廣大玄妙幽微精深已盡其莫闡

之體生浩劫前運化古今則又明其不可限之量是四言已

足矣何能再加一辭故於下盡述其功德而反以眾生形之

處處圓滿人人圓滿不覺天語之繁也蓋圓滿之道惟

玉帝能行之亦惟 元始能言之故特以偈讚印合且夫

玄座說法 玉帝侍側明明探本尋源而爲之返本還元

至是 元始偈讚極力稱道明明大道交付同德同心試

觀 天尊口中自言我今說妙經愍念諸有情卽 下

帝無量度人之道也白明之曰極妙法最上乘無比第一功德中之功德不過是說大光明之 帝尊威德希有無量

度人之實事愈知 上帝之功德不外 元始之功德

而 元始之功德亦不外於 上帝之功德至是乃知

元始與 上帝同一道 元始與 上帝合爲

一人矣至於偈中分能破暴惡魔以下爲降伏如意滅罪如意功德保護人天眾以下爲保護如意功德所有希求願以下爲希求如意功德若爲求男女以下爲嗣續如意功德此皆救度圓滿實事卽以丹家功候次序按之亦無不合今不

道藏輯要

皇經闡微

高

箕集八

盡述

箋釋

伯陽魏真人曰大哉 元始大道之祖綱維浩劫流行今

古萬法千門以時而傳上天下地無不周圓蓋此 道祖

本於先天先天之先萬劫之前生而神靈功德玄玄惟是玄

德再傳何人大哉 玉帝功德更神主持運會救苦行仁

功德無量世無知人亦自浩劫以至於今分身救度費盡苦

心持經受福亦或稱名受誦 帝號稽首皈誠凡一切願

必遂其情罪惡雖大奉事心眞普爲消滅許其自新罪滅迎

祥有苦卽伸一切神靈救護無垠一切惡道猛虎毒龍水火

賊盜迅雷疾風凡害身者悉安其躬一切珍寶降自天宮乃知吾門玄道不同破惡滅罪護善除凶萬方正氣攝引交融隨取隨攜如願不空胎孕含靈聖子賢孫謫仙下降光大其門鍾靈毓秀道爲根原大道旣得自契乾元如是功德皆由上帝無量度人普天匝地蓋此玄德本於元始元始真傳惟帝而已尊經無上功德幽深元始偈讚以心印心一心一德妙義難尋後有學人誰是知音

正陽帝君曰玄理幽深境不同萬天總在一天中任君存下般般願有帝卽能處處通浩劫前生經萬劫皇風

道藏輯要

皇經闡微

皇

箕集八

一到盡春風天尊心印天皇得說偈雖多讚豈窮

白祖仙師曰大哉生於浩劫前度人無量亦無邊幽深玄遠

皇天道廣大慈悲元始傳誦號稱名皆利益讚功

說偈總真玄上清已達真機合又向人間說妙篇

文口帝君曰元始真傳玉帝宮幽深玄遠道無窮

一經稽首生恭敬萬種心思再不空浩劫以來施妙德大千

沙界播皇風至今參得尊經妙自有雲梯到碧穹

孚佑帝君曰元始天尊坐玉清真傳秘訣總瑤京

任他浩浩無窮劫說出般般有道行除惡消愆兼祈嗣誦經禮懺更稱名不差毫黍償心願處處原來賀太平

斗母天尊頌曰

玉皇偈讚

大洞雲章

功德無量

浩劫嘉祥

於是

天尊普告四眾凡人持念此經受持

帝名皆道根深重宿有善緣此經尊妙普度天人但精心恭奉
家國安寧保命度災掃諸不祥天子王侯得奉之者致國太平
凶寇自夷邊域不爭兆民歌唱普天興隆運推數周正道當行
有得之者天真妙重秘之秘之

正道普度章第四十一

天師張真人曰

元始以己心印合

上帝故說前章

道藏輯要

皇經闡微

真

箕集八
卷八

廣大功德玄理幽深運化古今俱有實事此章又以己心印
合大眾其意若曰 上帝之度人無量莫過於此經則吾
之普度天人亦不能外於此經矣故雖貴如 天子王侯
賤如天下兆民皆不能外此經以爲開度之道爰爲四眾印
證之曰精心恭奉則吾必保其家國安寧保命度災掃除不
祥若在 天子王侯則吾保其致國太平禍亂永免人民
樂業天降休祥且是經在處卽 天尊所在之處亦卽
上帝所在之處彼夫 帝光普放天香流布千真拱衛
萬炁歸元太和立應將見俄頃之間轉殺機爲生機轉死氣
爲生氣自能變惡人爲善人轉凡愚爲仙聖矧 上帝分

身之所親臨卽大道元機之所降真故明之曰運推數周正
道當行則凡爲國廣祝釐之願爲身卜安寧之休者不能外
是經矣蓋家國天下同在大道之中原不出於 上帝光
明之外根緣淺薄總由惡業障礙不覩 帝經不聞
帝號何望乎種種休祥然則得覩 帝經得聞 帝號
其道根深重宿有善緣可知彼其陰陽太和氣機自順沴氣
自消惡鬼不逢在一國則天地肅清民物安泰國祚綿延正
道當行於天下在一人則血氣融和百體泰寧萬神保護正
道當行於一家此固 天尊探本窮源之指示路絕道斷
之真言吾正道普度之解誠哉不誣

道藏輯要

皇經闡微

卷

第八

箋釋

正陽帝君曰 上帝度人法號天經齊降 天尊憫世
赤文神咒昭垂歌詠稱揚皆是明 天皇之至德保持覆
護莫非廣大之道之敷施念自天地既分 帝王首出全憑
陰陽迭運兆庶咸熙然必遠播 皇風自回心於凶寇果
能永光 帝德斯宣靖乎外夷總由 皇極建中不悖
一元之太極於是時幾共凜不差日理之萬幾 上帝光
明鑒一人之有道 皇天感應回普世之生機莫謂舜日
堯天難再見中天之景運試看和風甘雨分明樂稔歲之佳
時蓋天真盡妙重乎是典斯人世必信重乎誥詞宿有善緣

知者當早爲修奉欲歸道化聞者須不懈矜持正道當行

元始天尊所言有準天人普度王侯兆姓自己深推果信
此煌煌 天經則宇宙回太和之運奠安上下默朝乎赫
赫 帝座則身心致百福之來感應神奇

白祖仙師曰 元始天尊也太慈叮嗚普告繼清詞已稱
帝德重重顯又降 恩光處處施保國寧家天下治
王臣 帝主兆民宜總因勤奉 尊經力入道昇仙自
可期

何祖元君曰這段機關總不知天經轉處事攸宜陰陽協極
和風應道德歸身兆姓熙轉殺爲生真火候避刑從德慧心

道藏輯要

皇經闡微

百六

箕集八
上十一

思靈丹一顆朝 天子天上光明我不虧

文昌帝君曰四大部洲皆祖炁 慈光降處共長春一人
有道家活真主回天個個親喜見歌謠民擊壤還因崇奉

帝威神太和一播陰陽協正道當興體驗真

孚佑帝君曰 天尊有勅下人間凶寇外夷一概刪從此
中州稱樂土自然四境同靈山天機一轉歸鑪鼎正道當興
顯洞陽喜見天人皆普度天京朝 帝詠瓊章

斗母天尊頌曰

天放光明 蔭庇帝京 生機轉動 正道當行

洞玄靈寶報應神驗品第五

爾時慈悲度厄真人尋聲救苦真人濟生度死真人萬福護身真人俱從座起越班而出俱白

天尊言若諸世末凡夫雖宿有善緣得遇是經被諸邪障之汙本末疑惑不信是經功德如是之人見在過去於諸地獄得何罪報惟願聖慈說其報應惡趣之苦

罪報因緣章第四十二

天師張真人曰此章序四真人當機啟請以明如是經法莫非慈悲度厄莫非尋聲救苦莫非濟生度死莫非萬福護身夫機以理應事因人顯明指出一經大意讀是經者當知

道藏輯要

皇經闡微

二五九

箕集八

天尊玄座說法以至正道普度章

玉帝放光分身以

至覆護圓滿章種種奧義詳示法門莫非爲是人慈悲以度厄救苦而尋聲莫非爲是人濟生而度死萬福以護身

二聖人爲人如是之切救人如是之盡此亦如天地之生人既與以命必與以性既廣其生必贍其生且既命 天子

爲之主致治平亂保護而安全焉又必命聖人立之教詩書倫理戒董而誘掖焉在上古則穴居野處使知上棟下宇飲血茹毛使知耕種粒食至於今則婚姻死喪無不遂也衣冠禮樂無不華也干戈貨財無不足也無一非聖人引導之天地之生人可謂費盡苦心矣而 二聖人之慈憫如是又

如父母生子自胎孕以至生育自幼小以至成人由弱而之強由愚而之智由貧賤而之富貴其間保護愛惜更非一端而二聖人之用心亦如是試思發慈悲以度厄不難尋聲而立至其生也則濟之其死也則度之無非欲其萬德周身自爲保護此說法度人分身衍道之苦心也况經中所說無所不通在上根法器者讀之必於言下了悟全此大道在中等人讀之自能因事明理因言解義而漸幾乎上達卽下等人讀之亦能懺悔積孽消滅重罪求福如願種下善根以爲超度輪迴之本隨人隨心無不如願隨時隨地無不通天蓋以其人得乎大道之原也禪家以華嚴爲圓教謂其塵塵道藏輯要

皇經闡微

三

箕集八

箋釋

正陽帝君曰三教同源儒者不言果報玄門示法凡爲皆有因緣蓋善有善因惡有惡因修因時必當慎重而善得善報惡得惡報受報者自己牽連草木當春其根莖必生枝長葉風雷應候其聲勢自動地驚天旣然種下芳田自收成之有

望未曾金埋密處雖鋤掘之徒然總之一飲一啄莫非前定
或生或死徒自焦煎夫天降真經原爲慈悲而度厄乃人難
信法反爲褻慢以招愆於是上界真人憫下方而啟請天宮
福主開人世以真傳地獄幽深慢經者於諸地獄得何
罪報天宮高遠退道者在彼天宮豈無罪愆須信天網恢恢
疎而不漏當知天威赫赫苦不能捐然罪報雖由於自取而
消釋實賴乎 上天所以聖澤無窮重演 玉皇之本
行 天心有在只遵金格之靈編靈寶洞玄文存報應本
末疑惑報必速遭五品昭然仙子則當機而問法一經大旨
世人須信受以求全

道藏輯要

皇經闡微

卷上

箕集八
XIII

麻祖元君曰禍福休祥降在天也從人世自牽連真經不信
難辭苦春繭作絲自己纏幸有真人求妙典還從人世說因
緣濟生度厄尋聲至求福莫輕妙有篇

何祖元君曰禍福因由更問誰行藏檢點自家知真經妙典
還難信萬劫千生少出期報應品中明報應仁慈世上普仁
慈 天尊玉律真人啟神驗無虛要信之

文昌帝君曰休祥禍福皆天定惹罪招愆在自家 上帝
尊經還不信陰司苦海自無涯尋聲救度真人福慢道顛連
一念邪至此方知天上澤真文捧讀少虛花

孚佑帝君曰君說人間何事好算來惟有 玉皇經一疑

退去千般福有慢必登十殿庭地獄幽陰無赤日天堂高遠有雷霆真人救苦求真法從此勤修自有靈

斗母天尊頌曰

赤炁赤文

解脫幽陰

真人度厄

萬福來尋

是時

天尊謂四真人云若諸世間剛強暴惡不善眾生終日竟夜對諸道像無恭敬心出誹謗語是罪當墮五無間獄若得值遇是持經人設諸方便誘引勸諭如是之人暫滅惡心信向是經彼人罪業淨盡無餘又若有邪見愚執惡人覩持是經生諸惡逆偏眼邪視乃至起一惡心發一惡言謗讟如是持經之人其罪

道藏輯要

皇經闡微

一五

箕集八

過是命終之後墮大地獄永無出期何況世間眾生得遇是經不生敬仰穢手污觸口讀誦牀榻不淨便將安置或讀是經講習俗語共同戲笑以爲常典如是之人命過之後墮無間獄永無出期殃緣九祖受考酈都累及後世害纏子孫是人於地獄中歷無量劫受大苦惱遇無邊聖累承救拔罪惡小減又遇聖人救拔得出生餓鬼中歷千萬劫不聞漿水之名鬼報得出生畜生中畜生報出若生人中更生邊夷外域而復女身貧窮困苦癯殘百病受無量苦人所棄擲求生不得求死不得輕斯經故獲罪如是

毀謗致罪章第四十三

天師張真人曰經卽道也道在經也謗經者慢道毀經者失道是輕一己之道而不知己輕 天尊 上帝之道矣夫 天尊道之祖也 上帝道之主也二者均有慢焉其自外於道爲何如夫 天尊 上帝方千方百計萬法千門引誘是人入於是道之中而人乃終日晝夜積惡造罪自越於是道之外悲哉不知修因者結果修善因則成善果修惡因則成惡果有果則有報矣蓋天地之大不過一陰一陽迭運而不息而陰又必隨乎陽故大道以陽爲主而以陰載之至於陰陽偏勝則發爲沴氣苟非有道主於其間則乾坤或幾乎息矣其在陽之性則發舒而清明陰之性則斂

道藏輯要

皇經闡微

卷三

箕集八

抑而濁暗在人之造罪雖有陰惡陽惡之不同而皆屬乎陰陰濁之氣一行則地獄之相自己結成陰暗之氣自己凝聚陰冷之地自己驅入此十二大地獄五無間獄之所以日陷日深並非冥司之所設也是故謗毀經書輕慢道德雖有剛惡柔惡之分種種不同皆所以自滅陽光自撥根本至於清明之氣清夜無存則濁暗之陰成矣所以毀謗之罪自己作成則地獄之苦自己承擔雖然人苟不淪於禽獸則尙可轉移故人雖惡貫滿盈而 天尊 上帝又望其懺悔向善漸引入於是道之內所以稱誦 帝號崇奉是經皆有莫大利益乃不能感悟而反爲之毀謗且不一其人不一而

足焉奈何今姑就經文而繹之終日竟夜對諸道像蓋指有象之道像其實卽無象之法像也試思大道充塞天地間不以天上而必有不以人間而或無不以大廷廣眾而必有亦不以暗室衾影而或無舉目卽在明現當前彼終日竟夜與之相對而乃終日竟夜侮慢百端任其造惡非種無間地獄之因者乎至於信向是經而罪業滅盡者道心一現而萬惡盡滌也得見是經而謗讟致罪者惡業旣深則一隙之光明不能勝也况乎肆無忌憚不生敬仰則心不清淨穢手汙觸則體不清淨輩口讀誦則舌根不清淨牀榻不淨便將安置則居處不清淨講習俗語共同戲笑以爲常典則口三業一時俱犯矣卽一經而十惡業成焉其罪可懺改乎殃緣九祖受考酆都累及後世害纏子孫俱是慢經實報若以理論之則上不能返還乎祖炁而下必受累於千生由是三惡道成則世間一切苦境皆以一身親歷之冥司無量果報皆以是人親受之轉移不能則曰求生不得迴避不能則曰求死不得苦哉何讐於自己之妙道而不信是真經也哉

箋釋

玄天上帝曰天有慈悲救眾生不遭惡劫人無志氣對上帝且少欽思一部 尊經視爲常典千般惡事造就陰司夫目擊則道存原不離乎語言文字况言輕則事悖何論

道藏輯要

皇經闡微

喜

箕集八
X X 上

乎真實修爲朝於斯夕於斯全是毀經謗道口不淨心不淨
莫非慢法凌師旣天真之盡失斯地獄之攸宜地獄十二重
又有三十六重苦深無間天經共五品分爲五十二節讀要
精思受苦無窮受累無窮尙有何人替得報善如是報惡如
是全在自己裁之莫言遼遠天宮原與人間隔越須信神靈
玉律全爲經語維持 天尊慈憫人間羅列品品大眾愛
憐自己日夜孳孳不悖 天經自必 天垂默鑒果叅
大道必須大錫恩施嗟爾眾生何人見信靈哉 帝主雷
令饒誰欣妙典之將成執事者可稱勤苦看 天經之永
布勤持者必爲提攜有始有終 上天灼見慎言慎行大

道藏輯要

皇經闡微

卷五

箕集八
XIIIX

眾莫疑

九天應元雷祖天尊曰可憐大眾不回心徒費 天尊惠
澤深造就千般無盡業自然一命墮寒陰輕經謗道全忘已
褻地譴天苦盡侵求生不得難求死何用雷尊處處尋
正陽帝君曰地獄天門上下開昇天入地任人裁勤行修奉
功無盡謗毀輕凌禍必來羅網重重難解脫傷殘種種但悲
哀何爲自外真經法一墮三途永不回

文昌帝君曰 天經本爲救斯民何爲輕言謗毀頻一語
違心千歲苦百般毀道萬年因層層地獄層層陷劫劫三途
劫劫身幸有 天尊明指點勤修那得畏艱辛

孚佑帝君曰大道分明在眼前舉頭卽已見青天大含細入
方方顯口慢心非事事全造就幽陰諸地獄多因褻慢是瓊
編三途並少出頭日千生苦楚自交煎
斗母天尊頌曰

言行俱非

造就鐵圍

皈依三寶

跨鶴而飛

又若復有人初雖信受後復慢易善惡童子上奏三官黑簿添
名青編減算身歿之後拘閉幽牢往復三途無由解脫或於見
世受種種病疥癩癰疽以爲果報憂悲苦惱日夜相煎而身或
被橫逆所加或牢獄繫鎖非分自害誤食毒藥或被虎狼毒蛇
之所食噉或爲冤家之所讎對或行山林值遇惡人被屠割
道藏輯要

皇經闡微

真

箕集八
X川

推落崖岸或被邪精魍魎之所殘害或值水火之所焚漂或被
刀兵之所橫誅輕斯經故橫喪天年獲如是果獲如是報可不
悲歟可不痛歟故報汝等依此奉行勿生邪念若諸念不生萬
緣頓息塵沙惡業隨心消散一切災魔自然殄滅此之功德不
可思議是誠無比最上妙法諸經之王有大利益非人勿示

堅固信心章第四十四

天師張真人曰人自道中來斷未有不愛慕是道者故極惡
之人亦有善心儒經云苟志於仁矣無惡也非言道心一現
則塵沙惡業隨卽消散乎又曰仁遠乎哉我欲仁斯仁至矣
非言道心在內迴光返照道體卽顯露乎又曰萬物皆備於

我矣非言上蟠下際充滿宇宙萬有萬形之道皆全具於我心乎以此知千經萬典之義理千聖百王之心法莫非我一人分內事世界之大人物之眾皆與我一體故古人云六經皆我佳腳梵典亦如是也卽我立典亦如是也然心雖有道道本無爲必待人之力量以運之道有體用本體雖清明而流行之用必堅固不失初由一念之清明必堅固其力使之念念清明初則信心之甚篤必堅固其力使之永久其信至於全體皆道真信無息造到無思無慮無作無爲之天卽是先天之境於此乃得祖炁之因赤文之實不然一念之清明不勝其萬念之黑暗暫時之信受不勝其無盡之戕賊及乎

道藏輯要

皇經闡微

卷七

箕集八

人罹惡報乃曰爲善無益持經無用罪上加罪何日解免悔不常悔何時出離經云初雖信受後復慢易善惡童子奏三官以受種種苦報明乎信心不堅固之罪也諸念不生萬緣頓息則非慢易者比矣塵沙惡業隨心消散一切災魔自然殄滅明乎堅固信心者之大功德也此皆是實事實報未嘗或誣再就經文而思之退悔道心者死後沉淪地獄決然之事若於眼前道心旣退則其身中口中無往非造惡之所眼耳鼻舌身意何能有清淨之根以惡召禍以禍償惡故身業則致害於身口業則致害於口心業則致害於心況六根不淨則萬惡咸聚萬苦交煎卽三惡道之根本也則畔

經者見世受報何待後來故尊是經爲諸經之王有大利益則種種不可思議功德而求無比最上妙法者不能外是經矣非人勿示其卽謂此信心之不堅固者乎

箋釋

玄天上帝曰咄哉眾生敢大膽輕經慢典惟茲冥府爲上天收獄加刑夫上帝恩深乃垂此煌煌之上法天尊慈憫全賴茲赫赫之天經不惟成聖成賢接引人超昇天界亦以消災解厄庶免爾逢遇雷霆萬劫幽陰一念之清明頓解千層苦海道心之退悔彌深良由白撥本根則花葉枝柯何靠枉拋珠玉則艱難困苦相尋不修三業不淨六根處處

道藏輯要

皇經闡微

頁

箕集八

皆蠶叢鳥道難見三光難容兩大層層皆血浪寒冰或爲水火漂焚總是逆陰陽之運或爲虎狼噉食全因害億兆爲能納人於罟獲陷阱之中報在推落崖岸奸心設魑魅魍魎之計償以吞咽銅針讐對冤家疾善如讐之報癰疽疥癩當天叫苦無音說不盡種種因緣皆由退道任憑爾時時疼痛難轉吾心蓋地獄冥冥或難見信須當罰之共警天威赫赫法在必懲看雷令之親臨

正陽帝君曰眾生困在三惡道輕經慢法是其因層層地獄俱親歷種種冤家報爾身百苦交煎何日解萬年墮落少人尋諸經之王功德大解免皈誠莫悔心

麻祖元君曰太陽一現萬方明一點真心萬罪清何故違心
頻變計居然退道失真情三官黑簿須添計東極青編早落
名自此人間千萬苦交攻總爲把經輕

文昌帝君曰五刑之屬有三千玉律金科更可憐一墮幽陰
須萬劫難逢日月有千年人無可取違真道罪莫大於讎上
天桎梏堅牢羅網密自家退悔自家纏

孚佑帝君曰萬典千經爲救人 尊經一部更爲神奈何
退悔清明意遂使幽牢纏害身解脫雖然難藉口轉移還要
自修因從茲穩坐靈山塔消盡冤魔拜 帝真

斗母天尊頌曰

道藏輯要

皇經闡微

夏

箕集八

覓得衣珠

什襲深藏

塵緣淨處

萬載輝光

若諸天人五衰四相輪迴侵逼能捨除妄想受持是經坐招自
然天福益固身度三界與道常存是此經典無與等無能勝是
大威德大神咒能令一切枯槁便生枝葉花果茂盛能除眾生
極重苦惱能令短命眾生而得長壽此經功德不可思議歎莫
能盡若不宿植道種廣種福業乃至名字亦不得聞何況得見
是經依三洞真格八萬劫一傳此清都至真上聖所寶秘於玉
京金闕宸宮甚爲微妙難可得遇此經宿有仙骨當爲九天真
仙之人得遇斯文承斯緣故後當齋金寶從師告盟受之方當
承機應運乃可付焉不得輕泄敬之慎之

傳授不易章第四十五

天師張真人曰經法之顯晦關乎道運之通塞夫道自流行於宇宙之間何以云有通有塞則氣運爲之也蓋道本先天無極無爲因氣機之動以爲動因氣機之靜以爲靜故氣運當其通則斯道因之而明氣運當其塞則斯道因之而晦此一定之理也故天地因道建立萬物乘運發育而仙聖神靈亦乘機應運以揚道化儒釋二教經書因方化導隨人授受不有隱秘處處流通惟吾玄門幹運陰陽主張造化以保天地之玄根而維持無盡之劫運故金書玉篆秘於玄都不得輕洩考大度人之真文則六萬劫一傳此經則八萬劫一傳

道藏輯要

皇經闡微

卷

箕集八

八萬劫者蓋謂

玉帝自浩劫以來修行證果經八萬劫

自子字起每三字爲一劫此可易量乎天地一開則此文一傳此文傳於下世斯人方得乘機應運藉此證真故道藏有準度二十四萬人之語過此數之後已當末字末會則氣機將塞道運將晦矣彼時氣機不全道將隱晦仙聖神靈至此不能度人卽修之者亦不能上昇矣茲幸猶當 盛世道運亨通但能回心向道愛此時光速泰性命早求解脫以充彼二十四萬人之數中自與大道同符在當初墮下一點靈光至此復還統體太極之內而全先天之祖炁永免墮落於幽陰矣然而石火電光之中誰是能保此清明者慾海愛河

之中誰是能迴頭到岸者夫大道本欲徧傳而人之根器有殊大衆皆可昇度而人之緣分各別道不可輕洩而又不可私匿故仙之求人更甚於人之求仙果有仙骨當爲九天眞仙之人自然得遇是真文而修奉之則心在道中身全萬德其緣大矣自有眞師當機一撥口訣親付盟誓而修入室用功密密結構故曰乘機應運乃可付焉此章從化度天人說起以明天人尙欲藉此經以求超脫輪迴況世人乎於是再爲稱歎是經不易聞見不易傳授以引誘乎學人

箋釋

正陽帝君曰大道流行斯天地有開通之候眞機運轉斯乾

道藏輯要

皇經闡微

眞

箕集八

坤有合撰之符念自太極未分則陰陽五行渾淪無迹一自後天啟運則日月萬象燦爛非虛其實先天隱於後天之中莫謂洪濛太遠所以無極存乎太極之內須知義理無殊教啟玄宗有性命雙修之訣經傳本行存神靈赤炁之書是有玄根兩儀之迭運因之不息總歸 帝德金丹之要旨於焉不誣大放光明知機者卽承光於玉鼎天傳神咒知時者卽寫咒於金鑑歸眞炁於十方天真護道說妙經於五品道妙非虛 元始讚揚八萬劫一傳之典當重羣眞傳授三千界獨出之人當扶齋金寶以從師自己家珍非是眞師愛寶符靈圖而應運低言口授全因氣運開圖密密鍊密密修

不得輕泄層層功層層候全恃天樞不可思議之功不可思議之德歎莫能盡若非宿有仙分若非宿有仙骨曷其然乎故得人而傳依三洞之真格蓋上聖所寶秘九天之玄都試看天人四相五衰不畏輪迴侵逼雖然塵俗五行三界居然解脫安居莫愁傳授爲難惟宿植乎道種自可慈悲普及看穩坐乎鸞輿

白祖仙師曰 玉帝生於浩劫前今修八萬有餘年

尊經至此方行世得者斯能證九天金寶從師承口授告盟度世契真玄真師規格依三洞不是仙胎不妄傳

何祖元君曰天人何故轉輪迴未鍊金丹墮下來三卷

道藏輯要

皇經闡微

卷

箕集八

尊經能受誦大羅天境可延捱勸君早具仙人骨與我同看劫後臺八萬劫傳須慎重赤文速速結靈胎

文昌帝君曰誰是九天仙子骨從師傅得 玉皇經曾經

八萬春秋永早度天人歲月新金寶齋來鑪鼎物告盟發願性情真從茲不畏輪迴逼丹果瓊花喜遇春

孚佑帝君曰一臨壇席笑嘻嘻此意人間總不知大道有傳傳不朽求真如子子偏奇告盟何用齋金寶附耳偏然有

帝師三界輪迴堪解脫瓊花先奪 上林枝

斗母天尊頌曰

八萬餘劫 赤文一出 告盟親傳 宿有仙骨

於是

天尊重宣此義爲說偈曰

設使江河水波浪能生蓮慈烏毛能白如經故難遇設使龜生
毛堪採爲衣服夜月能消冰如經故難遇設使蚊蠓足堪構爲
舟橋能載一切重如經故難遇設使黃口雀能啣諸太山擲之
他方界如經故難遇設使一葉舟力能載崑崙浮渡於大海如
經故難遇設使諸水蛭口能生巨齒其大如象牙如經故難遇
設使蓬蒿葉能覆無鞅界蔭庇無鞅眾如經故難遇設使烏梟
類同樹一巢棲啣食共相飼如經故難遇設使兔生角堪用爲
梯磴上窮有頂天如經故難遇設使鼯鼠等緣於兔角梯至天
能食月如經故難遇設使驢顏唇色如蘋婆果復能作歌舞如
經故難遇設使蠅蟲等能飲鍾石酒迷荒而沉醉如經故難遇

玄機無礙章第四十六

天師張真人曰惟宇宙之無窮莫非一元道化歟機緘之旣
轉斯成有象真形神矣天經形形色色包含無盡奇哉

帝力剝剝塵塵充塞莫圉試看天地之間何所不有須信神
奇之事原匪無徵夫至味無味至文無文故先天歸於平淡
乃不靈而靈不幻而幻這玄機更覺分明要皆一道之所爲
乃百出而不竭蓋此妙道原已塞滿天地知無一物不在大道
之中惟茲玄理旣能生成民物自爾萬變皆有玄機之運活潑

潑觸動處卽是真靈看種種發現時皆成妙道所以大可爲小小可爲大有者能無無者能有造形隨心蠢者能靈靈者更靈弱者能強強者更强生成如意於是鳥獸草木各成其性而可互相爲用山林河海各效其靈而更交呈其變以此爲圓則真無缺陷之處以此爲滿則真無間隙之時說不盡般般靈異讚不完種種神奇隨手拈來皆關妙緒舉目望處盡是靈機允矣頭頭是道誠哉面面靈通玄莫玄於此矣功更何有礙焉真是泥丸土塊皆放光明馬勃牛溲盡成丹藥故根朽樹可以結果而開花頑石層崖可以點頭而飲羽怪事紛然更幻於齊諧之記矣然讀此偈者當知道之靈妙變

道藏輯要

皇經闡微

卷

第八

幻無窮取攜不竭而在

上帝則造化在手運用皆神卽

以此種種奇事形容大道之靈機卽以此種種之靈機形容真經之難遇體用互顯事理皆神誠能遍觀而有悟焉則知此經之玄機無礙卽知大道之玄機無礙矣偈中比喻玄妙今不能徧釋之請 諸真分解之以示學人是望

箋釋

正陽帝君曰鯨波湧十丈之紅蓮根株更穩古木棲聯巢之鳥雀潔白生輝卜則灼龜長羽翰而六銖可服人欣望月掃霜雪而一陽來歸莫笑蛟螭足可任人來往不輕黃雀山須任彼推移崑崙爲萬嶺之宗在泥洹直如一葉象王爲百獸

之長其牙齒不如蝨蟻人嗤飛蓬不賓放神通則須彌可覆
最恨黠鳥食母感孝鳥則反哺同飛奇矣瓊蟾不踏雲梯而
朝 玉闕怪哉鼯鼠竟隨兔角而拜嫦娥有子題驢能變
色而共相歡笑看蠅入甕竟沉酣而不望提携凡此皆人間
之奇事而亦動 古聖之品題以之形道則不測之機緘
互顯形形色色以之讚經則無雙之靈妙居然怪怪奇奇乃
知天地之間無所不有惟在聰明之子自爲參稽
麻祖元君曰江河波浪能生蓮穩坐如來更自然反哺憂親
毛變白演疇致主服當玄淩陰深錮日長至蚊蚋頻驅夜泛
船天機秘秘誰人識山禽黃口莫輕傳

道藏輯要

皇經闡微

臺

箕集八

八

白祖仙師曰太山一夜載虛舟逆溯崑崙上上頭爲探河源
防蛭齒還從象罔看靈榴無鞅世界蓬蒿葉莫大須彌燕子
樓鳥鼠同穴山下過天機參悟正夷猶

文昌帝君曰玉蟾引爾去朝天鼯鼠相爭亦枉然月到滿時
餐桂子梅當尋處著驢鞭蘋婆難比瓊林杏歌舞還圍御苑
仙洗髓伐毛非一日天機到處自生妍

孚佑帝君曰三醉岳陽人不識洞庭回首望紅蓮龜毛兔角
皆虛語黃雀蚊蠅不許喧承載崑崙力比象包含大海量同
天莫管烏梟食蓬葉給騶賜果拜 君前

斗母天尊頌曰

道化敷揚

處處生光

惟靈惟妙

無上瓊章

爾時

天尊宣說偈已普告四眾是故持是經人名功德身一切有情
被其蔭故持是經人名神通身一切吉祥咸臻集故持是經人
名清淨身是諸惡業不能侵故持是經人名威德身天魔異道
不能攝故持是經人名無等身上帝謠唱萬神敬故持是經人
名堅固身惡劫大難不能損故持是經人名道藏身口出語言
鬼神仰故持是經人名慈悲身六道眾生賴其善故持是經人
名大道身出入所在無畏怖故持是經人名良醫身善行妙法
安樂人故持是經人名光明身常爲帝光所攝受故持是經人

道藏輯要

皇經闡微

真

箕集八
火川人

名自在身天宮妙境神能遊故持經功德說不可盡

勤修證位章第四十七

天師張真人曰上文言傳授不易又言機會難遇幸得聞是
經法遇此機會請於石火電光之中急速受持振拔於五濁
惡世之內留此真身身從道來還從道去身從太極分形而
來還從太極合形而去保守真主尋求祖炁以證天階大眾
果能信及則禮 帝爲師受持經文夫經卽 帝身受
持是經卽是親奉是 帝則 帝之道德我亦得而全
具之矣 帝現光明無量之身而我亦自然顯露法身法
本無盡故身亦無盡修明一德顯露一法則化現一身修明

萬德顯露萬法則化現萬身佛家以三身圓備而證大覺蓋萬劫真常不動之本體名清淨法身卽玄家之祖炁也以當前實證實具實受實修之體爲圓滿報身卽此時修因種果之身也千百億化身卽謂後來萬德周圓萬化隨心萬方救度萬劫流行之體也彼其證大覺時各以自家圓滿功德證名法號故楞嚴會上二十五位大士各明圓通以表法位況萬德周身千百億化身者其名位可易量乎我 元始天尊十方化號度人無盡懿號徽稱無窮無盡具載法典實有可證雖然持經者旣奉萬德周身之 帝則一人已備萬德似當證位無量然頌揚者只以十號圓滿該之故 天

道藏輯要

早經闡微

夏

箕集八

尊開示證位亦只以十二身概之人苟能傳授經法遇此機會則當速修速證變凡體爲聖體自轉色身爲道身無位之真人廣錫無量之懿號非虛擬也至於持經者有是修卽有是德有是法卽有是號體用互顯德位相符 天尊指示分明無庸贅解

箋釋

正陽帝君曰大道一元統萬方而布化經功無盡全萬德以周身普功德於有情四方受蔭廣神通而無上百福咸臻惡業盡時則清淨法身顯露天魔退處則尊嚴威德證真自少等倫 玉勅宣而萬神恭敬安然堅固法身到而大難無

因口出語言鬼神敬仰則身為道藏行皆福善眾生倚賴則號協慈仁大道在身斯出入之時無畏怖良醫頌德因安樂之法惠黎民蓋嘗攝受於 帝光可謂光明無礙抑且神遊於妙境無慚自在瓊真法號無窮須憑真功為據休稱相協實微本性惟均浩大經功收緣結果輝煌 帝訓變俗為神吾綴清辭以示後不欺無位之真人

九天應元雷祖天尊曰功德神通清淨身無上威德無等倫妙體堅貞祛大難赤書宣布動羣神慈悲道體良醫法

上帝光明自在人種種徽稱全是德真經成就出凡塵

玄天上帝曰 尊經讀得最為神一個人超十二身有情

道藏輯要

皇經闡微

真

箕集八

吉慶咸臻集惡道天魔敢等倫遇難有神為眾賴逢驚施藥布 皇仁天宮妙境神遊處萬德周身號聖人

文昌帝君曰萬德周身是 帝尊 尊經秘義示千門

勤修果位超無上圓滿神通絕語言從此萬方揚萬化只憑乾德運乾坤徽稱十二還難盡略示人間妙法門

孚佑帝君曰千百億身無盡藏還從本體覓良因祖炁先天無一物赤文神咒役羣神莫向他方求治績只憑 帝典

認吾真慈憫 天尊今授記瓊樓十二坐凡身

斗母天尊頌曰

帝經修奉 道在一身 萬方化現 萬劫良因

又若道士至人能結壇誦經著新淨衣於夜半後聞寂獨處清淨室中叩齒九通東向端坐誦詠是經於是時也太真御几玉妃拂筵萬神班列諸天臨壇三界侍衛五帝司迎然後閉目靜思存想是經不覺身處五雲之內俄見其身光明赫奕上昇天宮眾真下迎心有所請一切應奉仙丹妙寶隨意自得故當依科閉心奉行此經乃至三世金仙十方大聖皆從此經依按修奉故頓得超證無上妙道

遵式證度章第四十八

天師張真人曰玄家妙法本於天機無非道化卽莫非真性真命真實不虛神靈有驗原無影響之談亦非機鋒逗捷皆

道藏輯要

皇經闡微

真

箕集八

是仙聖自己親身閱歷有功有效以其所得力望學人用力以同證無上妙道凡一切經典皆然而在此機會難逢傳授不易之心法更覺神奇更覺奧妙以一理而貫三才以一心而通萬象千靈默助萬神護衛保固玄根凝合赤炁其工夫效驗必有超出一切者吾自得力於是經乃知句句皆是本體句句皆是工夫句句皆是妙用卽句句皆是秘密口訣而此章者又口訣中之口訣也卒之口訣秘密要當心受故再卽法事以顯妙理卽實境以俟參悟簡簡數言而一經中本體工夫效驗運用之法胥歸結於此可謂叮嚀告戒良工心苦矣今略說之首云道士至人則是道體全具德行神明當

證九天真仙之位者能結壇界已是法天像地供養真宰契
合 法王前後左右不染一塵著新淨衣已能內外真白
全露清淨法體於夜半後子時則取一陽來復之候泯棄聞
見屏絕世累叩齒九通以集陽神東向端坐以受生氣口中
持念如是真訣則己身先天至陽之炁現而太真御几己身
先天純陰之炁現而玉妃拂筵己身先天萬炁皆靈而萬神
班列於是上宮之真靈下觀三界之天人皈命五德純備五
炁朝元而五帝司迎矣於斯時也垂簾下視無作無爲全以
神會故惟靜思存想天宮妙境森然現前仙靈降真所願應
奉吾之得無上之仙丹成天地之至寶其在此時乎此等科
法真是秘密口訣得之者自當死心踏地實力奉行 天
尊又引三世金仙十方大聖以爲明證見凡超證無上妙道
者只有此一法餘二卽非真篤信真功滿上界作仙人

箋釋

正陽帝君曰從來妙典玄科全從口授天機真訣豈許人窺
羽士道流庸下者徒安口食凡夫俗子乖張者還售奸欺憑
爐火以結壇水銀硃砂積成鉛汞耗資財而結界諷經禮懺
妄想提攜甚且打坐參禪寂想猶思證果盲修瞎鍊何須再
拜真師不知本體不明空說明心見性工夫未實何能靜坐
默思夫仙真未示真傳任你豪傑英雄終歸一死况 上

天未錫恩澤憑你按摩吐納轉益羣疑試思道本先天惟復
還乎祖炁德歸 帝典自參悟而矜持從此進修功德無
上由茲證度實有可期普勸道士至人種德平生感格天真
求口訣試看金仙大聖遵科修奉傳燈學者共言辭五色雲
中吾輩朝朝勤接引 尊經壇裏何人實實去修爲借詮
經而示訓冀學者之深知
麻祖元君曰傳來口訣做真仙至此方知大道玄赤炁凝時
還祖炁後天定處復先天妙寶神丹隨意得金仙大聖共心
傳師恩無盡真難報酌水獻花拜几筵

白祖仙師曰

元始天尊妙道玄

尊經一部卽真傳

道藏輯要

皇經闡微

卷

箕集八

向東端坐朝生氣得訣密修感萬天三世金仙皆一道十方
大聖契言詮五雲之內光明合虔誠禮謝 至尊前

文昌帝君曰千經萬典皆歸道三世諸佛總是仙不有真師
來指引枉費工夫拜几筵個裏玄機惟一撥壺中春色有千
年 天尊口訣 皇經是接法遵科自契玄

孚佑帝君曰萬典千經皆口訣學人不悟自生疑暗中一撥
還須我個裏通玄不靠師几後筵前皆有聖爐高鼎下要無
差金光赫奕卿雲擁大聖金仙還是誰

斗母天尊頌曰

千聖同途

三教同居

赤文有式

密密臨爐

是此

帝也諸佛之師眾聖之王是故凡夫值遇是經致五帝輔翼召使神仙御役神官運導陰陽千靈敬仰萬神懾伏百邪避路羣魔束形命過之後卽得南宮受鍊飛步上清逍遙自在與道常存

與道常存章第四十九

天師張真人曰大矣哉其道平生天地生仙佛生聖賢生人物綱維宇宙無一物不在無一時或息得之者保萬劫不死失之者無一息可活修之鍊之卽是靈丹採之取之卽爲妙藥任千經萬典說之不盡到無思無慮或可摸著 太上

道藏輯要

皇經闡微

卷三

箕集八
X1

不知其名强名之曰道

梵天不能立其名强字之曰佛

以其神化不可測度强謂之曰聖神以其永劫長存而號之

曰仙靈以

玉皇上帝像其本體以

元始天尊像其

本真而

二聖人之精神命脉不嫌說與大眾以爲還元

之本乃成爲此經然則經非言此乎諸佛不能外此而別有

真傳眾聖不能舍此而別有威權讚之曰諸佛之師眾聖之

王固以是

帝主宰綱維乎此以御天五帝輔翼爲此也

千靈敬仰爲此也卽萬神懾伏百邪避路羣魔束形亦莫不爲此也此者何也道也道在經則經卽道也召使神仙御役神官皆所以運導陰陽莫非爲此道維持補救整運而發光

勤行修奉之人則是道已全於其身彼其身非凡人矣非世間人矣將見南宮受鍊而佩服真文飛步 上清而朝謁

乎 玉宸於是道之真常本體既相傳於萬劫以前之萬劫而仍在自必流通於萬劫以後之萬劫而愈新是何如之壽量是何如之元神而此讀經者之法身真體亦將與之永而同春

箋釋

正陽帝君曰大道一元其量無邊陰陽迭運今古相傳氣之重濁下凝者爲地氣之輕清上浮者爲天日月五星麗天而成象崑崙四海附地而無遷開闢以來人物紛繁聖人首出

道藏輯要

皇經闡微

卷三

箕集八

結繩而後典籍分明教法昭宣雖三教之不同其主宰胥由乎 上帝卽千經之互異其歸趨惟重乎 玉篇何處

無仙靈併爲功於妙道四方有教化皆默運乎真玄所以明道開天有本體有大用皆必明爲指示况且統天行道無窮盡無歇息自當永此歲年十二萬九千餘年之春秋爲之添籌者何氏三百八十四分度之顏貌相與同老者皆仙壽量無窮有其父必有其子精神不朽若者聖若者爲賢吩咐學人佩赤文乃可益算傳留爾輩得赤炁自可延年稱爲諸佛之師眾聖之王不過以此經爲口訣保爾南宮受鍊 上清受籙要當奉 帝勅爲真詮 元始之言信矣帝君

之解真焉與道長存值遇是經者有分得經飛步有心大道者勉旃

何祖元君曰道包天地人三才萬聖千真孕毓來不老靈根常作主會分赤炁早成胎無春無夏無寒冷無愁無苦無悲哀逍遙自在千千歲日日相攜笑幾回

長春杜真人曰一貫真傳 孔氏書於今 上帝啟靈

圖真經真法皆言道天理天年也在儒漢武枉尋千歲藥秦皇空想萬年謨赤文在手春秋永別有乾坤貯玉壺

文昌帝君曰延來三萬六千日共喜春秋有百年誰信天宮新日月無窮聖力永坤乾瀛洲慣食蟠桃果 元始恒膺

道藏輯要

皇經闡微

壽

筭集八

玉籙篇上古歷元推甲子我侍 天皇御几前

孚佑帝君曰羣仙惟我有奇思翻案偏然有妙辭那管春秋過十萬只將旦暮以窺之全憑赤炁爲靈藥那有開心種紫芝妙道纔爲真父母精神力量庇佳兒

斗母天尊頌曰

先天壽量 無春無秋 跨鶴登雲 玉壺優游

又設復世間眾生曾聞是經心常渴仰能於家中擇清淨處畫帝尊像日夜虔虔晨昏濟濟香花燈果尊重供養稱名瞻禮是人當得三十種上妙功德

勸發信受章第五十

天師張真人曰

天尊慈憫大露天機將

玉皇尊帝

種種功德種種神通本體妙用精神命脉合盤托出又恐眾生不信說盡種種神妙種種靈驗以引誘之豈天宮清閒偏管此閒事乎總爲眾生墮於苦海不想拔出反視爲安樂之地何異食河魴之美味俄頃戕生飲鴆酒之馨香必傷性命生前不信鬼神死後懊悔不來壯年不肯回心老病徒然叫苦試思自古及今歷盡多少春秋成就多少賢聖而此一身何爲仍然煩惱若說無緣除去禽獸但有人身者卽是有緣若推不閒但淨心地時卽是清閒人人本有之妙道不能自悟 上帝爲之啟悟人人可證之妙果不能信及 上

道藏輯要

皇經闡微

臺

箕集八

天爲之引誘則此經者全是自己一段靈光經中所說如光明如天香如妙音如寶蓋皆與自己本來性體流通而神咒赤文卽本來性體之靈異也惟其如是所以舉心動念與

上天通運用周旋有

上天鑒善惡分明報應不爽俱

是自己感召而福之降也

上天代爲之喜禍之降也

上天代爲之悲世人一生之中自生至死自幼至老無時不臨鑒於 上天而人乃欲脫逃而躲避不思 上帝

雖穆處天宮人無見聞不知舉頭卽在所謂湛湛青色者非

帝乎此部經卽湛湛青色者之寶誥也則

天尊叮

嗑告戒惟恐一人不知此等大緣說已盡矣人自得而信之

矣而又再說勸發信受一章值遇此經而不肯瞻禮受持者
非人也見受持此經而非笑之者非人也然猶望乎共發慈
心普爲勸諭必使 帝光無不徧及無不化度以慰

天尊

上帝之天心是望一瓣心香一縷烟乘風飛達

至尊前至誠引得天香出瑞氣氤氳播九天 一心花開處
供天經五色紛敷大地馨寶蓋周遮添一朵春光萬載共安
寧 二智慧光明卽是燈舒華結蕊彩雲騰 帝光下鑒遙
相接好與同心一日昇 三交梨火棗飛騰藥此果隨身色亦
丹滿貯玉壺充貢物 龍章殊錫下翔鸞 四

箋釋

道藏輯要

皇經闡微

真

箕集八
又川上

九天應元雷祖天尊曰大道降真此地校非常妙典 玉
皇開化羣生遇無上瑤篇喜萬聖千真共發慈悲而解釋看
五品三卷必須刊刻以流傳得遇是經者坐招天福得聞是
典者早脫塵緣普願眾生莫負此般提接豈無善士有心是
典真立能於家中擇清淨處誦經瞻禮必於世上得三十種
受福綿延所以皈命一心必晨昏之濟濟開函頻誦須日夜
之虔虔借物抒誠丹果共法燈交映隨心供養名香間玉蕊
生妍舉目青天湛湛光明卽 帝座護持心地常常清淨
是經筵從此 帝座相通百福駢臻而千祥雲集試看經
筵滿願 三天詔下而萬載春綿報應無差吉慶終歸有

道時光難待轉移又待何年 天旨非輕讀者信矣雷尊
認保見者勉焉

協天大帝關聖帝君曰 帝恩深重降天經校正將完報

帝庭八萬劫來纔一遇五十章內總千靈開函持誦剛
三卷其地馨香護萬星三十包盡無窮福皈依瞻禮再莫停
正陽帝君曰洗手浴身展法筵晨朝濟濟夜虔虔香花燈果
隨心供誦詠瞻依一念圓報德酬功三十種延生錫算百千
年靈通 元始精誠格坐臥皆同拜 帝前

文昌帝君曰說到沉檀不是香心中至德要敷揚萬華寶蓋
天花結一朵瓊英性體芳寶炬琉璃俱是假赤文煥爛乃真

道藏輯要

皇經闡微

卷

箕集八

常黃芽長處丹成實誰想人間碩果嘗

孚佑帝君曰三十種今功德滿百千萬種在其中稍酬口夜
虔虔力略報晨昏濟濟功燈果香花隨力量瞻依誦讀在淵
衷莫言凡體無緣分一念精誠 帝座通

斗母天尊頌曰

瓊章勸發 無盡天慈 功德圓滿 實受恩施

一者諸仙讚重 二者先亡生天

三者宿殃解脫 四者所往通達

五者無盜賊事 六者所求遂心

七者除水火厄 八者橫事潛消

九者夜夢吉祥

十者疾病不臨

十一者智慧聰明

十二者人見歡喜

十三者衣食豐盛

十四者子孫榮貴

十五者六親見喜

十六者門族和睦

十七者除三惡報

十八者轉女成男

十九者形容端嚴

二十者爲國大臣

二十一者生爲帝子

二十二者鬼神欽仰

二十三得宿命通

二十四者諸神護念

二十五者九族受蔭

二十六者處世長年

二十七者有情賴善

二十八者魔王保迎

道藏輯要

皇經闡微

真

箕集八

二十九者決超三界

三十者白日上昇

爾時

天尊復告四眾此經功德能碎鐵圍諸山竭苦海水破大地獄拔重罪苦降暴惡魔護諸國土能滅一切惡鬼能除一切重病能解一切惡毒能離一切惡人能伏一切毒獸能摧一切邪道一切諸天皆令降伏其餘功德說不可盡

功德圓滿章第五十一

天師張真人曰 帝典最難持受非人不肯持受總因傳受不易機會又難則有見有聞而能持能受者誠不易得蓋能持受此經則其人之功德吾知必然圓滿非擬議之也試

想是經原是發皇 上帝之功德 上帝之功德本是

圓滿處處通達無一空隙彼持受此經者是真能以 帝

心爲己心備 上帝之功德以爲自己之功德自然同一

圓滿故 天尊分明羅列以佑啟世人比前所說種種善

報尤爲真實不虛此章三十條是言錫福功德長行爾時

天尊復告四眾以下是言救苦功德末句再曰其餘功德

說不可盡明明將 上帝之圓滿功德悉舉以與人而令

其功德圓滿矣在得聞見此經者猶然弗願乎哉 上帝

深恩無處報只憑案上一爐香換來功德無窮盡滿滿圓圓

大吉祥 一天體圓圓包萬象地形滿滿塞中央其中有我來

道藏輯要

皇經闡微

卷

箕集八

扶助全靠

天尊

上帝光二

帝有光明照十方

天尊宣說更輝煌持經且荷光明力照破冤魔萬世昌

三 何況鼻中更有香馨香呼吸要端詳鼻端有白終爲幻有

此方爲快活方

四

天香不盡妙音揚徹地通天韻更長往古

來今聽逸韻無聲無臭有宮商

五

團團寶蓋結芬芳全是仙

家性體裝採得好花勤獻

帝黃蜂粉蝶少奔忙 六 神咒

秘傳數十行當年赤炁賾縑緗輕輕付與羣黎讀自此人間

保萬昌

七

天真保護莫荒唐此係天家大道場玉相金容分

體在

皇經

一部要珍藏

八

誦讀之人不可傷工夫圓滿

上天堂且喜今朝先賜福春光在後更無疆 九 生機一轉露

眞陽好事臨門不必慌從頭至尾與君說莫與他人說短長
十天機密密少徬徨事到其間自主張主張大道全由我冷
熱寒溫要徧嘗十一關門閉戶讀瓊章自有赤書下帝
鄉功德與他三十種天神地祇少遺忘十二

箋釋

正陽帝君曰萬劫千生報不盡上天功德十方三界人
須信大道輝光照破幽陰不怕層層慾海潔清肢體頻聞陣
陣天香道體無窮幸尊經盡爲闡發帝光莫量如
赤炁無不敷揚發妙音聲自然神驚鬼怕宣圓滿咒立時惡
退魔亡到得上獻天花寶蓋結成時少不得我心花攢錦果

道藏輯要

皇經闡微

享 箕集八

能虔遵帝典羣真覆護處也只要你彝典全彰讀三卷
五品之靈文工夫圓滿盡一萬二千之赤字德性輝煌三十
種說不盡帝恩廣大百千劫須要信本體悠常功也圓
德也圓有始有終可謂漸入佳境報不盡說不盡能解能拔
何難直上天堂種下信根自然能信能受收來福果可知錫
福錫祥諸仙讚重以至白日上昇原非異事鐵圍摧碎自然
諸魔懾伏更覺周祥朗若列眉須當顧諟應如桴鼓從後商
量

麻祖元君曰諸仙稱歎好奇哉何故先年墮下來自此宿殃
當解脫從茲處處坐春臺盜賊何因不遂心無端水火亦

加臨今宵忽得吉祥夢橫事從茲永不侵二智慧聰明人不
如都來歡喜賀安居豐衣足食從茲起有子有孫入仕途三
六親自此慶家門九族從今無語言和氣致祥無惡報轉女
成男益子孫四容貌端嚴古大臣幫扶帝子事羣神陰陽推
算皆前定自有吉神護祖親五處世長年更有情誰道魔王
不保迎決然保爾超三界白日高昇朝 帝京六
何祖元君曰何因讚重有諸仙讀得 尊經報祖先先世
宿殃皆解脫隨心來往不牽纏一從今盜賊不臨門讀得尊
經一世尊水火無情皆永斷潛消橫事受 皇恩二年來

夢裏不慌張讀得尊經大吉祥疾病不侵肢體泰聰明智慧

道藏輯要

皇經闡微

卷

箕集八
八八八

善文章三見人都是笑顏開讀得尊經善氣回衣食無端豐

且盛子孫榮耀列三台四六親再無閒言語讀得尊經感動

真門族於茲永和睦三般惡報不沾身五轉女成男主何因

讀得尊經感吉神換得形容端且正且許將來作大臣六生

來富貴是天潢讀得尊經鬼亦驚命裏諸神皆護念宜憂世

代不膺榮七平安處世享長年讀得尊經契上天莫說有情

皆賴善魔王保舉 帝尊前八決然超證出三界讀得尊

經白日昇功德周圍三十種也虧花果與香燈九

文昌帝君曰種種功今種種德百千萬億說難全三十分明

合地數人間享受並非天一天宮報應更分明萬載千秋樂

自然

玉皇案畔天花舞親手燒香散瑞烟^二

帝主

分身我亦分分身也是雲中君與

帝方方施教化大千

世界好宏文^三

妙音動處十方驚朶朶天花獻

玉京三

十六天花盡放團團結蓋護昇平^四

帝德神兮咒力神

圓圓滿滿御羣真

天尊親手咸傳汝保衛當朝作大臣

^五

保衛維持盡十方神仙兵馬更無缺工夫做到圓通處水

遶山環盡吉祥^六

功圓行滿跨翔鸞隊隊霓旌下廣寒接引

持經皈道者

帝前好獻大還丹^七

說到經功真無盡千

秋歷劫亦難完

上天福報原非假若不讀經難上難^八

孚佑帝君曰三十種功還嫌少

帝君道大德同天果然

道藏輯要

皇經闡微

卷三

箕集八

要辦真功德乃得天家福滿圓

一吩咐寰中苦眾生焚香稽

首望瑤京

尊經一部咸持誦天風來接步虛聲^二有頓

挫兮有抑揚聲聲羽角協宮商天宮感得

天皇喜玉女

飄來滿地香^三

從此凡身成玉骨赤文赤炁好商量大圓滿

咒功無盡句句天音普萬方^四

普萬方兮化萬身

尊經

皆爲度斯人我身既得虔持奉有日朝天棄俗塵^五

棄得俗

塵性體明金芽玉蕊擁羣英馨香上獻原無礙寶蓋於茲結

得成^六

幘幘萬有徧羣生普被於茲慶太平功德分明圓且

滿神仙護持有天兵^七

一德周圍萬德真萬德全處萬功神

若少勤修持誦力虛花一世枉爲人^八

斗母天尊頌曰

報德酬功

福庇無窮

天經靈異

親到帝宮

爾時

道場大眾金仙菩薩真聖眷屬聞是說已歡喜踴躍稽首敬禮而作頌曰大哉至道無宗上真上度諸天下濟幽魂上無祖師惟道爲身丹臺紫府金闕玉京秘此妙法溥福含靈滅我萬罪增我遐齡萬神朝禮魔王保迎功德昌盛黃籙書名渺渺億劫使我長存於是眾等說是頌畢稽首皈依奉辭而退

收緣結經章第五十二

道藏輯要

皇經闡微

卷三

箕集八
川之上

天師張真人曰

天尊說經至此道體圓滿功德圓滿可

謂闡發詳盡無以加矣而

天尊以爲猶未說盡何以言

之上卷說功德時明明說窮劫難言前章末亦說其餘功德說不可盡夫功德難言以道體之本難言也道體難盡不惟

天尊難盡言卽

上帝分身萬億說法萬億劫亦說

之不盡也然道雖無盡前已說過氣有陰陽機有動靜自然有始終之運有開闔之候斯又一定之理也卽如子會生天丑會生地寅會生人到戌亥之會必有下落然而到了會又生天矣收緣有日生生不窮在天地之大數且然何況說法度人亦不過望其收緣而結果然則讀經者不望到收緣結

果之時則一部 尊經依然錯過此處要當猛省悟入尋

恩體貼 天尊 上帝何以說法何以放光何以示大

神咒何以示種種功德非望其收緣而結果乎雖然到底收

緣何在結果何在天師莫要誤人請觀下面太極原含陰與

陽陰陽會合我中央靈光一點同天地萬彙於茲大吉昌一

這點靈光卽是果此果成時遍地芳任他落在塵埃裏恐怕

千年苦莫當二苦莫當今也要當上有雷霆下閻王饒君經

歷千千劫這段靈光苦未忘三這段靈光是何人四肢百骸

此爲真雖然墮落神靈在萬劫千生徒染塵四不染纖塵卽

是仙這段靈光到底全收拾靈光要藥物五行顛倒立坤乾

道藏輯要

皇經闡微

醫

箕集八

五 上有乾兮下有坤鼎新重建契玄元總要靈光安置好自

然雷鼓動天門六靈光卽是赤文化赤文字字寫分明劫後

劫前原有我造業何爲要滿盈七從今潔淨讀天經放下屠

刀立地靈 上帝自來傳口訣立地教君到 帝庭八

到得 帝庭是收緣結得金丹果自圓算來總要 尊

經力圓滿之時壽萬年九

箋釋

正陽帝君曰無上慈悲大道場金仙眾聖遶中央詮經詮到

成功日喜喜歡歡拜 帝光一大哉至道本無宗諸地諸

天一氣中師祖原來歸 元始原有真身在 帝躬二

丹臺紫府秘真法金闕玉京貽

帝經溥福含靈滅萬罪

誦持靈處益遐齡三萬神朝兮萬魔迎功德自此著天經羣
仙校對 天皇案黃籙篇中寫姓名四從茲十萬有餘年

暮暮朝朝在

帝前迴首塵寰惟浩歎何人如我得朝天

五說到朝天非容易也須勤苦幾多春世上萬般歡樂事不

敢微沾一點塵六塵緣棄盡顯光芒清淨家風自己當冷冷

清清多少日今朝始得朝

元皇七

皇宮綺麗更輝

煌日月雲霞

玉座傍還有皇妃拂

玉几時時布散

滿天香八

麻祖元君曰

天尊說法完三卷五品五十零二章包盡

道藏輯要

皇經闡微

臺八箕集八

古今賢與聖都呈瑞氣散天香一一萬二千三十六字字俱

從赤炁文文中傳得長生訣見者俱能拜紫宸二五千四十

零八數圓滿之時也自豪報上天庭

天顏喜誥命重重

下九霄三九九八十單一數工夫火候要周全個中交結分

文武毫髮差殊難作仙四

白祖仙師曰上中下卷按三才五品全將五行排五十二數

河洛理龜書馬圖鳳啣來一一萬二千三十六星辰日月共

雷霆山河大地都安頓還引羣生上

帝庭二相傳藏數

要分明五千四十八纔盈但能一念精誠接爲數無多感

玉京三十二萬九千餘年終始包完地與天果有真功還

赤炁保君不與劫牽連

文昌帝君曰放光之後又分身處處開天又化民到得瓊花
結成蓋那時方悟本來因一神仙兵馬護無殃總爲斯人得

帝光

帝光圓滿成功德三十六種快活方二五方

五老早歸元笑彼六天不是門

天尊慈憫赤文出清室

萬劫鎮乾坤三列品分章皆有數可知火候難差殊收緣結
果丹成熟圓湛如天裏地輿四

孚佑帝君曰天開子兮地闢丑人生寅兮今到午未字將完
最可憐酉兮戌兮難鼓舞一儒家有道在綱常佛示真空奧
旨藏惟有立門真性命劫前劫後放毫光二四大部洲何處

道藏輯要

皇經闡微

真

箕集八

好神州赤縣好安身禮樂文章叅造化堯舜日共長春三
意貌堂堂是丈夫筆花墨彩號通儒如何不讀 皇經奧

歲序如流日月除四

斗母天尊頌曰

三卷五品

玉皇尊經

收緣結果

稽首天庭

太上洞玄靈寶紫微金格高上玉皇本行集經闡微卷下終

先天斗母大聖元君圓明天尊勅命曰混沌一元分割時開天
立地輝煌三教興隆處覺世牖民可惜別戶分門不能合一因
之交譏互詆胥失本真況在教啟玄宗玄妙寄於符籙須信天
垂大化靈通全是鬼神雖明示綱常必神其機於感應故幽爲
主宰皆妙其用於明禋信之者祠禴嘗烝不忒猶不廢乎朝乾
夕惕疑之者雷霆雨露皆虛更何有於日月星辰究之疑惑一
心雖寶籙金章弗信信從無志雖神言天語無因然而福善禍
淫皇天有道予災錫慶萬古如新茲者校正

天經諸子不惜維艱之力幸覩闡揚大道支天何嫌不訓之諄
嘗念道卽先天爲後天之根本道歸

道藏輯要

皇經闡微
序

卷

箕集八

金闕宏

玉闕之慈仁以形體言謂之天實有主宰之

帝以性情言謂之乾須歸默運之神流行玄綱歸

一人之有道維持劫會賴

上帝以長春堂哉皇哉

玉帝爲賢聖神靈之統至矣盡矣

皇經爲語言文字之精雖玄典實範圍乎儒釋幸

天言同震動乎雷霆上可以保持

國祚翊佑

皇躬當億劫萬年不息中可以順正星辰安奠河嶽爲四洲八

極效靈下則保護人民遂生復性廣則繼持劫運太順太盛其
奧妙關係天地之玄根雲篆紛敷皆赤炁其精微散作生靈之
恒性赤書開闢駐黃庭禮樂詩書皆此真機運用華嚴般若莫
非是理昭明仙靈賢聖同歸昭事

上帝此爲要訣古今智愚錫極無聲

帝載此有真形一萬二千三十六之靈書字字雕金言言刻玉
一藏五千四十八之秘受煌煌赤日朗朗明星萬德周身滴滴
歸源其薪傳傳諸人世十方化號玄玄晏坐其本體體在幽冥
合一元十二萬九千有餘年皆是

天皇治理總周天三百六十五度四分莫非是

道藏輯要

皇經闡微
序

真
箕集八
川之文

帝神靈大哉四大部洲胥歸道化奇哉一小民命皆奉

天經茲當

熙朝泰運

聖帝乘乾當綿太平之機於不朽應溥

湛恩之濊於無邊保我民人熙熙皞皞永茲德澤綿綿延延所
以神明感應

帝主降筵文運將啟南天金馬碧雞重肇瑞

帝光恒臨北闕靈書赤字示真傳雲馭共臨乎法席星輶咸降

乎南溟惟茲

弟子司昭

志趨孔孟誦法聖賢屋漏之中廣眾之

際神明已經歷試艱苦備嘗力行備至諸天不懈矜憐默啟靈

機已成功於校正新沾

帝澤當揚播乎言銓統率同志成此金編所望天下英哲天下聖賢收斂才辨聰明叅茲

妙典當許千秋嗣續千秋發達皆爲忠孝廉節上奉高天改換心術性情朝真事

帝不斷香燈花果祝國祈年一人受持一家免難原非虛語天子崇奉天下太平總是誠虔無盡頌揚說之不盡有緣際遇總要天緣莫云受持容易當知錯過眼前誦持者不在木魚清磬力行者卽是古聖神仙惟爾人民皆自梵天中流出養茲心性何難

道藏輯要

皇經闡微
序

冕

箕集八
リ

帝座前聯翩無量度人仙佛有願有情賴善信受無偏不爽休祥何須疑惑自然感應總不顛連咸使聞知布告中外惟求信受赦除罪愆欽哉備矣曷也慎焉

丙寅夏五月

斗降之辰十五日諭

九天應元雷聲普化天尊示曰夫大道降真誠千古難逢之會故玄文傳世爲萬天未有之祥况本行集經讚揚

上帝圓滿神咒布列威光化被無窮十七光包含盡矣威靈難狀三卷經統攝無彊合觀

靈寶無盡之靈文靈通無比統論

教法有三之教典教化非常所以諸天敬重大地發揚不能外是典以爲證真之路且將藉是經以爲御世之方

誥命流行萬聖千靈聽

命天香噴發芸生庶類皆香分身爲千百億化之身景象放光卽日月星光之肇端且也寶蓋會用歸原帡幪不漏妙音隨風

道藏輯要

皇經闡微序

羣

箕集八

罪玉闡發須完莫奧於妙有玉清朝叅有路莫顯於人倫日用契合無難句句皆

元皇之心印言言是

上帝之神丹證以儒典佛經真機一貫合之大洞道德妙訣同叅是誠修真之正路而入聖之雲驂然而八萬劫一傳允矣天機難遇三千年再降奇哉

帝德非凡憶自子房校正以來差訛不少雖彼真人接連廣演改正無緣茲者

帝澤無垠不遺於四大部洲而中華爲最

天光所照不限於一莖草木而人道爲先憫此眾生淪墮三塗

五趣垂茲

金臂引登樂境高天惜無其人耽擱有日簡彼有道歷試多年

見有

弟子司昭

者參究儒宗久爲

七曲元皇默鑒考求玄典已蒙

先天斗母矜憐諭以虔開法席潔治經筵芸館清幽

仙聖於焉普降靈機契合朋從也曉真傳乙丑嘉平垂成寶典

丙寅溽暑刻就

金編論其早早流通拔眾生出愛河同登彼岸自此方方持受荷

天光卽凡體共證瓊仙莫說

道藏輯要

皇經闡微序

聖

箕集八

聖典玄微擔承不敢莫說天機奧妙翻閱多愆不知奧妙天機可以真心契合玄微

聖典皆從自己敷宣舍自己無位真人而別求天真謬之已謬外天宮最靈

法典而別求妙法偏而愈偏須信舉動行持原係靈機妙用歌吟誦讀皆爲覓蹄魚筌惟求聞之見之着信而又信莫愁福之庇之者立而不立神仙兵馬護持何人

上帝不虛勅命讚重超昇三十餘種

天尊豈有誑言吾言畢矣敢有不遵刊諸簡末鑒在雷門

丙寅夏五月二十四日亥時諭

北極玄天上帝蕩魔天尊示曰夫

皇經者

金闕至尊玉皇上帝之典型也宣白

元始天尊金口載之

靈寶瓊宮爲玄門第

部真文生成天地法式聖賢流衍玄綱

主持劫會修仙入聖之正路而盡性至命之寶筏也昔者傳於漢初留侯張子其家輩輩嗣法主持玄教世出真人代襲天師曰今數十輩矣其家誦習真本原係

太上洞玄靈寶紫微金格正文奈自往代妄爲刪改以惑生民致令受持弗靈真修未覩甚至肆行詆毀其不致焚於煨燼之

道藏輯要

皇經闡微
序

重

箕集八

中者幾希嗚呼嬴政已往虐焰方熄是亦玄教之厄運而天下後世生民之不幸也茲幸

盛朝泰運大道重光國祚當延

天恩頻降旣干戈水旱之弗驚看熙皞和祥之致福所以真機轉運眞法流行眞經迭降眞靈輩出而

玉皇本行集經乃見真本矣經文句句真訣字字靈機已得諸眞詮解無一剩義矣但在得是經而誦讀受持之者當愛若拱璧奉若著蔡特爲起死回生之路信爲歸根復命之由夙夜寅清不斷誦閱隨時體認如近

天皇果能以絳府心君時通

帝座自可以復還祖炁永固命基試想人非禽獸安忍目爲戕賊身具赤文奈何弗知保固見此經而疑惑不信者無緣也見此經而隱秘不傳者斷絕真道也吾知其罪當如

上帝勅命不貸何況妄加改易肆行詆毀吾恐身非木石斷未有敢於試法者至於種種功效種種靈異種種神奇所謂窮劫難言者經中已明言之矣

上帝乃又親爲提命詳示規條於前

先天斗母

雷祖天尊復申論叙於後吾以職分所在再爲眾生告戒一番然是語也終難爲不信神明者告也試問昭事對越者何物不

道藏輯要

皇經闡微
序

卷三

箕集八

愧爾室屋漏者何物且福善禍淫降殃降祥神妙不測轉移自然者又何物天有靈明卽此明神人有靈明卽此真心斷絕自已之靈明自必外於天地之靈明此卽不信之眾生也若肯返求自己之靈明自能契合天地之靈明此卽有緣之眾生也至於神無不格原非杳渺神道設教化育攸關原不得已之事以仙聖淵穆無爲豈願自爲輕褻以致眾生之輕褻乎

弟子司昭

者非異人也非道士也非禪僧也乃誦法孔孟修明道德之儒人也其誠旣與明神相契合其身自爲靈神所簡拔故降演

大洞仙經

玉皇尊經皆出其手此卽吾所謂有緣人也茲因彼約同志善

士刊刻

寶典將成吾復降臨其家而再示之如此信與不信亦在乎人
欽哉

丙寅秋七月

帝降之辰七日平旦諭

道藏輯要

皇經闡微
序

嘉

箕集八
卷

重刊道藏輯要

高上玉皇心印妙經

八祖合註

上藥三品神與氣精

批批道人曰人身內三寶曰精曰氣曰神神足則明生氣凝則道配精化則體充翕足而循環是爲上藥顧斯藥也不山不水不落不枯本人和順天時因地利不隔畛畦之界無煩灌溉之勤輕賤之則牛溲馬勃之弗如寶貴之則薈朮參苓之遠遜取攜至便也生息無窮也燥濕不能傷風霜不能蝕金錢不可市貧富不相侵其味長其功巨挺出於溫涼補瀉而別具返魂久視之奇視人間之療疾延年而僅乞靈於草木奚翅雲泥之判別而天河海水之懸殊故自雷公岐伯以來不敢登諸本草而心印首標其目者揭薪傳歷效之良方期萬世善爲調劑也

恍恍惚惚杳杳冥冥

鐵杖老人曰虛實有無之數相倚伏而相與有成無聲無臭之天正以聲其聲臭其臭也是故空皆色色皆空無色之非空則亦無空之非色且春夏秋冬不言而品物亨矣執迹以求之而來往者無形狀然其生長收藏之紛若而鬱然其布濩者無形之形共形矣神與氣精理爲各賦現兩儀之撰呈

道藏輯要

玉皇心印經註

一

箕集九
四二二三

四象之光而寔基乎太極無極之根源不曰端倪之可指虛
虛實實無有有無彌綸動靜中各自有其化化生生而迥非
誕幻然欲細摹其情態而卓乎曲盡其形容則仍聽之而無
聲索之而無臭夫是以謂之爲恍恍爲惚惚是爲杳杳而冥
冥雖然既名之以恍惚杳冥矣則自有其所以爲恍惚爲杳
冥而非予人以昏默是故君子卽虛以責真謀有於無無
存無守有頃刻而成

蓬萊道人曰建非常之業而責成於旦夕間則根源未極於
堅深一發而旋枯且竭存而守者謂含光內照密於有意無
意之天也功無懈於須臾道自豁然於一旦泉之達實之繁

道藏輯要

玉皇心印經註

二

箕集九
X88三

知其靈孕於根源時至而幾莫禦矣且所謂道者惟是煉精
煉氣煉神復化有爲無而結大丹之體也丹原玄妙其迹似
無丹不空虛其形似有無無爲至無可以化而爲有有爲
至有其來實根於無卽有卽無卽無卽有夫是爲恍惚爲杳
冥顧見爲無矣而不識無中之有知爲有矣而莫知有生於
無任虛浮者罔求實力恃可恃者玄想弗能真何以存何以
守也至如舍近而馳遠厭淡而好奇是又忽其無忽其有忽
無中之有有中之無不守不存而藥胥銷燦故當無聲無臭
之會不敢蹈空寂然枯滅翻求根蒂一意攬存更於有色有
相時紛然可據定心固守不致坐荒勿正而勿忘徐以候其

自化真積乃久自相與於有成胎結陽團有不期而自得者故云頃刻而成也頃刻之爲言效甚神而至速也

迴風混合百日功靈

無上宮主曰余曠曩有言辛苦二三年逍遙千萬劫謂二三年者統養藥結胎之功候彙前後而言之也藥苟養成根深而體固則丹成胎結百日而功自靈矣然結丹之功曰迴風曰混合風也者身內自然之呼吸真氣之往來無影也而無聲至神也而至速當羣藥萃乎鑪鼎取中宮離火相炙相薰按節鼓風以候自然之火氣火饒一分藥化一分錯落零星有如黍米然後散者收使聚混合而成一粒之珠其色紅黃

道藏輯要

玉皇心印經註

三

箕集九
X廿上

其形圓固夫乃可謂之丹成乃可謂之胎結迨既成且結同思煉度之初相距止需百日始知經不我欺也至功而曰靈示神異也夫以浮埃之面目進而躋真聖之階慧澈古今光垂天地此實乾坤之至樂而人生不可緩之圖乃萬年不朽之榮華第開基於百日是何如之效而功不謂之靈耶過此關津名標仙籍縱未還虛合道亦尸解羽化作蓬萊之列仙倘面壁深山靜候玉詔大羅座上萬古無疆獨何爲憚百日之修而不奮庸靈路也

默朝上帝一紀飛昇

醒眼道人曰香篆解佩瑞拂珠旗入駕行而觀龍光事屬飛

昇以後今也丹還九轉神出三關雖鑿破洪濛別開面目而
未得還虛合道安能詣闕趨朝然經曰默朝非卽躬參玉陛
也句蒙一紀飛昇之上是默朝而後遲之又久而飛昇也蓋
嬰兒既育以來一切塵囂謝絕對空山之風雨惟面壁以跏
趺湛寂一心銷融九載消融湛寂九載一心如指筭升階不
違顏於咫尺若垂紳侍立叨醉酒於笙簫默注神凝念念潛
通帝謂迨至九年告竣合體清虛萬化生心乾坤在手自沐
彌羅之詔乘鸞跨鶴而飛昇矣一紀云者從養藥三年迄於
九年面壁始終一紀而證金剛不壞之身當是時也於斯境
也提將日月歸玄象跳出扶輿見太虛陶鑄陰陽而不受陰
陽之陶鑄神明變化並自忘變化於神明以十二載之行持
成億萬年之德業嗚呼其亦可以奮然興矣

知者易悟昧者難行

釀花墨客曰蓋人心有覺而道體無爲故真機雖不斷其取
攜而要不能強其所不欲知者其天朗其性空或根柢於前
因或誠求於篤好當其未與道遇已如秋月冰壺見色生神
觸形流影或脉脉於真師之指授或兢兢於古訓之昭垂徹
始徹終一片靈機躍躍而至若天資闇汶嗜慾沉淪茅塞其
心而牯亡其性或日迷於霧障或方信而狐疑種種生魔卒
昏性海嗚呼人之度量相越豈不遠哉是故道本無私也而

道藏輯要

玉皇心印經註

四

箕集九
X811

亦若有私私也者私於其人之高朗而賦性之虛靈也不昧前因而一心之篤好也彼昧者之冥然罔覺若浮雲之蔽太清日與道違而道亦與之日遠遂若私其所獨眷而他人不得以旁參雖然知者自知也昧者自昧也昧者不自安於昧則旋底於知知而不自保其知則亦流於昧爲知爲昧存乎其人生安困勉之途其亦何常之與有故覓玄子曰大道本來人具足可憐塵世少人知

履踐天光呼吸育清

三山笛史曰履踐者飛昇之體呼吸者胎息之功當其未至飛昇隨處光明正大如星如日不涉於昏沉而至如胎息之

道藏輯要

玉皇心印經註

五

箕集九

時矢以潔清湛寂不流於穢濁而念與道凝天光澄澈於心清氣滋含於內證仙成道此其大略云雖然履踐非舉足之時實周乎視聽言動之大凡而統該乎內外精粗巨細矣功深於克復而凜若冰淵意極夫精誠而盟諸金石時以五體三花爲念而身心普燭以天光胎息者以神御氣以氣定息胎因息生息因胎住始之以呼吸息息相依內照默存神注氣母如婦人之孕子如小龍之吞珠來往周旋一息不間自得天之氣混之地之氣混之人之氣混之清明呼吸及時而育育既皆清而渣滓悉去火候力足自聖胎成就而金丹返還矣古云真人潛深淵浮游守規中權衡開與闔呼吸往來

風卽此意也既踐天光復育清氣自成胎息而飛昇矣然必先之以履踐俾眞固其本根而後施呼吸之宜乃得丹元醞釀不然者行之以凌躐亦未見其有濟云

出立入牝若亡若存

蓋縷道人曰立牝者不依形而立權體道而生似有似無分左分右眞息所由起元氣所由滋察其形圓高中起狀類蓬壺黑白分明象同鷄子其色如錦其運如環中廣一寸二分包一身之精粹按其位在乾之下坤之上震之西兌之東坎離水火交姤之鄉人之關元天地之正中所以爲瀨氣之都眞神之地問其名則太極之蒂先天之柄虛無之系造化之

道藏輯要

玉皇心印經註

六

箕集九

源混沌之根太虛之谷歸根竅復命關戊己門庚辛室甲乙戶西南鄉黃中宮眞一處丹元府守一壇僊月爐硃砂鼎龍虎穴黃婆舍丹爐土釜神水華池帝乙神室靈臺絳宮種種異名而實則爲立牝人之生也精神魂魄交會於斯還丹結胎舍斯奚向故悟眞篇曰要得各神常不死須憑立牝立根基眞精若返黃金室一粒明珠永不離修真者當三年藥足百日功靈眞人浮游於規中陽神飛躍於闕際毋蹈於無爲毋形於有作毋落於懸想毋泥於執持或出或入宛轉關生然其出入也不可以有心想守不可以無心求以有心守之終莫之有以無心求之終見其無謂之爲亡而躍然有物謂之

爲存而杳然無象存亡莫定出入無常若何可也惟凝慮澄
心不間不數候氣安和眞陽融化以呼吸爲出入又以出入
分左右靜極而嘘魚遊春沼動極而反蟲蟄土膏應念而入
應念而出氤氲開闔其妙無窮少時便須忘氣合神一歸混
沌致虛之極守靜之篤心不妄動無去無來不出不入湛然
常住是爲眞人之息以踵踵者其息深深之意也故苟知玄
牝之眞知玄牝中之何物與夫出玄而入牝若存若亡之化
機守以小心行以大力便可識爐識藥識眞人之浮游以一
己之性靈用於眞粹之地誠因明蘊明以誠生則采取在此
交姤在此烹煉在此沐浴溫養結胎脫體罔不在此而證聖
而慎思之

綿綿不絕固蒂深根

無上宮主曰根之深者華自茂蒂之固者實乃堅故究極其
終則灼然而眾著屹若崧衡之矗立而介然如金石之貞第
原其始而言之惟其息深深乃達之亶亶其從無爲有也祇
此空空洞洞之所凝其從有至無也莫非實實枚枚之所化
一腔眞意皆生於恍惚而杳冥夫恍惚杳冥猶知其爲恍惚

道藏輯要

玉皇心印經註

七

箕集九

而杳冥是由虛而實也知恍惚杳冥而難定其恍惚而杳冥則是由實而虛也實實虛虛出入於左玄右牝而存亡於若明若昧之餘則規中一竅結就金丹一粒而靈胎乃孕且生矣然時放時收在無差而無間相連如縷相續如泉似有似無乍生乍息極之一時一刻亦必纍纍若貫珠是經之所謂綿綿不絕者少數則炎少踈則冷時小則傷魄時大則傷魂以神馭氣而成胎尤以氣活神而體道也神氣兩相化而大道常醞於中息可住而胎可凝胎可凝而理自具易之所謂黃中通理者此物此志夫故白玉蟾於丹成時恍然而悟曰有無捻向箇中尋非淺非深自產嬰縷縷絲連關內氣根基道藏輯要

玉皇心印經註

八

真華九
X61

立定守真神由是言之真神貴能放尤貴能守放於四海則道充天地守於一穴則道蘊中元不密不疎蟬聯而絡繹而後其蒂固其根深華茂而實堅乃以飛昇證聖矣故修丹之要時措有宜以儲藥爲始基以立根爲究竟循途海至而首尾環生由是而百日靈一紀成踐天光育清氣出玄入牝而至心以默朝是爲修丹之中腹自時厥後功進而有加則了却超塵永締大羅真寶境儲三品者其由知而悟毋爲昧者之難行也

人各有精精合其神神合其氣氣合體真不得其真皆是強名邱長春真人曰僞者不可亂乎真真者不可參以僞僞名斯

核實非以強名名之也且人而名以真人必成於其體之真而合真體中之真精真神真氣也蓋人各有體精固之神運之而氣以充之故精神氣與體偕非後起而非強附也然體則惟一而精神氣則爲三三與一俱來而一因三實體之賴有精神與氣也不可離也精者何天之根地之軸山之泰岱水之崑崙父母之樞機而身心之關紐也後天則有象象自心生先天者無形形因心滅有象之精假無形之精真惟真乃名精實與有生而俱賦迨至後天之弗保因以戕賊乎先天然而有象與無形缺一而體奚由立顧體之立也立於精也變動而不居神爲之運也故舍精則神無所本無神則精

道藏輯要

玉皇心印經註

九

箕集九
X一X

亦凝滯而不能周惟精合其神精斯與神一而至於一身之氣則又體之所待以生者也氣之於神猶精與神之相麗也然氣之爲氣不附於精而附於神神以運爲能而氣以充爲量至剛至大卽至靈至巧之所生不濁不虧亦卽不屈不撓之所養故神與氣合斯精亦相著三品相與以有成夫精合神神合氣三三而化一自一一而根三三無一而弗融自一無時而不足夫是爲真體真體卽真人人而真則精氣與神合同而化既不參以僞而名豈強名而不然者雖名之以精氣神游散而不相屬也三者與一不相屬則是爲虛器爲寄生精神與氣且不真而奚名真體所有非實有故曰強名抑

解是經者謂經所云體本體之體也非身也然精神氣之非眞則三品已皆非本體官骸肺腑廓落而空虛罔之生也卽形體亦非其本體故曰眞者不可參以僞僞者不可亂乎眞神能入石神能飛形入水不溺入火不焚

無上宮主曰經言精合神神合氣是氣精二者一神之統貫而始之終之者也以精與氣合於神神之爲用尤大矣蓋神雖與氣精合不與氣精同氣精以先天無象者爲眞而無象之中嬰兒姤女鶴息龜胎猶有形而有跡矣神則不凝滯於物物亦不能滯我神而又合精氣以成能非若尋常之恍惚故石者至堅之質飛者致遠之言神經百煉餘而統精氣以

道藏輯要

玉皇心印經註

十

箕集九

合一鋒銛磐郢銳勝水心倏若追風疾如掣電以至堅而入質堅之物斯堅固不摧以致遠而爲凌遠之行斯遠無或禦至若坎離配象而龜蛇日月各有分司則旣濟以來夫豈凡水凡火所能制故三品皆爲上藥而神則統貫乎氣與精合氣精以會於神而神遂爲聖不可知之詣故大易以陰陽不測歸其極於神云

神依形生精依氣盈不雕不殘松柏青青

鐵杖老人曰道以虛而合而虛者亦非懸而無著之名也蓋物恒有所憑依而理亦相爲附麗是故神無象也精易虧也易虧而弗虧無象而求象非鏡花水月可擬諸其形容也神

之質在形是以無象生有象精之原在氣是以易足化易虧
象以形昭亦象以形晦不以至昭昭至晦而昭昭者自生生
精固易虧而氣恒至足故氣常周於四體而充滿則自生精
精無氣則枯有氣而精斯不涸不枯不涸乃曰真精且夫耳
目官骸形之所具三關六腑形之所函彼修道而養神者將
以求夫一粒玄珠永作闕元之鎮者也且將以神之所化彰
往而察來勁則摧堅飛而致遠水不涸而明珠出海火不焚
而紅日經天以之煉虛則處處非虛以之合道則道中生道
此真神所運非倚著而依於形也然使舍三關離六腑則神
亦無舍而出入也於何歸故其依形生猶日月之麗乎天而
百穀草木之麗乎土也精依形而蘊實依氣而盈氣充則精
與俱充氣詘則精因亦詘故欲精華之上達非氣則莫升欲
精髓之下垂非氣奚由降譬則枯條槁木無復有發榮滋長
之觀者精液之無餘而實則氣機之先盡也以知精之由蓄
以氣而盈矣毋勞爾形而凝神以內謚毋暴其氣而養厥真
精形既完焉神因以固氣之養也精以充周栽者培昌而熾
是以如松如柏蔽日而干雲

三品一理妙不可聽其聚則有其散則零

三山笛史曰天道有陰陽一元之所化人身有三品一理之
所涵故精氣與神皆天所付道所包不離人而命名亦不離

性而成象也第從其分而論之精有盛衰少壯也氣有長短屈伸也神有清濁昏明也判之則爲三三者之中區以別而以言其合理本一元精生神神生氣氣生精來往循環互爲倚伏有一而無兩安得曰三以一分三以三合一惟淵惟默宛轉關生知其然而莫知其所以然微妙殊堪繹也是故精爲主氣爲輔而聯貫以神無一念之離無一時之間團凝保合斯爲採藥而修丹而如離氣而言精離神而言氣區分三品而無當於合同而化之真縱欲成丹而丹將於何結矣且旣歧三品而分畔則神未足而精已耗氣未充而神已昏其緒未清而三品之本真亦失故曰其聚則有其散則零

道藏輯要

玉皇心印經註

三

箕集九

七竅相通竅竅光明聖日聖月照耀金庭

醒眼道人曰日月之懸象天之光見聞聲臭之憑依人之竅一塞則皆塞一通則皆通通本性生塞因慾窒去其慾而和其性則塞者漸通塞者而皆通則永通而無復塞然通非直通於外也僅通於外則凡能視能聞能聲能臭何關於性命而何益乎丹元經之所謂通是合精氣與元神凝結而嬰兒以育出入於五官之際而莫窒其靈機以七竅爲門庭以泥丸爲襁褓光瑩晶燦竅竅皆然是誠照耀於金庭而光如日月金庭也者非二十七洞金庭崇妙之天也在內曰靈臺在外曰天壤光華晃朗洞達澄涵暗室舒光虛齋生白故光通

於竅莫不光明也而不然者通不終通則通也而究不殊於
聾瞶夫聾且瞶矣曾是金庭之照耀聖日聖月云乎哉

一得永得自然身輕太和充溢骨散寒瓊

來來道人曰求在外者尸其柄於人身具之而身得之天人
不能奪是故藥之養丹之修修養失其宜有追終身而弗得
者有所得則廓之愈大而保合太和然必持之於將得未得
之先而後効靈於既得當其三品足而一元固龍虎調而日
月昭周習坎於華池照重離於玉鼎黃中通理美在其中涵
育薰蒸而操存無間所得爲真得而積小有高大之觀則所
欲者從心應念而皆效一粒易分千處月隻身可作萬方人

道藏輯要

玉皇心印經註

圭

箕集九
又卅八

一息萬年所以爲安貞之吉也且太和之氣其洋溢也無方
天地以生成人以之久大渣滓銷盡而昭合清虛清心如冰
溫其如玉甯有不高飛輕舉而丰骨珊珊者耶原其初則如
履如臨旣和倪而繕性泊其後自如圭如璧斯德盛以化神
理無待於外求道隨時而具足故君子欲其自得而本立者
道自生

得丹則靈不得則傾丹在身中非白非青

釀花墨客曰孕育乾坤交融水火彌綸川嶽配合陰陽丹之
爲用誠大矣然得不得存乎已而靈與傾不在人得則七竅
明三關闢察來彰往飛形入石而上達乎天而不然者漏鼎

搖風空鑪煮藥金銷土燥水涸火焦傾者固其所自傾而誰執其咎且丹之得也本無色相之可名非白非青而靈光湛湛小藏一芥大載地天然上際泥丸下垂湧穴非天所得予非人力之所助而成其得之也自求之其傾之也自失之知其卽身而自具而煉有所歸焉矣是故合知行貞定靜操存體固無間於須臾本憂勤惕厲之深衷而永之爲湛寂眞常之實學求其得而防其失致其靈而戒其傾則丹從此修道從此獲三品從此而渾化而詣極天人有志修玄者其毋自昧於由來之地第反求諸己而心印印於心矣

誦持萬遍妙理自明

道藏輯要

玉皇心印經註

古

卷九
四八八

蓋縷道人曰凡書必有理理必求明心印一篇無量度人之真諦也古今信善持誦者紛紛究其窺其奧妙之所存非誦之不真乃誦之不得其微耳且誦非口誦在誦以心口誦而心維其微乃得夫微妙之地非淺嘗者之所能窺萬遍云者謂念茲在茲索之既專而且久也文入妙來無過熟熟則巧生焉萬遍之餘經之義蘊從心化篇之外篇之中篇之前篇之後優游而饜飫而理無不明矣倘曰淺嘗將以何物爲三品何象爲杳冥問有無而不知其爲守爲存卽玄牝而不知於何出入歷之百日功何以靈一紀之間飛昇何自視祖氣爲繼起而不知呼吸之非真錯解精與神而不識先天之別

功於何始效於何微嚴求通而反閉其光丹欲靈而轉傾且
失經雖誦也直若俗儒之佔畢而無實得於中也

道藏輯要

玉皇心印經註

圭

纂集九

終南八祖說心印妙經解

爾時

東華帝君

正陽仙主

道極天尊

孚佑上帝

普鍊祖師

光垣尊仙

妙法元君

瑤華仙子在道禪境下寶覺壇中蓮花錯落白鶴繽紛有修玄

道藏輯要

玉皇心印經解

末

箕集九

諸弟子望玉籙首誓願修行於是

諸天尊降蓮臺而說心印經曰人生天地萬物之靈惟心印道
惟道印心印無所印心無所心心印於事厥體必紛心印
於物厥體必淫於無印印於無心心從無宅印從無精
一靈不昧善果臻身夫人有心而自失之人能印而自棄
之失非其失則可有心棄其所棄則可能印若善男子信
女人日持此經即知其心既知其心即知其印既知其印
即知非心有心既知非心即知有印非印印不印印心無
心心眞神眞氣合我眞精一元三品是印是心斂情斂意
忘見忘聞青龍擾海白虎歸林坎離成象日月分明子午

火起卯酉爐停三年乳哺一紀飛昇如此真道名得真心
眞心一得七竅皆靈惟靈則靜敬爲靜根主敬守一自然
印心印心心印妙哉眞經

諸天尊說經已畢修玄弟子各各踴躍歡喜稽首謝恩於是
天尊齊齊拱手而說偈曰

混沌乾坤一氣分

眞精妙合產蒼生

性中有性歸原性

心外無心去妄心

若得道時勤鍊度

倘離經處自紛更

我今普勸修玄士

立志修玄玄便眞

心印經序

空洞道人心印經註成頤翁三讀之喟然而嘆曰大哉心乎宇宙之謂與萬靈之府虛無之谷不可以起滅識而起滅無不在者也妙哉印乎契券之謂與交易之門神明之宗不可以操舍計而操舍無不由者也夫以一心而內攝精氣神則精氣神莫非心也以一心而外矚斗日月斗日月莫非心也以斗日月近之而精氣神以精氣神遠之而斗日月無事乎引而若引也無事乎推而若推也內之外之上之下之泛泛乎如在左右恍恍乎如啟戶牖寂然而應響曉然而流光昏然而不知其所以極印在斯乎帝之所以凝神統化而爲萬物造命定性者也空洞

道藏輯要

心印經註

太

箕集九
川升八

子有見於是故直指水竅光神之密而以風波相沓寓其象夫月到天心風來水面天地精神之至也堯夫邵子得意於其間故樂至於無可奈何夫樂則生矣樂至於無可奈何則生無其生而亦不能死矣此空洞子拈花處也讀者參之

高上玉皇心印經

蜀抱真子註

上藥三品神與氣精

修仙者採藥以煉丹還丹而合道其初必先明藥品上藥大藥也道生一一生二二生三三者萬物之真數故藥品以三神元神氣元氣精元精元神君思慮神元氣母呼吸氣元精長交感精其在天神象日氣象斗精象月在地神法火氣法土精法水在人神載性氣載情精載命神浮而精沉氣居浮沉之間

恍恍惚惚杳杳冥冥

道藏輯要

心印經註

五

真集九
卷之十一

道德經曰道之爲物惟恍惟惚又曰杳杳冥冥其中有精恍惚者神氣之樞旋杳冥者真精之胎蘊此合三爲一乃太極之根先天之宰所謂從道妙一孕玄分元日月之所由判天地之所由生也

存無守有頃刻而成

道德經云無名天地之始有名萬物之母始卽道神之所由君也母卽德也氣之所由根也契云上德無爲不以察求下德爲之其用不休傳明之曰上閉則稱有下閉則稱無無者易空有者易物存則空生守則物化顛倒之則竅妙同玄有無相入頃刻者候中之候此化三歸一鍊精而作地仙之道

也

迴風渾合百日功靈

風者天之號令氣巽始於無形於有候於黃鐘吹灰乘於水
火土木返之曰回風遇火則疾可以鼓火可以滅火鼓火之
風順滅火之風逆過土則寂可以燥土可以潤土遇木則匹
可以散木可以拔木遇水則激可以漲水可以竭水回風則
火木土水俱迴而生金渾合者一也如水風相遭波在風中
風在波中豈非金水合處之妙哉百日氣完基固此鍊氣而
結胎仙之道也

默朝上帝一紀飛昇

道藏輯要

心印經註

三

箕集九
三三三

上帝居高上洞元卽契所謂上有神明居也朝者以下奉上
復初返元之意默者回光襲明一紀者十二年極月數也飛
昇則移居上苑此鍊神而化飛仙之道也行之三乘以漸道
則一也

知者易悟昧者難行

道本無難易知行亦無二致而人之智愚分焉知者返求諸
己而徵於天地時物故易悟昧者馳心於外而蔽於愛欲故
難行

履踐天光呼吸育清

履者循其跡踐者步其紀天不自光以日月星爲光循其跡

則日有昏曉月有弦望星有建次所以觀天也步其紀則迎
日推月合辰所以執天也履踐有順有逆順者人即地以法
天逆者人契道以先天並行一致者也呼吸者息也呼則關
吸則合呼吸之間一生焉清者天之一即光之根也動物之
生恃乎息息者人得天之一以人一養天一光風相搏而道
居焉

出玄入牝若亡若存

以其分而言之玄天牝地出也以爲入入也以爲出以其合
而言之玄牝一而已出入有無同門合化存亡一其候若者
其象其物之眞

道藏輯要

心印經註

三

莊集九
州卷八

綿綿不絕固蒂深根

獨往獨來無有斷際柔若水剛若金道之自然其妙如此花
有蒂蒂在上樹有根根在下固蒂深根精神水火歸一之地
也

人各有精精合其神

易曰男女構精萬物化生人秉乾坤之眞一以生精雖藏而
不見乃爲妙有生本世人以妄想感之順而成人不知先天
眞壬即含於癸所謂上善若水清而無瑕者是也知其時因
其動而制之使沉者就浮以合於神則壬丙相交鉛投汞矣
神合其氣氣合體眞

神無而氣有神靈而氣動人以神爲神斯墮於夢想能反觀焉則有無合靈動交而神化致一神同則明氣定則變明者有象變者有物也神合其氣吾見其明以變又孰知物以象乎體者人之形質宅氣之府息以踵則大氣符妙氣妙氣生真氣故體亦真

不得其真皆是強名

名所以表真法於自然者也失真則名不立

神能入石神能飛形

石金類形屬土石至頑而含金玉形塊然而化光明皆神爲之自外淪內曰入自伏之舉曰飛易曰神也者妙萬物而爲

道藏輯要

心印經註

三

箕集九
川廿上

言者也

入水不溺入火不焚

水火一神而已水能溺其非水者而不能溺水火能焚其非火者而不能焚火入則渾然而一一則道

神依形生精依氣盈

形爲器形者神之舍氣爲母精者氣之子邵子曰天依地易曰日月得天而能久照相依則互用互生顛倒循環無有窮極

不雕不殘松柏青青

木德之厚者松柏人青帝之所始化也木類也能返樸則受

氣足如松柏青青而長春

三品一理妙不可聽

神氣精自道言之本一自藥言之有三三一其理可稽以神爲主者則鍊精氣以還元神以氣爲主者則煉神精以還元氣以精爲主者則鍊神氣以還元精曰三元三性三家三丹之說悉本於此分而爲六候陳而爲九鼎序而爲八十一之火符其實一而已一卽神也卽精也卽氣也卽元也卽丹也卽道也此元始以一音流轉者也道不能無言有言皆明三三數無盡言三則萬生得三忘三則知一知一妙一言無可言言復無聲何可聽

道藏輯要

心印經註

三

集九

其聚則有其散則零

得一聚三則有失三散一則零聖人逆而聚之常人順而散之聖人以無爲聚故有衆人以執而散故零

七竅相通竅竅光明

七竅皆居首爲載陽之器火數七眼耳口鼻四而竅七火體金用而水注之者也水卽精也金卽氣也火卽神也生之來謂之精水爲元卽立也竅卽牝也而火金之用行焉火金者日月之體光明之主也火光而金明立牝之門在焉相通則天門開七竅爲一而清立育故道立焉

聖日聖月照耀金庭

日月者乾坤之至精聖日聖月者坎離之真光道主之天地不得而私有之者也金庭卽黃庭天之黃道也日月行中而合符化金耀於其庭焉

一得永得自然身輕

呂祖曰天地三才人得一既得一永無失蓋以三致一得則永得矣以一鍊百骸百骸無不一鍊一化一斯化形備矣

太和充溢骨散寒瓊

太和元氣自中達外無不充溢所謂黃中通理潤澤達肌膚也

道藏輯要

心印經註

卷

第九

得丹則靈不得則傾

丹者金火之妙用火性能鍊金能消金善用火者金火相伏食而還靈不善用火者火焚金而命失慎哉

丹在身中非白非青

白金色青木色丹由金木併一則金木兩忘無色可指金剛經云以色相見我以聲音求我是人行邪道不得見如來

誦持萬遍妙理自明

大丹賦曰千周燦彬彬萬遍將可覩道妙心明轉經自得可也

玉皇心印經注序

玄谷帝君曰朕聞心印經者乃無上玄穹主金闕大道君之所
述也其辭恢奧其旨淵微闡敷至道之玄機剖露性命之根蒂
實登真之徑路爲度世之梯航學者苟能造其理達其辭窮神
以知化參玄以入妙知心爲一身之宗操養不失勿塞勿閉四
闕光明天宇泰定虛室生白卽心是印卽印是心心印相融上
下洞徹如月現於江似星涵於海眞空寂照一性超然不知孰
爲心孰爲印至於心印俱忘神與道俱返其天真則心印之妙
自我而得之矣朕嘗誦其言味其理實有得乎中因取以註釋
用授諸梓流傳於世以爲修真養生之旨趣夫豈無所補云故

道藏輯要

心印經

卷

其集九
川X上

序

成化十九年仲冬吉日

上藥三品圖



讚曰

玄元始炁太極精華理無二致三者一家擎天柱地飛景流霞
收歸金鼎結就丹砂



道藏輯要

玉皇心印經解

玄谷帝君拜讚

雲 箕集九

玉皇心印圖



讚曰

即心是印以道爲基操存在我用舍以時干眞敬禮萬聖受持
守中得要堯舜是師

玄谷帝君拜讚

玉皇心印經

玄谷帝君注

高時明參閱

上藥三品

註曰上藥者卽身中精氣神之大藥也金石草木飛走之類不可以喻之神曰上品氣曰中品精曰下品故曰三品精能生氣氣能生神榮衛一身莫大乎此知之修鍊積精化爲氣積氣化爲神鍊神返虛則與太虛同其體矣

神與氣精

註曰神者乃元始祖神精乃先天地精氣乃混元祖炁實太

道藏輯要

心印經

卷

箕集九

極之英華人身之大藥若非此三者人從何生或以思慮神呼吸氣交感精而比喻則去道遠矣

恍恍惚惚

註曰恍兮惚其中有物蓋言其中有真一之氣存焉若能於恍惚中採此真一之氣丹道成矣

杳杳冥冥

註曰杳兮冥其中有精蓋言其中有真一之精存焉若能於杳冥中採此真一之精丹道得矣

存無守有

註曰無者乃龍之象喻身中之氣有者乃虎之形喻身中之

精龍虎雖人身中而無形狀今以氣比龍以精比虎龍爲難降之物固當存之虎乃難制之物固當守之若以有無交入龍虎相投精氣凝結存之守之則大藥成矣

頃刻而成

註曰頃刻而成丹者此聖人開悟學徒進道之速也其行功進火溫養調護必須三年九載方獲有成矣

迴風混合

註曰迴風運氣混合萬神此奪天地大造化之機知之者則宇宙在乎手萬化生乎身矣

百日功靈

道藏輯要

心印經

天

集卷九

註曰修丹鍊已功須百日方見靈驗而欲奪天地大造化必須積功累行三年九載斯至上聖高真之地位矣

默朝上帝

註曰上帝卽上天也在人身中求之卽元神元氣元精也默朝者靜中存想飛謁也元神卽元始天尊元氣卽道德天尊元精卽靈寶天尊也默朝者豈有外於一己之精氣神哉

一紀飛昇

註曰一紀一周年也學仙之權術積功累行日積月就道成果滿上膺天詔金簡記名豈不謂之飛昇乎

知者易悟

註曰內鍊之理實非高遠難行之事知者過之愚者不及也
殊不知道寓於天地間無物不然一語一默一動一靜莫非
至道存焉知其理悟其玄則仙道可冀矣

昧者難行

註曰昧者意既滯於物心不在乎道貪名逐利而流浪生死
雖知有大道而反以爲不足行故曰難行吁亦自殆而已矣
履踐天光

註曰宇泰定則發乎天光大修行人方天光陽生之時真氣
漸至卽當履踐採攝其氣以歸中宮而結內丹矣

呼吸育清

道藏輯要

心印經

无

真集九
三三

註曰呼者濁氣從有而出吸者清氣從無而入人能效天地
升降之氣育其清者而賓爲陽則身仙矣經云呼吸元氣以
求仙是也

出玄入牝

註曰玄爲天屬陽牝爲地屬陰玄牝雖本乎無中來而二氣
得升降行乎其中所以天長地久人知身中玄牝一竅虛中
不屈則與天地同矣

若亡若存

註曰道之在身杳冥恍惚立乎無方似有若無隨時而寓一
本萬殊放之則彌六合卷之則退藏於密豈非若亡若存乎

綿綿不絕

註曰內功修鍊在乎息上功夫使其綿綿若存真氣入乎其
中務令多入少出則神識得定矣經云故至誠無息不息則
久深得養生之旨矣

固蒂深根

註曰物生大塊間各有根蒂天有天根地有地根人有人根
真種卽人根也人能固其真種則蒂固而根深矣真種二字
存乎真師口訣

人各有精

註曰精者人之至純至粹者也資生六脈周流一身若人精

道藏輯要

心印經

三

箕集九

全則五內發光神完氣固百病不生精竭則神光落而致死
亡矣

精合其神

註曰神者乃一身之宗非精以助之則無以合其神精若不
走散充足則神住舍而不外馳矣

神合其氣

註曰氣者乃一身之帥非神以衛之則無以充其氣神若不
飛揚定寂則氣歸元而不外散矣

氣合體真

註曰真者乃太極之本真也生育天地主握性命人若呼吸

元氣一依其度則與天地同體矣

不得其真

註曰精氣神之在身榮衛一身之天地猶水之有源木之有本倘一耗散無全則失其本真矣

皆是強名

註曰大道本無名強名非是道世人所以不得真道者無他以其精神耗散失其本性而已矣

神能入石

註曰神化無方隱顯莫測出造化而無形入金石而無影何莫而非一神之所爲矣

道藏輯要

心印經

三

真集九
川志

神能飛形

註曰形以道全非神以輔翊之則不能以飛其形矣真仙上聖乘風御氣飛雲走霧皆仗其神是知神妙萬物而不可測者也

入水不溺

註曰水者北方之正氣在人屬腎主精人能窒慾攝精養腎使腎水不下流氣生其中則不溺於愛河矣

入火不焚

註曰火者南方之正氣在人屬心主血人能懲忿調血養心使心火不上炎神生其中則不焚於火坑矣

神依形生

註曰神者形之主形者神之舍神非形不生形非神不立形神俱妙則與道合真矣

精依氣盈

註曰精者氣之元氣者精之佐若精能依其氣氣能歸其元精氣盈滿於一身則百骸俱理矣

不凋不殘

註曰精神之在身充溢五內肌骨俱發光華徧體冲和如陽春之行乎時也熙熙皞皞品物咸亨豈有凋零哉

松栢青青

道藏輯要

心印經

卷一

真集九

註曰松栢耐歲寒之物也根株不改枝葉長春聖人功滿天地德積厥躬精神充富道氣洋洋豈異於此哉

三品一理

註曰三品訓見首句一理卽一本萬殊也言其精氣神名雖殊而本則一也

妙不可聽

註曰聖經妙典大梵真詮玉韻琳瑯萬神敬禮非世可得而聞也受持聽聞者宜加欽畏

其聚則有

註曰聖經言人之有生非自生也以其精氣神三者其聚而

生之也若能保精馭氣育神則何患不致長生矣

其散則零

註曰聖經言人之輕死非自死也以其精竭氣散神亡而死之也修真之士諦聽此言可不哀哉

七竅相通

註曰七竅者七元之孔竅也在天應斗之樞在身立人之極外應耳目口鼻連絡腑臟生精血令人聰明又有玄關一竅以統之矣

竅竅光明

註曰此言一竅通而百竅皆通照見五內皆發光明龍精溢

道藏輯要

心印經

三

集九

體則聖賢現象矣

聖日聖月

註曰日月者乃坎離之至精烏兔之肝髓也有外日月內日月外日月者運行天地以照臨萬物內日月者榮衛人身而生魂魄豈非聖者乎

照耀金庭

註曰金庭者卽中宮金胎神室也人能採坎離之大藥盜烏兔之精華回光返照五臟皆成碧色豈非照耀金庭乎

一得永得

註曰還丹之理至簡至易一得則永得矣大修行入若能夙

值靈根得遇明師指開心腑了然頓悟立躋聖位豈非永得者乎

自然身輕

註曰丹道在身自然輕快乘風御氣出有人無道過無礙與道期期豈非身輕者乎

太和充溢

註曰太和者乃先天之炁也人能採此真炁歸於中宮以理百骸則一身之天地豈不充溢乎

骨散寒瓊

註曰人能保精育神採攝元氣則體泛瓊酥骨朝金色豈非

道藏輯要

心印經

卷

第九

骨散寒瓊乎

得丹則靈

註曰丹者乃天地之至精陰陽之骨髓人若得之則偏體通靈達聖矣

不得則傾

註曰不得丹之人精神離體魂魄飛揚則致傾命殞身矣

丹在身中

註曰丹者象月而生也只可就於身中而求之不可求之於外也身有三丹田故曰丹在身中金胎神室即結丹處非白非青

註曰丹之爲物飛神走聖通天徹地非可以色相求之若泥於色相則非可與言丹道矣

誦之萬遍

註曰經者非可以言語求之然欲探其理求其旨熟誦萬遍則義理幾乎明矣

妙理自明

註曰金丹至理微妙玄通不可思議若能探其旨趣熟誦萬遍則神明自現靈府自開玄妙之理自得矣豈不明且白乎有志於丹道者可不勉旃

道藏輯要

心印經

卷

第集九

胎息經註

幻真先生註

胎從伏氣中結

臍下三寸爲氣海亦爲下丹田亦爲玄牝世人多以口鼻爲玄牝非也口鼻卽玄牝出入之門蓋玄者水也牝者母也世人以陰陽氣相感結於水母三月胎結十月形體具而能生人修道者常伏其氣於臍下守其神於身內神氣相合而生玄胎玄胎既結乃自生身卽爲內丹不死之道也

氣從有胎中息

神爲炁子炁爲神母神炁相逐如形與影胎母既結卽神子自息卽無炁不散

道藏輯要

胎息

三

箕集九

氣入身來爲之生神去離形爲之死

西昇經云身者神之舍神者身之主也主人安靜神卽居之主人躁動神卽去之神去炁散安可得生是以人耳目手足皆不能自運必假神以御之學道養生之人常拘其神以爲神主主旣不去宅豈崩壞也

知神氣可以長生固守虛無以養神氣

道經云我命在我不在天地天地所患人不能知至道能知而不能行知者但能虛心絕慮保氣養精不爲外境愛欲所牽恬淡以養神氣卽長生之道畢矣

神行卽氣行神住卽氣住

所謂意是炁馬行止相隨欲使元氣不離玄牝卽先拘守至神神不離身炁亦不散自然內實不飢不渴也

若欲長生神氣相注

相注者卽是神氣不相離玄綱云緇銖陽炁不滅不爲鬼纖毫陰炁不盡不爲仙元炁卽陽炁也食炁卽陰炁也常減食節欲使元氣內運元炁若壯卽陰炁自消陽壯陰衰則百病不作神安體悅可觀長生矣

心不動念無來無去不出入自然常住

神之與氣在母腹中本是一體之物及生下爲外境愛慾所牽未嘗一息暫歸於本人知此道常泯絕情念物使神之出入去來能不忘久而習之神自住矣

勤而行之是真道路

修真之道備盡於斯然聖人之言不可妄乎凡胎息用功後關節開通毛髮疎暢卽但身中微微引氣相從四支百毛孔中卽往而不返也後氣續到但引之而不吐也切切於徐徐雖云引而不吐所引亦不入於喉中微微而散如此內氣亦下流散矣

胎息銘

三十六咽一咽爲先吐唯細細納唯綿綿坐卧亦爾行立坦然戒於喧雜忌以腥羶假名胎息實曰內丹非只治病決定

道藏輯要

胎息經

卷

箕集九

延年久行之名列上仙

一

二

道藏輯要

胎息經

美

集卷九

玉皇有罪錫福寶懺

雷霆猛吏都督辛漢臣著

具錄職臣某等謹炷眞香虔誠上奏

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊

寶月光皇后聖母元君

經筵啟問無鞅眞聖

道藏輯要

宥罪錫福寶懺

无

集九

侍宸拱御一切眞仙

臣等恭聞玄苑幽居

元始昇光明之座化身來集

玉皇演本行之經言往昔時有妙樂國王號淨德后寶月光處
儲嗣之乏傳勅道流而徧禱已經半載不退初心感

太上道君與諸至眞駕五色輦抱一嬰兒毛孔放光宮殿改色
從皇后之懇請賜太子以繼承生而神靈長而慈惠人歌謠於
有道化浹洽以無爲既捨國以付大臣遂入山而修至道行藥
治病助國救人初乃證於金仙後方成於玉帝昔未曾有嘆莫
能窮臣等曠劫受恩累生蒙化恨以愚迷之性積成深重之愆

敢不懺陳以千原赦爰仰遵於教典庸力致於悔思祈斷障以
消愆冀禳災而集福隨心滿願證聖成真方茲懺法之宣行首
望眞仙之臨降庶蒙哀憫遂獲感通伏願世界俱同琉璃仙眾
皆乘金碧九色瓊輪之輻輳十絕羽蓋以飛揚靈風奏樂以相
和寶花成蓋而徧覆鸞嘯鳳唱龍戲麟盤悉翔舞於天端咸下
臨於凡世俾天人而悅慶獲罪咎以蠲除倘副禱祈曷勝至幸
臣與弟子某等下情無任瞻望

高虛清明天主所說偈章以伸讚歎

道藏輯要

有罪錫福寶懺

甲

寶集九

金闕玄穹主 高上玉皇尊 妙相冠諸天 慈光燭三界
眞聖妙道師 天人依仗師 大乘垂法語 眞一指迷途
功德若虛空 讚揚無窮盡

具錄職 臣某領錄奉

大道弟子某等謹虔誠再拜上奉

三清上聖玉帝至尊

帝父帝母至聖至眞十方三界一切眞靈

臣等伏聞聖德無窮不容紀讚凡情有感當盡稱揚妙見妙知
固無等倫大慈大悲有希哀憫爰按經而稱述庶隨念以皈依
一十號強名未可讚難名之號十七光雖盡豈能窮無盡之光

大而曰天天亦豈擬其倫極而曰道道則皆從所出雖金口猶莫能盡豈塵世所可得知姑摭經言以揚

聖德伏願口宣一善在心之眾善皆生聲讚十名滿籍之罪名皆落仁愛和遜隨而增長智慧辨才漸可圓成與諸有情證無上道臣與弟子某等下情無任懇祝之至普與過往祖先見存眷屬塵寰品彙長夜幽魂傾倒虔誠皈依信禮

臣等志心歸命禮

玉皇大天尊玄穹高上帝

臣等志心歸命禮舉六通力 眾和

玉皇大天尊玄穹高上帝

以下每一句眾和天尊聖號各一拜

道藏輯要

宥罪錫福寶懺

聖

箕集九

臣等志心歸命禮

放大光明 白玉京中

黃金闕內

七寶玄苑

大光明殿

光明座上

聖中最尊

清淨第一

身寶光燄

色相妙好

幼而敏慧

長而慈善

仁愛和遜

功成超度

割愛學道

行藥治病

拯救眾生

廣行方便

恢宣正化

敷揚神功

助國救人

行忍辱故

放大光明

現希有相

是穹蒼主

浩劫之尊

妙見妙知

無等無倫

湛寂真淨

杳杳存

上聖上靈

大神通

光明藏

大丈夫

開化人天

教道無窮

大慈大悲

流煥法輪

玄理幽深

生浩劫前

運化古今

號最上乘

威德希有

無量功德

清淨自然

神明堅固 威靈恢廓 名聲周徧 無幽不燭 神妙巍巍
多劫行化 具大神通 分身變化 應現隨方 利濟羣生
普垂教法 開悟後人 神智妙達 莫可度量 大神通光
大慈悲光 大喜捨光 大忍辱光 大平等光 大柔和光
大自在光 大利益光 大如意光 大智慧光 大吉祥光
大解脫光 大皈依光 大功德光 大圓滿光 大無礙光
無能勝光 穹蒼眞老 妙圓清淨 智慧辯才 至道至尊
三界師 混元祖 無能聖主 四生慈父 高天上聖
大慈仁者 十號圓滿 萬德周身 無度量人 拔生死苦
臣等志心歸命禮

道藏輯要

宥罪錫福寶懺

聖

寶集九

同上

太上彌羅無上天妙有玄眞境渺渺紫金闕太微玉清宮無極
無上聖廓落發光明寂寂浩無宗玄範總十方湛寂眞常道恢
漠大神通玉皇大天尊玄穹高上帝

具錄職臣某領錄奉

大道弟子某等謹謹虔誠再拜上奏

三清三境天尊

昊天玉皇上帝

帝父帝母至聖至眞三界十方一切眞宰

臣等伏聞造道成眞蓋本過尤之寡從生入死端由踐履之乖
性一縱則過積甚於邱山心一悔則罪釋渙如冰雪故本行經

教之昭示乃罪福因緣之了明敢不萌於悔心仍復由其縱性投誠懇切望聖矜憐十惡五逆隨跪拜以消除三業六根逐稱揚而洗蕩不敢覆藏而自隱悉皆首露以力陳庶沐慈悲特垂原赦伏願萬目千條之罪言下立消多生歷劫之愆道前咸滅更盡未來之世長爲無過之人與道合真去聖不遠上及九玄七祖普同六道三塗蠢蠢羣生茫茫下土悉仗

玉皇之大德同消曠劫之深愆算過算尤盡善盡美臣與弟子某等下情無任懇祝之至普與過往祖先見存眷屬塵寰品彙長夜幽魂傾倒虔誠皈依信禮

臣等志心歸命禮

道藏輯要

宥罪錫福寶懺

聖

真集九

玉皇大天尊玄穹高上帝

臣等志心歸命禮願各各明了罪福因緣

玉皇大天尊玄穹高上帝

以下每一句取和聖號各一拜

願是諸惡業悉皆消滅

願五逆十惡悉皆消滅

願一切惡業悉皆消滅

願能滅惡心信向是經

願無邊聖教累承救援

願上聖殊恩得離地獄

願塵沙惡業隨心消滅

願曠劫已來罪消滅

願縱無明性罪消滅

願六塵徧染罪消滅

願三業繫纏罪消滅

願肆意任心罪消滅

願曾無覺悟罪消滅

願日積月深罪消滅

願背道違真罪消滅

願順邪棄正罪消滅

願舉心運念罪消滅

願不孝父母罪消滅

願不敬三寶罪消滅

願殺生偷盜罪消滅

願邪淫妄語罪消滅

願剛強暴惡罪消滅

願無恭敬心罪消滅

願出誹謗語罪消滅

願穢手污觸罪消滅

願葷口讀誦罪消滅

願講習俗語罪消滅

願共生戲笑罪消滅

願地獄中罪消滅

願餓鬼中罪消滅

願畜生中罪消滅

願邊夷外域中罪消滅

臣等志心歸命禮

道藏輯要

宥罪錫福寶鑑

四

箕集九

太上彌羅無上天妙有玄真境渺渺紫金闕太微玉清宮無極
無上聖廓落發光明寂寂浩無宗玄範總十方湛寂真常道恢
漠大神通玉皇大天尊玄穹高上帝

具錄職臣某領錄奉

大道弟子某等謹謹虔誠再拜上奏

三清三境天尊

昊天玉皇上帝

帝父帝母至聖至真三界十方一切真宰

臣等伏聞障未斷則蔽塞昏迷礙一除則通達明了陰霾去而
日復晴朗浮雲散而天自光輝倘未掃除甯免固蔽心未同於

天日障當去於雲霧仰元聖之垂慈宣斷障之妙法俾諸塵之無起庶真境之自明奈何凡夫之愚迷不能按法以修習未免緣情而逐境安能澄慮以凝神客夫外邪亂其至道敗靈根而盜至寶入俗網以墮凡流萬魔來攻一真遂失倘匪沐陶鎔之德豈能成斷障之功按妙典以懺除求諸障而掃蕩爰伸懇告悉丐矜憐伏願錫智慧劍以斷除庶煩惱障而消滅掃開淨翳使慧日之光華拂拭塵勞俾心珠之瑩徹凡身清淨道果圓成普同幽顯之兩途俱識圓明之一性永無流轉長獲逍遙臣與弟子某等下情無任懇祝之至普與過往祖先見存眷屬塵寰品彙長夜幽魂傾倒虔恭皈依信禮

道藏輯要

宥罪錫福寶懺

聖

寶集九

臣等志心歸命禮

玉皇大天尊玄穹高上帝

臣等志心歸命禮

以下每一句稱福天尊聖號人各一拜

| | | | |
|-------|-------|-------|-------|
| 願無起疑惑 | 願無起貪嗔 | 願無起淫慾 | 願無起嫉妬 |
| 願無起殺害 | 願無起凡情 | 願無起凡思 | 願無起昏垢 |
| 願無起聲色 | 願無起是非 | 願無起憎愛 | 願無起分別 |
| 願無起高慢 | 願無起執著 | 願凝神澄慮 | 願萬神調伏 |
| 願心若太虛 | 願內外貞白 | 願身得清淨 | 願超度諸難 |
| 願得觀慈顏 | 願咸蒙護度 | 願普聞妙法 | 願親奉供養 |
| 願永無流轉 | 願惡根斷絕 | 願玄都記名 | 願諸念不生 |

願萬緣頓息 願捨除妄想 願受持是經 願無所不容
願無所不納 願外邪不亂 願真宗不失 願靈根不敗
願不墮凡流 願不入俗網 願萬魔不攻 願得聞正法
願捨除結習 願修諸妙行 願具解脫門 願同清淨信
願同清淨解 願同清淨念 願同清淨行 願同清淨身
願同清淨心 願同清淨意 願同清淨果 願同清淨報
願同大慈心 願同大悲心 願奉戒專一 願冥心大道
願善護真宗 願孝養父母 願恭敬三寶 願竭忠於君
願不殺不盜 願不淫不妬 願不嗔不恨 願不驕不詐
臣等志心歸命禮

道藏輯要

宥罪錫福寶懺

聖

集九

太上彌羅無上天妙有玄真境渺渺紫金闕太微玉清宮无極
无上聖廓落發光明寂寂浩無宗玄範總十方湛寂真常道恢
漠大神通玉皇大天尊玄穹高上帝 舉

玉皇修證在香巖

普放神通十七光

爲教眾生除斷障

法門眞一廣宣揚

和不可思議功德

少息再起

具錄職 某領錄奉

大道弟子某等謹謹虔誠再拜奏啟

三清三境天尊

昊天玉皇上帝

帝父帝母至聖至真

天地水陽十方印明真宰

臣等伏聞無形無名獨高曰道有體有相甯免乎災天地尤有否終日月亦有薄蝕矧爲人類各蒙凡軀不能離乎數而超乎緣未免屬於星而隨於運前定之薄夙緣之重次舍以逆時命以乖豈免乎災甯逃乎難大而水火盜賊甚則疾病逃亡六極五衰七傷八難三災四煞九厄十纏鍾於國而國不能安移於歲而歲不能稔兵戈水火饑饉流離既遵奉於教條當懺懺於災厄伏願咸蒙護度悉獲消除回定數而解前緣退威星而平舛運在於一已餘殃以弭而厄會以消散及萬殊劫運可逃而

道藏輯要

宥罪錫福寶懺

卷七

箕集九
XOOL

洪災可免安處塵寰而動與吉會至度道岸而無使災侵已健人安天長地久臣與弟子某等下情無任懇祝之至普與過往祖先見存眷屬塵寰品彙長夜幽魂傾倒虔誠歸依信禮

臣等志心歸命禮

玉皇大天尊玄穹高上帝

臣等志心歸命禮以下每一句稱和天尊聖號各一拜

願苦惱痊平普蒙解脫

願山神衛護猛獸自退

願風浪頓止安穩達岸

願是諸惡賊悉自退散

願冤枉自伸卽得解脫

願眾邪遠避自然安穩

願一切災殃不能侵近

願一切重病便得痊愈

願諸惡鬼神盡自消滅

願咒詛蠱毒皆自消滅

願至度道岸無使災侵

願保命度災掃諸不祥

願一切諸魔自然殄滅

願消兵戈並起之災

願消疫氣大行之災

願消水旱蟲蝗之災

願消凶年饑饉之災

願消種種惡病之災

願消疥癩癰疽之災

願消憂悲苦惱之災

願消橫惡所加之災

願消牢獄繫鎖之災

願消非命自害之災

願消毒藥所殘之災

願消虎狼虫蛇之災

願消冤債牽引之災

願消值遇惡人之災

願消被他屠割之災

道藏輯要

省罪錫福寶懺

哭

箕集九

願消推落崖岸之災

願消邪精殘害之災

願消水火漂焚之災

願消刀兵誅戮之災

願消橫喪天年之災

臣等志心歸命禮

太上彌羅無上天妙有玄真境渺

渺紫金闕太微玉清宮無極

無上聖廓落發光明寂寂浩無宗

玄範總十方湛寂真常道恢

漠大神通玉皇大天尊玄穹高上帝

具錄職臣某領錄奉

大道弟子某等謹謹重伸奏啟

三清上聖玉帝至尊

帝父帝母至聖至真

天地水陽一切真靈

臣等伏聞福力崇高始有福緣之集善念圓熟方期善瑞之臻非天人而莫徵惟仙徒而可繼既未積修真之行而素虧好道之心甯免禱求以干敷錫按妙經之所載謂持誦而後能既已歸崇粗知習誦罪福兩途罪既除則福必蒙賜災祥二理災既消則祥必可儲既除罪於前定消災於後諒蒙慈憫必徇懇陳敢伸禮拜之恭庶沐簡穰之降露香懇請望帝仁慈伏願

德湛龐洪恩施曠蕩祥風廣扇普萬物以咸庥惠澤旁霑俾一門而胥慶五福歛錫而凡民均樂百祥來介而後裔繁昌世躋

道藏輯要

宥罪錫福寶懺

咒

箕集九
明三十三

仁壽之鄉長享綿延之福如居塵外不異玄中臣與弟子某等下情無任懇祝之至普與過往祖先見存眷屬塵寰品彙長夜幽魂傾倒虔誠歸依信禮

臣等志心歸命禮

玉皇大天尊玄穹高上帝

臣等志心歸命禮

以下每一句依前和號各一拜

願安樂快然神風遐著

願貴遇人君職務遷轉

願財寶充溢衣食自然

願慶流子孫傳之後代

願是諸惡星返降吉祥

願心欲願者一切如意

願衣食自然子孫榮貴

願出言希聞所至恭敬

願顯貴崇重光大其門

願吉祥熾盛災障不侵

願道根深重夙有善緣

願宿植道本廣種福田

願心有所請一切應奉

願仙丹妙寶隨意自取

臣等志心歸命禮

太上彌羅無上天妙有玄真境渺渺紫金闕太微玉清宮無極
無上聖廓落發光明寂寂浩無宗玄範總十方湛寂真常道恢
漠大神通玉皇大天尊玄穹高上帝

具錄職臣某領錄奉

大道弟子某等謹重誠上奏

三清三境天尊

道藏輯要

宥罪錫福寶懺

五

箕集九
川卷上

金闕玉皇上帝

帝父帝母至聖至真

天地水陽十方一切列聖恭望

洪慈洞同昭鑑

臣

等伏聞眾甯無願惟所願之不同人各有心

豈其心之可一墮者欲昇而賤者欲貴貧者欲富而苦者欲安
或求證道成真或務濟民利物各有所求豈無願者必待其滿
而後釋然仰惟妙道垂慈能遂眾生所願敢伸致禱曲賴昭孚
伏願俯察凡情特垂天聽隨機赴感應念從心或利己利他或
爲幽爲顯悉令志滿毋使願違臣與弟子某等下情無任懇祝
之至普與過往祖先見存眷屬塵寰品彙長夜幽魂傾倒虔誠

歸依信禮

臣等志心歸命禮

玉皇大天尊玄穹高上帝

臣等志心歸命禮

以下每一句依前和號各一拜

願天下歌謠欣國太平 願地獄眾生化生諸天

願三惡道苦一時解脫 願普爲十方演說諸法

願普放神光照燭法界 願六凡四聖普叨道蔭

願聖賢慶會普天興隆 願國土清平人民樂業

願凶寇自息邊域不爭 願運推數周正道當行

願一切枯槁復生枝葉 願短命眾生各得長壽

道藏輯要

有罪錫福寶懺

聖

集九

願六道眾生普蒙開度

願一切天人五衰四相永得除滅轉增天福

願王臣兆庶即得人天長壽之樂

願身或滅度乃得脫殼尸解之道

願一切諸魔安處天宮鬪戰之苦各得休息

願一切眾生離地獄苦得淨土樂

願一切餓鬼即得飽滿無饑渴惱

願一切畜生脫畜生苦得智慧樂

臣等志心歸命禮

太上彌羅無上天妙有玄真境渺渺紫金闕太微玉清宮無極

無上聖廓落發光明寂寂浩無宗玄範總十方湛寂真常道恢
漠大神通玉皇大天尊玄穹高上帝

具錄職臣某領錄奉

大道弟子某等謹謹重伸上奏

三清三境天尊

昊天玉皇上帝

帝父帝母至聖至真

天地水陽眾聖十方一切真靈恭望

洪慈洞回淵鑑臣等伏聞求道未勤豈能成道修真有素自可

成真諦觀本行之經深貴能持之者凡讀是經可稱真人之號

道藏輯要

宥罪錫福寶懺

卷

箕集九
三六三

若習其奧必臻仙道之成既再三懇請而斷障消災當究竟證
悟而造玄入妙爰伸懺謝以丐周成伏願道炁咸臻天福益固
超沉尸而起飛魄遊聖域而聽法音身處五雲神超八極千靈
敬仰萬神懾伏三界侍衛五帝司迎不失人身克成真道上資
家國下及民生俱入法門同登道岸臣與弟子某等下情無任
懇祝之至普與過往祖先見存眷屬塵寰品彙長夜幽魂傾倒
虔誠歸依信禮

臣等志心歸命禮

玉皇大天尊玄穹高上帝

臣等志心歸命禮

以下每一句依
前和號各一拜

願一切人民咸臻道炁

願白首面皺皆得化度紺髮朱顏

願少壯幼穉轉得形容光澤美好

願枯骨更生沉尸飛魄皆起復形

願得生十方諸大天宮 願仰朝玉帝各到道前

願嬉遊聖域餐聽法音 願依教奉行登真成道

願一切玉女持幢下迎 願獲宿命通遵奉大道

願展轉修持至登道岸 願神遷淨土蓮華化生

願了悟生死深入山林 願天魔外道悉皆懾伏

願自在逍遙號人中聖 願德慧長新同諸真人

道藏輯要

宥罪錫福寶懺

聖

箕集九
三〇八

願坐招自然天福益固 願身度三界與道長存

願得爲九天眞仙之人 願天真御几玉妃拂筵

願萬神班列諸天臨軒 願三界侍衛五帝司迎

願身處五雲光明赫奕 願上昇天宮眾眞下迎

願頓得超證無上妙道 願五帝輔翼召使羣仙

願御役神官運導陰陽 願千靈敬仰萬神懾伏

願百邪避路羣魔束形 願逍遙自在與道長存

願得證功德身一切有情被其蔭故

願得證神通身一切吉祥咸臻集故

願得證清淨身是詎惡業不能侵故

願得證威德身天魔外道不能攝故
願得證無等身上帝遙唱萬神敬故
願得證堅固身惡劫大難不能損故
願得證道藏身口出語言鬼神仰故
願得證慈悲身六道眾生賴其善故
願得證大道身出入所在無怖畏故
願得證良醫身善行妙法安樂人故
願得證光明身常爲帝光所攝受故
願得證自在身天宮妙境神能遊故
臣等志心歸命禮

道藏輯要

宥罪錫福寶懺

齋

箕集九

太上彌羅無上天妙有玄真境渺渺紫金闕太微玉清宮無極
無上聖廓落發光明寂寂浩無宗玄範總十方湛寂真常道恢
漠大神通玉皇大天尊玄穹高上帝

具錄職臣某領錄奉

大道弟子某等謹謹重誠奏啟

三清三境天尊

昊天玉皇上帝

帝父帝母至聖至真

天地水陽道德眾聖十方應感一切真靈恭望 洪慈洞回淵

鑑臣等伏願

玉帝功德大能救度於眾生凡俗罪愆深敢歸投於洪造既極
稱揚之力復伸懺謝之誠諒沐慈悲特垂赦宥罪福之緣可得
明了障礙之因悉皆斷除保命度災延祥集福在心之願得滿
修真之道可成豈匪因緣實爲慶幸尙賴始終之相佑必令懇
禱之昭通無願不從有求皆應保天長存而昌運再啟致國太
平而凶寇自夷九幽破壞長夜光明五福歛錫兆民歌唱祖宗
昇度眷屬壽康財寶充盈而衣食自然子孫榮貴而吉祥熾盛
善芽增長道果圓成等與羣生普沾聖澤臣與弟子某等下情
無任懇祝之至誠惶誠恐稽首頓首再拜謹言

大哉至道 無宗上眞 上度諸天 下濟幽魂 上無師祖

道藏輯要

宥罪錫福寶懺

卷

真集九

惟道爲身 丹臺紫府 金闕玉京 祕此妙法 溥福含靈
滅我萬罪 增我遐齡 萬神朝禮 魔王保迎 功德昌盛
黃籙書名 渺渺億劫 使我長存

回向

向來禮懺功德無量殊勲謹以歸命

說經教主元始天尊

抱送玉帝靈寶天尊

流演聖教降生天尊

萬天至尊玉皇上帝

光嚴妙樂國王聖父天尊

寶月光皇后聖母元君

經筵啟問無量眞仙

天地水陽一切眾聖恭望

天慈洞同昭鑑以茲功德專爲弟子某等悔過消災延生集慶

伏願凡情通感

上帝矜憐障業斷除冀功成而滿願吉祥駢集獲增福以消災

九祖超昇闔門康泰身心清淨處世昌隆一切有情成无上道

志心稱念

三清應化天尊

玉光普照天尊 无量不可思議功德

道藏輯要

宥罪錫福寶懺

要

卷九

玉皇宥罪錫福寶懺終

玉皇十七慈光燈儀

入壇 淨天地咒

金闕玄穹主 高上玉皇尊 妙相冠諸天 慈光燭三界

真聖妙道師 天人依仗師 大乘垂法語 眞一指迷徒

功德若虛空 讚揚無窮盡

伏以燈然十七依稀開報喜之花光透九重髣髴觀通明之殿
首憑一炷上格叢霄具位臣姓某謹與奉道某暨合壇眾等誠
惶誠恐稽首頓首遙望天階百拜上啟

清微大道元始天尊太上道君靈寶天尊大赤神寶道德天尊
十七慈光穹蒼聖主玉皇大天尊光嚴妙樂國王聖父天尊寶

道藏輯要

十七慈光燈儀

卷

箕集九

月光皇后聖母元君太微妙德宮太聖皇太后禹餘天妙靈無
爲大天帝高虛清明天帝玉虛上帝昊天上帝五老上帝天真
大聖妙行真人靈妃玉女慈悲度厄真人尋聲救苦真人濟生
度死真人萬福護身真人經筵啟問眾眞三界四府六合萬靈
恭望鸞嘯鳳唱下天門之九重龍戲麟盤降人間之五濁傾光
寶焰俯納芹誠有感斯通無任激切眾官再拜

雲輿 上香 獻茶 通意

臣聞瓊胎未判湛然道炁之含洪玉相漸分昭若慈光之燁燦
上照九天則輕清奠位下燭九地則重濁流形三辰以之而發
輝萬彙資之而化育被照燭者有生咸遂蒙輝耀者無幽不開

凡形囿於兩間悉光繫於一朗臣等僭伸素瀆敢讚玉光靈測海以深慚願薦誠而少效恭逢吉旦然點明燈曲垂不宰之仁洞察無私之禱奉道某等獲齒人倫傾心道域感帝光而攝受思功德以薰修憑仗讚揚少伸崇報今則諷經告畢法事將周爰露赤心遙瞻丹陛然十七之慈光燈燈讚詠望億千之儀仗渺渺迂臨伏願凡惻上通天光下燭分輝蓬華祥開如意之光朗耀雲衢恩迓殊常之澤有求斯應無願不從一歸圓滿之中普入光明之內隨燈念善恪意精虔稽首皈依無極大道

信禮無上大羅天十七慈光玉皇天尊

臣眾等志心皈命大神通光玉皇大天尊玄穹高上帝聖父

道藏輯要

十七慈光燈儀

美

箕集九
X X X

天尊聖母元君玉光會中一切諸靈官

伏聞無能聖主總元範於十方恢漠神通現慈光於三界開明眾兆發育羣倫先天地以素存亘古今而不泯增輝造化之眼洞照天人之心大哉靈輝昭然上境奉道某等久蒙慈照深切恩休欲仗讚揚少伸善頌謹遵科法崇建寶燈供養大神通光玉皇大天尊聖父天尊聖母元君玉光會中真靈真宰伏願帝光攝受民欲俯從示大神通覆無私於天下仗慈光力蘇有類於寰中致時雍熙躋民仁壽同誠潔志謹爲稱揚

信禮無上大羅天大神通光玉皇天尊

欽惟玉帝

放神通光

開明三景

普照十方

香嚴示現

聖德昭彰

無倫無等

難度難量

今辰弟子

敝建蘭場

然燈祝讚

上格穹蒼

願垂鑑照

消諸不祥

延生度厄

長享安康

志心皈命

願得安康

臣眾等志心皈命大慈悲光玉皇大天尊聖父天尊聖母元君玉光會上一切神仙諸靈官

臣聞金闕至尊心每懷於惻隱玉皇上帝光示現於慈悲蒙照燭則俱賴於哀憐之中被薰陶則均出於崢嶸之下忠恕無忒寬裕有容欲伸崇報之私當仗讚揚之禮奉道某知恩有素報本無從爰仗黃冠皈依玄象謹依科法崇建寶燈供養大慈悲道藏輯要

十七慈光燈儀

禿

箕集九

光玉皇大天尊聖父天尊聖母元君玉光會中真靈真宰伏願帝心廣運天道好還放慈悲光生意明蘇於宇宙消轉軀休祥臻至於家門罄禮鼎安鴻居奠枕志心稽首同爲讚揚信禮無上大羅天大慈悲光玉皇天尊

欽惟玉帝

光放慈悲

上通乾象

下布坤維

顯幽蒙照

遐邇知皈

蠲消罪苦

蕩滌凶危

今辰弟子

虔告如儀

冀垂省覽

允副禱祈

身受開度

心悟玄微

解除世厄

早證無爲

臣眾等志心皈命大喜捨光玉皇大天尊聖父天尊聖母元君玉光會中一切神仙諸靈官

伏聞庫藏財寶言曩日之博施饑饉癘殘感戴當年之周急
信能喜捨誠非強爲益德蓄於中局故光垂於外境霑慈惠者
不啻河沙之眾沐利益者豈惟草木之羣稱讚難窮皈依莫盡
奉道某等圖形罄極依跡鴻慈茲仗薰修少伸崇奉謹遵科法
崇建寶燈供養大喜捨光玉皇大天尊聖父天尊聖母元君玉
光會中真靈真宰伏願惟皇上帝降衷下民錫羨洪基永置萬
方之康泰流祥善會長臻四序之和平九有騰懽三農告瑞皈
依信禮謹爲宣揚

信禮無上大羅天大喜捨光玉皇天尊

欽惟玉帝 福利無邊 財能喜捨 物被周旋

道藏輯要

十七慈光燈儀

李 箕集九

光輝三界 照耀諸天 博施區宇 拯活黎元

今辰弟子 篤意傾虔 然燈祝讚 保國綿延

願流道炁 俛悟真玄 普受開度 消蕩災愆

一心皈命 願得延年

臣 敢等志心皈命大忍辱光玉皇大天尊聖父天尊聖母元

君玉光會上一切神仙諸靈官

伏聞天道不爭乃常聞於善勝帝德廣運其厚生以惟和益性
稟於慈柔故光垂於忍辱靜而能以制動柔而可以勝剛寬裕
所以有容忍則所以無辱卓哉重量允矣慈心人能克之天則
均也奉道某等賦形下品託跡中區久被蔭休尙稽報效謹遵

科法崇建寶燈供養大忍辱光玉皇大天尊聖父天尊聖母元
君玉光會中眞靈眞宰伏願天心不棄常造有容襟量恢恢俾
福基之廣大慈心切切冀業善以膺高德與日新事隨心契虔
恭稽首謹爲稱揚

信禮無上大羅天大忍辱光玉皇天尊

欽惟玉帝 放忍辱光 慈周塵界 化及遐方

屏強用弱 以柔制剛 大哉洪量 莫可尋詳

今辰弟子 翹首穹蒼 布恩有自 介福無疆

願從吉旦 消弭凶殃 長皈慈覆 永迓休祥

臣眾等志心皈命大平等光玉皇大天尊聖父天尊聖母元

道藏輯要

十七慈光燈儀

空

纂集九
川文

君玉光會上一切神仙諸靈官

臣聞權衡三界位高處於玄穹鑑鏡十方光故垂於平等示天
理本無於分別使人心無有於黨偏得其旨則自無增高損下
之私洞其微則俱入大公至正之道今某思德感恩報償難盡
謹依科法修建寶燈供養大平等光玉皇大天尊聖父天尊聖
母元君玉光會中眞靈眞宰伏願天光下燭帝命誕頒德被生
靈各保命根之固功濟天下俱逢時運之亨同會風雲均霑雨
露志心皈命謹爲稱揚

信禮無上大羅天大平等光玉皇天尊

欽惟玉帝 大平等光 平平蕩蕩 熒熒煌煌

大包天地

細入毫芒

玄穹委貺

法界呈祥

今展弟子

遙仰神鄉

傾誠效信

滌懇穹蒼

冀垂福惠

蠲弭災殃

萬靈薦祉

永保安康

臣眾等志心皈命大柔和光玉皇大天尊聖父天尊聖母元

君玉光會上一切神仙諸靈官

臣聞上帝獨尊因何所以無寡至道無敵惟柔可以勝強向從清靜之法身普現柔和之光相得其芒則圓通溫雅蒙其耀則方寸慈祥炳炳迄今煌煌自古奉道某等得生蒙蔽適性豫遊思立微勳恭酬大德謹遵科法崇建寶燈供養大柔和光玉皇大天尊聖父天尊聖母元君玉光會中真靈真宰伏願天心昭

道藏輯要

十七慈光燈儀

奎

集九

格帝念矜憐需以洪恩普感和平之化惠其嘉澤俱全性命之生覃及顯幽均蒙利樂同誠潔志謹爲宣揚

信禮無上大羅天大柔和光玉皇天尊

欽惟玉帝

光放柔和

開明有類

洞照無何

和安天地

柔攝邪魔

境消疵癘

時殄乖和

今辰弟子

引頸彌羅

冀安境土

永息干戈

曲垂眷顧

息免扎瘡

時清道泰

復見謳歌

臣眾等志心皈命大自在光玉皇大天尊聖父天尊聖母元

君玉光會上一切神仙諸靈官

臣聞帝臨有赫位高拱於通明道本無爲光故彰於自在任去

來之可行可止由清濁之或沉或浮有猷有爲無望無礙達此
機則無施不可明其用則有礙皆通自然而然無在不在奉道
某等爲人不敏荷帝垂休輒演燈儀少伸芹意謹依科式建立
寶燈供養大自在光玉皇天尊聖父天尊聖母元君王玉光會
中眞靈眞宰伏願衍虛無道放自在光保國靈家俾河清而海
晏延齡益算冀物阜以民康目覩昇平身逢泰治志心皈命同
爲讚揚

信禮無上大羅天大自在光玉皇天尊

欽惟玉帝 位極宸樞 去來自在 變化無拘

光華霄漢 炳耀天衢 垂休上境 錫貺綿區

道藏輯要

十七意光燈儀

卷 第九

今辰弟子 誠懼虔摠 上延命駕 俯降塵居

冀覃休祉 屏息災虞 四時和靖 萬咎蠲除

臣 眾等志心皈命大利益光玉皇天尊聖父天尊聖母元
君王玉光會上一切神仙諸靈官

臣 聞三界宗師慈念蒼生而興方便意四生慈父照燭法界而
開利益門祥光放而日月停輪惠力施而津梁彼岸凡在天光
之下均霑潤澤之仁聖德昭彰恩休廣博奉道某叨居聖域久
被帝光非仗然燈曷伸報本謹遵科式崇建寶燈供養大利益
光玉皇天尊聖父天尊聖母元君王玉光會中眞靈眞宰伏願
慈光洞照聖鑑昭垂身度千災富壽永臻於不貳命延百福光

華前偶於泰寧無有後艱聿懷多福皈依信禮謹爲讚揚

信禮無上大羅天大利益光玉皇天尊

欽惟玉帝 浩劫之尊 光垂利益 輝映乾坤

津梁眾兆 濟度羣倫 古今無爽 巨細必均

今辰弟子 翹首通明 然燈念善 薦款投誠

曲垂眷命 錫注年齡 消災度厄 永保無傾

臣眾等志心皈命大如意光玉皇大天尊聖父天尊聖母元君玉光會上一切神仙諸靈官

臣聞昊天不弔由內境之融明上帝是皇蓋中心之洞徹淵鑑播無私之照耀華放如意之光蒙其耀則無願不從被其輝則

道藏輯要

十七慈光燈儀

齋

箕集九
川文一

有求必遂在在悉聞其契意人人俱獲於稱情聖德難窮民心知仰奉道某感承玄化思竭丹誠仰仗微因恭酬洪造謹依科法崇建寶燈供養大如意光玉皇大天尊聖父天尊聖母元君玉光會中眞靈眞宰伏願帝臨有赫天聽不遺善果圓成謀如心事如意靈苗不壞耆而艾壽而昌嘉與鷗盟樂依鴻覆皈依信禮謹爲讚揚

信禮無上大羅天大如意光玉皇天尊

欽惟玉帝 體道鴻濛 先天先地 無始無終

光放如意 位極高穹 有求斯應 無願不從

今辰弟子 遙想玉宮 然燈供養 憑懇虔恭

冀垂昭鑑

俯察卑悰

延年益算

消蕩災凶

臣眾等志心皈命大智慧光玉皇大天尊聖父天尊聖母元君玉光會上一切神仙諸靈官

臣聞智察幽微明若孔昭於天鑑慧通玄妙誠何簡在於帝心智慧光照於遐方惠力輝華於塵界悟真微則性天昭徹得其理則心地融明愚可成賢頑亦奉化弟子某範圍均囿臨照普叨欲效皈崇當憑讚詠謹遵科式崇建寶燈供養大智慧光玉皇大天尊聖父天尊聖母元君玉光會中真靈真宰伏願帝光洞燭天鑒昭融咸履乾坤各遂生生之正性常蒙豐裕俱明變化之本元四序和平三災不染齊心運念謹爲宣揚

道藏輯要

十七慈光燈儀

奎

卷九
八百七十一

信禮無上大羅天大智慧光玉皇天尊

欽惟玉帝

智慧圓通

光施寰宇

位處玄穹

功成不宰

道價彌隆

洞察幽隱

昭鑑顓蒙

今辰弟子

醺告虔恭

諒垂佑下

允納凡衷

三辰吐瑞

九有和同

永保元吉

長謝年豐

臣眾等志心皈命大吉祥光玉皇大天尊聖父天尊聖母元君玉光會上一切神仙諸靈官

臣聞皇天眷佑惠迪吉放大光明惟帝念功善降祥現希有相寶焰燦乾坤之眼昏昏可使昭昭玉光鑒天地之心洞洞愈加屬屬有類悉蒙於慈照無時不迓於休祥化化生生仁仁壽壽

奉道某心存妙道志切皈依罄露丹衷上希玄鑒謹遵科法崇
建寶燈供養大吉祥光玉皇大天尊聖父天尊聖母元君真靈
眞宰伏願天光照晏地紀安閑和氣致祥每遇亨榮之會慈風
及物時消疫癘之災富壽康寧生成長養同誠潔志謹爲宣揚
信禮無上大羅天大吉祥光玉皇天尊

欽惟玉帝 應化法身 吉祥光照 乖戾水清

天無氛穢 地絕妖塵 八遐瑞靄 九有祥迎

今辰弟子 樂道思眞 燈然寶炷 齋潔芹誠

冀垂昭佑 保庇康寧 元辰共護 聖眼同明

臣 眾等志心皈命大解脫光玉皇大天尊聖父天尊聖母元

道藏輯要

十七慈光燈儀

卷九
第八十文

君玉光會上一切神仙諸靈官

臣聞清淨解脫光示現於一眞聖智圓通道總包於四大尊臨
三界統御萬靈微芒解眾苦之自纏靈耀釋羣迷之自縛天光
遠燭聖澤遐霑凡與物靈俱蒙慈照今辰某陶形大化稟命上
玄返念皈眞酬恩報德謹遵科法崇建寶燈供養大解脫光玉
皇大天尊聖父天尊聖母元君玉光會中眞靈眞宰伏願天心
克享帝念允俞日益殊祥育黎元而有永雲加巨庇保善信以
無虞永洽太和潛消疵癘志心稽首同爲讚揚

信禮無上大羅天大解脫光玉皇天尊

欽惟玉帝 解脫光明 輝華玉宇 照耀金庭

幽明仰賴 今古攸遵 有生咸遂 無願不成

今辰弟子 好道求靈 經披本行 燈供仙真

勤拳求度 激切傾誠 冀消災戾 元亨利貞

臣 眾等志心皈依大皈依光玉皇大天尊聖父天尊聖母元
君玉光會上一切神仙諸靈官

臣 聞歸心道域三千餘劫之修行依跡玄門十七慈光之普照
善心存於接引故光現於皈依悟之者歸入有門解之者依求
得路玄玄妙旨燦燦慈光聖德昭彰靈機莫議奉道某感恩有
日念道無時敬竭寸丹上崇圓碧謹遵科法崇建寶燈供養大
皈依光玉皇大天尊聖父天尊聖母元君玉光會中真靈真宰

道藏輯要

十七慈光燈儀

卷

箕集九

伏願不言善應有感斯通帝德光天撫五辰而效順道風遐扇
育萬物以皆昌解散苦根消平劫難皈依信禮謹爲宣揚
信禮無上大羅天大皈依光玉皇天尊

欽惟玉帝 昔在清微 心存接引 光放皈依

洞明眾妙 開悟羣迷 凡屬有類 俱契無爲

今辰弟子 遙仰丹墀 燈光照耀 善信蒙禱

五星循軌 炳耀揚輝 萬民康樂 百祿攸宜

臣 眾等志心皈依大皈依光玉皇大天尊聖父天尊聖母元
君玉光會中一切神仙諸靈官

臣 聞忘功有功天功不宰上德不德帝德罔愆運仁慈惻隱之

心現功德光明之相成天立地陶古鑄今九有騰輝無一夫不被其澤萬方遐燦凡三界均沐其休物物生全人人離苦奉道某草茅質弱雨露恩深庸假熏修聊申報效謹依科法崇建寶燈供養大功德光玉皇大天尊聖父天尊聖母元君玉光會中真靈真宰伏願舉六通力放百億光天道高明遂羣生之長養帝恩遐邇樂四序以和平時診頓消宿殃清蕩虔恭稽首謹爲宣揚

信禮無上大羅天大功德光玉皇天尊

欽惟玉帝

粵自先天

積功累德

體道凝玄

光騰三界

化洽八埏

幽明仰賴

今古攸傳

道藏輯要

十七慈光燈儀

突

真集九

今辰弟子

一心精專

想瞻天極

燈建法筵

願流道炁

敷澤民編

永消災癘

常保豐年

臣眾等志心皈命大圓滿光玉皇大天尊聖父天尊聖母元君玉光會上一切神仙諸靈官

臣聞妙相冠諸天圓滿具足慈光燭三界克備無虧玉毫放自於太微金色遍周於大有沐照燭則道心增長被輝耀則天理流行圓融萬物而無黨無偏滿慰羣心而有始有卒奉道某受中爲命最下其人潔其己而瞻天傾其心而事帝謹遵科法崇建寶燈供養大圓滿光玉皇大天尊聖父天尊聖母元君玉光會中真靈真宰伏願現圓滿相放大光明拯護羣倫錫恩休而

不宰銓量品彙善惡以無私綿絡生根消穢劫運齊心運念
謹爲聲揚

信禮無上大羅天大圓滿光玉皇天尊

欽惟玉帝 昔在玄穹 功圓行滿 道備德充

慈光普照 惠澤旁通 熏陶天下 宰制寰中

今辰弟子 疏瀹心胸 存瞻丹陛 崇報玄功

天心昭感 民欲俯從 時清道泰 歲稔年豐

一誠專志 願得長生

臣眾等志心皈命大無礙光玉皇大天尊聖父天尊聖母元
君玉光會中一切神仙諸靈官

道藏輯要

十七慈光燈儀

完

箕集九
川上文

臣聞神機莫測有物必能有形光相自然無爲所以無礙玉輝
流而無往不照金色現而有類咸亨開明眾妄之心昭示羣迷
之徑解之者去來無間悟之者變化自然以有漏身成無上道
奉道某勤心事帝志意瞻天猿馬常羈豺獾效薦謹遵科法崇
點寶燈供養大無礙光玉皇大天尊聖父天尊聖母元君玉光
會中眞靈眞宰伏願現有爲相放無礙光道猶日中俾乾行之
有慶德周天下庶坤載之常寧永戴玄恩長蒙慈惠同誠潔志
謹爲聲揚

信禮無上大羅天大無礙光玉皇天尊

欽惟玉帝 道體自然 至慈至聖 先地先天

潛心玉闕

作世福田

光騰無礙

澤施有緣

今辰弟子

感戴上玄

燈輝鶴焰

香散龍煙

上所冲鑑

介福無邊

延生度厄

消蕩延邇

臣

眾等志心皈命無能勝光玉皇大天尊聖父天尊聖母元

君玉光會上一切神仙諸靈官

臣

聞天生神物物有定名帝運慈光光無能勝益妙用本從於

柔弱故神通莫可以度量大哉難思昭然示現達此理則寡可
敵眾喻此機則弱能勝強在物在人亘古亘今奉道某欽崇

聖化願破真風爰啟華壇茲揚妙範謹依科式崇建寶燈供養

無能勝光玉皇大天尊聖父天尊聖母元君玉光會中真靈真

道藏輯要

十七慈光燈儀

字

箕集九

宰伏願光無能勝惠有常施早迓鼎恩沐亨衢之高步旋逢泰

治弘壽域以咸躋尊及有生均膺嘉靖歸依信禮謹爲宣揚

信禮無上大羅天無能勝光玉皇天尊

欽惟玉帝

以道爲心

光無能勝

澤有殊稱

胚輝天地

涵蓄古今

無聲無臭

有本有根

今辰弟子

思報玄恩

燈冠敝建

儀範昭欽

曲垂鑒映

采錄凡忱

三災電掃

五福膺臻

舉至誠何以祝家國永安靈

眾誦

大哉至道

無宗上真

上覆諸天

下濟幽魂

上無師祖

惟道爲身

丹臺紫府

金闕玉京

祕此妙法

普福含靈

滅我萬罪

增我遐齡

萬神朝禮

魔王保迎

功德昌盛

黃籙書名

渺渺億劫

使我長存

無上玉皇心印經

上藥三品

神與氣精

恍恍惚惚

杳杳冥冥

存無守有

頃刻而成

回風混合

百日功成

默朝上帝

一紀飛昇

知者易悟

昧者難行

履踐天光

呼吸育清

出入玄牝

若亡若存

綿綿不絕

固蒂深根

人各有精

精極成神

道藏輯要

十七慈光燈儀

主

箕集九

神各有氣

氣合體真

不得其真

皆是強名

神能入石

神能飛形

入水不溺

入火不焚

神依形生

精依氣盈

不凋不殘

松柏青青

三品一理

妙不可聽

其聚則有

其散則零

七竅相通

竅竅光明

聖日聖月

照耀金庭

一得永得

自然身輕

太和冲溢

骨化寒瓊

得丹則靈

不得則傾

丹在身中

非白非青

誦之萬遍

妙理自明

次誦寶號 宣疏

向來關祝十七慈光寶燈功德並以周圍伏以道假人弘是敢

因經而演教人能弘道必先演教以談經經闕本行之章燈演
慈光之法庶知斯道弘闡在人_臣等幸以宿緣叨蒙慈照對十
七寶燈而讚詠瞻上帝之化身俾百千品彙之含靈沐高穹之
惠澤稽首皈依無極大道稱念慈光朗照天尊不可思議功德

道藏輯要

十七慈光燈儀

圭

集九

玉皇十七慈光燈儀